

愛如生數字古籍

 愛如生

www.er07.com

禮記

[漢]鄭玄注 宋淳熙四年撫州公使庫刻本





劉氏別錄
屬制度

禮之本

禮記卷第一



曲禮上第一

禮記

鄭氏注



曲禮曰毋不敬

禮主敬

儼若思

儼矜莊貌人之坐思貌必儼然

安定

辭

審言語也易曰言語者君子之樞機

安民哉

此上三句可以安民說曲禮者美之云耳

教不

可長欲不可從志不可滿樂不可極

四者慢遊之道

桀紂所以自禍

賢者狎而敬之

狎習也近也謂附而近之習其所行也月令曰雖有貴戚近習

畏而愛之

心服曰畏曾子曰吾先子之所畏

愛而知其惡憎而

知其善

謂凡與人交不可以己心之愛憎誣人之善惡

積而能散

謂己有蓄積見貧窮

者則當能散以賙救之若宋樂氏

安安而能遷

謂己今安此之安圖後有害則當能遷晉舅犯

與姜氏醉重耳而行近之

臨財毋苟得

為傷廉也

臨難毋苟免

為傷

義很毋求勝分毋求多為傷平也很闕也謂爭訟也詩云兄弟闕於牆

疑事毋質質成也彼己俱疑而已直而勿有直正也

若不疑則當稱師友而正之謙也若夫言若欲為丈夫也春秋傳曰是謂我非夫坐如尸貌

正立如齊磬且聽也齊謂祭祀時禮從宜事不可常也晉士句帥師侵齊聞齊侯卒

乃還春秋善之使從俗亦事不可常也牲幣之屬則當從俗所出禮器曰天不生地不養君子不以為禮鬼神不

夫禮者所以定親疏決嫌疑別同異明

是非也禮不妄說人為近佞媚也君子說之不以其道則不說也不辭

費為傷信君子先行其言而後從之禮不踰節不侵侮不好狎

為傷敬也人則習近為好狎脩身踐言謂之善行踐履也言履而行之

行脩言道禮之質也言道言合於道質猶本也禮為之文飾耳禮

文曰取於人
是有朋自遠
方來童蒙求
我取人是好
為人師我求
童蒙

人異於禽獸
者以禮

聞取於人不聞取人

謂君人者取於人謂高尚禮其道取人謂制服其身

聞來學不聞往教

尊道

道德仁義非禮不

成教訓正俗非禮不備分爭辨訟非禮不

決君臣上下父子兄弟非禮不定官學事

師非禮不親班朝治軍涖官行法非禮威

嚴不行禱祠祭祀供給鬼神非禮不誠不

莊

分辨皆別也官仕也班次也涖臨也莊敬也學或為御

是以君子恭敬撙節

退讓以明禮

撙猶趨也

鸚鵡能言不離飛鳥猩

猩能言不離禽獸今人而無禮雖能言不

亦禽獸之心乎夫唯禽獸無禮故父子聚

交際之禮

麀聚猶共也是故聖人作為禮以教人使人

以有禮知自別於禽獸天上貴德天上帝皇之世其民施而

不惟其次務施報三王之世禮尚往來往而不

來非禮也來而不往亦非禮也人有禮則

安無禮則危故曰禮者不可不學也天禮

者自卑而尊人雖負販者必有尊也而況

富貴乎負販者尤輕佻志利宜若無禮然富貴而知好禮則不

驕不淫貧賤而知好禮則志不懼懾猶人生

十年曰幼學名曰幼時始可學也內則曰十二十曰

弱冠三十曰壯有室有室有妻也妻稱室四十曰強而

年德之節

通漸小學

礼少儀

陸司農白文

是之

仕五十曰艾服官政

艾老也

六十曰耆指使

指使

使人也六十不與服戎不親學

七十曰老而傳

傳家事任子孫是謂宗子之父

八十

九十曰耄

耄憊忘也春秋傳曰謂老將知耄又及之

七年白悼

悼憐也

悼

與老雖有罪不加刑焉

愛幼而尊老

百年白期頤

期猶

要也頤養也不知衣服食味孝子要盡養道而已

大夫七十而致事

致其所掌之事於君

而告若不得謝

謝猶聽也君必有命勞苦辭謝之其有德尚壯則不聽耳

則必賜

之几杖行役以婦人適四方乘安車自稱

曰老夫

几杖婦人安車所以養其身體也安車坐乘若今小車也老夫老人稱也亦明君貧賢春秋傳曰老

夫老矣

於其國則稱名

君雖尊異之自稱猶若臣

越國而問焉

必告之以其制

鄰國來問必問於老者以答之制法度

謀於長者

必操几杖以從之

從猶就也

長者問不辭讓而對

非禮也

當謝不敏若曾子之為

凡為人子之禮冬溫而夏

清昏定而晨省

安定其牀社也省問其安否何如

在醜夷不爭

醜衆也夷猶儕也四皓曰陛下之等夷

夫為人子者三賜不及車馬

三賜三命也凡仕者一命而受爵再命而受衣服三命而受車馬車馬而身所以尊者備矣卿大夫士之子不受不敢以成尊

比踰於父天子諸侯之子不受自卑遠於君

故州閭鄉黨稱其孝也兄

弟親戚稱其慈也僚友稱其弟也執友稱

其仁也交遊稱其信也

不敢受重賜者心也如此而五者備有焉周禮二十五家

為閭四閭為族五族為黨五黨為州五州為鄉僚友官同者執友志同者

見父之執不謂

之進不敢進不謂之退不敢退不問不敢

對敬父同志如事父此孝子之行也夫為人子者出

必告反必面告面同耳反言面者從外來宜知親之顏色安否所遊必有

常所習必有業緣親之意欲知之恒言不稱老敬廣年長

以倍則父事之謂年二十於四十者人年二十弱冠成人有為人父之端今四十於二十者有

子道內則曰年二十悌行孝弟十年以長則兄事之五年以長

則肩隨之肩隨者與之並行差退羣居五人則長者必

異席席以四人為節因宜有所尊為人子者居不主奧坐不

中席行不中道立不中門謂與父同宮者也不敢當其尊處室中西南隅

謂之奧道有左右中門謂棖闌之中食饗不為槩槩量也

制待賓客饌具之所有祭祀不為尸尊者之處為其失子道然則尸卜筮無父者聽於

無聲視於無形恒若親之將有教使然不登高不臨深不

苟訾不苟笑為其近危辱也人之性不欲見笑君子樂然後笑孝子不

服闇不登危懼辱親也服事也闇冥也不於闇冥之中從事為卒有非常且

嫌失禮也男女夜行以燭父母存不許友以死為忘親也死為報仇讎不

有私財為人子者父母存冠衣不純素為其

有喪象也純緣也玉藻曰縞冠玄武子姓之冠也孤子當

室冠衣不純采早喪親雖除喪不忘哀也謂年未三十者三十壯有室有代親之端不為

孤也當室適子也深衣曰孤子衣純以素幼子常視毋誑視今之示字小未有所知常示

以正物以正教之無誑欺童子不衣裘裳裘大溫消陰氣使不堪苦不衣裘裳便易立

必正方不傾聽習其自端正長者與之提攜則兩

少儀

事長之禮

游謁之禮

入戶之儀

手奉長者之手。習其扶持尊者負劒辟咤詔之。

負謂置之於背劒謂挾之於旁辟咤詔之謂傾頭與語口旁曰咤則掩口而對。習其鄉尊者屏氣也

從於先生不越路而與人言。尊不二也先生遭

先生於道趨而進正立拱手。為有教使先生與之

言則對不與之言則趨而退。為其不欲與己並行從長

者而上丘陵則必鄉長者所視。為遠視不察有所問登

城不指城上不呼。為惑人將適舍求毋固。謂行而就人館

固猶常也求主人物不可以舊常或時乏無將上堂聲必

揚。警言內人也戶外有二屨言聞則入言不聞則

不入將入戶視必下入戶奉扃視瞻毋回

六三十三小三十一 禮記 卷一 周辛

入大門至寢門之儀

入門之儀

不干掩人之私也奉高敬也

戶開亦開戶闔亦闔

不以後來變先

有後

入者闔而勿遂

示不拒人

毋踐履毋踏席摳衣趨

隅必慎唯諾

趨隅升席必由下也慎唯諾者不先舉見問乃應

大夫士出

入君門由闌右

臣統於君闌門楹

不踐闕

闕門限也

凡與客

入者每門讓於客

下賓也敵者迎於大門外聘禮曰君迎賓於大門內

客至

於寢門則主人請入為席

為猶敷也雖君亦然

然後出

迎客客固辭

又讓先入

主人肅客而入

肅進也進客謂道之

王

人入門而右客入門而左

右就其右左就其左

主人就

東階客就西階客若降等則就主人之階

降下也謂大夫於君士於大夫也不敢輒由其階卑統於尊不敢自專

主人固辭然後客

復就西階

正復其

主人與客讓登主人先登客

從之拾級聚足

拾當為涉聲之誤也級等也涉等聚足謂前足躡一等後足從之併

連

步以上

重蹠跌也連步謂足相隨不相過也

上於東階則先右足

上於西階則先左足

近於相鄉敬

帷薄之外不趨

不見尊者行自由不為容也入則容行而張足曰趨

堂上不趨

為其迫也

執玉

不趨

志重玉也聘禮曰上介授賓玉於廟門外

堂上接武

武迹也迹相接謂每移足半躡之中

人之迹尺二寸

堂下布武

武謂每移足各自成迹不相躡

室中不翔

又為其迫也行

而張拱曰翔

並坐不橫肱

為害

授立不跪授坐不立

為煩尊者俛仰受之

凡為長者糞之禮必加帚於箕上

如是得兩手奉箕恭也謂初執而往時也弟子職曰執箕膺搗厥中有帚以袂拘而退其塵

不及長者

謂歸時也。以使擁帚之前歸而卻行之。

以箕自鄉而扱之

扱讀曰吸。謂收糞時也。箕去弃物以鄉尊者則不恭。

奉席如橋衡

橫奉之。令左昂右低。如有首尾。

然橋井上。擗棹衡上。低昂。

請席何鄉。請衽何趾。

順尊者所安也。衽卧席也。坐問鄉卧。

問趾因於陰陽。

席南鄉。北鄉以西方為上。東鄉西鄉

以南方為上。

布席無常。此其順之也。上謂席端也。坐在陽則上左。坐在陰則上右。

若非

飲食之客。則布席。席間函丈。

謂講問之客也。函猶容也。講問宜相

對容丈。足以拍畫也。飲食之客。布席於牖前丈。或為杖。

主人跪正席。

雖來講問。猶以客禮待之。異於

子弟客跪撫席而辭。

撫之者。答主人之親正。

客徹重席。主人

固辭。

徹去也。去重席。謙也。再辭曰固。

客踐席乃坐。

客安主人乃敢安也。講問宜坐。

人不問。客不先舉。

客自外來。宜問其安否。無恙及所為來故。

將即席。

僂倉鑒切
僂雜也唐書
僂路音同

侍坐之儀

容母忤

忤謂顏色變也

兩手摳衣去齊尺

齊謂裳下緝也

衣母

撥

撥發揚貌

足母蹶

蹶行遽貌

先生書策琴瑟在前坐而

遷之戒勿越

廣敬也在前謂當行之前

虛坐盡後

謙也

食坐盡

前

為汙席

坐必安執爾顏

執猶守也

長者不及母僂

言

僂猶暫也非類雜

正爾容聽必恭

聽先生之言既說又敬

毋勦說

勦猶擘也謂取人之說以為己說

毋雷同

雷之發聲物無不同時應者人之言當各由己不當然也孟子

曰人無是非之心非人也

必則古昔稱先王

言必有依據

侍坐於先

生先生問焉終則對

不敢錯亂尊者之言

請業則起請

益則起

尊師重道也起若今摳衣前請也業謂篇卷也益謂受說不了欲師更明說之子路問政子曰先之

勞之請益曰無倦

父召無諾先生召無諾唯而起

應辭唯恭

於侍坐於所尊敬母餘席必盡其所近尊者見

同等不起不為私敬燭至起異晝夜食至起為饌變上客

起敬尊者燭不見跋跋本也燭盡則去之嫌若燼多有厭倦尊客之前

不叱狗主人於尊客之前不敢倦嫌若風去之讓食不唾嫌有穢惡侍坐

於君子君子欠伸撰杖屨視日蚤莫侍坐

者請出矣以君子有倦意也撰猶持也侍坐於君子君子問

更端則起而對離席對敬異事也君子必令復坐侍坐於君子

若有告者曰少閒願有復也則左右屏而

待復白也言欲須少空間有母側聽嫌探人之私也側聽耳屬於垣母噉

應母淫視母怠荒遊母倨立母跛坐母箕

屨儀

進退之儀

男女之儀

寢母伏斂髮母髦冠母免勞母袒暑母褰

裳

皆為其不敬噉號呼之聲也淫視睇盼也怠荒放散身體也跛偏任也伏覆也髦髮也母垂餘如髮也免去也褰祛

也髦或為肄

待坐於長者屨不上於堂

屨賤空則不陳於尊者之側

解屨不敢當階

為妨後升者

就屨跪而舉之屏

於側

謂獨退也就猶著也屏亦不當階

鄉長者而屨跪而遷屨

俯而納屨

謂長者送之也不得屏遷之而巳俯俛也納內也遷或為還

離坐離

立母往參焉離立者不出中閒

為干人私也離兩也

男

女不雜坐不同梳栢不同巾櫛不親授嫂

叔不通問諸母不漱裳外言不入於梱內

言不出於梱女子許嫁纓非有大故不入

其門姑姊妹女子子已嫁而反兄弟弗與

同席而坐弗與同器而食皆為重別防淫亂不雜坐謂男子在堂女子在

房也梳可以栉衣者通問謂相稱謝也諸母庶母也漱澣也庶母賤可使漱衣不可使漱裳裳賤尊之者亦所以遠別外言內

言男女之職也不出入者不以相問也梱門限也女子許嫁繫纓有從人之端也大故宮中有災變若疾病乃後入也女子有

宮者亦謂由命士以上也春秋傳曰羣公子之舍則已卑矣女子十年而不出嫁及成人可以出矣猶不與男子共席而坐亦

遠別也父子不同席異尊卑也男女非有行媒不相

知名見媒往來傳昏姻之言乃相知姓名非受幣不交不親重別有禮乃相

經故日月以告君周禮凡取判妻入子者媒氏書之以告君謂此也齊戒

以告鬼神昏禮凡受女之禮皆於廟為神席以告鬼神謂此也為酒食以召

鄉黨僚友會賓客也以厚其別也慎重也取妻不取

名字

同姓故買妾不知其姓則卜之

為其近禽獸也妾賤或時非賤

取之於賤者世無本繫

寡婦之子非有見焉弗與為友

辟嫌也有見謂有奇才卓然衆人所知

賀取妻者曰某子使某聞

子有客使某羞

謂不在賓客之中使人往者羞進也言進於客古者謂候為進其禮蓋壺

酒束脩若犬也不斥主人昏禮不賀

貧者不以貨財為禮老者不

以筋力為禮

禮許儉不非無也年五十始杖八十拜君命一坐再至

名子者不

以國不以日月不以隱疾不以山川

此在常語之中為後

難諱也春秋傳曰名終將諱之隱疾衣中之疾也謂若黑鬲黑肱矣疾在外者雖不得言尚可指擿此則無時可辟俗語云隱疾難為醫

男女異長

各自為伯季也

男子二十冠而字

成人矣敬

其父前子名君前臣名

對至尊無大小皆相名

女子許嫁

賓客飲食之禮

筭而字

以許嫁為成人

凡進食之禮左穀右載食居

人之左羹居人之右

皆便食也穀骨體也載切肉也食飯屬也居人左右明其近也

穀在俎載在豆

膾炙麇外醯醬麇內

穀載之外內也近醯醬者食之主膾炙皆在豆

葱渫麇末

渫蒸葱也麇醯醬之左言末者殊加也渫在豆

酒漿麇右

麇羹之右

此言若酒若漿耳兩有之則左酒右漿此大夫士與賓客燕食之禮其禮食則宜放公食大夫禮云

以脯脩置

者左胸右末

亦便食也屈中曰胸

客若降等執食興辭

辭者辭主人之臨己食若欲食於堂下然

主人興辭於客然後客坐

復坐

主人延客祭

延道也祭祭先也君子有事不忘本也客不降等則先祭

祭食

祭所先進

主人所先進先祭之所後進後祭之如其次

穀之序徧祭

之

謂載炙膾也以其本出於牲體也公食大夫禮魚腊湑醬不祭也

三飯主人延客

食哉然後

辯殺

先食哉後食殺殺尊也凡食殺辯於有食有則飽也

主人未

辯客不虛口

俟主人也虛口謂酌也客自敵以上其酌不待主人飽主人不先飽也

侍食

於長者主人親饋則拜而食

勸長者食耳雖賤不得執食與辭拜

而已示敬也

主人不親饋則不拜而食

以其禮於己不隆

共食

不飽

謙也謂共羹飯之大器也

共飯不澤手

為汗生不絜也澤謂接莎也禮飯以手澤

或為擇

毋搏飯

為欲致飽不謙

毋放飯

去手餘飯於器中人所穢

毋流歃

大歃嫌欲疾

毋咤食

嫌薄之

毋齧骨

為有聲響不敬

毋反魚肉

為已歷口人所穢

毋投與狗骨

為其賤飲食之物

毋固獲

為其不廉也欲

專之曰固爭取曰獲

毋揚飯飯黍毋以箸毋嚔羹

亦嫌欲疾也嚔

為不嚼菜

毋絮羹

為其詳於味也絮猶調也

毋刺齒

為其弄口也口容止

毋歃

醢亦嫌詳於味也客絮羹主人辭不能享客

歠醢主人辭以窶優賓濡肉齒決決猶斷也乾肉

不齒決堅宜用手毋啜炙為其貪食甚也啜謂一舉盡

卒食客客自前跪徹飯齊以授相者謙也自從也齊醬屬

也相者主人贊饌者公食大夫禮主人興辭於客然

賓卒食北面取梁與醬以降也

後客坐不聽親徹侍飲於長者酒進則起拜受

於尊所降席拜受敬也燕飲之禮鄉尊長者辭少者反席而

飲長者舉未醕少者不敢飲不敢先尊者盡爵曰醕燕禮曰公卒

爵而後飲也長者賜少者賤者不敢辭不敢亢禮也賤者僮僕之屬賜果於君前其有核者懷其核嫌弃尊者物也木實曰果御

餽餘之物不以祭父不以是祭子夫不以是祭妻
偶坐盛饌不為己

食於君君賜餘器之漑者不寫其餘皆寫

重汙辱君之器也漑謂陶梓之器不漑謂荇竹之器也寫者傳已器中乃食之也勸侑曰御餽餘不祭

父不祭子夫不祭妻食人之餘曰餽餽而不祭唯此類也食尊者之餘則祭盛之

御同於長者雖貳不辭謂侍食於長者饌具與之同也貳謂重殺膳也辭之

為長者嫌偶坐不辭盛饌不為己羹之有菜者用挾其

無菜者不用挾挾猶箸也今人或謂箸為挾提為天子削瓜者

副之巾以絺副析也既削又四析之乃橫斷之而巾覆焉為國君者華

之巾以綌華中裂之乃橫斷之為大夫累之累累也謂不巾覆也士

憲之不中裂橫斷去憲而已庶人齟之不橫斷父母有疾冠

者不擲行不翔憂不為容也言不惰憂不在私好琴瑟不

御憂不在樂食肉不至變味飲酒不至變貌憂不在味

笑不至矧怒不至詈憂在心難變也齒本曰矧大笑則見疾止復

故自若常也有憂者側席而坐側猶特也憂不在接人不布他面席有喪

者專席而坐降居處也專猶單也水潦降不獻魚鼈不饒多也

獻鳥者佛其首為其喙害人也佛戾也蓋為小竹籠以冒之畜鳥者則

勿佛也畜養也養則馴獻車馬者執策綏獻甲者執

冑獻杖者執末獻民虜者操右袂獻粟者

執右契獻米者操量鼓獻熟食者操醬齊

獻田宅者操書致凡操執者謂手所舉以告者也設其大者舉其小者便也甲鎧也冑

兜鍪也民虜軍所獲也操其右袂制之契券要也右為尊量鼓量器名凡遺人弓者張弓

尚筋弛弓尚角弓有往來體皆欲令其下曲隤然順也

之右手執簫左手承弣簫弣頭也謂之簫尊卑垂

悅悅佩巾也磬折則佩垂授受之儀尊卑一若主人拜拜受則客還辟辟

拜辟拜謙不敢當主人自受由客之左接下承弣由從

客之左右客尊之接下接客手下也承弣卻手則簫覆手與鄉與客並然後受於

上則俱南面進劒者左首左首進戈者前其鐔堂

後其刃進矛戟者前其鏃後刃敬也三兵鐔鏃雖在下猶為首銳底曰鐔

取其鐔地平底進几杖者拂之尊者所馮依拂去塵敬效馬效

羊者右牽之用右手便效猶呈見效犬者左牽之犬齧齧人右手當禁

之執禽者左首左首飾羔鴈者以績績畫也諸侯大夫以

正司二十五

使禮

禮之本
廣博
文高
識

布天子大受珠王者以掬慎也掬受弓劍者以袂

也敬飲玉爵者弗揮為其寶凡以弓劍苞苴簞

筭問人者問猶遺也苞苴裹魚肉或以葦或以茅簞筭盛飯食者圓曰簞方曰筭操以受

命如使之容謂使凡為君使者已受命君言

不宿於家急君使也言謂有故所問也聘君言至則

主人出拜君言之辱使者歸則必拜送于

門外敬君命也此謂國若使人於君所則必朝

服而命之使者反則必下堂而受命此旨有

於其博聞強識而讓敦善行而不怠謂之君

子敦君子不盡人之歡不竭人之忠以全

尸尸必以祭孫
初則使人抱之

齊

居喪之禮

交也

歡謂飲食忠
謂衣服之物

禮曰君子抱孫不抱子此言

孫可以為王父尸子不可以為父尸

以孫與
祖昭穆

同

為君尸者大夫士見之則下之君知所

以為尸者則自下之

尊尸也下下車也國君或時幼
少不能盡識羣臣有以告者乃

之下尸必式

禮

乘必以几

尊者
慎也

齊者不樂不弔

為哀樂則失
正散其思也

居喪之禮毀瘠不形視聽不衰

為其廢喪事
形謂骨見

升降不由阼階出入不當門隧

常若親存
隧道也

居喪之禮頭有創則沐身有瘍則

浴有疾則飲酒食肉疾止復初不勝喪乃

比於不慈不孝

勝任也

五十不致毀六十不毀

因居喪及吊禮

因吊贈及遺饋

七十唯衰麻在身飲酒食肉處於內

所以養衰老人

五十始衰也

生與來日死與往日

與猶數也生數來日謂成服杖以死明日數也

死數往日謂殯斂以死日數也此士禮貶於大夫者大夫以上皆以來日數士喪禮曰死日而襲厥明而小斂又厥明大斂而殯則死三日而更言三日成服杖似異日矣喪大記曰士之喪二日而殯三日之朝主人杖二者相推其然明矣與或為予

知生者弔知死者傷知生而不知死弔而

不傷知死而不知生傷而不弔

人恩各施於所知也弔傷皆謂

致命辭也雜記曰諸侯使人弔辭曰寡君聞君之喪寡君使其某如何不淑此施於生者傷辭未聞也說者有弔辭云皇天降災

子遭罹之如何不淑此施於死者蓋本傷辭辭畢退皆哭

弔喪弗能賻不問其所

費問疾弗能遺不問其所欲見人弗能館

不問其所舍賜人者不曰來取與人者不

相助詩之聲如
誦歌以志
勞也

在車之容

問其所欲

皆謂傷恩也見人見行人館舍也與人不問其所欲已物或時非其所欲將不與也適

墓不登壟

為其不敬壟冢也墓塋域

助葬必執紼

葬喪之大事紼引車索

臨喪不笑

臨喪宜有哀色

揖人必違其位

禮以變為敬

望柩

不歌入臨不翔

哀傷之無容樂

當食不歎

食或以樂非歎所

鄰

有喪春不相里有殯不巷歌

助哀也相謂送杵聲

適墓

不歌

非樂所

哭日不歌

哀未志也

送喪不由徑送葬不

辟塗潦

所哀在此

臨喪則必有哀色執紼不笑臨

樂不歎介冑則有不可犯之色

貌與事宜相配介甲也

故

君子戒慎不失色於人

色厲而內在貌恭心很非情者也

國君撫

式大夫下之大夫撫式士下之

撫猶據也據式小僥崇敬也乘車必

正禮不下庶人為其遽於事刑不上大夫不與賢者犯法

其犯法則在八議刑人不在君側為怨恨為害也春秋傳曰近刑人則輕死之道

兵車不式尚威武武車綏旌盡飾也綏謂垂舒德

車結旌不盡飾也結謂收斂之也德車乘車史載筆士載言謂從於會同各

持其職以待事也筆謂書具前有水則載青旌前

有塵埃則載鳴鳶前有車騎則載飛鴻前

有士師則載虎皮前有摯獸則載貔貅謂載

舉於旌首以警眾也禮君行師從卿行旅從前驅舉此則士眾知所有所舉各以其類象青青雀水鳥鳶鳴則將風鴻取飛有

行列也士師謂兵眾虎取其有威勇也貔行前朱鳥亦摯獸也書曰如虎如貔士或為仕而

後玄武左青龍而右白虎招搖在上急繕

其怒

以此四獸為軍陳象天也急猶堅也繡讀曰勁又畫招搖星於旌旗上以起居堅勁軍之威怒象天帝也招搖

星在北斗杓端主指者

進退有度

度謂伐與步數

左右有局各司其

局

局部也分也

父之讎弗與共戴天

父者子之天殺己之天與共戴天非孝子

也行求殺之乃止

兄弟之讎不反兵

恒執殺之備

交遊之讎

不同國

讎不吾辟則殺之交遊或為朋友

四郊多壘此卿大夫之

辱也

辱其謀人之國不能安也壘軍壁也數見侵伐則多壘

地廣大荒而不治

此亦士之辱也

辱其親民不能安荒穢也

臨祭不惰

為無神也

祭

服敝則焚之祭器敝則埋之龜策敝則埋

之牲死則埋之

此皆不欲人褻之也焚之必已不用埋之不知鬼神之所為

凡祭

於公者必自徹其俎

臣不敢煩君使也大夫以下或使人歸之祭於公助祭於君也

卒哭乃諱

敬鬼神之名也諱辟也生者不相辟名衛禮侯名惡大夫有名惡君臣同名春秋不非

不諱嫌名

二名不偏諱為其難辟也嫌名謂音聲相近若禹與兩丘與區也

偏謂二名不二諱也孔子之母名徵在言在不稱徵言徵不稱在

逮事父母則諱王

父母不逮事父母則不諱王父母

逮及也謂幼孤不及識父

母恩不至於祖名孝子聞名心瞿諱之由心此謂庶人適士以上廟事祖雖不逮事父母猶諱祖

君所無

私諱

謂臣言於君前不辟家諱尊無二

大夫之所有公諱

諱也詩

書不諱臨文不諱

為其失事正

廟中不諱

為有事於高祖

則不諱曾祖以下尊無二也於下則諱上

夫人之諱雖質君之前臣不

諱也

臣於夫人之家恩遠也質猶對也

婦諱不出門

婦親遠於宮中言辟之

大

功小功不諱入竟而問禁入國而問俗入門

而問諱

皆為敬主人也禁謂政教俗謂常所行與所惡也國城中也

外事以剛日

順其出為陽也出郊為外事春秋傳曰甲午祠兵

內事以柔日

順其居內為陰

凡卜

筮日旬之外曰遠某日旬之內曰近某日

旬十日也喪事先遠日吉事先近日

孝子之心喪事葬與練祥也吉事祭

祀冠取之屬也

曰為日假爾泰龜有常假爾泰筮有

常

命龜筮辭龜筮於吉凶有常大事卜小事筮

卜筮不過三

求吉不過三魯四卜郊春秋譏之

卜筮不相襲

卜不吉則又筮筮不吉則又卜是瀆龜筮也晉獻公卜取驪姬不吉公曰筮之是也

龜為卜筮為筮卜筮者先聖王之所以使

民信時日敬鬼神畏法令也所以使民決

嫌疑定猶與也故曰疑而筮之則弗非也

日而行事則必踐之

弗非無非之者日所卜筮之吉日也踐讀曰善聲之誤也筴或

為著

君車將駕則僕執策立於馬前

監駕且為馬行已

駕僕展軫

展軾具視

效駕

白已

奮衣由右上取貳

綏

奮振去塵也貳副也

跪乘

未敢立敬也

執策分轡驅之五步

而立

調試之

君出就車則僕并轡授綏

車上僕所主左

右攘辟

謂羣臣陪位侍駕者攘卻也或者攘古譌字

車驅而騶至于大

門君撫僕之手而顧命車右就車門間溝

渠必步

車右勇力之士備制非常者君行則陪乘君式則下步行

凡僕人之禮

必授人綏若僕者降等則受不然則否若

僕者降等則撫僕之手不然則自下拘之

使客

軍容

車馬之容

撫小止之謙也。自下拘之由僕手。下取之也。僕與己同爵則不受。客車不入大門。謙也。

婦人不立乘。異於男子。犬馬不上於堂。非執幣也。故

君子式黃髮。敬老也。發句言故。明此衆篇雜辭也。下卿位。尊賢也。卿位。卿之朝

位也。君出過之而上。車入未至而下車。入國不馳。愛人也。馳善。蘭人也。入里必式。

不誣。君命召。雖賤人。大夫士必自御之。御當為。誣。誣迎。

也。君雖使賤人來。必自出迎之。尊君命也。春秋傳曰。跛者御。跛者眇者御。眇者皆訝也。世。人亂之。介者不

拜。為其拜而夔拜。夔則失容節。夔猶詐也。祥車曠左。空神位也。

祥車葬之乘車。乘君之乘車。不敢曠左。左必式。君存惡。空其位。

僕御婦人。則進左手。後右手。嫌遠。御國君。則

進右手。後左手。而俯。敬也。國君不乘奇車。出入必正。

也奇車獵衣之屬

車上不廣欬

為若自矜廣猶弘也

不妄指

為惑眾立

視五舊

立平視也舊謂規也謂輪轉之度舊或為索

式視馬尾

小顧不

過轂

為掩在後

國中以策彗卹勿驅塵不出軌

入國不馳彗竹帚卹勿搔摩也

國君下齊牛式宗廟大夫士下

公門式路馬乘路馬必朝服載鞭策不敢

授綏左必式步路馬必中道以足蹙路馬

芻有誅齒路馬有誅

皆廣敬也路馬君之馬載鞭策不敢執也齒欲年也誅罰也

曲禮下第二

鄭氏注

凡奉者當心提者當帶

高下之節

執天子之器

則上衡

謂高於心彌敬也此衡謂與心平

國君則平衡大夫則綏

奉持之儀

朱子曰曲禮必

別有一書叶韻

如弟子職之類

當作下宗廟式齊車

如篇首若兒
定群民教及
上堂解揚文
戶必下皆叶
韻今上下篇却
是後人補湊
而成不是成篇
做底

名稱之節

之士則提之

綏讀曰妥妥之謂下於心

凡執主器執輕如不

克

重慎之也主君也克勝也

執主器操幣圭璧則尚左手行

不舉足車輪曳踵

重慎也尚左手尊左也車輪謂行不絕地

立則磬折

垂佩主佩倚則臣佩垂主佩垂則臣佩委

君臣倭仰之節倚謂附於身小倭則垂大倭則委於地

執玉其有藉者則裼無

藉者則襲

藉藻也裼襲文質相變耳有藻為文裼見美亦文無藻為質襲充美亦質圭璋特而襲璧

琮加束帛而裼亦是也

國君不名卿老世婦大夫不名世

臣姪娣士不名家相長妾

雖貴於其國家猶有所尊也卿老上卿也世臣

父時君大夫之子不敢自稱曰余小子

辟天子之子未

除喪之名君大夫天子大夫有土地者

大夫士之子不敢自稱曰嗣

應對之儀
重本之意

去國

小三百

禮記一

子某

亦辟其君之子
未除喪之名

不敢與世子同名

辟僭倣也其
先之生則亦

不改世
或為大

君使士射不能則辭以疾言曰某有

負薪之憂

射者所以觀德唯有疾可以辭也
使士射謂以備耦也憂或為疾

侍於君

子不顧望而對非禮也

禮尚謙也不顧望也
若子路帥爾而對

君子

行禮不求變俗

求猶務也不務變其故俗重
本也謂去先祖之國居他國

祭祀

之禮居喪之服哭泣之位皆如其國之故

謹脩其法而審行之

其法謂其先祖
之制度若夏礻

去國三世

爵祿有列於朝出入有詔於國

三世自祖至孫踰
父可以忘故俗而

猶不變者爵祿有列於朝謂君不絕其祖祀復立其族若祫
紼奔邾立臧為矣詔告也謂與卿大夫吉凶往來相赴告

若

兄弟宗族猶存則反告於宗後

謂無列無詔者
反告亦謂吉凶

也宗後宗子也去國三世爵祿無列於朝出入無詔

於國唯興之日從新國之法以故國與己無恩興謂起為卿大夫君

子已孤不更名亦重本已孤暴貴不為父作謚

子事父無貴賤居喪未葬讀喪禮既葬讀祭禮喪復

常讀樂章為禮各於其時居喪不言樂祭事不言凶

公庭不言婦女非其時也振書端書於君前有誅

倒筴側龜於君前有誅臣不豫事不敬也振去塵也端正也倒顛倒也側反

側也皆謂甫省視之龜筴几杖席蓋重素衫絺綌不入

公門龜筴嫌問國家吉凶几杖嫌自長老席蓋載喪車也雜記曰士輔葦席以為屋蒲席以為裳帷重素衣裳皆素

喪服也衫單也孔子曰當暑衫絺綌必表而出之為其形褻苞屨扱衽厭冠不入

陳祥

公門

此皆凶服也苞薰也齊衰蕙蒯之菲也問喪曰親始死扱一衽厭猶伏也喪冠厭伏苞或為菲

書方

衰凶器不以告不入公門

此謂喪在內不得不得不入當先告君耳方板也士喪禮

下篇曰書贈於方若九若七若五凶器明器也

公事不私議

嫌若姦也

君子將營

宮室宗廟為先廡庫為次居室為後

重先祖及國之

用凡家造祭器為先犧賦為次養器為後

大夫稱家謂家始造事犧賦以稅出牲

無田祿者不設祭器有田祿

者先為祭服

祭器可假祭服宜自有

君子雖貧不粥祭器

雖寒不衣祭服為宮室不斬於丘木

廣散鬼神也粥

賣也丘壟也

大夫士去國祭器不踰竟

此用君祿所作取以出竟恐辱

親也

大夫寓祭器於大夫士寓祭器於士

寓寄也與

去國之禮

拜之節

得用者言寄
覬已後還

大夫士去國踰竟為壇位鄉國而

哭素衣素裳素冠徹緣鞮屨素箴乘髦馬

不蚤鬪不祭食不說人以無罪婦人不當

御三月而復服

言以喪禮自處也臣無君猶無天也壇位除地為位也徹猶去也鞮屨無絢之

菲也箴覆苓也髦馬不騶落也蚤讀為爪鬪鬪鬪也不自說於人以無罪嫌惡其君也御接見也三月一時天氣變可以遂去

也箴或為幕

大夫士見於國君君若勞之則還辟

再拜稽首

謂見君既拜矣而後見勞也聘禮曰君勞使者及介君皆荅拜

君若迎拜

則還辟不敢荅拜

嫌與君亢賓主之禮迎拜謂君迎而先拜之聘禮曰大夫入門再拜君拜

其大夫士相見雖貴賤不敵主人敬客則

先拜客客敬主人則先拜主人

尊賢凡非弔

田獵之禮

凶殺憂
不樂
徹琴瑟也

喪非見國君無不荅拜者

禮尚往來喪賓不荅拜不自賓客也國君

見士不荅其拜士賤

大夫見於國君國君拜其辱士見

於大夫大夫拜其辱同國始相見主人拜

其辱

自外來而拜拜見也自內來而拜拜辱也

君於士不荅拜也非其

臣則荅拜之

不臣人之臣

大夫於其臣雖賤必荅拜

之

辟正

男女相荅拜也

嫌遠別不相荅拜以明之

國君春田不

圍澤大夫不掩羣士不取麇卵

生乳之時重傷其類

歲凶

年穀不登

登成也

君膳不祭肺馬不食穀馳道

不除祭事不縣大夫不食梁士飲酒不樂

皆為自貶損憂民也禮食殺牲則祭先有虞氏以首夏后氏以心躬人以肝周人以肺不祭肺則不殺也天子食日少牢朔月

獻見

去國

死守

大牢諸侯食日特牲朔月少牢除治也不治道為妨民取蔬食也縣樂器鍾磬之屬也梁加食也不樂去琴瑟君無

故玉不去身大夫無故不徹縣士無故不

徹琴瑟

憂樂不相干也故謂災患喪病

士有獻於國君他日君

問之曰安取彼再拜稽首而后對

起敬也

大夫

私行出疆必請反必有獻士私行出疆必

請反必告

臣不敢自專也私行謂以己事也士言告者不必有其獻也告反而已

君勞之

則拜問其行拜而后對

亦起敬也問行謂道中無恙及所經過

國

君去其國止之曰奈何去社稷也大夫曰

奈何去宗廟也士曰奈何去墳墓也

皆民臣躬勤之

言國君死社稷

死其所受於天子也謂見侵伐也春秋傳曰國滅君死之正也

大夫

死衆士死制

死其所受於君衆謂軍師制謂君教令所使爲之

君天下曰天

子朝諸侯分職授政任功曰予一人

皆擯者辭也天

下謂外及四海也今漢於蠻夷稱天子於王侯稱皇帝觀禮曰伯父寔來予一人嘉之余予古今字

踐祚臨

祭祀內事曰孝王某外事曰嗣王某

皆祝辭也唯宗

廟稱孝天地社稷祭之郊內而曰嗣王不敢同外內

臨諸侯

眡於鬼神曰有

天王某甫

眡致也祝告至于鬼神辭也曰有天王某甫且字也不名者不親往也周禮大會同過山

川則大祝用事焉鬼神謂百辟卿士也眡或爲祗

崩曰天王崩

史書策辭

復曰天

子復矣

始死時呼魄辭也不呼名臣不名君也諸侯呼字

告喪曰天王登

假

告赴也登上也假已也上已者若僊去云耳

措之廟立之主曰帝

同之神

春秋傳曰凡君卒哭而祔祔而作主

天子未除喪曰予小子

謙未敢稱一人

天子四官

天子外官

春秋傳曰以諸侯之踰年即位亦知天子之踰年即位以天子三年然後稱王亦知諸侯於其封內三年稱子

之死亦名之

生名之曰小子王死亦曰小子王也

天子

有后有夫人有世婦有嬪有妻有妾

妻八十御妻

周禮謂之女御以其御序於王之燕寢妾賤者

天子建天官先六犬曰犬

宰大宗大史大祝大士犬卜典司六典

典法也此

蓋殷時制也周則大宰為天官大宗曰宗伯宗伯為春官大史以下屬焉大士以神仕者天子之五官

曰司徒司馬司空司士司寇典司五眾

眾謂羣臣

也此亦殷時制也周則司士屬司馬大宰司徒宗伯司馬司寇司空為六官

天子之六府曰

司土司木司水司草司器司貨典司六職

府主藏六物之稅者此亦殷時制也周則皆屬司徒司土土均也司木山虞也司水川衡也司草稻人也司器角人也司貨什

也人天子之六工曰土工金工石工木工獸工

草工典制六材

此亦殷時制也周則皆屬司空土工陶

磬人也木工輪輿弓廬匠車梓也獸工函鮑韋裘也唯草工職亡蓋謂作蓍葦之器

五官致貢曰

享

貢功也享獻也致其歲終之功於王謂之獻也周禮大宰歲終則令百官府各正其治受其會聽其致事而詔王廢

置五官之長曰伯

謂為三公者周禮九命作伯

是職方

職主也是伯分主東

西者春秋傳曰自陝以東周公主之自陝以西召公主之一相處乎內是或為氏

其擯於天子

也曰天子之吏

擯者辭也春秋傳曰王命委之三吏謂三公也

天子同姓

謂之伯父異姓謂之伯舅自稱於諸侯曰

天子之老於外曰公於其國曰君

稱之以父與舅親親

之辭也外自其私土之外天子畿內

九州之長入天子之國曰牧

九州之外長

朝會之名

州之中天子選諸侯之賢者以為之牧也周禮曰乃施典於邦國而建其牧天子同姓謂之

叔父異姓謂之叔舅於外曰侯於其國曰

君牧尊於大國之君而謂之叔父辟二伯也亦以此為尊禮或損之而益謂此類也外自其國之外九州之中曰侯者

本爵也二王之後不為牧其在東夷北狄西戎南蠻雖太曰

子謂九州之外長也天子亦選其諸侯之賢者以為之子子猶牧也入天子之國曰子天子亦謂之子雖有侯伯之地

本爵亦無過子是以同名曰子於內自稱曰不穀與民言之謙稱穀善也於

外自稱曰王老威遠國也外亦其戎狄之中庶方小侯入天

子之國曰某人於外曰子自稱曰孤謂戎狄子男君

也男者於外亦曰男舉尊言之天子當依而立諸侯北面而見

天子曰覲天子當宁而立諸公東面諸侯

西面曰朝

諸侯春見曰朝受摯於朝受享於廟生氣文也秋見曰覲一受之於廟殺氣質也朝者位

於內朝而序進觀者位於廟門外而序入王南面立於依寧而受焉夏宗依春冬遇依秋春秋時齊侯唁魯昭公以遇禮相見取易略也覲禮今存朝宗遇禮今亡諸侯未及期相見曰遇相見

於卻地曰會諸侯使大夫問於諸侯曰聘

約信曰誓泣牲曰盟

及至也卻間也泣臨也坎用牲臨而讀其盟書聘禮今存遇會

誓盟禮亡誓之辭尚書見有六篇

諸侯見天子曰臣某侯某

謂

夫承命告天子辭也其為州牧則曰天子之老臣某侯某奉主請覲

其與民言自稱曰

寡人

謙也於

其在凶服曰適子孤

凶服亦謂未除喪

臨

祭祀內事曰孝子某侯某外事曰曾孫某

侯某

稱國者遠

死曰薨

亦史書策辭

復曰某甫復矣

貴賤之容

貴賤之配

公侯妻妾

名稱

某甫既葬見天子曰類見代父受國類猶象也執皮且字

言謚曰類使大夫行象聘問之禮也言謚者序其行及謚所宜其禮亡諸侯使

人使於諸侯使者自稱曰寡君之老繫於君以為尊

也此謂諸侯之卿上大夫天子穆穆諸侯皇皇大夫濟濟

士蹇蹇庶人焦焦皆行容止之貌也聘禮曰賓入門

焉凡行容尊者體盤卑者體蹙天子之妃曰后后之言後也諸侯曰夫

人夫之言扶大夫曰孺人孺之言屬士曰婦人婦之言服庶人

曰妻妻之言齊公侯有夫人有世婦有妻有妾娶於

天子也無后與嬪去上中夫人自稱於天子曰老婦自稱於天子謂畿內

諸侯之夫人助祭若時事見自稱於諸侯曰寡小君謂饗來朝諸侯之時

孟子名稱

春秋書法

孟子忠愛

自稱於其君曰小童自世婦以下自稱曰

婢子

小童若云未成人也婢之言卑也於其君稱此以接見體敵嫌其當

子於父母則

自名也

名父母所為也言子者通男女

列國之大夫入天子之

國曰某士

亦謂諸侯之卿也三命以下於天子為士曰某士者若晉韓起聘於周擯者曰晉士起

自

稱曰陪臣某

陪重也

於外曰子

子有德之稱魯春秋曰齊高子來盟

於

其國曰寡君之老使者自稱曰某

使謂使人於諸侯也

某名也

天子不言出諸侯不生名君子不親惡

天子之言出諸侯之生名皆有大惡君子所遠出名以絕之春秋傳曰天王出居於鄭衛侯朔入於衛是也

諸侯

失地名滅同姓名

絕之

為人臣之禮不顯諫

為奪美也顯明也謂明言其君惡不幾微

三諫而不聽則逃之

逃去也君臣有義則

擬對之等

合無義則離

子之事親也。三諫而不聽，則號泣而

隨之。

至親无去志在感動之

君有疾，飲藥，臣先嘗之。親有

疾，飲藥，子先嘗之。

嘗度其所堪

醫不三世，不服其

藥。

惇物齊也

儼人必於其倫。

儼猶比也。倫猶類也。比大夫當於大夫，比士當於士，不以其類則有

所問天子之年，對曰：聞之始服衣若干尺。

矣。

既不敢言年又不

敢斥至尊所能問國君之年，長曰：能從宗

廟社稷之事矣。幼曰：未能從宗廟社稷之

事也。問大夫之子，長曰：能御矣。幼曰：未能

御也。問士之子，長曰：能典謁矣。幼曰：未能

典謁也。問庶人之子，長曰：能負薪矣。幼曰：

未能負薪也

皆言其能則長幼可知御猶主也書曰越

以事請告也禮四十強而仕五十命為大夫

問國君之富數地以對山

澤之所出問大夫之富曰有宰食力祭器

衣服不假問士之富以車數對問庶人之

富數畜以對

皆在其所制以多少對宰邑士也食力謂民之賦稅

天子祭天

地祭四方祭山川祭五祀歲徧諸侯方祀

祭山川祭五祀歲徧大夫祭五祀歲徧士

祭其先

祭四方謂祭五官之神於四郊也句芒在東祝融

祀者各祭其方之官而已五祀戶竈中霤門行也此蓋殷時

制也祭法曰天子立七祀諸侯立五祀大夫立三祀士立二
制也凡祭有其廢之莫敢舉也有其舉之

莫敢廢也

為其瀆神也廢舉謂若所廢農祀弃後不
可復廢弃祀農也後有德者繼之不嫌也

非

其所祭而祭之名曰淫祀淫祀無福

妄祭神不饗

天子以犧牛諸侯以肥牛大夫以索牛士

以羊豕

犧純毛也肥養於滌也索求得而用之

支子不祭祭必告于

宗子

不敢自專謂宗子有故支子當攝而祭者也五宗皆然

凡祭宗廟之禮牛

曰一元大武豕曰剛鬣豚曰腍肥羊曰柔

毛雞曰翰音犬曰羹獻雉曰䟽趾兔曰明

視脯曰尹祭考橐魚曰商祭鮮魚曰脰抵祭水

曰清滌酒曰清酌黍曰薌合梁曰薌基其稷

曰明粢稻曰嘉蔬韭曰豐本鹽曰鹹鹺玉

曰嘉王幣曰量幣

號牲物者異於人用也元頭也武迹也脂亦肥也春秋傳作脂脂充

貌也翰猶長也羹獻食人之餘也尹正也商猶量也脰直也其辭也嘉善也稻菽蔬之屬也豐茂也大鹹曰鹺今河東云幣帛

也天子死曰崩諸侯曰薨大夫曰卒士曰

不祿庶人曰死

異死名者為人褻其無知若猶不同然也自上顛壞曰崩薨顛壞之聲卒終也不祿

不終其祿死之言漸也精神漸盡也

在牀曰尸

尸陳也言形體在

在棺曰柩

柩之言究

也羽鳥曰降四足曰漬

異於人也降落也漬謂相藏汗而死也春秋傳曰大災者

何大死寇曰兵

異於凡人當饗祿其後

祭王父曰皇祖考王

母曰皇祖妣父曰皇考母曰皇妣夫曰皇

辟

更設稱號尊神異於人也皇君也考成也言其德行

生曰

父曰母曰妻死曰考曰妣曰嬪

嬪婦人有法度者之稱也

視節

言容

周禮九嬪掌婦學之法教九御婦德婦言婦容婦功壽考白卒短折白不祿

祿謂有德行任為大夫士而不為者老而死從大夫之稱少而死從士之稱天子視不上於

祿不下於帶臣視之目不過此國君綏視祝國君彌高緹

讀為妥妥視謂視上於祿大夫衡視視大夫又彌高也衡平也平視謂視面也士視五

步士視得旁遊目五步之中也視大夫以上上下下游目不得旁凡視上於面則教

教則仰下於帶則憂憂則低傾則姦辟頭旁視心不正也傾或為側君

命大夫與士肄肄習也君有命大夫則與士展習其事謂欲有所發為也在官

言官在府言府在庫言庫在朝言朝唯君命所

在就展習之也官謂板圖文書之處府謂寶藏貨賄之處也庫謂車馬兵甲之處也朝謂君臣謀政事之處也朝

言不及犬馬非公議也輟朝而顧不有異事必有

饗禮

摯禮之等

納女之辭

異慮

心不正志不在君輟猶止也

故輟朝而顧君子謂之固

固謂不達於禮也

在朝言禮問禮對以禮

於朝廷言無所不用禮

大

饗不問卜

祭五帝於明堂莫適卜也郊特牲曰郊血大饗腥

不饒富

富之言備也備

而已勿多於禮也

凡摯天子鬯諸侯圭卿羔大夫鴈

士雉庶人之摯匹童子委摯而退

摯之言至也天子無

客禮以鬯為摯者所以唯用告神為至也童子委摯而退不與成人為禮也說者以四為驚

野外軍中

無摯以纓拾矢可也

非為禮之處用時物相禮而已纓馬繁纓也拾謂射鞬

婦

人之摯棋榛脯脩棗栗

婦人無外事見以羞物也棋榛木名棋枳也有實今

邳邳之東食之榛實似栗而小

納女於天子曰備百姓於國君

曰備酒漿於大夫曰備埽灑

納女猶致女也婿不親迎則女之家遣人

致之此其辭也姓之言生也天子皇后以下
百二十人廣子姓也酒漿埽灑婦人之職

禮記卷第一

經五千七百三十二字
注八千三百二十七字

禮記卷第二

檀弓上第三

禮記 鄭氏注

檀弓上下篇多記喪禮疑出子游之筆及其門人所記

立孫

何居猶書云何其

公儀仲子之喪檀弓免焉

故為非禮以非仲子也禮朋友皆在他邦

乃袒免仲子舍其孫而立其子

此其所立非也公儀蓋魯同姓周禮適子

死立適檀弓曰何居我未之前聞也

居讀為姬姓之姬齊

魯之閒語助也前猶故也

趨而就子服伯子於門右曰仲子

舍其孫而立其子何也

去賓位就主人兄弟之賢者而問之子服伯子蓋仲孫蔑

之立孫子服景伯蔑魯大夫

伯子曰仲子亦猶行古之道也

昔者文王舍伯邑考而立武王微子舍其

孫腓而立衍也夫仲子亦猶行古之道也

父母

君

師

合葬

伯子為親者隱耳立子非也文王之立武王權也微子適子死立其弟衍躬禮也
子游問諸孔

子孔子曰否立孫禮據周事親有隱而無犯謂

不稱揚其過失也無犯不犯顏而諫論語曰事父母幾諫左右就養無方左右謂扶持之方猶

常也子則服勤至死致喪三年勤勞辱之事也致謂戚容稱其服也

然無常人凡此以恩為制事君有犯而無隱既諫人有問其國政者可

言晉叔向左右就養有方不可侵官服勤至死方喪

三年方喪資於事父凡此以義為制事師無犯無隱左右就養

無方服勤至死心喪三年心喪戚容如父而無服也凡此以恩義之閒為制

季武子成寢武子魯公子季友之曾孫季孫夙杜氏之葬在西階

之下請合葬焉許之入宮而不敢哭武子

喪出母

曰合葬非古也自周公以來未之有改也

自見夷人冢墓以爲宅欲文過吾許其大而不許其細何居命

之哭

記此者善其不奪人之恩

子上之母死而不喪

子上孔子曾孫子思伋之

子名白其母出

門人問諸子思曰昔者子之先君子

喪出母乎曰然

禮爲出母期父卒爲父後者不服耳

子之不使白

也喪之何也子思曰昔者吾先君子無所

失道道隆則從而隆道汚則從而汚

汚猶殺也有隆

有殺進退如禮

伋則安能

自予不及

爲伋也妻者是爲白

也母不爲伋也妻者是不爲白也母故孔

氏之不喪出母自子思始也

記禮所由發非之

孔子曰

喪拜
家語子張
有父之喪
明儀相馬門
稽顙於孔
子孔子曰拜
而後稽顙
於墳

拜而後稽顙類乎其順也

此躬之喪拜也類順也先拜賓順於事也

顙而後拜順乎其至也

此周之喪拜也順至也先觸地無容哀之至

三年

之喪吾從其至者

重者尚哀戚自期如躬可

孔子既得合

葬於防

言既得者少孤不知其墓

曰吾聞之古也墓而不墳

墓謂兆域今之封塋也古謂躬時也土之高者曰墳

今丘也東西南北之人也

不可以弗識也於是封之崇四尺

東西南北言居無常也聚

土曰封封之周禮也周禮曰以爵等為丘封之度崇高也高四尺蓋周之士制

孔子先反當脩門

人後雨甚至

後待封也

孔子問焉曰爾來何遲也

曰防墓崩

言所以遲者脩之而來

孔子不應

以其非禮

三三言之以孔子不問孔

子泣然流涕曰吾聞之古不脩墓

脩猶治也

孔子

子路之死

朋友之喪

殯

葬

極
何王肅燕

忌

哭子路於中庭

寢中庭也與哭師同親之

有人弔者而夫子

拜之

為之主也

既哭進使者而問故

使者自衛來赴者故謂死之意狀

使者曰醢之矣

時衛士子蒯聵篡輒而立子路死之醢之者示欲啗食以怖衆

遂命

覆醢

覆棄之不忍食

曾子曰朋友之墓有宿草而不

哭焉

宿草謂陳根也為師心喪三年於朋友期可

子思曰喪三日而殯

凡附於身者必誠必信勿之有悔焉耳矣

三月而葬凡附於棺者必誠必信勿之有

悔焉耳矣

言其日月欲以盡心脩備之附於身謂衣衾附於棺謂明器之屬

喪三年以

為極

去已久遠而除其喪

則弗之忘矣

則之言曾

故君子有

終身之憂

念其親

而無一朝之患

毀不滅性

故忌日

訪墓

上文孔子既得合葬於防宜在此章之下

慎引文公謂此處未可曉

助哀去飾

四代棺制

不樂

謂死日言忌日不用舉吉事

孔子少孤不知其墓

孔子之父聊叔

梁紇與顏氏之女徵在野合而生孔子徵在恥焉不告

殯於五父之衢

欲有所就而問之孔子亦

為隱焉殯於家則知之者無由怪己欲發問端五父衢名蓋耶曼父之鄰

人之見之者皆以

為葬也

見於路

其愼也蓋殯也

愼當為引禮家讀然聲之誤也殯引

飾棺以輅葬引飾棺以柳翼孔子是時以殯引不以葬引時人見者謂不知禮

問於耶曼父之

母然後得合葬於防

曼父之母與徵在為鄰相善

鄰有喪春

不相里有殯不巷歌

皆所以助哀也相謂以音聲相勸

喪冠不綰

去有虞氏瓦棺

始不用薪也

夏后氏堅周

火孰曰

治以周於棺也或謂之土周由是也弟子職曰右手折堅

勢人棺槨

槨大也以木為之言

梓周人牆置翬

言後王之制文

周人以勢人之棺

三代所尚之色

魯穆公問
喪禮

樽葬長殤以夏后氏之塋周葬中殤下殤

以有虞氏之瓦棺葬無服之殤略未成人夏后

氏尚黑以建寅之月為正物生色黑大事斂用昏昏時亦黑此大事謂葬事也

戎事乘驪戎兵也馬黑色曰驪爾雅曰駉牝驪牡玄牲用玄玄黑類也殷人尚

白以建丑之月為正物牙色白大事斂用日中日中時亦白戎事乘翰

翰白色馬也易曰白馬翰如牲用白周人尚赤以建子之月為正物萌色赤大事

斂用日出日出時亦赤戎事乘騂騂馬白腹牲用騂騂赤類

穆公之母卒穆公魯哀公之曾孫使人問於曾子曰如之何

問居喪之禮曾子曾參之子名申對曰申也聞諸申之父曰哭泣

之哀齊斬之情餼粥之食自天子達子喪父母

尊卑同布幕衛也繆幕魯也幕所以覆棺上也繆

侯禮魯天子禮兩言之者僭已久矣幕或為幣晉獻公將殺其世子申生信

姬之公子重耳謂之曰子蓋言子之志於公

乎蓋皆當為盍盍何不也志意也重耳欲使言世子曰不

可君安驪姬是我傷公之心也言其意則驪姬

公伐驪戎所獲女也申生之母蚤卒驪姬嬖焉曰然則蓋行乎行猶去也世子曰

不可君謂我欲弑君也天下豈有無父之

國哉吾何行如之言人有父則皆惡欲弑父者使人辭於狐

突曰申生有罪不念伯氏之言也以至于死

申生不敢愛其死辭猶告也狐突申生之傳舅犯之父也前此者獻公使申生伐東山

皐落氏狐突謂申生欲使之行雖然吾君老矣子少

今言此者謝之伯氏狐突別氏子驪姬之伯氏不出而圖吾君圖猶

國家多難子奚齊伯氏不出而圖吾君謀也

不出為君謀國家之政然則自伯氏苟出而圖吾君

申生受賜而死賜猶再拜稽首乃卒既告狐突

是以為恭世子也言行如此可以為魯人有朝

祥而莫歌者子路笑之笑其為夫子曰由爾

責於人終無已夫三年之喪亦已久矣夫

為時如此人行三年喪者希抑子路以善彼子路出夫子曰又多乎哉

踰月則其善也又復魯莊公及宋人戰于乘

丘十年縣夏賁父御卜國為右縣卜皆氏也凡車馬

大司馬

驚敗績

驚奔失列

公墜佐車授綏戎車之貳曰公曰

末之卜也

末之猶微哉言卜國無勇

縣賁父曰他日不敗績

而今敗績是無勇也

公他日戰其御馬未嘗驚奔

遂死之

二人赴敵

而死圉人浴馬有流矢在白肉

圉人掌養馬者白肉股裏肉

公曰

非其罪也

流矢中馬非御與右之罪

遂誅之

誅其赴敵之功以為謚

士之有

誅自此始也

記禮失所由來也周雖以士為爵猶無謚也

曾子寢

疾病

病謂疾困

樂正子春坐於牀下

子春曾參弟子

曾元曾

申坐於足

元申曾參之子

童子隅坐而執燭

隅坐不與成人並

童子曰華而睨大夫之簣與

華畫也簣謂牀第也說者以睨為刮節目

字或為刮

子春曰止

以病困不可動

曾子聞之瞿然曰呼

呼虛

聲

曰華而皖大夫之篲與曾子曰然斯季孫之

賜也我未之能易也元起易篲未之能易已病故也曾

元曰夫子之病革矣不可以變幸而至於旦

請敬易之言夫子者曾子親沒之後齊嘗聘以為鄉而不為也革急也變動也幸覲也曾

子曰爾之愛我也不如彼彼童子也君子之愛人

也以德成己之德細人之愛人也以姑息息猶安也言苟容取安也

吾何求哉吾得正而斃焉斯已矣斃仆也舉扶

而易之反席未安而沒言病雖困猶勤於禮始死充充如

有窮既殯瞿瞿如有求而弗得既葬皇皇

如有望而弗至練而慨然祥而廓然皆憂悼在心之

姑息主介甫曰是正也

哀之節

喪禮之由
要相之禮
切之也

婦人喪飾

禭

貌也求邾婁復之以矢蓋自戰於升陘始也

猶索物戰於升陘魯僖二十二年秋也時師雖勝死傷亦甚無衣可以招魂魯婦人之髻而弔

也自敗於臺鮎始也敗於臺鮎魯襄四年秋也臺當為壺字之誤也春秋傳作狐鮎

時家家有喪髻而相弔去纒而紒曰髻禮婦人弔服大夫之妻錫衰士之妻則疑衰與皆吉笄無首素總南宮

緇之妻之姑之喪南宮緇孟僖子之子南宮閱也字子容其妻孔子兄女夫子

誨之髻曰爾母從從爾爾母扈扈爾誨教也爾

女也從從謂大高扈扈謂大廣爾語助蓋榛以為笄長尺而總八寸

總束髮垂為飾孟獻子禭將而不樂比御而不

入可以御婦人矣尚不復寢夫子曰獻子加於人一

等矣加猶踰也孔子既祥五日彈琴而不成聲

祥

三不吊

除喪

不忘本

哀未
志 十日而成笙歌踰月且異旬也祥亦凶事用遠日五日彈琴十日笙歌除由外也琴

以手笙
歌以氣 有子蓋既祥而絲屨組纓譏其早也禮既祥白屨無

絢縞冠素紕有子
孔子弟子有若 死而不弔者三謂輕身忘孝也畏人或時以非罪攻已

不能以說之死
厭行止危溺不乘橋船子路有姊之喪可

以除之矣而弗除也孔子曰何弗除也子

路曰吾寡兄弟而弗忍也孔子曰先王制

禮行道之人皆弗忍也行道猶行仁義子路聞之

遂除之犬公封於營丘比及五世皆反葬

於周齊大公受封留為大師死葬於周子孫生焉不忍離也五世之後乃葬於齊齊曰營丘君子

曰樂樂其所自生禮不忘其本言其似禮樂之義古之

人有言曰狐死正丘首仁也

正丘首正首丘也仁恩也

伯魚

之母死期而猶哭

伯魚孔子子也名鯉猶尚也

夫子聞之曰

誰與哭者門人曰鯉也夫子曰嘻其甚也

嘻悲恨之聲

伯魚聞之遂除之舜葬於蒼梧之野

舜征有苗而死因留葬焉書說舜曰陟方乃死蒼梧於周南越之地今為郡

蓋三妃未之從

也古者不合葬帝嚳而立四妃矣象后妃四星其一明者為正妃餘三小者為次妃帝堯因焉至舜不告而取不立正妃但

三妃而已謂之三夫人離騷所歌湘夫人舜妃也夏后氏增以三三而九合十二人春秋說云天子取十二即夏制也以虞夏

及周制差之則殷人又增以三九二十七合三十九人周人上法帝嚳立正妃又三二十七為八十一人以增之合百二十一

人其位后也夫人也嬪也世婦也女御也五者相三以定尊卑

季武子曰周公蓋附

附謂合葬合葬自周公以來

曾子之喪浴於爨室

見曾元之辭易簣矯之以謙儉

終

為位而哭

冠制

也禮死浴於適室

大功廢業或曰大功誦可也

許其口子習故也

張病召申祥而語之曰君子曰終小人曰

死

申祥子張子欲使執喪成己志也死之言漸也事卒為終消盡為漸大史公傳曰子張姓顓孫今曰申祥周秦之聲

二者相近未聞孰是

吾今日其庶幾乎

言易成也

曾子曰始死

之奠其餘閣也與

不容改新閣度藏食物

曾子曰小功

不為位也者是委巷之禮也

譏之也位謂以親疏敘列哭也委巷猶街

里委曲所為也

子思之哭嫂也為位

善之也禮嫂叔無服

婦人倡

踊

有服者娣姒婦小功倡先也

申祥之哭言思也亦然

說者云言思子游之

子申祥妻之昆弟亦無服過此以往獨哭不為位

古者冠縮縫今也

衡縫從

也今禮制衡讀為橫今冠橫縫以其辟積多

故喪冠之反吉非古也

解時人之

喪齊

追服

贈贈

惑喪冠縮縫古冠耳

曾子謂子思曰：「伋吾執親之喪也。」

水漿不入於口者七日。

言己以疾時禮而不如

子思曰：「先

王之制禮也，過之者俯而就之，不至焉者

跂而及之。故君子之執親之喪也，水漿不

入於口者三日，杖而后能起。

為曾子言難繼以禮抑之

曾子

曰：「小功不稅。」

據禮而言也。日月已過，乃聞喪而服。曰：稅大功以上，然小功輕不服。

則是

遠兄弟終無服也。

言相離遠者聞之恒晚

而可乎？

以己恩怪之

伯

高之喪。

伯高死時在衛未聞何國人

孔氏之使者未至。

謂贈者

冉子攝束帛乘馬而將之。

冉子孔子弟子冉有攝猶貸也

孔子

曰：「異哉！徒使我不誠於伯高。」

徒猶空也。禮所以副忠信也。忠信而無禮

聞喪之笑

何傳伯高死於衛赴於孔子赴告也凡有舊恩者則使人告之孔

子曰吾惡乎哭諸以其交會尚新兄弟吾哭諸廟父

之友吾哭諸廟門之外別親疏也師吾哭諸寢朋

友吾哭諸寢門之外所知吾哭諸野別輕重也於

野則已疏於寢則已重已猶大也夫由賜也見我

吾哭諸賜氏本於恩哭於子貢寢門之外遂命子貢為之主

明恩所由曰為爾哭也來者拜之知伯高而來者

勿拜也異於正主曾子曰喪有疾食肉飲酒必有

草木之滋焉增以香味為其疾不嗜食以為薑桂之謂也為記

者正曾子所云草木滋者謂薑桂子夏喪其子而喪其明精明目曾

喪有疾

朋友相吊

子弔之曰吾聞之也朋友喪明則哭之痛之

曾子哭子夏亦哭曰天乎予之無罪也怨天罰無

罪曾子怒曰商女何無罪也吾與女事夫

子於洙泗之間言其有師也洙泗魯水名退而老於西河之

上西河龍門至華陰之地使西河之民疑女於夫子爾罪

一也言其不稱師也喪爾親使民未有聞焉爾罪二

也言居親喪無異稱喪爾子喪爾明爾罪三也言隆於妻子

而曰女何無罪與子夏投其杖而拜曰吾

過矣吾過矣謝之且服罪也吾離羣而索居亦已父

矣羣謂同門朋友也索猶散也夫晝居於內問其疾可也似有

寢處之禮

執喪

喪服

舊館人

疾夜居於外弔之可也似有喪是故君子非有

大故不宿於外大故謂喪憂非致齊也非疾也不

晝夜居於內內正寢之中高子臯之執親之喪也

子臯孔子弟子名柴泣血三年言泣無聲如血出未嘗見齒言笑之微君子

以為難言人不能然衰與其不當物也寧無衰惡其

亂禮不當物謂精麤廣狹不應法制齊衰不以邊坐大功不以服

勤為褻喪服邊偏倚也孔子之衛遇舊館人之喪前日君所使舍己

入而哭之哀出使子貢說驂而賻之賻助喪用也驂馬曰

驂子貢曰於門人之喪未有所說驂說驂

於舊館無乃已重乎言說驂太重比於門人恩為偏頗夫子曰予

鄉者入而哭之遇於一哀而出涕

遇見也舊館人恩雖輕我

入哭見主人為我盡一哀是以厚恩待我我為出涕恩重宜有施惠

予惡夫涕之無從

也小子行之

客行無他物可以易之者使遂以往

孔子在衛有送

葬者而夫子觀之曰善哉為喪乎足以為

法矣小子識之子貢曰夫子何善爾也曰

其往也如慕其反也如疑

慕謂小兒隨父母啼呼疑者哀親之在彼如不

欲還然

子貢曰豈若速反而虞乎

疾速

子曰小子

識之我未之能行也

哀戚本也祭祀末也

顏淵之喪饋

祥肉

饋遺也

孔子出受之入彈琴而後食之

彈

以散哀也

孔子與門人立拱而尚右二三子亦皆

祥

葬

喪而右

夫子之終
或問此章文
公曰檀弓出
於雜記恐未
必得其真

尚右倣孔子也孔子曰二三子之嗜學也貪我則

有姊之喪故也二三子皆尚左復正也喪尚左右陰也吉尚左

左陽也孔子蚤作起作負手曳杖消搖於門欲人之怪

己歌曰泰山其殯乎泰山衆山所仰梁木其壞乎梁木

衆木所放哲人其萎乎哲人亦衆人所仰放也以上二句喻之萎病也詩云無木不萎既

歌而入當戶而坐蚤坐急見人也子貢聞之曰泰山

其殯則吾將安仰梁木其壞哲人其萎則

吾將安放夫子殆將病也覺孔子歌意殆幾也遂趨而

入夫子曰賜爾來何遲也坐則望之夏后氏殯

於東階之上則猶在阼也殷人殯於兩楹

之閒則與賓主夾之也周人殯於西階之

上則猶賓之也以三王之禮占己夢而丘也魯人也予疇

昔之夜夢坐奠於兩楹之閒是夢坐兩楹之閒而見饋食也言奠

者以為凶象疇發聲也昔猶前也夫明王不興而天下其孰能宗

予予殆將死也孰誰也宗尊也兩楹之閒南面鄉明人君聽治正坐之處今無明王誰能尊我

以為人君乎是我房家奠殯之象以此自知將死蓋寢疾七日而沒明聖人知命

孔子之喪門人疑所服無喪師之禮子貢曰昔者夫

子之喪顏淵若喪子而無服喪子路亦然

請喪夫子若喪父而無服無服不為衰弔服而加麻心喪三年孔

子之喪公西赤為志焉公西赤孔子弟子飾棺字子華志謂章識

師喪

章識

牆牆之障柅猶垣牆障家

置翬牆柳衣翬以布衣木如攝與

設披周也設崇殷也綢

練設旒夏也

夫子雖躬人兼用三王之禮尊之披柅行夾引棺者崇崇牙旌旗飾也綢練以練綢

旌之扛此旌葬乘車所建也旌之旒縹布廣充幅長尋曰旒爾雅說旌旗曰素錦綢扛

子張之喪公

明儀為志焉

志亦謂章識

褚幕丹質

以丹布幕為褚葬覆棺不牆不翬

蟻結于四隅

畫褚之四角其文如蟻行往來相交錯蟻蚍蜉也殷之蟻結似今蛇文畫

殷士

也學於孔子

子夏問於孔子曰居父母之仇如

之何夫子曰寢苦枕干不仕

雖除喪居處猶若喪也干盾也弗

與共天下也

並生

遇諸市朝不反兵而鬪

言雖適市朝不釋兵

曰請問居昆弟之仇如之何曰仕

弗與共國銜君命而使雖遇之不鬪

為負而廢君命

師友之喪

易墓

喪祭之禮

既祖而吊

曰請問居從父昆弟之仇如之何曰不為

魁魁猶首也天文北斗魁為首杓為末主人能則執兵而陪其後

為其負當成之孔子之喪二三子皆經而出尊師也出謂有所之適然

則凡弔服加麻者出則變服羣居則經出則否羣謂七十二弟子相為朋友服子夏曰吾

離羣而索居易墓非古也易謂芟治草木不易者丘陵也子路曰吾聞諸

夫子喪禮與其哀不足而禮有餘也不若

禮不足而哀有餘也喪主哀祭禮與其敬不足

而禮有餘也不若禮不足而敬有餘也祭主敬

曾子弔於負夏負夏衛地主人既祖填池祖謂移柩車去載處

為行始也填池當為奠徹聲之推柩而反之反於載處榮曾誤也奠徹謂徹遣奠設祖奠

降婦人而后行禮

禮既祖而婦人降今反柩婦人辟之復升堂矣柩無反而反之而又降婦人蓋

欲矜實於此婦人皆非

從者曰禮與

怪

曾子曰夫祖者且

也

且未定之辭且胡為其不可以反宿也

給

從者又

問諸子游曰禮與

疑曾子言非

子游曰斂於牖下

小斂於戶內大斂於阼殯於客位祖於庭

葬於墓所以即遠也故喪事有進而無退

明反

曾子聞之曰多矣乎予出祖者

善子游言且服

曾

子襲裘而弔子游楊裘而弔曾子指子游

而示人曰夫夫也為習於禮者如之何其

楊裘而弔也

曾子蓋知臨喪無飾夫夫猶言此丈夫也子游於時名為習禮

主人

弔禮

曾子母少於

子游朋友之

當面規不當

切諫或易言

子先於子游後

至也已上二事

除喪

既小斂袒括髮子游趨而出襲裘帶經而

入於主人變乃變也所弔者朋友曾子曰我過矣我過矣夫夫

是也服且善子夏既除喪而見見於孔子予之琴和

之而不和彈之而不成聲樂由人心作而曰哀未

忘也先王制禮而弗敢過也起作子張既除

喪而見予之琴和之而和彈之而成聲作

而曰先王制禮不敢不至焉雖情異善其俱順禮司寇

惠子之喪惠子衛將軍文子彌牟之弟惠叔蘭也生虎者子游為之麻衰

牡麻經惠子廢適立庶為之重服以文子辭曰子辱

與彌牟之弟游謝其存時又辱為之服敢辭止之子服也

立適

古人不必親相與言以私相示

而已然亦是文

子則可若它人

責之亦不喻也

除喪

游曰禮也文子退反哭

子游名習禮文子亦以爲當然未覺其所譏

子

游趨而就諸臣之位

深譏之大夫之家臣位在賓後

文子又辭

曰子辱與彌牟之弟游又辱爲之服又辱

臨其喪敢辭

止之在臣位

子游曰固以請

再不從命

文子

退扶適子南面而立曰子辱與彌牟之弟

游又辱爲之服又辱臨其喪虎也敢不復

位

覺所譏也虎適子名文子親扶而辭敬子游也南面而立則諸臣位在門內北面明矣

子游趨而

就客位

所譏行

將軍文子之喪既除喪而后越

人來弔主人深衣練冠待于廟垂涕洟

王人

文子之子簡子取也深衣練冠凶服變也待于廟受弔不迎賓也

子游觀之曰將軍文

名氏

經

殷喪禮

喪具

氏之子其庶幾乎亡於禮者之禮也其動

也中中禮之變幼名冠字五十以伯仲死謚周道

也經也者實也所以表哀戚掘中雷而浴毀竈以

綴足及葬毀宗躐行出于大門殷道也明不復有

事於此周人浴不掘中雷葬不毀宗躐行毀宗毀廟門之西而出行神之位在廟門之外學者行之

學於孔子者行之儆殷禮子柳之母死子碩請具具葬之器用子柳魯叔仲皮之

之子碩兄子柳曰何以哉言無其財子碩曰請粥庶弟

之母粥謂嫁之也妾賤取之曰買子柳曰如之何其粥人之母

以葬其母也不可忠恕既葬子碩欲以賻布之

餘具祭器古者謂錢為泉布所以通布貨財子柳曰不可吾聞

死亡之義

此處或作軍

和句亦通

家語子路問於

孔子曰威武仲

率師與鄰人戰於

狐船遇敗焉師

人夕喪而無罰

古之道也然與孔子

曰謀人之軍師

古之正也

死不容於人

失節

之也君子不家於喪

惡因死者以為利

請班諸兄弟

之貧者

以分死者所矜也祿多則與鄰里鄉黨

君子曰謀人之軍師

敗則死之謀人之邦邑危則亡之

利己亡眾非忠也言亡之

者雖辟賢非義退

公叔文子升於瑕丘蘧伯玉從

二子衛大夫文

子獻公之孫名拔

文子曰樂哉斯丘也死則我欲葬焉

蘧伯玉曰吾子樂之則瑋請前

刺其欲害人良田瑋伯玉名

弁人有其母死而孺子泣者

言聲無節

孔子曰哀

則哀矣

此誠哀

而難為繼也

失禮中

夫禮為可傳也

為可繼也故哭踊有節叔孫武叔之母死

武叔公子牙之六世孫名州仇毀孔子者

既小斂舉者出戶出戶袒且

扶君

是作妻母兄弟之妻與母姊之夫說得不兄弟之妻與姑之夫無服時有相為服者甥兒而服之事疾徐之節

喪具

投其冠括髮

尸出戶乃變服失哀節冠素委貌

子游曰知禮

之扶

君卜人師扶右射人師扶左

謂君疾時也卜當為僕聲之誤也僕人射

人皆平生時贊正君服位者

君薨以是舉

不忍變也周禮射人遷尸

從母

之夫舅之妻三夫人相為服君子未之言

也

二夫人猶言此二人也時有此二人同居死相為服者甥居外家而非之

或曰同爨

總以同居生

總之喪事欲其縱縱爾

趨事貌縱讀如揔領之揔

吉事欲其

折折爾

安舒貌詩云安舒貌詩云

故喪事雖遽不陵節吉事

雖止不怠

陵躡也止立俟事時也怠惰也

故騷騷爾則野

謂大疾鼎

鼎爾則小人

謂大舒

君子蓋猶猶爾

疾舒

喪具

君子耻具

辟不懷也喪具棺衣之屬

一日二日而可為也者

喪服隆殺

助戚

在館問喪

明器

君子弗為也

謂絞紵衾冒

喪服兄弟之子猶子也

蓋引而進之也嫂叔之無服也蓋推而遠

之也

或引或推重親遠別

姑姊妹之薄也蓋有受我而

厚之者也

欲其一心於厚之者姑姊妹嫁大功夫為妻期

食於有喪者之

側未嘗飽也

助哀廐也

曾子與客立於門側其

徒趨而出

徒埋客之族

曾子曰爾將何之曰吾父

死將出哭於巷

以為不可發凶於人館

曰反哭於爾次

次舍也禮

館人使專之若其自有然

曾子北面而弔焉孔子曰之死而

致死之不仁而不可為也之死而致生之

不知而不可為也

之往也死之生之謂無知與有知也為猶行也

是故竹

不成用瓦不成味木不成斲成猶善也竹不可善用謂邊無膝味

當作沫琴瑟張而不平笙篳備而不和無宮商之調

有鐘磬而無筦簫不縣之也橫曰簫植曰簫其曰明器神明

之也言神明死者也神明者非人所知故其器如此有子問於曾子曰問

喪於夫子乎有子孔子弟子有若也夫子卒後問此庶有異聞也喪謂仕失位也魯昭公孫於齊

曰喪人其何稱曰聞之矣喪欲速貧死欲速朽有子

曰是非君子之言也貧朽非人所欲曾子曰參也聞

諸夫子也有子又曰是非君子之言也曾

子曰參也與子游聞之有子曰然則夫

子有為言之也曾子以斯言告於子游子

游曰甚哉有子之言似夫子也昔者夫子

居於宋見相司馬自爲石椁三年而不成

相司馬宋向戌之孫名魋夫子曰若是其靡也死不如速朽

之愈也死之欲速朽爲相司馬言之也靡

南宮敬叔反必載寶而朝敬叔魯孟僖子之子仲孫閱蓋嘗失位去魯得

反載其寶來朝於君夫子曰若是其貨也喪不如速貧

之愈也喪之欲速貧爲敬叔言之也曾子

以子游之言告於有子有子曰然吾固曰

非夫子之言也曾子曰子何以知之有子

曰夫子制於中都四寸之棺五寸之槨以

齊陳氏之喪

斯知不欲速朽也中都魯邑名也孔子嘗為之宰為民作制孔子由中都宰為司空由

司空為司寇昔者夫子失魯司寇將之荆將應聘於楚蓋

先之以子夏又申之以冉有以斯知不欲

速貧也言汲汲於仕得祿陳莊子死赴於魯魯人欲

勿哭君無哭鄰國大夫之禮陳莊子齊大夫陳恒之孫名伯繆公召縣子而

問焉縣子曰古之大夫束脩之問不出竟

雖欲哭之安得而哭之以其不外交今之大夫交政

於中國雖欲勿哭焉得而弗哭言時君弱臣強政在大夫專盟

會以交接且臣聞之哭有二道有愛而哭之有畏

而哭之以權微勸之公曰然然則如之何而可縣子

明器

同母異父兄弟之服

曰請哭諸異姓之廟明不當哭於是與哭諸縣

氏仲憲言於曾子白夏后氏用明器示民

無知也所謂致死之仲憲孔子弟子原憲殷人用祭器示民有知

也所謂致生之周人兼用之示民疑也言使民疑於無知與有知曾子

曰其不然乎其不然乎非其說之非也夫明器鬼器

也祭器人器也夫古之人胡為而死其親

乎言仲憲之言三者皆非此或用鬼器或用人器公叔木有同母異父之

昆弟死問於子游和當為朱春秋作成衛公叔文子之子定公十四年奔魯子

游曰其大功乎疑所服也親者屬大功是秋儀有同母異

父之昆弟死問於子夏子夏曰我未之前

嫁母之喪

親為服之制

聞也魯人則為之齊衰狄儀行齊衰今之

齊衰狄儀之問也子思之母死於衛子思孔子孫伯

魚之子伯魚卒其妻嫁於衛柳若謂子思曰子聖人之後也

四方於子乎觀禮子蓋慎諸柳若衛人也見子思欲為嫁母服恐

其失禮戒之子思曰吾何慎哉吾聞之有其禮

無其財君子弗行也謂時可行而財不足以備禮有其禮

有其財無其時君子弗行也謂財足以備禮而時不得行者吾

何慎哉時所止則止時所行則行無所疑也將子瑣

曰吾聞之古者不降上下各以其親古謂殷時也上

不降遠下滕伯文為孟虎齊衰其叔父也為孟

不降卑

喪具

帷室

小斂

衰不心整

哭不呼名

皮齊衰其叔父也

伯文初時滕君也爵為伯名文

后木曰喪吾

聞諸縣子曰夫喪不可不深長思也

后木魯孝公子惠伯

輦之後

買棺外內易我死則亦然

此孝子之事非所託

曾子

曰尸未設飾故帷堂小斂而徹帷仲梁子

曰夫婦方亂故帷堂小斂而徹帷

斂者動搖尸帷堂為

人褻之言方亂非也仲梁子魯人也

小斂之奠子游曰於東方曾

子曰於西方斂斯席矣

曾子以俗說非又大斂奠於堂乃有席

小斂

之奠在西方魯禮之末失也

末世失禮之為

縣子曰

綌衰總裳非古也

非時尚輕涼慢禮

子蒲卒哭者呼

滅滅蓋子蒲名

子臯曰若是野哉

非之也唯復呼名子臯孔子弟子高柴

哭

獲不尚略

變服

喪具

齊之劑量

骸

明器

者改之杜橋之母之喪宮中無相以為沽

也沽猶略也夫子曰始死羔裘玄冠者易之而

已羔裘玄冠夫子不以弔不以吉服弔喪子游問喪

具夫子曰稱家之有亡子游曰有無惡乎

齊惡乎齊問豐省之比夫子曰有母過禮苟亡矣斂首

足形形體還葬還之言便也言已斂即葬不待三月縣棺而封不設碑

禮封當為窆窆下棺也春秋傳作壙人豈有非之者哉不責於人所不能司士

賁告於子游曰請襲於牀時失之也禮唯始死廢牀子游曰

諾縣子聞之曰汰哉叔氏專以禮許人當言禮然

言諾非也叔氏子游字宋襄公葬其夫人醯醢百甕曾子

賻贈

諸後事

小君之喪

曰既曰明器矣而又實之

言名之為明器而與祭器皆實之是亂鬼器與

人孟獻子之喪

獻子魯大夫仲孫蔑

司徒旅歸四布

旅下士也

司徒使下士歸四方之賻布

夫子曰可也

時人皆貪善其能廉

讀賵曾子

曰非古也是再告也

曾子言非禮祖而讀賵實致命將行主人之吏又讀賵所以存

錄成子高寢疾

成子高齊大夫國成伯高父也

慶遺入請曰子

之病革矣如至乎大病則如之何

觀其意革急也遺慶封之

族子高曰吾聞之也生有益於人死不害

於人吾縱生無益於人吾可以死害於人

乎哉我死則擇不食之地而葬我焉

不食謂不墾耕

子夏問諸夫子曰居君之母與妻之喪居

館人生死所
地

葬義

葬夫子
聖人之葬聖
人也與字當
作平聲屬
上句與下也
字相應讀
豈聖人之葬
人乎哉乃人
之葬聖人也

處言語飲食衎爾

衎爾自得貌為小君側隱不能至

賓客至無

所館夫子曰生於我乎館死於我乎殯

仁者不死

人國子高曰葬也者藏也藏也者欲人之

弗得見也是故衣足以飾身棺周於衣槨

周於棺土周於槨

言皆所以為深遂難人發見之也國子高成子高也成謚也

反

壤樹之哉

反復也怪不如大古也而反封樹之意在於儉非周禮

孔子之喪有

自燕來觀者舍於子夏氏子夏曰聖人之

葬人與人之葬聖人也子何觀焉

與及

昔者

夫子言之曰吾見封之若堂者矣

封築土為壟堂形四方而

高見若坊者矣

坊形旁殺平上而長

見若覆夏屋者矣

婦服
薦新

初車

君為祥

始死

覆謂茨瓦也夏屋今之門廡也其形旁廣而卑見若斧者矣斧形旁殺刃上而長從若

斧者焉孔子以為刃上難登狹又易為功馬鬣封之謂也俗間名今

一日而三斬板而已封板蓋廣二尺長六尺斬板謂斷其縮也三斷止之旁殺蓋

高四尺其廣袤未聞也詩云縮板以載尚行夫子之志乎哉尚庶幾也婦

人不葛帶婦人質不變重者至期除之卒哭變經而已有薦新如朔奠

重新物為之殷奠既葬各以其服除卒哭當變衰麻者變之或有除者不視主人

池視重雷如堂之有承雷也承雷以木為之用行水亦宮之飾也柳宮象也以竹為池衣以青布縣

銅魚焉今宮中有承雷云以銅為之君即位而為柩柩謂柩棺親尸者柩堅著之言也言天子

柩內又有水兕革棺歲壹漆之若未成然藏焉虛之不合復楔齒綴

足飯設飾帷堂並作設飾謂遷尸又加新衣父兄命赴者

既殯

使謂既練或為君金革之役反必有告練

重兄弟

小四七

禮記

謂大夫以上也君復於小寢大寢小袒大袒庫

門四郊尊者求之備也亦喪不剥奠也與祭肉

也與剥猶俎也有牲肉則巾之為其既殯旬而布材

與明器木工宜乾腊且朝奠日出夕奠逮日陰陽交接

庶幾父母之喪哭無時使必知其反也謂既練或時為

君服金革之練練衣黃裏繚緣小祥練冠練中衣以黃為內繚為飾黃之

事反必有祭葛要經繩屨無絢角瑱瑱充耳也吉時以玉

之類明外除人君有瑱鹿裘衡長祛衡當為橫字之誤也祛謂袂緣袂口也練而為裘橫廣之又長之又為祛

則先時狹短無祛祛褐之可也褐表裘也有祛而褐之備飾也玉藻曰麇裘青豸褰

可知吉時麇裘絞衣以褐之鹿有殯聞遠兄弟之喪雖總必往

親骨肉也非兄弟雖鄰不往疏無親也所識其兄弟

不同居者皆弔就其家弔之成恩舊也天子之棺四重

尚深邃也諸公三重諸侯再重大夫一重士不重水兕革棺被之其厚三

寸以水牛兕牛之革以為棺被革各厚三寸合六寸也此為一重槨棺所謂槨棺也爾雅曰槨也梓

棺二所謂屬與大棺四者皆周周市也凡棺用能濕之物棺束縮二

衡三衽母束一衡亦當為橫衽今小要衽或作漆或作縣柏槨以端長

六尺以端題湊也其方蓋一尺天子之哭諸侯也爵弁經紼

衣服士之祭服以哭之明為變也天子至尊不見尸柩不弔服麻不加於采此言經衍字也時人間有弁經因云之耳周禮

王弔諸侯弁經總衰也或曰使有司哭之非也哀戚之為之不

以樂食蓋謂殯斂之閒天子之殯也敢塗龍輅以槨

誄

失地

野哭之非

未仕者

未若君喪

敢木以周龍輶如椁而塗之天子殯以輶車畫轅為龍加斧于椁上畢塗屋謂斧

之黼白黑文也以刺繡於終幕加天子之禮也唯天子

之喪有別姓而哭使諸侯同姓異姓庶姓相從而為魯

哀公誄孔丘曰天不遺耆老莫相予位焉

嗚呼哀哉尼父誄其行以為謚也莫無也相佐也言孔子死無佐助我處位者尼父因且字以

為之國亡大縣邑公卿大夫士皆厭冠哭於

大廟三日君不舉軍敗失地以喪歸也厭冠今喪冠其服未聞或曰君

舉而哭於后土后土社也孔子惡野哭者為其變衆周禮銜枚

氏掌禁野叫呼歎鳴於國中者行歌哭於國中之道者未仕者不敢稅人如稅

人則以父兄之命不專家財也稅謂遺予人士備入而后朝

祥縞

君於士喪

夕踊

備猶盡也國君之喪嫌主人哭入則踊

祥而縞

縞冠素紕也

是月禫

徙月樂

言禫明月可以用樂

君於士有賜帟

帟幕之小者所以承塵賜

之則張於殯上大夫以上幕人職供焉

禮記卷第二

經五千四百二十二字注五千三百二十字

禮記卷第三

檀弓下第四

禮記

鄭氏注

公卿殤子

臣於君叔

君吊其臣

力衰不遠吊

季武子病且死

君之適長殤車三乘公之庶長殤車一乘

大夫之適長殤車一乘

皆下成人也自上而降殺以兩成人遣車五乘長

殤三乘下殤一乘尊卑以此差之庶子言公卑遠之傳曰大功之殤中從上

公之喪諸達官

之長杖

謂君所命雖有官職不達於君則不服斬

君於大夫將葬弔

於宮及出命引之三步則止

以義奪孝子官殯宮出謂柩已在路如

是者三君退

退去也三命引之凡移九步

朝亦如之哀次亦

如之

君弔不必於官朝喪朝廟也次他日賓客所受大門外舍也孝子至此而哀君或於是弔焉

五十

無車者不越疆而弔人

氣力始衰

季武子寢疾矯

固不說齊衰而入見曰斯道也將亡矣士

唯公門說齊衰季武子魯大夫季孫夙也世為上卿強且專政國人事之如君矯固能守禮不

畏之矯失俗也道猶禮也武子曰不亦善乎君子表微時無如之何佯

若善之表猶明也及其喪也曾點倚其門而歌明己不與也點

字皙曾參父大夫弔當事而至則辭焉辭猶告也殯者以主人有事告

也主人無事則為大夫出弔於人是日不樂君子哀樂不同日子於是日哭則不歌婦

人不越疆而弔人不通於外行弔之日不飲酒食

肉焉以全哀也弔於葬者必執引若從柩及壙皆

執紼示助之以力車曰引喪公弔之必有拜者往謝之

雖朋友州里舍人可也謂無主後弔曰寡君承事

吊禮

妻昆弟死

有殯聞兄弟之喪

朋友之喪

示亦為主人曰臨君辱臨其君遇柩於路必使人

弔之君於民臣有父母之恩大夫之喪庶子不受弔不以賤者為有爵者

主妻之昆弟為父後者死哭之適室以其正也子

為主袒免哭踊親者主之夫入門右北面辟正主使人立于

門外告來者狎則入哭狎相習知者父在哭於妻

之室不以私喪干尊非為父後者哭諸異室有殯聞

遠兄弟之喪哭于側室嫌哭殯無側室哭于門

內之右近南者為之變位同國則往哭之喪無外事子張死曾

子有母之喪齊衰而往哭之或曰齊衰不

以弔以其無服非之曾子曰我弔也與哉於朋友哀痛甚而往哭之非若

喪禮

主婚之喪
陳止齋曰或

之者疑之則礼

未之有也礼未

之有而以義起

之施之不惑義

天之讐在公不

可以為人子矣

晉文公

秦穆公使人

吊重耳亦

吊夷吾重

耳不私而亦

害致私穆公

雖賢重耳而

先納夷吾私

凡有若之喪悼公弔焉悼公魯哀公之子子游擯由

左擯相侑喪禮者喪禮廢亡時人以爲此儀當如詔辭而皆由右相是善子游正之孝經說曰以身擯侑齊

穀王姬之喪穀當爲告聲之誤也王姬周女齊襄公之夫人魯莊公爲之

大功或曰由魯嫁故爲之服姊妹之服或

曰外祖母也故爲之服春秋周女由魯嫁卒服之如內女服姊妹是也天子

爲之無服嫁於王者之後乃服之莊公齊襄公女弟文姜之子當爲舅之妻非外祖母也外祖母又小功也晉獻

公之喪秦穆公使人弔公子重耳獻公殺其母子申生重耳

辟難出奔是時在翟就弔之且曰寡人聞之亡國怕於斯得

國怕於斯言在喪伐之際雖吾子儼然在憂服之中

喪亦不可久也時亦不可失也孺子其圖

其賂也穆公本
明而私欲奪首

之

勸其反國意欲納之喪謂亡失位孺穉也

以告舅犯

舅犯重耳之舅孤偃也字子犯

舅犯

曰孺子其辭焉喪人無寶仁親以為寶

寶謂

善道可守者仁親親行仁義

父死之謂何又因以為利

欲反國求為後

是利

而天下其孰能說之孺子其辭焉

說猶解也

公子重耳對客曰君惠弔亡臣重耳身喪

父死不得與於哭泣之哀以為君憂

謝

父死

之謂何或敢有他志以辱君義稽顙而不

拜哭而起起而不私

他志謂利心

子顯以致命於

穆公

使者公子繫也盧氏云古者名字相配顯當作韞

穆公曰仁夫公子重

耳夫稽顙而不拜則未為後也故不成拜

惟殯

喪禮

哭而起則愛父也起而不私則遠利也惟

殯非古也自敬姜之哭穆伯始也穆伯魯大夫季悼子之子

公甫靖也敬姜穆伯之妻文伯歆之母也禮朝夕哭不帷喪禮哀戚之至也節哀

順變也君子念始之者也始猶生也念父母生己不欲傷其性復

盡愛之道也有禱祠之心焉復謂招魂且分禱五祀庶幾其精氣之反

望反諸幽求諸鬼神之道也鬼神處幽闇望其從鬼神所來北

面求諸幽之義也鄉其所從來也禮復者升屋北面拜稽顙哀

戚之至隱也稽顙隱之甚也隱痛也稽顙者觸地無容飯用

米貝弗忍虛也不以食道用美焉爾尊之也食道襲

美銘明旌也神明以死者為不可別已故

以其旗識之不可別形貌不見愛之斯錄之矣敬之斯

盡其道焉耳

謂重與奠

重主道也

始死未作主以重主其神也重既虞而埋

之乃後作主春秋傳曰虞主用桑練主用栗

殯主綴重焉

綴猶聯也殯人作主而聯其重縣諸

廟也去顯考乃埋之

周主重徹焉

周人作主徹重埋之

奠以素器以

生者有哀素之心也

哀素言哀痛無飾也凡物無飾曰素

唯祭祀

之禮主人自盡焉爾豈知神之所饗亦以

主人有齊敬之心也

哀則以素敬則以飾禮由人心而已

辟踊哀

之至也有筭為之節文也

筭數也

袒括髮變也

愠哀之變也去飾去美也袒括髮去飾之

甚也有所袒有所襲哀之節也弁經葛而

葬與神交之道也

接神之道不可以純凶天子諸侯變服而葬冠素弁以葛為環經既

虞卒哭乃服受服也雜記曰凡弁經其衰侈袂

有敬心焉

踰時哀衰而敬生敬則服有飾大夫士三

月而葬未踰時

周人弁而葬

殷人哱而葬周弁殷哱俱象祭冠而素禮同

也歆主人主婦室老為其病也君命食之

也

尊者奪人易也歆歆粥也

反哭升堂反諸其所作也

親所行禮之處

主婦入于室友諸其所養也

親所饋食之處

反哭之弔

也哀之至也反而亡焉失之矣於是為甚

哀痛

甚殷既封而弔周友哭而弔

封當為窆窆下棺也

孔子曰

殷已慤吾從周

慤者得哀之始未見其甚

葬於北方北首三

代之達禮也之幽之故也

北方國北也

既封主人

贈而祝宿虞尸

贈以幣送死者於壙也於主人贈祝先歸

既反哭主人

與有司視虞牲

日中將虞省其牲

有司以几筵告奠

於墓左反日中而虞

所使奠墓有司來歸乃虞也舍奠墓左為父母形體在此

禮其神也周禮冢人凡祭墓為尸

葬日虞弗忍一日離也

弗忍其無所歸是

日也以虞易奠

虞喪祭也

卒哭曰成事

既虞之後卒哭而祭其辭

蓋曰哀薦成事成祭事也祭以吉為成

是日也以吉祭易喪祭

卒哭明吉祭

日祔于祖父

祭吉於其祖之廟

其變而之吉祭也比至

於祔必於是日也接不忍一日末有所歸也

末無也日有所用接之虞禮所謂他用剛日者其祭祝曰哀薦日成事

殷練而祔周卒

哭而祔孔子善殷

期而神之人情

君臨臣喪以巫

喪之朝

明器

祝桃刻執戈惡之也

為有凶邪之氣在側君聞大夫之喪去樂卒事而往未襲也其

已襲則止巫去桃刻桃鬼所惡荇苕苕可掃不祥

所以異於生也

凶邪

喪有

死之道焉

言人之死有如鳥獸死之狀鳥獸之死人賤之

先王之所難言

也

聖人不明說為人甚惡之

喪之朝也順死者之孝心也

朝謂遷柩

於其哀離其室也故至於祖考之廟而后

行殷朝而殯於祖周朝而遂葬孔子謂為

明器者知喪道矣備物而不可用也

神與人異道則

不相傷

哀哉死者而用生者之器也不殆於用

殉乎哉

殆幾也殺人以衛死者曰殉用其器者漸幾於用人

其曰明器神明

之也

神明死者異於生人

塗車芻靈自古有之

芻靈束茅為人馬謂

為舊君反服

之靈者明器之道也言與明器同孔子謂為芻靈者

善謂為俑者不仁不殆於用人乎哉也有面

目機發有似於生人穆公問於子思曰為舊君反

服古與仕焉而已者穆公魯哀公之曾孫子思曰古之君子進人

以禮退人以禮故有舊君反服之禮也今

之君子進人若將加諸膝退人若將隊諸

淵母為戎首不亦善乎又何反服之禮之

有言放逐之臣不服舊君也悼公之喪季昭子問

於孟敬子曰為君何食悼公魯哀公之子昭子康子之曾孫名強敬子武伯

敬子曰食粥天下之達禮也吾三臣者

三家於君殺禮如敬子任情失礼如此生不能事死又薄之宜曾子諱

有鄙倍之戒孟氏之得謚為教其亦因曾子之戒而能教也

游夏行市

晏子之儉

之不能居公室也四方莫不聞矣

言鄰國皆知吾等不

能居公室以臣禮事君也三臣仲孫叔孫季孫氏

勉而為瘠則吾能毋乃

使人疑夫不以情居瘠者乎哉我則食食

存時不盡忠喪又不盡禮非也孔子曰喪事不敢不勉

衛司徒敬子死

司徒官氏公子許之後

子夏弔焉主人未小斂經而往子游弔焉

主人既小斂子游出經友哭

皆以朋友之禮往而二人異

子

夏曰聞之也與曰聞諸夫子主人未改服

則不經曾子曰晏子可謂知禮也已恭敬

之有焉

言禮者敬而已矣

有若曰晏子一狐裘三十年

遺車一乘及墓而反國君七個遺車七乘

大夫五个遣車五乘晏子焉知禮言其大儉

及墓而反言其既寔則歸不留賓客有事也人臣賜車馬者乃得有遣車遣車之差大夫五諸侯七則天子九諸侯不以命數

喪數略也个謂所包遣奠牲體之數也雜記曰遣車視牢具曾子曰國無道君子

恥盈禮焉國奢則示之以儉國儉則示之

以禮時齊方奢矯之是也國昭子之母死問於子張曰

葬及墓男子婦人安位國昭子齊大夫子張曰司徒

敬子之喪夫子相男子西鄉婦人東鄉夾美道為

位夫子孔子也曰噫母噫不寤之聲母禁止之辭曰我喪也斯沾斯盡也沾讀曰

規規視也國昭子自謂齊之大家有事人盡視之欲人觀之法其所為爾專之賓為賓

焉主為主焉專猶同也時子張相婦人從男子皆西鄉

敬姜之賢

也非穆伯之喪敬姜晝哭文伯之喪晝夜哭

孔子曰知禮矣喪夫不夜哭嫌思情性也文伯之喪敬姜據

其牀而不哭曰昔者吾有斯子也吾以將

為賢人也蓋見其有才藝吾未嘗以就公室未嘗與到公室觀其行也

季氏魯之宗卿敬姜有會見之禮今及其死也朋友諸臣未有出

涕者而內人皆行哭失聲斯子也必多曠

於禮矣夫內人妻妾季康子之母死陳褻衣褻衣非上

服陳之將以斂敬姜曰婦人不飾不敢見舅姑將有

四方之賓來褻衣何為陳於斯命徹之言四方之

賓嚴於舅姑敬姜者康子從祖母有子與子游立見孺子慕者有

喪之痛

三字誤衍
喜陶咏舞溫
戚歎辟踊

子謂子游曰予壹不知夫喪之踊也予欲

去之久矣情在於斯其是也夫喪之踊猶孺子之號慕

游曰禮有微情者踊節哭有以故興物者衰經之制有

直情而徑行者戎狄之道也哭踊無節禮道則

不然與戎狄異人喜則斯陶陶鬱陶也陶斯咏咏謳也咏斯猶

猶當為搖聲之誤也搖謂身動搖也秦人猶搖聲相近猶斯舞手舞舞斯愠愠猶怒也

愠斯戚戚憤也戚斯歎歎吟歎斯辟辟拊心辟斯踊

矣躍踊品節斯斯之謂禮舞踊皆有節乃成禮人死斯惡之

矣無能也斯倍之矣無能心謂之無所復能是故制絞衾

設萋萋為使人勿惡也絞衾尸之飾萋萋作柳之牆飾周禮始

吳侵陳事見魯哀公元年

二人各差互
夫差謂太宰嚭

行人儀曰

死脯醢之奠將行遣而行之既葬而食之

將行將葬也葬有遣奠食反虞之祭

未有見其饗食之者也自上世以

來未之有舍也為使人勿倍也

舍猶廢也故子之

所刺於禮者亦非禮之訾也

訾病也吳侵陳

斬祀殺厲

祀神位有屋樹者厲疫病吳侵陳以魯哀元年秋

師還出竟陳

太宰嚭使於師夫差謂行人儀曰是夫也

多言盍嘗問焉師必有名人之稱斯師也

者則謂之何

大宰行人官名也夫差吳子光之子盍何不也嘗猶試也夫差脩舊怨庶幾其師有善名

太宰嚭曰古之侵伐者不斬祀不殺厲不

獲二毛

獲謂係虜之二毛鬚髮斑白

今斯師也殺厲與其不

顏丁之賢

梁闇之礼

君於御喪

謂之殺厲之師與欲微切之故其言似若不審然正言殺厲重人曰反爾

地歸爾子則謂之何子謂所獲民臣曰君王討敝邑

之罪又矜而赦之師與有無名乎又微勸之終其意具楚僭

號稱王顏丁善居喪顏丁魯人始死皇皇焉如有

求而弗得及殯望望焉如有從而弗及既

葬慨焉如不及其反而息從隨也慨憊貌子張問曰

書云高宗三年不言言乃謹有諸時人君無行三年之

喪禮者問有此與怪之也謹喜說也言乃喜說則民臣望其言久仲尼曰胡為其不然

也古者天子崩王世子聽於冢宰三年冢宰天官

卿貳王事者三年知悼子卒未葬悼子晉大夫荀盈魯昭九年卒平

公飲酒

與羣臣燕平公晉侯彪

師曠季調侍

侍與君飲也燕禮記曰請旅侍

鼓鐘

樂作也燕禮賓入門奏肆夏既獻而樂闋獻君亦如之

杜蕢自外來聞

鐘聲曰安在

怪之也杜蕢或作屠蒯

曰在寢

燕於寢

杜蕢入

寢歷階而升酌曰曠飲斯又酌曰調飲斯

又酌堂上北面坐飲之降趨而出

三酌皆罰

平公

呼而進之曰蕢曩者爾心或開予是以不

與爾言

曩曩也謂始來入時開謂諫爭有所發起

爾飲曠何也曰子卯

不樂

紂以甲子死桀以乙卯亡王者謂之疾日不以舉樂為吉事所以自戒懼

知悼子在堂

斯其為子卯也大矣

言大臣喪重於疾日也雜記曰君於卿大夫比葬不食肉比卒

哭不舉樂

曠也大師也不以詔是以飲之也

詔告也大師典奏樂

爾飲調何也曰調也君之褻臣也為一飲

一食忘君之疾是以飲之也言調貪酒食褻嬖也近臣亦當規君疾憂

爾飲何也曰蕢也宰夫也非刀匕是共又

敢與知防是以飲之也防禁放溢平公曰寡人亦

有過焉酌而飲寡人則服杜蕢洗而揚觶

舉爵於君也禮場作騰揚舉也騰送也揚近得之公謂侍者曰如我死則必

毋廢斯爵也欲後世以為戒至于今既畢獻斯揚解

謂之杜舉此爵遂因杜蕢為名畢獻獻賓與君公叔文子卒文子衛獻公之孫名

拔或作發其子戌請謚於君曰日月有時將葬矣

請所以易其名者謚者行之迹有時猶言有數也大夫士三月而葬君曰

上後
石祁子知禮

昔者衛國凶饑夫子為粥與國之餓者是

不亦惠乎

君靈公也

昔者衛國有難夫子以其死

衛寡人不亦貞乎

難謂魯昭公二十一年盜殺衛侯之兄縶也時齊豹作亂公如死

鳥夫子聽衛國之政脩其班制以與四鄰

交衛國之社稷不辱不亦文乎

班制謂尊卑之差

故

謂夫子貞惠文子

後不言貞惠者文足以兼之

石駘仲卒

駘仲衛大夫

夫石碣之族

無適子有庶子六人卜所以為後者

莫適立也

曰沐浴佩玉則兆

言齊絜則得吉兆

五人者皆沐浴佩

玉石祁子曰孰有執親之喪而沐浴佩玉

者乎不沐浴佩玉

心正且知禮

石祁子兆衛人

以龜為有知也陳子車死於衛其妻與其

家大夫謀以殉葬

子車齊大夫

定而后陳子亢至

以告曰夫子疾莫養於下請以殉葬

子亢子車弟孔子弟

子下地

子亢白以殉葬非禮也雖然則彼疾當

養者孰若妻與宰得已則吾欲已不得已

則吾欲以二子者之為之也

度諫之不能止以斯言拒之已猶止

也

於是弗果用

決果

子路曰傷哉貧也生無以

為養死無以為禮也孔子曰啜菽飲水盡

其歡斯之謂孝斂手足形還葬而無槨稱

其財斯之謂禮

還猶疾也謂不及其日月

衛獻公出奔反於

衛及郊將班邑於從者而后入

欲賞從者以懼居者獻公以魯襄十

四年出奔齊二十六年復歸於衛

柳莊曰如皆守杜稷則孰執羈

勒而從如皆從則孰守杜稷

言從守若一勒紉也

君反其

國而有私也母乃不可乎

言有私則生怨

弗果班衛

有犬史曰柳莊寢疾公曰若疾革雖當祭

必告

革急也

公再拜稽首請於尸曰有臣柳莊

也者非寡人之臣杜稷之臣也聞之死請

往

急弔賢者

不釋服而往遂以綵之

脫君祭服以綵臣親賢也所以此綵

之者以其不用襲也凡綵以斂

與之邑裘氏與縣潘氏書而納

諸棺曰世世萬子孫母變也

所以厚賢也裘縣潘邑名

陳乾

不從亂命

鄉卒

家語此立中因

子游之問云

季康子母死

昔寢疾屬其兄弟而命其子尊己曰如我

死則必大為我棺使吾二婢子夾我婢子妾也陳

乾昔死其子曰以殉葬非禮也況又同棺

乎弗果殺善尊己不陷父於不義仲遂卒于垂壬午猶

繹萬入去籥春秋經在宣八年仲遂魯莊公之子東門襄仲先日辛巳有事於大廟而仲遂卒明日而繹非也萬干舞也籥籥舞也仲尼曰非禮也鄉卒

傳曰去其有聲者發其無聲者

不繹季康子之母死公輸若方小公輸若匠師方小言年尚

幼未知禮也斂般請以機封斂下棺於椁般若之族多技巧者見若掌斂事而年尚幼請代

之而欲嘗其技巧將從之時人服般之巧公有假曰不可夫魯有

初初謂故事公室視豐碑言視者時僭天子也豐碑斲大木為之形如石碑於椁前後四角樹

之穿中於間為鹿盧下棺以緯繞
天子六緯四碑前後各重鹿盧也
三家視栢楹時僭諸侯

子也斷之形如大楹耳四植謂之栢諸侯四緯
二碑碑如栢矣大夫二緯二碑士二緯無碑
般爾以人

之母嘗巧則豈不得以以已字言寧有強使女者與

與已字本同其母以嘗巧者乎則病者乎母無也於女

止噫不寤之聲弗果從戰于郎郎魯近邑也哀十一年

公叔禹人遇負杖入保者息遇見也見走辟齊師

頸上兩手掖之休息者保縣邑小城曰使之雖病也謂時

任之雖重也謂時君子不能為謀也士弗能

死也不可君子謂卿大夫也魯政既惡復無我則既言

矣欲敵齊師與其鄰重汪錡往皆死焉奔敵死

踐其言

齊寇鄰

出處之死

工尹商陽
程子不亦為然
家語以章之下
子路拂然而進
曰人臣之節當
若犬事唯力

鄰里也重皆當為童童未冠者之稱姓
汪名跂鄰或為談春秋傳曰童汪跂
魯人欲勿殤重

汪跂見其死君事有士行欲以成人之喪治之言魯人者死君事國為斂葬問於仲尼仲

尼曰能執干戈以衛社稷雖欲勿殤也不

亦可乎善子路去魯謂顏淵曰何以贈我送贈

曰吾聞之也去國則哭于墓而后行反其

國不哭展墓而入無君事主於孝哭哀去也謂子路曰

何以處我處猶安也子路曰吾聞之也過墓則式

過祀則下居者主於敬工尹商陽與陳弃疾追吳

師及之工尹楚官名弃疾楚公子弃疾也以魯昭八年帥師滅陳縣之楚人善之因號焉至十二年楚子狩於州

來使蕩侯潘子司馬督囂尹午陵尹喜圍陳弃疾謂工尹

徐以懼吳於時有吳師陳或作陵楚人聲

所及死而後已
夫子何善此乎
曰然如汝言也
取其有不忍殺
人之心而已履祥
按家語所載詳
備程子似不必疑

襲
曹宣公殺王事
故加等然後諸
侯襲已非矣楚
康何為而請襲
襲蓋楚之借而
魯弱也

商陽曰王事也子手弓而可手弓子射諸

商陽仁不忍傷人以王事勸之射之斃一人張弓不忍復射斃仆也張韜也又及

謂之又斃二人每斃一人揜其目揜其目不忍視之止

其御曰朝不坐燕不與殺三人亦足以反

命矣朝燕於寢大夫坐於上士立於下然則商陽與御者皆士也兵車參乘射者在左戈盾在右御在中央

孔子曰殺人之中又有禮焉善諸侯伐秦

曹桓公卒于會魯成十三年曹伯廬卒於師是也廬謚宣言桓聲之誤也諸侯

請含以朋友有相啖食之道使之龍衮非也襲賤者之事襄公朝于荆

康王卒在魯襄二十八年康王楚子昭也楚言荆者州言之荆人曰必請襲

欲使襲魯人曰非禮也荆人強之欲尊平先拂

喪不路弔

柩荆人悔之

巫祝桃荊君臨臣喪之禮

滕成公之喪

魯昭三年

使子

叔敬叔弔進書

子叔敬叔魯宣公弟叔貜之子叔敬叔弔也進書奉君弔書

子服

惠伯為介

惠伯慶父玄孫之子名極介副也

及郊為懿伯之忌不

入

郊滕之近郊也懿伯惠伯之叔父忌怨也敬叔有怨於懿伯難惠伯也春秋傳曰敬叔不入

惠伯曰

政也不可以叔父之私不將公事

政君命所為敬叔於昭穆

以懿伯為叔父

遂入

惠伯強之乃入

哀公使人弔蕢尚遇諸道

辟於路畫宮而受弔焉

哀公魯君也畫宮畫地為宮象

曾子曰

蕢尚不如杞梁之妻之知禮也

行弔禮於野非

齊莊

公襲莒于奪杞梁死焉

魯襄二十三年齊侯襲莒是也春秋傳曰杞殖華還

載甲夜入且于之隧遂奪聲相近或為允梁即殖也

其妻迎其柩於路而哭

之哀莊公使人弔之對曰君之臣不免於

罪則將肆諸市朝而妻妾執肆陳尸也大夫以上於朝士以下於

市執拘也君之臣免於罪則有先人之敝廬在君

無所辱命無所辱命辭不受也春秋傳曰齊侯弔諸其室孺子贖之喪

魯哀公之少子哀公欲設撥撥車所謂紼問於有若有若

曰其可也君之三臣猶設之猶尚也以臣況子也三臣仲孫叔孫季孫氏

顏柳曰天子龍輅而棹幬輅殯車也畫輅為龍幬覆也殯以棹覆棺而塗之所

謂葢塗龍輅以棹諸侯輅而設幬輅不畫龍為榆沈故設撥

以水澆榆白皮之汁有急以播地於引輅車滑三臣者廢輅而設撥竊禮

之不中者也而君何學焉止其學非禮也廢去也紼繫於輅三臣於禮去

哀公以妾為夫人

葬不買道

遊宦

諱

輔今有紼是用輔僭禮也殯禮大夫菽置西序士掘堊見衽

悼公之母死

母哀公之妾哀公

為之齊衰有若曰為妾齊衰禮與

譏而問之妾之貴者為之

總耳公曰吾得已乎哉魯人以妻我

言國人皆名之為我妻重服嬖

妾文過非也

季子臯葬其妻犯人之禾

季子臯孔子弟子高柴孟氏之

邑成宰或氏季犯躐也

申祥以告白請庚之

申祥子張子庚償也

子臯白

孟氏不以是罪予

時僭修

朋友不以是弃予

言非

大以吾為邑長於斯也買道而葬後難繼

也

恃寵虐民非也

仕而未有祿者君有饋焉曰獻使

焉曰寡君

見在臣位與有祿同也君有饋有饋於君

違而君薨弗為

服也

以其恩輕也違去也

虞而立尸有几筵卒哭而諱

諱辟

其生事畢而鬼事始已謂不復饋食於下室而鬼神祭之已辭也既卒

哭宰夫執木鐸以命于宮曰舍故而諱新

故謂高祖之父當遷者也易說帝乙曰易之帝乙為成湯書之帝乙六世王天之錫命疏可同名自寢門至

于庫門百官所在庫門宮外門明二名不偏諱夫子

之母名徵在言在不稱徵言徵不稱在稱舉也雜

記曰妻之諱不舉諸其側軍有憂則素服哭於庫門之外憂謂為敵

所敗也素服者縞冠也赴車不載橐褰兵不戢示當報也以告喪之辭言之謂還告於國橐甲衣

韞弓有焚其先人之室則三日哭謂火燒其宗廟哭者哀精神之有虧

傷故曰新宮火亦三日哭火人火也新宮火在魯成三年孔子過

泰山側有婦人哭於墓者而哀夫子式而

軍有憂

火災

苛政猛於虎

周豐

聽之

怪其哀甚

使子貢問之曰子之哭也壹似重

有憂者而曰然昔者吾舅死於虎吾夫又

死焉今吾子又死焉

而猶乃也夫之父曰舅

夫子曰何為不

去也曰無苛政夫子曰小子識之苛政猛

於虎也魯人有周豐也者哀公執摯請見

之

下賢也摯禽摯也諸侯而用禽摯降尊就卑之義

而曰不可

辭君以尊見卑士禮先生異爵者請

見之公曰我其已夫

已止也重強變賢

使人問焉曰有

虞氏未施信於民而民信之夏后氏未施

敬於民而民敬之何施而得斯於民也

時公與三

桓始有惡懼將不安

對曰墟墓之間未施哀於民而民哀

吳季子喪子之礼

社稷宗廟之中未施敬於民而民敬

言民見悲哀之

處則悲哀見莊敬之處則莊敬非必有使之者墟毀滅無後之地

殷人作誓而民始畔

周人作會而民始疑

會謂盟也盟誓所以結衆以信其後外恃衆而信不由中則民

畔疑之孔子曰其身正不令而行其身不正雖令不從

苟無禮義忠信誠慤之

心以涖之雖固結之民其不解乎

臨

喪不

慮居

謂賣舍宅以奉喪

毀不危身

謂憔悴將滅性

喪不慮居爲

無廟也毀不危身爲無後也延陵季子適

齊於其反也其長子死葬於贏博之間

季子

名札魯昭二十七年吳公子札聘於上國是也季子讓國居延陵因號焉春秋傳謂延陵延州來贏博齊地今泰山縣是也

孔子曰延陵季子吳之習於禮者也往而

觀其葬焉往弔之其坎深不至於泉以生其斂

以時服以行時之服不改制節既葬而封廣輪揜坎其高

可隱也亦節也輪從也隱據也封可手據謂高四尺所既封左袒右還其

封且號者三曰骨肉歸復于土命也若魂

氣則無不之也無不之也還園也號哭且言也命猶性也而遂

行行去也孔子曰延陵季子之於禮也其合矣

乎邾婁考公之喪考公隱公益之曾孫考或為定徐君使容居

來弔含弔且含曰寡君使容居坐含進侯王

其使容居以含欲親含非也含不使賤者君行則親含大夫歸含耳言侯王者時徐僭稱王自

比天有司曰諸侯之來辱敝邑者易則易于

子

嫁世之喪

天子崩

則于易于雜者未之有也

易謂臣禮于謂君禮雜者容居以臣欲行君禮

徐自比天子使大夫敵諸侯有司拒之

容居對曰容居聞之事君不

敢忘其君亦不敢遺其祖昔我先君駒王

西討濟於河無所不用斯言也容居魯人

也不敢忘其祖

言我祖與今君於諸侯初如是不聞義則服駒王徐先君僭號容居其子孫也

濟渡也言西討渡於河廣大其國魯魯鈍也言魯鈍者欲自明不妄

子思之母死於衛

嫁母

也姓庶氏

赴於子思子思哭於廟門人至曰庶氏

之母死何為哭於孔氏之廟乎

門人弟子也嫁母與廟絕族

子思曰吾過矣吾過矣遂哭於他室天子

崩三日祝先服

祝佐含斂先病

五日官長服

官長大夫士

七

日國中男女服庶人三月天下服諸侯之大夫虞人

致百祀之木可以為棺槨者斬之虞人掌山澤之官百

祀畿內百縣之祀也以為棺槨作棺槨也斬伐也不至者廢其祀勿其人齊

大饑黔敖為食於路以待餓者而食之有

餓者蒙袂輯屨貿貿然求蒙袂不欲見人也輯

屨也貿貿目不明之貌黔敖左奉敏也敏屨力憊不能

其目而視之曰

至於斯也嗟來人呼之謝焉終不食而

死從猶就也曾子聞其嗟也可去其謝

也可食微猶無也止其主翁定公之時有弑其

賢而過之
微小也謂不節也

父者

定公獲且也魯文十四年即位

有司以告公瞿然失席曰

是寡人之罪也

民之無禮教之罪

曰寡人嘗學斷斯

獄矣臣弑君凡在官者殺無赦子弑父凡

在官者殺無赦

言諸臣子孫無尊卑皆得殺之其罪無赦

殺其人壞

其室洿其宮而豬焉

明其大逆不欲人復處之蓋豬都也南方謂都為豬

蓋

君踰月而后舉爵

自貶損

晉獻文子成室晉大

夫發焉

文子趙武也作室成晉君獻之謂賀也諸大夫亦發禮以往

張老曰美哉

輪焉美哉奐焉

心譏其奢也輪輪困言高大奐言衆多

歌於斯哭

於斯聚國族於斯

祭祀死喪燕會於此是矣言此者欲防其後復為

文子

曰武也得歌於斯哭於斯聚國族於斯是

廣愛

廣敬

盡飾

或問脩容事
文公曰未必佳地

全要領以從先大夫於九京也北面再拜

稽首

全要領者免於刑誅也晉卿大夫之墓地在九原京蓋字之誤當為原

君子謂之善

頌善禱

善頌謂張老之言善禱謂文子之言禱求也

仲尼之畜狗死

畜狗馴守

使子貢埋之曰吾聞之也敝帷不棄為埋

馬也敝蓋不棄為埋狗也丘也貧無蓋於

其封也亦予之席毋使其首陷焉

封當為窆陷謂沒於土

路馬死埋之以帷

路馬君所乘者其他狗馬不能以帷蓋

季孫之母

死哀公弔焉曾子與子貢弔焉閭人為君

在弗內也

閭人守門者

曾子與子貢入於其廩而

脩容焉

更莊

子貢先入閭人曰鄉

既不敢止

曾子後入閤人辟之

見兩

彌益恭也

雷卿大夫皆辟位公降一等而揖之

禮

君子

言之曰盡飾之道斯其行者遠矣陽門之

介夫死

陽門宋國門名介夫甲衛士

司城子罕入而哭之哀

宋

武公諱司空為司城子罕戴公子樂甫術之後樂喜也

晉人之覘宋者反報於

晉侯曰陽門之介夫死市子罕哭之哀而

民說殆不可伐也

覘闕視也

孔子聞之曰善哉覘

國乎

善其知微

詩云凡民有喪扶服救之

救猶助也

雖微

晉而已天下其孰能當之

微猶非也

魯莊公之喪

既葬而經不入庫門

時子般殺慶父作亂閔公不敢居喪葬已吉服而反正君臣欲

哀矜
家語曰天下其孰能當之是以
周任有言曰民
悅其愛者弗可
敵也

內亂短喪

故舊之失

夫子不責其喪歌而它責

其弟侯蓋過當規而大過當

絕故隱之也

趙文子

以防過之微弱之至

士大夫既卒哭麻不入

麻猶經也羣臣畢虞卒哭亦除喪也

閔公既吉服不與虞卒哭

孔子之故人曰原壤其母死夫子

助之沐槨

沐治也

原壤登木曰父矣予之不託

於音也

木槨材也託寄也謂叩木以作音

歌曰狸首之斑然執女

手之卷然

說人辭也

夫子為弗聞也者而過之

佯不

知從者曰子未可以已乎

已猶止也

夫子曰丘聞之

親者母失其為親也故者母失其為故也

趙文子與叔譽觀乎九原

叔譽叔向也晉羊舌大夫之孫名盼

文

子曰死者如可作也吾誰與歸

作起也

叔譽曰

其陽處父乎

陽處父襄公之大傅

文子曰行并植於晉

國不沒其身其知不足稱也

并猶專也謂剛而專己為狐射姑所

殺沒終也植或為特

其舅犯乎文子曰見利不顧其君

其仁不足稱也

謂久與文公辟難至將反國無安君之心及河授辟詐請亡要君以利是

我

則隨武子乎利其君不忘其身謀其身不

遺其友

武子士會也食邑於隨范字季

晉人謂文子知人

見其所善於前

則知其來所舉

文子其中退然如不勝衣

中身也退柔貌鄉射記曰弓

二寸以為侯中退或為妥

其言呐呐然如不出諸其口

呐呐舒貌小貌

所

舉於晉國管庫之士七十有餘家

管庫之士府史以下官長

所置也舉之於君以為大夫士也管鍵也庫物所藏

生不交利

廉也

死不屬其子

焉

也

叔仲皮學子柳

叔仲皮魯叔孫氏之族學教也子柳仲皮之子

叔仲

婦為舅姑之服
之失其妻是其一
夫失之

皮死其妻魯人也衣衰而繆經衣當為齊壞字也繆讀為木繆

垂之繆士妻為舅姑之服也言雖魯鈍其於禮勝學叔仲衍以告告子柳言此非也衍蓋皮之弟衍或

為請總衰而環經總衰小功之縷而四升半之衰環經弔服之經時婦人好輕細而多

服此者衍既不知禮之本子柳亦以為然而請於衍使其妻為舅服之曰昔者吾喪姑姊

妹亦如斯末吾禁也衍荅子柳也姑姊妹在室齊衰與婦為舅姑同末無也言無禁

我欲其言行退使其妻總衰而環經婦以諸侯之大夫為天子之衰弔服

之經服其舅非成人有其兄死而不為衰者聞子臯

將為成宰遂為衰成人曰蠶則績而蟹有

匡范則冠而蟬有綏兄則死而子臯為之

衰蚩兄死者言其衰之不為兄死如蟹有匡蟬有綏不為蠶之績范之冠也范蜂也蟬蛸也綏謂蛸喙長在腹下樂

以情取瘠

歲旱以喪礼
處之

正子春之母死五日而不食曰吾悔之

勉強過禮

子春曾子弟子

自吾母而不得吾情吾惡乎用吾情

惡乎猶於何也

歲旱穆公召縣子而問然

然之言焉也凡穆或作繆

曰

天久不雨吾欲暴尫而奚若

奚若何如也尫者面鄉天覲天哀而

雨

曰天則不雨而暴人之疾子虐毋乃不可

與

錮疾人之所哀暴之是虐

然則吾欲暴巫而奚若曰天則

不雨而望之愚婦人於以求之母乃已疏

乎

已猶甚也巫主接神亦覲天哀而雨之春秋傳說巫曰在女曰巫在男曰覲周禮女巫旱暵則舞雩

徙市

則奚若曰天子崩巷市七日諸侯薨巷市

三日爲之徙市不亦可乎


徙市者庶人之喪禮今徙市是憂戚於旱若喪

孔子曰衛人之祔也離之祔謂合葬也離之有以間其槨中魯人之祔也合之善夫善夫善魯人也祔葬當合也

禮記卷第三

經五千八十一字
注四千九百三十六字

虞氏中云此篇乃漢文帝博士諸生所作。李氏曰劉氏七略其本制矣制服制等篇今但有一篇疑小戴所刪履祥按文公儀禮有王制十篇蓋得古意




禮記卷第四

王制第五

禮記

禮記

鄭氏注



劉氏別錄屬制度

制爵天下

制祿一國

封建

王國之餘縣內侯祿

王者之制祿爵公侯伯子男凡五等諸侯之上大夫卿下大夫上士中士下士凡五

等

二五象五行剛柔十日祿所受食爵秩次也上大夫曰卿

天子之田方千里

象日月之

大亦取畧同也此謂縣內以祿公卿大夫元士

公侯田方百里伯七十里子

男五十里不能五十里者不合於天子附

於諸侯曰附庸天子之三公之田視公侯

天子之卿視伯天子之大夫視子男天子

之元士視附庸

皆象星辰之大小也不合謂不朝會也小城曰附庸附庸者以國事附於大國

井田
等而上之為侯
國之祿

侯國之祿

未能以其名通也視猶比也元善也善士謂命士也此地殷所
因夏爵三等之制也殷有鬼侯梅伯春秋變周之文從殷之質
合伯子男以為一則殷爵三等者公侯伯也異畿內謂之子周
武王初定天下更立五等之爵增以子男而猶因殷之地以九
州之界尚狹也周公攝政致太平斥大九州之界制禮成武王
之意封王者之後為公及有功之諸侯大者地方五百里其次
侯四百里其次伯三百里其次子二百里其次男百里所因殷
之諸侯亦以功黜陟之其不合者皆益之地為百里焉是以周
世有爵尊而國小爵卑而國大者唯天子
畿內千里不增以祿羣臣不主為治民
制農田百畝百
畝之分上農夫食九人其次食八人其次
食七人其次食六人下農夫食五人庶人
在官者其祿以是為差也農夫皆受田於公田肥
壤有五等收入不同也
庶人在官謂府史之屬官長所除
不命於天子國君者分或為糞諸侯之下士視上
農夫祿足以代其耕也中士倍下士上士

封建制祿
文官漢儒

倍中士下大夫倍上士卿四大夫祿君十

卿祿次國之卿三大夫祿君十卿祿小國

之卿倍大夫祿君十卿祿此班祿尊卑之差次國之

上卿位當大國之中中當其下下當其上

大夫小國之上卿位當大國之下卿中當

其上大夫下當其下大夫此諸侯使卿大夫規聘並會之序也其位爵同

小國在下爵異固在上耳其有中士下士者數各居其上之

三分謂其為介若特行而並會也居猶當也此據大國而言大國之士為上次國之士為中小國之士為下士之數

國皆二十七人各三分之上九中九下九以位相當則次國之上士當大國之中中當其下小國之上士當大國之下凡非命

士亦無出會之事春秋傳謂士為微凡四海之內九州州方千里州

之說只是立一箇善法非惟施之當今不可求之昔時亦有難曉者且如九州之地冀州極闊雍州亦闊若青兗徐豫則疆界有不足者矣設是夏時封建之國革命之後不戢地多者削其國以予少者如此則彼未必服或以生亂又如周王以原田與晉

建百里之國三十七十里之國六十五十里之國百有二十凡二百一十國名山大澤不以封其餘以為附庸閒田六州州二

百一十國

建立也立大國三十十三公也立次國六十十六卿也立小國百二十十二小卿也名山大澤

不以封者與民同財不得障管亦賦稅之而已此大界方三千里三三而九方千里者九也其一為縣內餘八各立一州此殷制也周公制禮九州大界方七千里七七四十九方千里者四十有九也其一為畿內餘四十八州各有方千里者六設法一州封地方五百里者不過四謂之大國又封方四百里者不過六又封方三百里者不過十一謂之次國又封方二百里者不過二十二十五及餘方百里者謂之小國盈上四等之數并四十九一州二百一十國則餘方百里者百六十四也凡處地方千里者五方百里者五十九其餘方百里者四十一附庸地也天子之縣內方百里之

國九七十里之國二十有一五十里之國

大公其民不厭
至於伐之蓋世
守其地不欲
從它人若封王
子弟必煩有室
地方可封履祥
按方百里惟以田
計青兗徐豫山
少田多故疆界
若狹葉與雍田
少田多故疆界
其間

六十有三凡九十三國名山大澤不以盼

其餘以祿士以為閒田

縣內夏時天子所居州界名也

里維民所止周亦曰畿畿內大國九者三公之田三為有致仕者副之為六也其餘三待封王之子弟次國二十一者卿之田六亦為有致仕者副之為十二又三為三孤之田其餘六亦待封王之子弟小國六十三大夫之田二十七亦為有致仕者副之為五十四其餘九亦以待封王之子弟三孤之田不副者凡以其無職佐公論道耳雖其致仕猶可即而謀焉盼讀為班

九州千七百七十三國天子之元士諸侯

之附庸不與

不與不在數中也春秋傳曰禹會諸侯於塗山執王帛者萬國言執王帛則是唯謂

中國耳中國而言萬國則是諸侯之地有方百里者有方七十里者有方五十里者禹承堯舜而然矣要服之內地方七千里乃能容之夏末既衰夷狄內侵諸侯相并土地減國數少躬湯承之更制中國方三千里之界亦分為九州而建此千七百七十三國焉周公復唐虞之舊域分其五服為九其要服之內亦方七千里而因殷諸侯之數廣其土增其爵耳孝經說曰周千八百

縣內

縣外

侯伯

諸侯布列五千里內此文改周之法關盛衰之中三七之間以爲說也終此說之意五五二十五方千里者二十五也其一爲畿內餘二十四州各有方千里者三其餘諸侯之地大小則未得而聞

天子百里之內以

共官千里之內以爲御

謂此地之田稅所給也官謂其文書財用也御謂衣

食千里之外設方伯五國以爲屬屬有長

十國以爲連連有帥三十國以爲卒卒有

正二百一十國以爲州州有伯

屬連卒州猶聚也伯帥正亦長

也凡長皆因賢侯爲之殷之州長曰伯虞夏及周皆曰牧

八州八伯五十六正百

六十八帥三百三十六長八伯各以其屬

屬於天子之老二人分天下以爲左右曰

二伯

老謂卜公周禮曰九命作伯春秋傳曰自陝以東周公主之自陝以西召公主之

千里之內

制爵

王國之爵

侯國之爵

曰甸服治田出穀稅千里之外曰采九州之內地取其美物以當穀稅曰流

謂九州之外也夷狄流移或貢或不禹貢荒服之外三百里蠻二百里流天子三公九卿

二十七大夫八十一元士此夏制也明堂位曰夏后氏之官百舉成數也大

國三卿皆命於天子下大夫五人上士二

十七人次國三卿二卿命於天子一卿命

於其君下大夫五人上士二十七人小國

二卿皆命於其君下大夫五人上士二十

七人命於天子者天子選用之如今詔書除吏矣小國亦三卿一卿命於天子二卿命於其君此文似誤脫耳或者

欲見畿內之天子使其大夫為三監監於方伯

之國國三人使佐方伯領諸侯天子之縣內諸侯祿也

選賢置之於位其國外諸侯嗣也有冠禮記曰繼世以立諸

賢也侯象制三公二命卷若有加則賜也不過九

命次國之君不過七命小國之君不過五

命卷俗讀也其通則曰衮三公八命矣復加一命則服龍衮與王者之後同多於此則賜非命服也虞夏之制天子服

有日月星辰周禮曰諸公之服自衮冕而下如王之服大國之卿不過三命下

卿再命小國之卿與下大夫二命不著次國之卿者以大國

之下互明之此卿命則異大夫皆同周禮公侯伯之卿三命其大夫再命子男之卿再命其大夫一命凡官民

材必先論之論謂考其德行道藝論辨然後使之辨謂考問得其

定也易曰問以辨之任事然後爵之爵謂正其秩次位定然後祿

之與之以常食爵人於朝與士共之刑人於市與衆

選舉

任賢

去邪

朝聘

巡守

弃之也必共之者所以審慎之也書曰克明德慎罰是故公家不畜刑人

大夫弗養士遇之塗弗與言也屏之四方

唯其所之不及以政亦弗故生也屏猶放去也已施刑則放

之弃之役賦不與亦不授之以田困乏又無調餼也虞書曰五流有宅五宅三居是也周則墨者使守門劓者使守關宮者使

守內刑者使守圜諸侯之於天子也比年一小聘

三年一大聘五年一朝比年每歲也小聘使大夫大聘使卿朝則君自行然

此大聘與朝晉文霸時所制也虞夏之制諸侯歲朝周之制侯甸男采衛要服六者各以其服數來朝天子五

年一巡守天子以海內為家時一巡省之五年歲二月

東巡守至于岱宗岱宗東嶽柴而望祀山川柴祭天告

至也覲諸侯覲見也問百年者就見之就見也命大

師陳詩以觀民風

陳詩謂采其詩而視之

命市納賈以

觀民之所好惡志淫好辟

市典市者賈謂物賤厚薄也賈則用物

貴淫則侈物貴民之志淫邪則其所好者不正

命典禮考時月定日同律

禮樂制度衣服正之

同陰律也

山川神祇有不舉

者為不敬不敬者君削以地

舉猶祭也

宗廟有

不順者為不孝不孝者君紕以爵

不順者謂君逆昭穆

變禮易樂者為不從不從者君流

流放也

革制

度衣服者為畔畔者君討

討誅也

有功德於民

者加地進律

律法也

五月南巡守至于南嶽如

東巡守之禮八月西巡守至于西嶽如南

巡守朝會

學校

巡守之禮十有一月北巡守至于北嶽如

西巡守之禮歸假于祖禰用特假至也特特牛也祖下及禰皆

天子將出類乎上帝宜乎社造乎禰諸侯

將出宜乎社造乎禰帝謂五德之帝所祭於南郊者類宜造皆祭名其禮亡天

子無事與諸侯相見曰朝事謂征伐考禮正刑一

德以尊于天子天子賜諸侯樂則以祝將

之賜伯子男樂則以鼗將之將謂執以致命祝鼗皆所以節樂

諸侯賜弓矢然後征賜鈇鉞然後殺賜圭

瓚然後爲鬯未賜圭瓚則資鬯於天子得其器乃

敢爲其事圭瓚爵也鬯拒酒也天子命之教然後爲學小學

大學四十字禮記卷四

在公宮南之左大學在郊

學所以學士之宮尚書傳曰百里之國二十里

之郊七十里之國九里之郊五十里之國三里之郊此小學大學之制

天子曰辟廱諸侯

曰類宮

尊卑學異名辟明也廱和也所以明和天下類之言班也所以班政教也

天子將出

征類乎上帝宜乎社造乎禰禡於所征之

地

禡師祭也為兵禱其禮亦亡

受命於祖

告祖也

受成於學

征執有罪反釋奠于學以訊馘告

釋菜奠幣禮先師也訊馘

所生獲斷耳者詩曰執訊獲醜又曰在類獻馘馘或為國

天子諸侯無事則歲三

田一為乾豆二為賓客三為充君之庖

三田者夏

不田蓋夏時也周禮春曰蒐夏曰苗秋曰獮冬曰狩乾豆謂腊之以為祭祀豆實也庖今之廚也

無事而不

田曰不敬田不以禮曰暴天物

不敬者簡祭祀略賓客

天

冢宰
財用

子不合圍諸侯不掩羣

為盡物也

天子殺則下大

綏諸侯殺則下小綏

綏當為綏綏有虞氏之旌旗也下謂弊弁之

大夫殺

則止佐車佐車止則百姓田獵

佐車驅逆之車

獺祭

魚然後虞人入澤梁豺祭獸然後田獵鳩

化為鷹然後設罝羅草木零落然後入山

林昆蟲未蟄不以火田

取物必順時候也梁絕水取魚者罝小網也昆明也明蟲

者得陽而生得陰而藏

不麝不卵不殺胎不殀夭

重傷未成物殀斷殺

少長曰夭

不覆巢

覆敗也

冢宰制國用必於歲之杪

五穀皆入然後制國用

制國用如今度支經用杪末也

用地小

大視年之豐耗

小國大國豐凶之年各以歲之收入制其用多少多不過禮少有所殺

以

三十年之通制國用量入以為出

通三十年之率當有九年

之蓄出謂所當給為

祭用數之仇

筭今年一歲經用之數用其什一

喪三年不

祭唯祭天地社稷為越紼而行事

不敢以卑廢尊越猶

躡也紼輜車索

喪用三年之仇

喪大事用三歲之什一

喪祭用不

足曰暴有餘曰浩

暴猶耗也浩猶饒也

祭豐年不奢凶

年不儉

常用數之仇

國無九年之蓄曰不足無六

年之蓄曰急無三年之蓄曰國非其國也

三年耕必有一年之食九年耕必有三年

之食以三十年之通雖有凶旱水溢民無

菜色然後天子食日舉以樂

菜色食菜之色民無食菜之飢色天

喪紀

祭祀

朱子曰王制
祭法廟制
不同以同私言
之恐王制為是

子乃日舉樂以食天子七日而殯七月而葬諸侯五日

而殯五月而葬大夫士庶人三日而殯三

月而葬尊者舒卑者速春秋傳曰天子七月而葬同軌畢至諸侯五月同盟至大夫三月同位至士踰

月外姻至三年之喪自天子達下同天子諸侯降期庶

人縣封葬不為雨止不封不樹喪不貳事

縣封當為縣窆縣窆者至卑不得引紼下棺雖雨猶葬以其禮儀少封謂聚土為墳不封之不樹之又為至卑無飾也周禮曰

以爵等為丘封之度與其樹數則士以上乃皆封樹貳之言二也庶人終喪無二事不使從政也喪大記曰大夫士既葬公政

入於家既卒哭弁經帶金革之事無辟也自天子達於庶人喪從死者

祭從生者支子不祭從死者謂衣衾棺槨從生者謂奠祭之牲器天子

七廟三昭三穆與大祖之廟而七此周制七者大祖及文王

武王之祧與親廟四大祖后稷殷則六廟契及湯與諸侯五

廟二昭二穆與大祖之廟而五大祖始封之君王者之後不為始封

之君大夫三廟一昭一穆與大祖之廟而三大祖

別子始爵者大傳曰別子為祖謂此雖非別子始爵者亦然士一廟謂諸侯之中士下士名曰官師者上

士二廟庶人祭於寢寢適也天子諸侯宗廟之祭

春曰禘夏曰禘秋曰嘗冬曰烝此蓋夏殷之祭名周則改之春

曰祠夏曰禘以禘為殷祭詩小雅曰禘祠烝嘗于公先王此周四時祭宗廟之名天子祭天地諸

侯祭社稷大夫祭五祀五祀謂司命也中雷也門也行也厲也此祭謂大夫有地者其

無地祭三耳天子祭天下名山大川五嶽視三公

四瀆視諸侯視視其牲器之數諸侯祭名山大川之

在其地者

魯人祭泰山晉人祭河是也

天子諸侯祭因國之

在其地而無主後者

謂所因之國先王先公有功德宜享世祀今絕無後為之祭主

者昔夏后氏郊鯀至杞為夏後而更郊禹晉侯夢黃熊入國而祀夏郊此其禮也

天子植杓祫

禘祫嘗祫烝

猶一也祫合也天子諸侯之喪畢合先君之主於祖廟而祭之謂之祫後因以為

常天子先祫而後時祭諸侯先時祭而後祫凡祫之歲春一祫而已不祫以物無成者不殷祭周改夏祭曰杓以禘為殷祭也

魯禮三年喪畢而祫於大祖明年春禘於羣廟自爾之後五年而再殷祭一祫一禘諸侯杓則不

禘禘則不嘗嘗則不烝烝則不杓

虞夏之制諸侯歲朝

廢一時祭

諸侯杓植

互明植杓文

禘一植一祫

下天子也祫歲不禘

嘗祫

烝祫天子社稷皆大牢諸侯社稷皆少牢

大夫士宗廟之祭有田則祭無田則薦

有田

賦役
上不專利
下不專利

者既祭又薦新祭以首時薦以仲月士薦牲用特豚大夫以上用羔所謂羔豚而祭百官皆足詩曰四之日其早獻羔祭韭

庶人春薦韭夏薦麥秋薦黍冬薦稻韭以

郊麥以魚黍以豚稻以鴈庶人無常牲取與新物相宜而已祭天

地之牛角繭栗宗廟之牛角握賓客之牛

角尺握謂長不出膚諸侯無故不殺牛大夫無故不

殺羊士無故不殺犬豕庶人無故不食珍

故謂祭饗庶羞不踰牲祭以羊則不羞以牛肉為羞燕衣不踰祭服

寢不踰廟舌者公田藉而不稅藉之言借也借民力治公田美惡取

於此不稅民之所自治也孟子曰夏后氏五十而貢市廛而

不稅廛市物邸舍稅其舍不稅其物關譏而不征譏譏異服識異言征亦稅也周禮國

司空
居四民
時地利

民力

民材

民俗

凶札則無門關之征征猶譏也林麓川澤以時入而不禁麓山足也夫

圭田無征夫猶治也征稅也孟子曰卿以下必有圭田治圭田者不稅所以厚賢也此則周禮之士田以

任近郊之一用民之力歲不過三日治宮室城郭道渠田里

不粥墓地不請皆受於公民不得私也粥賣也請求也司空執度

度地司空冬官卿掌邦事者度丈尺也居民山川沮澤時四時

觀寒煖燥濕沮謂萊沛量地遠近制邑井之處興事任力事謂築邑廬宿市也

凡使民任老者之事食壯者之食寬其力饒其食凡

居民材必因天地寒煖燥濕使其材執堪地氣也廣谷

大川異制謂其形象民生其閒者異俗謂其所好惡剛

柔輕重遲速異齊謂其情性緩急五味異和謂香臭與鹹苦器

械異制

謂作務之用

衣服異宜

謂氈裘與絺綌

脩其教不

易其俗齊其政不易其宜

教謂禮義政謂刑禁

中國戎

夷五方之民皆有性也不可推移

地氣使之然

東

方曰夷被髮文身有不火食者矣南方曰

蠻雕題交趾有不火食者矣

雕文謂刻其肌以丹青涅之交趾足

相鄉然浴則同川臥則儗不火食地氣煖不為病

西方曰戎被髮衣皮有不

粒食者矣北方曰狄衣羽毛穴居有不粒

食者矣

不粒食地氣寒少五穀

中國夷蠻戎狄皆有安

居和味宜服利用備器

其事雖異各自足

五方之民

言語不通嗜欲不同達其志通其欲東方

屬民

任民

教民

司徒

簡不肖

曰寄南方曰象西方曰狄韃北方曰譯皆俗聞之

名依其事類耳韃之言知也今冀部有言狄韃者凡居民量地以制邑度地

以居民地邑民居必參相得也得猶足也無曠土

無游民食節事時民咸安其居樂事勸功

尊君親上然後興學立小學大學司徒脩六禮以

節民性明七教以興民德齊八政以防淫

一道德以同俗養耆老以致孝恤孤獨以

逮不足上賢以崇德簡不肖以絀惡司徒地官卿掌

邦教者逮及也簡差擇也命鄉簡不帥教者以告帥循也不循教謂教很不

孝弟者司徒使鄉簡擇以告者鄉屬司徒耆老皆朝于庠元日習射上

功習鄉上齒大司徒帥國之俊士與執事焉

將習禮以化之使之觀焉耆老致仕及鄉中老賢者朝猶會也此庠謂鄉學也鄉謂飲酒也鄉禮春秋射國蜡而飲酒養老

不變命國之右鄉簡不帥教者移之左命

國之左鄉簡不帥教者移之右如初禮中年考校

而又不變使轉徙其居觀其見新人有所化也亦復習禮於鄉學使之觀焉不變移之郊如

初禮郊鄉界之外者也稍出遠之後中年又為之習禮於郊學不變移之遂如初

禮遠郊之外曰遂遂大夫掌之又中年復移之使居遂又為習禮於遂之學不變屏之遠方

終身不齒遠方九州之外齒猶錄也命鄉論秀士升之司徒

曰選士移名於司徒也秀士鄉大夫所考有德行道藝者司徒論選士之秀

者而升之學曰俊士可使習禮者學大學升於司徒者不

簡不帥教

征於鄉升於學者不征於司徒曰造士

不征不給

其繇役造成也能習禮則為成士

樂正崇四術立四教

樂正樂官之長掌國子之教虞

書曰夔命汝典樂教胄子崇高也高尚其術以作教也幼者教之於小學長者教之於大學尚書傳曰年十五始入小學十八

入大學

順先王詩書禮樂以造士

順此四術而教以成是士也

春

秋教以禮樂冬夏教以詩書

春夏陽也詩樂者聲聲亦陽也秋冬

陰也書禮者事事亦陰也互言之者皆以其術相成

王大子王子羣后之太子

卿大夫元士之適子國之俊選皆造焉

皆以四術

成之王子王之庶子也羣后公及諸侯

凡入學以齒

皆以長幼受學不用尊卑

將出學

小胥大胥小樂正簡不帥教者以告于大

樂正大樂正以告于王

此所簡者謂王太子王子羣后之太子卿大夫元士之適

李詩氏

禮記

卷

子大胥小胥皆樂官屬也

王命三公九卿大夫元士

皆入學不變王親視學

亦謂使習禮以化之不變王又親為之臨視重弃賢

者子孫此習禮皆於大學也

不變王三日不舉

去食樂重弃人

并之遠

方西方曰棘東方曰寄終身不齒

棘當為棘棘之言偏使之

偏寄於夷戎不屏於南北為其大遠

大樂正論造士之秀者以告

于王而升諸司馬曰進士

移名於司馬司馬夏官卿主邦政者進士可進

受爵祿也

司馬辨論官材

辨其論官其材觀其所長

論進士之賢

者以告於王而定其論

各署其

論定然後官

之

使之試守

任官然後爵之

命

位定然後祿之大

夫廢其事終身不仕死以士禮葬之

以不任大夫也

有發則命大司徒教士以車甲

乘兵車衣甲之儀有發謂有軍

師發卒

凡執技論力適四方羸股肱決射御

謂擐

衣出其臂脛使之射御決勝負見勇力

凡執技以事上者祝史射御

醫卜及百工

言技謂此七者

凡執技以事上者不貳

事不移官

欲專其事亦為不德

出鄉不與士齒

賤也於其鄉中則齒親親

也仕於家者出鄉不與士齒

賤亦

司寇正刑明

辟以聽獄訟

司寇秋官卿掌刑者辟罪也

必三刺

以求民情斷其獄訟之中一曰

訊羣臣二曰訊羣吏三曰訊万民

有言無簡不聽

簡誠也有其意无其誠者不論以為罪

附從輕

附施刑也求出之使從輕

赦從重

雖是罪可重猶赦之

凡制五刑

必即天論

制斷也即就也必即天論言與天意合閔子

郵

罰麗於事

郵過也麗附也過人罰人當各附於其事不可假他以喜怒

凡聽五刑

之訟必原父子之親立君臣之義以權之

權平也

意論輕重之序慎測淺深之量以別

之

意思念也淺深謂俱有罪本心有善惡

悉其聰明致其忠愛以

盡之

盡其情

疑獄汜與衆共之衆疑赦之必察

小大之比以成之

小大猶輕重已行故事曰比

成獄辭史以獄

成告於正正聽之

史司寇吏也正於周鄉師之屬今漢有正平丞秦所置

正以

獄成告于大司寇大司寇聽之棘木之下

周禮鄉師之屬辨其獄訟異其死刑之罪而要之職聽於朝司寇聽之朝王之外朝也左九棘孤卿大夫位焉右九棘公侯伯

子男位焉面三槐三公位焉

大司寇以獄之成告於王王命三

公參聽之

王使三公復與司寇及正共平之重刑也周禮王欲免之乃命公會其期

三公以

獄之成告於王王三又然後制刑

又當作宥宥寬也一宥曰

不識再宥曰過失三宥曰遺忘

凡作刑罰輕無赦

法雖輕不赦之為人易犯

刑者

例也例者成也一成而不可變故君子盡

心焉

變更也

析言破律亂名改作執左道以亂

政殺

析言破律巧賣法令者也亂名改作謂變易官與物之名更造法度左道若巫蠱及俗禁

作淫聲

異服奇技奇器以疑衆殺

淫聲鄭衛之屬也異服若聚鵠冠瓊弁也奇技

奇器若公輸般請以機寔

行偽而堅言偽而辯學非而博順

非而澤以疑衆殺

皆謂虛華捷給無誠者也

假於鬼神時

日卜筮以疑衆殺

今時持喪葬築蓋嫁取卜數文書使民倍禮違制

此四

誅者不以聽

為其為害大而辭不可明

凡執禁以齊衆不

赦過

亦為人將易犯

有圭璧金璋不粥於市命服命

車不粥於市宗廟之器不粥於市犧牲不

粥於市戎器不粥於市

尊物非民所宜有戎器軍器也粥賣也

用器

不中度不粥於市兵車不中度不粥於市

布帛精麤不中數幅廣狹不中量不粥於

市茲色亂正色不粥於市

凡以其不可用也用器弓矢耒耜飲食器也度

丈尺也數外縷多少

錦文珠玉成器不粥於市衣服飲

食不粥於市

不示民以奢與貪也成猶善也

五穀不時果實未

孰不粥於市

物未成不利人

木不中伐不粥於市

伐之非時

大史
歲會

不中用周禮仲冬斬陽木仲夏斬陰木禽獸魚鼈不中殺不粥於市

殺之非時不中用月令季冬始漁周禮春獻鼈蜃關執禁以譏禁異服識

異言關竟上門譏呵察大史典禮執簡記奉諱惡簡記策書

也諱先王名惡忌日若子卯天子齊戒受諫歲終羣臣奏歲事諫王當所改爲也司會司外

以歲之成質於天子司會冢宰之屬掌計要者成計要也質猶平也平其計要冢

宰齊戒受質贊王受之大樂正大司寇市三官以

其成從質於天子大樂正於周宗伯之屬市司市也於周司徒之屬從從於司會也大

司徒大司馬大司空齊戒受質百官各以

其成質於三官大司徒大司馬大司空以

百官之成質於天子百官此三百官之屬百官齊戒受

養老
養耆老
以致孝

質

受平報也

然後休老勞農

饗養之

成歲事

斷計要也

制

國用凡養老有虞氏以燕禮夏后氏以饗

禮殷人以食禮周人脩而兼用之

兼用之備陰陽也凡飲養

陽氣凡食養陰氣陽用春夏陰用秋冬

五十養於鄉六十養於國七十

十養於學達於諸侯

天子諸侯養老同也國國中小學在王宮之左學大學也在郊

此初制明矣

八十拜君命一坐再至瞽亦如之九

十使人受

命謂君不親饗食必以其禮致之

五十異粢六十宿

肉七十貳膳八十常珍九十飲食不離寢

膳飲從於遊可也

粢糧也貳副也遊謂出入止觀

六十歲制七

十時制八十月制九十日脩唯絞紵衾冒

死而后制

絞紛衾冒一日二日而可為者

五十始衰六十非肉

不飽七十非帛不煖八十非人不煖九十

雖得人不煖矣

溫煖

五十杖於家六十杖於

鄉七十杖於國八十杖於朝九十者天子

欲有問焉則就其室以珍從

尊養之

七十不俟

朝

大夫士之老者揖君則退

八十月告存

每月致膳

九十日有秩

秩常

也有常膳

五十不從力政六十不與服戎七十不

與賓客之事八十齊喪之事弗及也

力稍衰也力政

城道之役也與及也八十不齊則不祭也子代之祭是謂宗子不孤

五十而爵

賢者命為大夫

六

十不親學

不能備弟子禮

七十致政唯衰麻為喪

致政

還君有虞氏養國老於上庠養庶老於下

庠夏后氏養國老於東序養庶老於西序

殷人養國老於右學養庶老於左學周人

養國老於東膠養庶老於虞庠虞庠在國

之西郊

皆學名也異者四代相變耳或上西或上東或貴在國或貴在郊上庠右學大學也在西郊下庠左

學小學也在國中王宮之東東序東膠亦大學在國中王宮之東西序虞庠亦小學也西序在西郊周立小學於西郊膠之言

糾也庠之言養也周之小學為有虞氏之庠制是以名庠云其立鄉學亦如之膠或作綵有虞氏皇而

祭深衣而養老夏后氏收而祭燕衣而養

老殷人皐而祭縞衣而養老周人冕而祭

玄衣而養老

皇冕屬也畫羽飾焉凡冕屬其服皆玄上纁下有虞氏十二章周九章夏殷未聞凡

政役

恤孤
達不足
恤孤獨

養老之服皆其時與羣臣燕之服有虞氏質深衣而已夏而改之尚黑而黑衣裳躬尚白而縞衣裳周則兼用之玄衣素裳其

冠則牟追章甫委貌也諸侯以天子之燕服為朝服燕禮曰燕朝服用是服也王者之後亦以燕服為之魯季康子朝服以縞

僭宋之禮也天子皮弁以日視朝也凡三王養老皆引年已而引戶校年當行復除

也老人衆多非賢者不可皆養八十者一子不從政九十者其

家不從政廢疾非人不養者一人不從政

廢廢於人事父母之喪三年不從政齊衰大功之

喪三月不從政將徙於諸侯三月不從政

自諸侯來徙家期不從政自從也少而無父者

謂之孤老而無子者謂之獨老而無妻者

謂之矜老而無夫者謂之寡此四者天民

禮教

自養老以下至此皆富在司徒章內

井田

之窮而無告者也皆有常餼餼廩也瘖聾耳跛

躄斷者侏儒百工各以其器食之斷謂支節絕也侏儒短人也

也器能也道路男子由右婦人由左車從中央道有三塗

也遠別父之齒隨行兄之齒鴈行朋友不相踰

廣敬也謂於塗中輕任并重任分斑白者不提挈皆謂以與

少者雜色曰斑君子耆老不徒行庶人耆老不徒食

徒猶空也大夫祭器不假祭器未成不造燕器

造為也方一里者為田九百畝一里方三百步方十里者

為方一里者百為田九萬畝方百里者為

方十里者百為田九十億畝億今十萬方千里者

為方百里者百為田九萬億畝萬億今萬萬也自恒

山至於南河千里而近冀州域自南河至於江

千里而近豫州域自江至於衡山千里而遥荊州域

自東河至於東海千里而遥徐州域自東河至

於西河千里而近亦冀州域自西河至於流沙千

里而遥雍州域西不盡流沙南不盡衡山東不

盡東海北不盡恒山凡四海之內斷長

補短方三千里為田八十萬億一萬億畝

九州之大計方百里者為田九十億畝山陵林麓

川澤溝瀆城郭宮室塗巷三分去一其餘

六十億畝

以一大國為率其餘所授民也山足曰麓

古者以周尺八

尺為步今以周尺六尺四寸為步古者百

畝當今東田百四十六畝三十步古者百

里當今百二十一里六十步四尺二寸二

分

周尺之數未詳聞也案禮制周猶以十寸為尺蓋六國時多變亂法度或言周尺八寸則步更為八八六十四寸以

此計之古者百畝當今百五十六畝二

十五步古者百里當今百二十五里方千里者為方

百里者百封方百里者三十國其餘方百

里者七十又封方七十里者六十為方百

里者二十九方十里者四十其餘方百里

者四十方十里者六十又封方五十里者

百二十爲方百里者三十其餘方百里者
十方十里者六十名山大澤不以封其餘
以爲附庸閒田諸侯之有功者取於閒田
以祿之其有削地者歸之閒田天子之縣
內方千里者爲方百里者百封方百里者
九其餘方百里者九十一又封方七十里
者二十一爲方百里者十方十里者二十
九其餘方百里者八十方十里者七十一又
封方五十里者六十三爲方百里者十五
方十里者七十五其餘方百里者六十四

方十里者九十六諸侯之下士祿食九人
中士食十八人上士食三十六人下大夫
食七十二人卿食二百八十八人君食二
千八百八十人次國之卿食二百一十六
人君食二千一百六十人小國之卿食百
四十四人君食千四百四十人次國之卿
命於其君者如小國之卿天子之大夫爲
三監監於諸侯之國者其祿視諸侯之卿
其爵視次國之君其祿取之於方伯之地
方伯爲朝天子皆有湯沐之邑於天子之

縣內視元士給齊戒自絜清之用浴用湯沐用潘諸侯世子世國

象賢也大夫不世爵使以德爵以功謂縣內及列國諸侯為天

子大夫者不世爵而世祿辟賢也未賜爵視天子之元士以君

其國列國及縣內之國也諸侯之大夫不世爵祿六禮

冠昏喪祭鄉相見鄉鄉飲酒鄉射七教父子兄弟夫

婦君臣長幼朋友賓客八政飲食衣服事

為異別度量數制飲食為上衣服次之事為謂百工技藝也異別五方用器不同也度

丈尺也量斗斛也數百十也制布帛幅廣狹也

禮記卷第四

經四千三百三十九字
注五千一百六十一字

李氏心傳曰月
分別錄屬明堂

陰陽

孟春

禮記卷第五

月令曰疆所在及昏旦中星上與堯典不合下與今日不同此曆家所謂歲差也

月令第六

禮記

鄭氏注

孟春之月日在營室昏參中旦尾中

孟長也日月之

行一歲十二會聖王因其會而分之以為大數焉觀斗所建命其四時此云孟春者日月會於誦訾而斗建寅之辰也凡記昏明中星者為人君南面而聽天下視時候以授民事其日甲乙

乙之言軋也日之行春東從青道發生萬

物月為之佐時萬物皆解孚甲自抽軋而出其帝大皞其

神句芒

此倉精之君木官之臣自古以來著德立功者也大皞宓戲氏句芒少皞氏之子曰重為木官其

蟲鱗

象物孚甲將解鱗龍蛇之屬

其音角

謂樂器之聲也三分羽益一以生角角數六十四屬

木者以其清濁中民象也春氣和則角聲調樂記曰角亂則憂其民怨凡聲尊卑取象五行數多者濁數少者清大不過宮細

不過律中大蕤

律候氣之管以銅為之中猶應也孟春氣至則大蕤之律應應謂吹灰也大蕤

蕤秦也謂吹灰也
候十月皆然

者林鍾之所生三分益一律長八寸凡律空其數八數者五行佐天

地生物成物之次也易曰天一地二天三地四天五地六天七地八天九地十而五行自水始火次之木次之金次之土為後

水生數三成數八但言八者舉其成數其味酸其臭羶木之臭味也凡酸羶者皆屬焉其

祀戶祭先脾春陽氣出祀之於戶內陽也祀之先祭脾者春為陽中於藏直脾脾為尊凡祭五祀於廟

用特牲有主有尸皆先設席于奧祀戶之禮南面設主于戶內之西乃制脾及腎為俎奠于主北又設盛于俎西祭黍稷祭肉

祭醴皆三祭肉脾一腎再既祭徹之更陳鼎俎設饌于筵前迎尸略如祭宗廟之儀東風解凍蟄

蟲始振魚上冰獺祭魚鴻鴈來皆記時候也振動也夏小正正

月啓蟄魚陟負冰漢始亦以驚蟄為正月中此時魚肥美獺將食之先以祭也鴈自南方來將北反其居今月令鴻皆為候

天子居青陽左个乘鸞路駕倉龍載青旂

衣青衣服倉玉食麥與羊其器䟽以達皆所順

鴻鴈來呂氏進
南子並作候
鴈社

迎春
慶賞

時氣也青陽左个大寢東堂北偏鸞路有虞氏之車有鸞和之節而飾之以青取其名耳春言鸞冬夏言色互文馬八尺以上為龍凡所服玉謂冠飾及所佩者之衡璜也麥實有孚甲屬木羊火畜也時尚寒食之以安性也器疏者刻鏤之象物當貫土而出也凡此車馬衣服皆所取於粃時而有變焉非周制也周禮朝祀戎獵車服各以其事不以其時為異又玉藻曰天子龍袞以祭玄端而朝日皮弁以日視朝與此皆殊

是月也以立春先立春三日大史謁之天子曰某日立春盛德在木

天子乃齊

大史禮官之屬掌正歲年以序事謁告也

立春之日天子親

帥三公九卿諸侯大夫以迎春於東郊還

反賞公卿諸侯大夫於朝

迎春祭倉帝靈威仰於東郊之兆也王居

明堂禮曰出十五里迎歲蓋粃禮也周近郊五十里賞謂有功德者有以顯賜之也朝大寢門外

命相布德

和令行慶施惠下及兆民

相謂三公相王之事也德謂善教也令謂時禁

正曆

祈穀

躬耕

也慶謂休其善也惠謂恤其不足也天子曰兆民

慶賜遂行母有不當

達也

言使當得者皆得

乃命大史守典奉法司天日

月星辰之行宿離不貸母失經紀以初為

常

典六典法八法也離讀如儼偶之儼宿儼謂其屬馮相氏保章氏掌天文者相與宿偶當審候伺不得過差也經紀

謂天文進退度數

是月也天子乃以元日祈穀于上

帝

謂以上辛郊祭天也春秋傳曰夫郊祀后稷以祈農事是故啓蟄而郊郊而後耕上帝大微之帝也

乃擇元

辰天子親載耒耜措之于參保介之御閒

帥三公九卿諸侯大夫躬耕帝藉天子三推

三公五推卿諸侯九推

元辰蓋郊後吉辰也耒耜之上曲也保介車右也置

耒於車右與御者之閒明已勸農非農者也人君之車必使勇士衣甲居右而參乘備非常也保猶衣也介甲也帝藉為

布農事

正疆界

入學
滋生

天神借民力所治之田也反執爵于犬寢三公九卿諸侯大

夫皆御命曰勞酒既耕而宴飲以勞羣臣也大寢路寢御侍也是月也天

氣下降地氣上騰天地和同草木萌動此陽氣蒸

達可耕之候也農書曰土長冒櫛陳根可拔耕者急發王命布農事命田舍東

郊皆脩封疆審端徑術田謂田畯主農之官也舍東郊順時氣而居以命其事也

封疆田首之分職術周禮作遂夫閒有遂遂上有徑遂小溝也步道曰徑今尚書曰分命羲仲宅嵎夷也善相

丘陵阪險原隰土地所宜五穀所殖以教

道民必躬親之也相視田事既飭先定準直農

乃不惑說所以命田舍東郊之意也準直謂是月也

命樂正入學習舞為仲春將釋菜乃脩祭典重祭禮歲始省

小言字
豐已五
三

掩死

禁兵

或問孟春行夏令

等處不知是天

行令是人行令

文公曰是人行此

令則召天之災

履祥按月令每

月自有當行之

若不行當月之

政而行它時之

則它時之氣應

錄命祀山林川澤犧牲毋牝為傷妊禁止伐

木盛德所在母覆巢母殺孩蟲胎夭飛鳥毋麇

毋卵為傷萌母聚大眾母置城郭為妨農掩骼

埋鬲謂死氣逆生也骨是月也不可以稱兵稱

兵必天殃逆生兵戎不起不可從我始為客不

則母變天之道以陰政母絕地之理易剛柔母

亂人之紀仁之時而孟春行夏令則雨水不

時已之氣乘之也四草木蚤落生日國時有恐以

驚訛相行秋令則其民大疫申之氣乘之焱風暴

雨摠至正月宿直尾箕箕好風藜莠蓬蒿並興氣

唐宋昏旦
中星日在
並以分至

為定

昏弧旦建星

唐并世三斗

宋井三集

日奎少奎

宋以承平為心

亂惡物茂行冬令則水潦爲敗雪霜大摯望首種

亥之氣乘之也
舊說首種謂稷

仲中也
仲春者

日月會於降婁而斗建卯之辰也
弧在輿鬼南建星在斗上

其日甲乙其帝大皞。

其神句芒其蟲鱗其音角律中夾鍾其數

夾鍾者夷則之所生

三分益一律長七寸二千一百八十七分寸之千七十
五仲春氣至則夾鍾之律應周語曰夾鍾出四隙之細

始雨

皆記時候也倉庚
驪黃也鳩搏穀也

漢始以雨水爲二月節

天子居青陽大廟乘鸞路駕倉

龍載青旂衣青衣服倉玉食麥與羊其器䟽

省刑

祠高禩

以達

青陽大廟東堂當大室

是月也安萌芽養幼少存

諸孤

助生氣也

擇元日命民社

社后土也使民祀焉神其農業也祀社日用甲

命

有司省圜圜去桎梏毋肆掠止獄訟

順陽寬也省減

也圜圜所以禁守繫者若今別獄矣桎梏今械也在手曰桎在足曰梏肆謂死刑暴尸也周禮曰肆之三日掠謂捶治人

月也玄鳥至至之日以大牢祠于高禩天

子親往

玄鳥燕也燕以施生時來巢人堂宇而孚乳嫁娶之象也媒氏之官以為候高辛氏之世玄鳥遺卵娥簡

吞之而生契後王以為媒官嘉祥而立其祠焉變媒言媒神之也

后妃帥九嬪御

御謂從往侍祠

周禮天子有夫人有嬪有世婦有女御獨云帥九嬪舉中言也

乃禮天子所御帶以弓

韞授以弓矢于高禩之前

天子所御謂今有娠者於祠大祝酌酒飲於高

禩之庭以神惠顯之也帶以弓韞授以弓矢求男之祥是月也王居明堂禮曰帶以弓韞禮之禩下其子必得天材

也省察

春分

婦戒

程戒

滋生

開冰

也。日夜分，雷乃發聲，始電蟄蟲咸動，啓戶

始出

又記時候發猶出也

先雷三日，奮木鐸以令兆民

曰：雷將發聲，有不戒其容止者，生子不備，必

有凶災。

主戒婦人有娠者也，容止猶動靜。

日夜分，則同度量，鈞衡

石，角斗，角正權，概

因晝夜等而平當平也，同角正皆謂平之也。丈尺曰度，斗斛曰量，三

十斤曰鈞，稱上曰衡，百二十斤曰石，角今斛也，稱錘曰權，概平斗斛者。

是月也，耕者少舍

乃脩閭，扇寢廟畢備。

舍猶止也，因蟄蟲啓戶耕事少閒而治門戶也，用木曰閭。

用竹箬曰扇，畢猶皆也。凡廟前曰廟，後曰寢。

毋作大事以妨農之事。

大事

兵役之屬。

是月也，毋竭川澤，毋漉陂池，毋焚山林。

順陽養物也，畜水曰陂，穿地通水曰池。

天子乃鮮羔開冰，先薦寢廟。

釋菜

習樂

鮮當為獻聲之誤也獻羔謂祭司寒也祭司寒而出冰薦於宗廟乃後賦之春秋傳曰古者日在北陸而藏冰西陸朝覲而出之其藏冰也深山窮谷固陰沍寒於是乎取之其出之也朝之祿位賓食喪祭於是乎用之其藏之也黑牡秬黍以享司寒其出之也桃弧棘矢以除其災其出入也時食肉之祿冰皆與焉大夫命婦喪浴用冰祭寒而藏之獻羔而啓之公始用之火出而畢賦自命夫命婦至于老疾無不受冰

上丁命樂正習舞釋菜

樂官之長也命習舞者順萬物始出也鼓舞也將舞天子必釋菜於先師以禮之夏小正曰丁亥萬用入學

乃帥三公九卿諸侯大夫親往視之

仲丁又命樂正入學習樂

是月也祀不用犧牲用圭璧更皮幣

合騰之也更猶易也當仲春行秋令則其國大水

寒氣揔至

酉之氣乘之也八月寇戎來征

季春

為邊兵行冬令則陽氣不勝麥乃不孰子之氣乘之也

十一月為大陰民多相掠陰藪衆也行夏令則國乃大旱煖

氣早來午之氣乘之也蟲螟為害暑氣所生為災害也

季春之月日在胃昏七星中旦牽牛中季少也季

春者日月會於大梁而斗建辰之辰其日甲乙其帝大暉其神句

芒其蟲鱗其音角律中姑洗其數八其味

酸其臭羶其祀戶祭先脾姑洗者南呂之所生也三分益一律長七寸九

分寸之一季春氣至則姑洗之律應周語曰姑洗所以脩絮百物考神納賓桐始華田鼠化

為駕虹始見萍始生皆記時候也駕母無蟬謂之虹萍萍也其大者曰蘋天

子居青陽右个乘鸞路駕倉龍載青旂衣

薦衣

具舟

薦鮪

賑施

聘賢

青衣服倉玉食麥與羊其器䟽以達

青陽友不東堂南偏

是月也天子乃薦鞠衣于先帝

為將蠶求福祥之助也鞠衣黃桑之

服先帝大暉之屬

命舟牧覆舟五覆五反乃告舟備

具于天子焉

舟牧主舟之官也覆反舟者備傾漏也

天子始乘舟薦

鮪于寢廟

進時美物

乃為麥祈實

於含秀求其成也不言所祈承

寢廟可知

是月也生氣方盛陽氣發泄句者畢

出萌者盡達不可以內

時可宜出不可收斂也句屈生者莖而直曰萌

天

子布德行惠命有司發倉廩賜貧窮振乏

絕

振猶救也

開府庫出幣帛周天下勉諸侯聘名

士禮賢者

周謂給不足也勉猶勸也聘問也名士不仕者

是月也命司空

通水陸

理蚕事

曰時雨將降下水土騰循行國邑周視原

野脩利隄防道達溝瀆開通道路毋有障

塞廣平曰原國也邑也平野也溝瀆與道路皆不得不通所以除水潦便民事也古者溝上有路田獵置

罟羅罔畢翳餽獸之藥毋出九門為鳥獸方

逆天時也獸罟曰罟罟鳥罟曰羅罔小而柄長謂之畢翳射者所以自隱也凡諸罟及毒藥禁其出九門明其常有時不得用

耳天子九門者路門也應門也雉門也庫門也臯門也城門也近郊門也遠郊門也關門也今月令無罟翳為弋是

月也命野虞無伐桑柘愛蠶食也野虞謂鳴鳩主田及山林之官鳴鳩

拂其羽戴勝降于桑蠶將生之候也鳴鳩飛且翼相擊趨農急也戴勝織紵之鳥是

時恒在桑言降者若時始自天來重之也具曲植籩筐時所以養蠶器也曲薄也植槌也后

妃齊戒親東鄉躬桑禁婦女毋觀省婦使

禮記卷之五 禮記卷之五

以勸蠶事

后妃親採桑示帥先天下也東鄉者鄉時氣也是明其不常留養蠶也留養者所卜

夫人與世婦謂世婦及諸臣之妻也內宰職曰仲春詔后帥外內命婦始蠶于北郊女外內子女也夏小正曰妾子始蠶執

養宮事母觀去容飾也蠶事既登分繭稱絲效功

以共郊廟之服無有敢惰

登成也敕往蠶者蠶是畢將課功以勸戒之

月也命工師令百工審五庫之量金鐵皮

革筋角齒羽箭幹脂膠丹漆母或不良

工師

司空之屬官也五庫藏此諸物之舍也量謂物善惡之舊法也幹器之木也凡輶幹有當用脂良善也

百工咸

理監工日號毋悖于時母或作為淫巧以

蕩上心

咸皆也於百工皆理治其事之時工師則監之曰號令之戒之以此二事也悖猶逆也百工作器物

各有時逆之則不善時者若弓人春液角夏治筋秋合三材冬定體之屬也淫巧謂偽飾不如法也蕩謂動之使生奢泰

大合樂

享尾

難穰

也今月令無于是月之末擇吉日大合樂天子時作為為詐偽

乃率三公九卿諸侯大夫親往視之

大合樂者所以

助陽達物風化天下也其禮亡今天子以大射郡國以鄉射禮代之是月也乃合累牛

騰馬遊牝于牧

累騰皆乘匹之名是月所合牛馬謂繫在廐者其牝欲遊則就牧之牡而合之

犧牲駒犢舉書其數

以在牧而校數書之明出時无他故至秋當錄內且以知生息之多

也命國難九門磔攘以畢春氣

此難難陰氣也陰寒至此不止

害將及人所以及人者陰氣右行此月之中日行歷昂昂有大陵積尸之氣氣佚則厲鬼隨而出行命方相氏帥百隸索室毆疫以逐之又磔牲以攘於四方之神所以畢止其季春行

災也王居明堂禮曰季春出疫于郊以攘春氣

冬令則寒氣時發草木皆肅

丑之氣乘之也肅謂枝葉縮栗國

有大恐

以水訛相驚

行夏令則民多疾疫時雨不

孟夏

降

木之氣乘之也六月宿直鬼鬼為天尸時又有暑也

山陵不收

高者曠於熱也

行秋

令則天多沈陰淫雨蚤降

成之氣乘之也九月多陰淫霖也雨三日以上

為霖今月令曰衆雨

兵革並起

陰氣勝也

孟夏之月日在畢昏翼中旦婺女中

孟夏者日月會

於實沈而斗建巳之辰

其日丙丁

丙之言炳也日之行夏南從赤道長育萬物月為之佐時萬物皆炳然著

見而強大又因以為日名焉易曰齊乎巽相見乎離

其帝炎帝其神祝融

此赤精之

君火官之且自古以來著德立功者也炎帝大庭氏也祝融顓頊氏之子曰黎為火官

其蟲羽

象物從風鼓葉

飛鳥之屬

其音徵

三分宮去一以生徵徵五十四屬火者以其微清事之象也夏氣和則徵聲調樂記曰徵亂

則哀其事勤

律中中呂

孟夏氣至則中呂之律應中呂者無射之所生三分益一律長六寸萬九千六

百八十三分寸之萬二千九百七十四周語曰中呂宣中氣

其數七

火生數二成數七但言七者亦舉其成數

迎夏

其味苦其臭焦

火之臭味也凡苦焦者皆屬焉

其祀竈祭先肺

夏陽氣盛熱於外祀之於竈從熱類也祀之先祭肺者陽位在上肺亦在上肺為尊也竈在廟門外之東祀竈之禮先席於門之東東面設主于竈陴乃制肺及心肝為俎奠于主西又設盛于俎南亦祭黍三祭肺心肝各一祭醴二亦既祭徹之更陳鼎俎設饌于庭前迎尸如祀戶之禮

螻蛄鳴丘蚓出王瓜生苦菜

秀

皆記時候也螻蛄蛙也王瓜葦挈也今月令云王萹生夏小正云王萹秀未聞孰是

天子居明

堂左个乘朱路駕赤駟載赤旂衣朱衣服

赤玉食菽與雞其器高以粗

明堂左个大寢南堂東偏也菽實孚甲堅

合屬水雞木畜時熱食之亦以安性也粗猶大也器高大者象物盛長

是月也以立夏先

立夏三日犬史謁之天子曰某日立夏盛

德在火天子乃齊

謁告也

立夏之日天子親

慶賞

習禮樂

選材武

助長

帥三公九卿大夫以迎夏於南郊還反行

賞封諸侯慶賜遂行無不欣詭迎夏祭赤帝赤標怒於南

郊之先也不言帥諸侯而云封諸侯諸侯時或無在京師者空其文也祭統曰古者於禘也發爵賜服順陽義也於

嘗也出田邑發秋政順陰義也今此行賞可也而封諸侯則違於古封諸侯出土地之事於時未可似失之乃

命樂師習合禮樂為將飲酬命大尉贊桀俊遂

賢良舉長大助長氣也贊猶出也桀俊能者也遂猶進也三王之官有司馬無大尉秦官則有大

尉今俗人皆云周公作月令未通於古行爵出祿必當其位使順之也是月

也繼長增高謂草木盛蕃廡母有壞墮亦為逆母起時氣

土功毋發大衆為妨蠶農之事毋伐大樹亦為逆是月時氣

也天子始絺初服暑服命野虞出行田原為天子

勞農

登麥

蓄藥

小刑

勞農勸民毋或失時重教命司徒巡行縣鄙

命農勉作毋休于都急趨於農也縣鄙鄉遂之屬主民者也王居明堂禮曰毋

國今月令是月也驅獸毋害五穀毋大田獵

為傷蓄無之氣農乃登麥天子乃以彘嘗麥先薦寢

廟登進也麥之新氣尤盛以彘食之散其熱也彘水畜是月也聚畜百藥蓄

之時毒氣盛靡草死麥秋至斷薄刑決小罪舊說云靡草薺

亭歷之屬祭統曰草艾則墨謂立秋後也刑無輕於墨出輕

繫崇蠶事畢后妃獻繭乃收繭稅以桑為

均貴賤長幼如一以給郊廟之服后妃獻繭者

於后妃收繭稅者收於外命婦外命婦雖就公桑蠶室而蠶其夫亦當有祭服以助祭收以近郊之稅耳貴賤長幼如一國服

飲酎

注三箇十

禮記注

同是月也天子飲酎用禮樂

酎之言醇也謂重釀之酒也春酒至此始

成舉羣臣以禮樂飲之於朝正尊卑也孟冬六六飲蒸此言用禮樂互其文

孟夏行秋令則

苦雨數來五穀不滋

申之氣乘之也苦雨白露之類時物得雨傷

四鄙

入保

金氣為害也鄙界上邑小城曰保

行冬令則草木蚤枯

長日

促後乃大水敗其城郭

亥之氣乘之也

行春令則

蝗蟲為災暴風來格

寅之氣乘之也必以蝗蟲為災者寅有啓蟄之氣行於初暑則

當蟄者大出矣格至也

秀草不實

氣更生之不得成也

仲夏之月日在東井昏亢中旦危中

仲夏者日月會

於鶉首而斗建午之辰也

其日丙丁其帝炎帝其神祝融其

蟲羽其音徵律中蕤賓其數七其味苦其

仲夏 夏至

昏亢 疑誤

旦危 疑誤

唐正一室一

宋亢六危四

日升九弱井九半弱

樂器

祈穀

臭焦其祀竈祭先肺

蕤賓者應鍾之所生三分益一律長六寸八十一分寸之二十

六仲夏氣至則蕤賓之律應周語曰蕤賓所以安靜神人獻酬交酢

小暑至螳螂生

鵲始鳴反舌無聲

皆記時候也螳螂蟬蛸母也鵲搏勞也反舌百舌鳥

天子居明

堂大廟乘朱路駕赤駟載赤旂衣朱衣服

赤玉食菽與雞其器高以粗

明堂太廟南堂當大室也

養

壯佼

助長氣也

是月也命樂師脩鞀鞀鼓均琴

瑟管簫執干戚戈羽調竽笙箎簧飭鐘磬

祝敵

為將大雩帝習樂也脩均執調飭者治其器物習其事之言

命有司為民祈祀

山川百源大雩帝用盛樂乃命百縣雩祀

百辟卿士有益於民者以祈穀實

陽氣盛而常旱山川

登黍

助長

艾藍以染上多
母字夏小正五月
啓灌藍麥啓
灌取其汁也今五
月正取藍汁為
澱古人多用藍
以染月令安得
反禁之多母字
無疑

百源能興雲雨者也衆水始所出為百源必先祭其本乃雩雩
吁嗟求雨之祭也雩帝謂為壇南郊之旁雩五精之帝配以先
帝也自鞞鞞至祝敵皆作曰盛樂凡他雩用歌舞而已百辟卿
士古者上公若句龍后稷之類也春秋傳曰龍見而雩雩之正
當以四月凡周之秋三月之中而旱亦脩雩禮以求雨因著正
雩此月失之矣天子雩上帝諸侯以下雩上公周冬及春夏雖
旱禮有農乃登黍也登進是月也天子乃以雛

嘗黍羞以含桃先薦寢廟

此嘗雛也而云以嘗黍不以牲主穀也必

以黍者黍火穀氣之主也含桃櫻桃也

令民毋艾藍以染

為傷長氣也此月藍始可

別夏小正曰五月啓灌藍麥

毋燒灰

為傷火氣也火之氣於

毋暴布

不以陰功干大陽之事

門閭毋閉關市毋索

順陽敷縱不難物

挺重

囚益其食

挺猶寬也

游牝別羣

孕妊之欲止也

則執繫騰駒

為其牡氣有餘相蹄齧也

班馬政

馬政謂養馬之政教也庾人職曰掌十有二閑之政教以阜馬佚特教駢攻駒

夏至

齋戒

貴靜

養陰
順陽

此之謂也。是月也，日長至，陰陽爭，死生分。爭者，陽方盛，陰欲起也。分

猶半也。君子齊戒，處必掩身，毋躁。掩猶隱翳也。躁猶動也。今月令毋躁

為欲靜。止聲色，毋或進。進猶御見也。聲謂樂也。易及樂春秋說夏至人主與羣臣從八能之

士作樂五日，今止之，非其道也。薄滋味，毋致和。為其氣異，此時傷人。節耆欲

定心氣。微陰扶精，不可散也。百官靜，事毋刑。罪罰之事，不可以聞。今月令刑

為徑以定。晏陰之所成。晏安也。陰稱安。鹿角解，蟬始鳴。

半夏生，木堇榮。又記時候也。半夏藥草木堇王蒸也。是月也，毋用

火。南方陽氣盛，又用火於其方，害微陰也。可以居高明，可以遠

眺望，可以升山陵，可以處臺榭。順陽在上也。高明謂樓觀也。閣

者謂之臺，有木者謂之榭。仲夏行冬令，則雹凍傷穀。子之氣乘之也。

陽為雨陰起脅之凝為電道路不通暴兵來至盜賊攻劫亦電之類行

春令則五穀晚孰卯之氣乘之也生日長百螽時起其國

乃饑螽蝗之屬言百者明眾類並為害行秋令則草木零落酉之氣乘之也

八月宿直昂畢為天獄主殺果實早成生日短民殃於疫大陵之氣來為害也

季夏之月日在柳昏火中旦奎中季夏者日月會於鶉火而

斗建未之辰也其日丙丁其帝炎帝其神祝融其蟲

羽其音徵律中林鍾其數七其味苦其臭

焦其祀竈祭先肺林鍾者黃鍾之所生三分去一律長六寸季夏氣至則林鍾之律應

周語曰林鍾和展百物俾莫不任肅純恪溫風始至蟋蟀居壁鷹乃學

習腐草為螢皆記時候也鷹為學習謂攬搏也夏小正曰六月鷹始摯螢飛蟲螢火也天

澤藪之利

子居明堂右个乘朱路駕赤駟載赤旂衣

朱衣服赤玉食菽與雞其器高以粗

明堂右个南堂

西偏也

命漁師伐蛟取鼉登龜取黿

四者甲類秋乃堅成周禮曰秋

獻龜魚又曰凡取龜用秋時是夏之秋也作月令者以為此秋據周之時也周之八月夏之六月因書於此似誤也蛟言伐者以其有兵衛也龜言登者尊之也鼉黿言取羞物賤也鼉皮又可以冒鼓今月令漁師為榜人

村葦

蒲葦之屬此時柔刃可取作器物也

是月也命四監大合百

縣之秩芻以養犧牲令民無不咸出其力

四監主山林川澤之官百縣鄉遂之屬地有山林川澤者也秩常也百縣給國養犧牲之芻多少有常民皆當出力為艾之今

月令四為田

以共皇天上帝名山大川四方之神

以祠宗廟社稷之靈以為民祈福

牲以供祠神靈為民求福

染采

助長養

命上有乃字
今本無

戒擾農

注三百五

禮記

明使民艾芻是不虛取也皇天北辰耀魄
寶冬至所祭於圓丘也上帝太微五帝

是月也命婦官

染采黼黻文章必以法故無或差貸

婦官
染人

也采
五色

黑黃倉赤莫不質良毋敢詐偽

質正也
良善也

所用染者當得
真采正善也

以給郊廟祭祀之服以為旗章

以別貴賤等給之度

旗章旌旗
及章識也

是月也樹木

方盛乃命虞人入山行木毋有斬伐

為其未
堅刃也

不可以興土功不可以合諸侯不可以起兵

動眾

土將用事
氣欲靜

毋舉大事以搖養氣

大事興繇
役以有為

毋發令而待以妨神農之事也

發令而待謂出
繇役之令以預

驚民也民驚則心動是害土神之氣
土神稱曰神農者以其主於稼穡

水潦盛昌神農

溽暑

糞田

將持功舉大事則有天殃

言土以受天雨澤安靜養物為功動之則致害

也孝經說三地順受澤謙虛開張含泉任萌滋物歸中

是月也土潤辱暑

謂塗

溫大雨時行燒薙行水利以殺草如以熱湯

薙謂迫地芟草也此謂欲稼萊地先薙其草草乾燒之至此月大雨流水潦畜於其中則草死不復生而地美可稼也薙

人掌殺草職曰夏日至而薙之又曰如欲其化也則以水火變之可以糞田疇可以

美土彊

土潤厚膏澤易行也糞美互文耳土彊強彊之地

季夏行春令

則穀實鮮落國多風歟

辰之氣乘之也未屬巽辰又在巽位二氣相亂

為害民乃遷徙

象風轉移物也

行秋令則丘隰水潦

成

氣乘之也九月宿直奎奎為溝瀆溝瀆與此月大雨并而高下皆水

禾稼不孰

傷於水也

乃

多女災

含任之類敗也

行冬令則風寒不時

丑之氣乘

中央土

土分旺四季

每季十日惟

季夏十六日火

生土為最旺

故以為中央

鷹隼蚤鷩

得疾鷹之氣也

四鄙入保

象鳥雀之走竄也

中央土

火休而盛德在土也

其日戊己

戊之言茂也己之言起也日之行四時之間從

黃道月為之佐至此萬物皆枝葉茂盛其含秀者抑屈而起故因為日名焉

其帝黃帝其神

后土

此黃精之君土官之神自古以來著德立功者也黃帝軒轅氏也后土亦顓頊氏之子曰黎兼為二官

其

蟲倮

象物露見不隱藏虎豹之屬恒淺毛

其音宮

聲始於宮宮數八十一屬土者以其最濁君之象也

季夏之氣和則宮聲調樂記曰宮亂則荒其君驕

律中黃鍾之宮

黃鍾之宮最長也十

二律轉相生五聲具終於六十焉季夏之氣至則黃鍾之宮應禮運曰五聲六律十二管還相為宮

其數五

土生數五成數十但言五者土以生為本

其味甘其臭香

土之臭味也凡其甘香者皆屬之

祀中霤祭先心

中霤猶中室也土主中央而神在室古者五藏之次心次肺至此心為尊也祀中霤之禮設生於牖下

乃制心及肺肝為俎其祭肉心肺肝各一他皆如祀戶之禮

孟秋

天子居大廟犬室乘大路駕黃駟載黃旒

衣黃衣服黃玉食稷與牛其器園以閼大廟大室

中央室也大路駟路也車如駟路之制而飾之以黃稷五穀之長牛土畜也器園者象土周而於四時閱讀如絃絃謂中寬象

土含物

孟秋之月日在翼昏建星中旦畢中孟秋者日月會

於鶉尾而斗建申之辰也其日庚辛庚之言更也辛之言新也日之行秋西從白道成軌萬物月為之佐

萬物皆肅然改更秀實其帝少暉其神蓐收此白精之君金

官之臣自古以來著德立功者也少暉其蟲毛象物應涼氣而備寒狐貉

金天氏蓐收少暉氏之子曰該為金官其音商三分徵益一以生商商數七十二屬金者以

之屬生其音商其濁次宮臣之象也秋氣和則商聲調樂記律中夷則孟秋氣至則夷則之律應夷則者

曰商亂則律中夷則大呂之所生也三分去一律長五

寸七百二十九分寸之四百五十一周其數九金生數四成數九但言九者亦

舉其其味辛其臭腥金之臭味也凡其祀門祭成數

先肝秋陰氣出祀之於門外陰也祀之先祭肝者秋為陰中於藏直肝肝為尊也祀門之禮北面設主于門左

樞乃制肝及肺心為俎奠于主南又設盛于俎東其他皆如祭竈之禮涼風至白露降寒

蟬鳴鷹乃祭鳥用始行戮謂記時候也寒蟬寒蜩謂蜺也鷹祭鳥者將食

之示有先也既祭之後不必盡食若人君行刑戮之而已天子居總章左个乘戎

路駕白駱載白旂衣白衣服白玉食麻與

犬其器廉以深總章左个大寢西堂南偏戎路兵車也制如周革路而飾之以白白馬黑驪曰

駱麻實有文理屬金犬金畜也器廉以深象金傷害物入藏是月也以立秋先立

秋三日大史謁之天子曰某日立秋盛德在

迎秋氣

經武功

行刑罰

決獄訟

金告天子乃齊立秋之日天子親帥三公九

卿諸侯大夫以迎秋於西郊還反賞軍帥

武人於朝迎秋者祭白帝白招拒於西郊之兆也軍帥諸將也武人謂環人之屬有勇力者

天子乃命將帥選士厲兵簡練桀俊專任

有功以征不義征之言正也伐也詰誅暴慢以明好惡

順彼遠方詰謂問其罪窮治之也順猶服也是月也命有司脩法

制繕囹圄具桎梏禁止姦愆罪邪務搏執

順秋氣政尚嚴命理瞻傷察創視折理治獄官也有虞氏曰士夏曰大理周曰大司

冠創之淺者曰傷審斷決獄訟必端平端猶正也戮有罪嚴

斷刑天地始肅不可以羸肅嚴急之言也羸猶解也是月也

登穀

繕補錄

順收斂

農乃登穀天子嘗新先薦寢廟黍稷之屬於是始孰命

百官始收斂順秋氣收斂物宇隄坊謹壅塞以備水

潦備者備八月也八月宿直畢畢好雨脩宮室坏牆垣補城郭象秋收斂

物當藏也是月也母以封諸侯立大官母以割地行

大使出大幣古者於嘗出田邑此其月也而禁封諸侯割地失其義孟秋行冬

令則陰氣大勝亥之氣乘之也介蟲敗穀介甲也甲蟲屬冬敗穀者稻蟹

之屬戎兵乃來十月宿直營室營室之氣為害也營室主武士行春令則其

國乃旱寅之氣乘之也雲雨以風除也陽氣復還五穀無實陽氣

能生而不能成行夏令則國多火災巳之氣乘之也寒熱不節

民多癘疾癘疾寒熱所為也今月令癘疾為疾疫

仲秋 秋分

昏章牛豆豉醢

唐斗元并五

宋斗十 參七

日軫五半弱軫

五半弱

養老

仲秋之月日在角昏牽牛中旦觜觿中仲秋

者日月會於壽星而斗建酉之辰也其日庚辛其帝少暉其神蓐

收其蟲毛其音商律中南呂其數九其味

辛其臭腥其祀門祭先肝南呂者大蕤之所生三分去一律長五寸三分

寸之一仲秋氣至則南呂之律應周語曰南呂者贊陽秀物盲風至鴻鴈來玄鳥

歸羣鳥養羞皆記時候也盲風疾風也玄鳥燕也歸謂去蟄也凡鳥隨陰陽者不以中國為

居羞謂所食也夏小正曰九月丹鳥羞白鳥說曰丹鳥也者謂丹良也白鳥也者謂閭蚘也其謂之鳥者重其養者也有

翼為鳥養也者不盡食也二者文異羣鳥丹良未聞孰是天子居總章大廟乘戎

路駕白駱載白旂衣白衣服白玉食麻與

犬其器廉以深總章大廟西堂當大室也是月也養衰老

制衣

審刑

省牲

小三百令八

禮記

授几杖行糜粥飲食

助老氣也行猶賜也

乃命司服具

飭衣裳文繡有恒制有小大度有短長

此謂祭服

也文謂畫也祭服之制畫衣而繡裳

衣服有量必循其故

此謂朝燕及他服凡

此為寒益至也詩云七月流火九月授衣於是作之可也

冠帶有常

因制衣服而作之也

乃命

有司申嚴百刑斬殺必當毋或枉撓枉撓

不當反受其殃

申重也當謂值其罪

是月也乃命宰祝

循行犧牲視全具案芻豢瞻肥瘠察物色

必比類量小大視長短皆中度五者備當

上帝其饗

於鳥獸肥充之時宜省羣牲也宰祝大宰大祝主祭祀之官也養牛羊曰芻犬豕曰豢

者謂所視也所案也所瞻也所察也所量也此皆得其正則上帝饗之上帝饗之而無神不饗也

天子乃難

懶營麻

收斂

種麥

秋分

以達秋氣

此難難陽氣也陽暑至此不衰害亦將及人所以及人者陽氣左行此月宿直昂畢昂畢亦得

大陵積尸之氣氣佚則厲鬼亦隨而出行於是亦命方相氏帥百隸而難之王居明堂禮曰仲秋九門磔攘以發陳氣禦止疾

疫以犬嘗麻先薦寢廟麻始孰也是月也可以築

城郭建都邑穿竇窖脩困倉為民將入物當藏也穿竇窖者入地

圓曰竇方曰窖王居明堂禮曰仲秋命庶民畢入于室曰時殺將至毋羅其災乃命有司趣民

收斂務畜菜多積聚始為禦冬之備乃勸種麥毋或

失時其有失時行罪無疑麥者接絕續乏之穀尤重之是

月也日夜分雷始收聲蟄蟲坏戶殺氣浸

盛陽氣日衰水始涸又記時候也雷始收聲在地中動內物也坏益也蟄蟲益戶謂

稍小之也涸竭也此甫八月雨氣未止而云水竭非也周語曰辰角見而雨畢天根見而水涸又曰雨畢而除道水涸而成

程度

通貨

梁辰角見九月本也天根見九月末也王居明堂禮曰季秋除道致梁以利農也

日夜分則同度

量平權衡正鈞石角斗角是月也易關市

來商旅納貨賄以便民事四方來集遠鄉

皆至則財不匱上無乏用百事乃遂

易關市謂輕其

稅使民利之商旅賈客也匱亦乏也遂猶成也

凡舉大事毋逆大數必順

其時愼因其類

事謂興土功合諸侯舉兵衆也季夏禁之孟秋始征伐此月築城郭季秋

教田獵是以於中爲之戒焉

仲秋行春令則秋雨不降

卯之氣乘之也

卯宿直房心爲大火

草木生榮

應陽動也

國乃有恐

以火訛相驚

行

夏令則其國乃旱蟄蟲不藏五穀復生

午之氣乘

之行冬令則風災數起

子之氣乘之也北風殺物

收雷先行

季秋

收斂

先猶蚤也草木蚤死寒氣盛也

季秋之月日在房昏虛中早柳中季秋者日月會於大

火而斗建戌之辰也其日庚辛其帝少皞其神蓐收其

蟲毛其音商律中無射其數九其味辛其

臭腥其祀門祭先肝無射者夾鍾之所生三分去一律長四寸六千五百六十一分寸之

六千五百二十四季秋氣至則無射之律應周語曰無射所以宣布詰人之令德示民軌儀鴻鴈來賓

爵入大水為蛤鞠有黃華豺乃祭獸戮禽

皆記時候也來賓言其客止未去也大水海也戮猶殺也天子居總章右个乘

戎路駕白駱載白旂衣白衣服白玉食麻

與犬其器廉以深總章右个西堂北偏是月也申嚴號

染盛

休工

入學

饗帝

頒朔

頒制

令申重命百官貴賤無不務內以會天地之

藏無有宣出內謂收斂入之乃命冢宰農事備

收備猶盡也舉五穀之要定其租稅之簿藏帝藉之收

於神倉祗敬必飭重染盛之委也帝藉所耕千畝也藏祭祀之穀為神倉祗亦敬也是

月也霜始降則百工休寒而膠漆之乃命有

司曰寒氣總至民力不堪其皆入室總猶撰卒上

丁命樂正入學習吹為將饗帝也春夏重舞秋冬重吹也是月也

大饗帝言大饗者遍祭五帝也曲禮曰大饗不問卜謂此也嘗犧牲告備于

天子嘗者謂嘗羣神也天子親嘗帝使有司祭于羣神禮畢而告焉合諸侯制百縣

為來歲受朔日與諸侯所稅於民輕重之

法貢職之數以遠近土地所宜為度以給

郊廟之事無有所私秦以建亥之月為歲首於是歲終使諸侯及鄉遂之官受此法

焉合諸侯制者定其國家宮室車旗衣服禮儀也諸侯言合制百縣言受朔日互文也貢職謂所入天子凡周之法以正月和

之正歲而是月也天子乃教於田獵以習五戎

班馬政教於田獵因田獵之禮教民以戰法也五戎謂五兵弓矢及矛戈戟也馬政謂齊其色度其力使同乘也

校人職曰凡軍事物馬而頒之命僕及七駟咸駕載旌旄授車

以級整設于屏外僕戎僕及御夫也七駟謂趣馬主為諸官駕說者也既駕之又為之

載旌旗司馬職曰仲秋教治兵如振旅之陳辨旗物之用王載大常諸侯載旂軍吏載載旗師都載旌鄉遂載物郊野載旌百官

載旗是也級等次也整正列也司徒擗扑北面誓之

誓眾也天子乃厲飾執弓挾矢以獵厲飾謂戎服尚威武也今

伐薪

造

嘗稻

月令獵為射命主祠祭禽于四方以所獲禽祀四方之神也司馬職曰羅幣致禽

以祀是月也草木黃落乃伐薪為炭伐木必蟄

蟲咸俯在內皆瑾其戶瑾謂塗閉之辟殺氣乃趣獄刑

毋留有罪殺氣已至有罪者即決也收祿秩之不當供養之

不宜者天氣殺而萬物咸藏可以去之也祿秩之不當恩所增加也供養之不宜欲所貪者熊蹯之屬

非常是月也天子乃以犬嘗稻先薦寢廟稻始食

季秋行夏令則其國大水冬藏殃敗民多

勲噍未之氣乘之也六月宿直東井氣多暑雨行冬令則國多盜賊

邊竟不寧土地分裂丑之氣乘之也極陰為外邊竟之象也大寒之時地隆圻也

行春令則煖風來至民氣解惰辰之氣乘之也巽為風師

孟冬

興不居

辰宿直角角主兵不居象風行不休止也

孟冬之月日在尾昏危中旦七星中

孟冬者日月會於析

木之津而斗建亥之辰也

其日壬癸

壬之言任也癸之言揆也日之行冬北從黑道閉藏萬物月為之佐

時萬物懷任於下揆然萌牙又因為日名焉

其帝顓頊其神玄冥

此黑精之君水官之

臣自古以來著德立功者也顓頊高陽氏也玄冥少暉氏之子曰脩曰熙為水官

其蟲介

介甲也象物閉藏地

中龜鼈之屬

其音羽

三分商去一以生羽羽數四十八屬水者以為最清物之象也冬氣和則羽聲調樂記曰

羽亂則危其財匱

律中應鍾

孟冬氣至則應鍾之律應應鍾者姑洗之所生三分去一律長四寸

二十七分寸之二十周語曰應鍾均利器用俾應復

其數六

水生數一成數六但言六者亦舉其成數

其味

鹹其臭朽

水之臭味也凡鹹朽者皆屬焉氣若有若無為朽

其祀行祭先

賢

冬陰盛寒於水祀之於行從辟除之類也祀之先祭賢者陰位在下賢亦在下賢為尊也行在廟門外之西為較壤

厚二寸廣五尺輪四尺祀行之禮北面設主于轅上乃制腎及脾為俎奠于主南又設盛于俎東祭肉腎一脾再其他皆如祀

門之水始冰地始凍雉入大水為蜃虹藏不見

皆記時候也大水准也大蛤曰蜃天子居玄堂左个乘玄路駕

鐵驪載玄旂衣服玄玉食黍與稷其

器閔以奄玄堂左个北堂西偏也鐵驪色如鐵黍秀舒散屬火寒時食之亦以安性也是月也以立冬先

也器閔而奄象物閉藏也今月令曰乘軫路似當為衿字之誤也

立冬三日大史謁之天子曰某日立冬盛德

在水天子乃齊謁告立冬之日天子親帥三

公九卿大夫以迎冬於北郊還反賞死事

恤孤寡迎冬者祭黑帝叶光紀於北郊之兆也死事謂以國事死者若公叔禹人顏涿聚者也孤寡其

迎冬

錄死

妻子也有以惠賜之大功加賞是月也命大史釁龜筮占兆

審卦吉凶

筮著也占兆龜之繇文也周禮龜人上春釁龜謂建寅之月也秦以其歲首使大史釁龜

筮與周異矣卦吉凶謂易也審省錄之而不釁筮筮短賤於兆也今月令曰釁祠祠衍字是察阿黨

則罪無有掩蔽

阿黨謂治獄吏以私恩曲撓相為也

是月也天子始

裘

九月授衣至此可以加裘

命有司曰天氣上騰地氣下降

天地不通閉塞而成冬

使有司助閉藏之氣門戶可閉閉之窓牖可塞塞之命

百官謹蓋藏

謂府庫囷倉有藏物

命司徒循行積聚無

有不斂

謂芻禾薪蒸之屬

坏城郭戒門閭脩鍵閉慎管

籥固封疆備邊竟宇要塞謹關梁塞徯徑

坏益也鍵牡閉牡也管籥搏鍵器也固封疆謂使有司循其溝樹及其衆庶之守法也要塞邊城要害處也梁橋橫也徯徑禽

獸之道也今月令疆或為壘

飭喪紀辨衣裳審棺槨之薄厚

瑩丘壘之大小高卑薄厚之度貴賤之等

級

此亦閑藏之具順時飭正之也辨衣裳謂襲歛尊卑所用也所用又有多少

是月也命工

師效功陳祭器案度程毋或作為淫巧以

蕩上心必功致為上

霜降而百工休至此物皆成也工師工官之長也效功錄見百

工所作器物也主於祭器祭器尊也度謂制大小也程謂器所容也淫巧謂奢偽怪好也蕩謂搖動生其奢淫物勒

工名以考其誠

勒刻也刻工姓名於其器以察其信知其不功致

功有不當

必行其罪以窮其情

功不當者取材美而器不堅也

是月也大

飲烝

十月農功畢天子諸侯與其羣臣飲酒於大學以正齒位謂之大飲別之於他其禮亡今天子以燕禮郡國以

鄉飲酒禮代之燕謂有牲體為俎也黨正職曰國索鬼神而祭祀則以禮屬民而飲酒于序以正齒位亦謂此時也詩云十月

臘

講武

漁賦

滌場朋酒斯饗曰殺羔羊躋彼公堂稱彼兕觥受福無疆是頌大飲之詩天子乃祈來年于

天宗大割祠于公社及門閭臘先祖五祀此周

禮所謂蜡祭也天宗謂日月星辰也大割大殺羣牲割之也臘謂以田獵所得禽祭也五祀門戶中雷竈行也或言祈年或言

大割或言臘互文勞農以休息之黨正屬民飲酒天子乃命

將帥講武習射御角力為仲冬將大閱簡習之亦因營室主武士也凡田之

禮唯狩最備夏小正十一月王狩是月也乃命水虞漁師收水

泉池澤之賦毋或敢侵削眾庶北民以為

天子取怨于下其有若此者行罪無赦因盛德在

水收其稅孟冬行春令則凍閉不密地氣上泄寅之氣乘

也民多流亡象蟄蟲動行夏令則國多暴風方冬

不寒蟄蟲復出

已之氣乘之也立夏巽用事巽為風

行秋令則雪

霜不時

申之氣乘之也

小兵時起土地侵削

申陰氣尚微申

宿直參伐參伐為兵

仲冬之月日在斗昏東辟中旦軫中

仲冬者日月會

於星紀而斗建子之辰也

其日壬癸其帝顓頊其神玄冥其

蟲介其音羽律中黃鍾其數六其味鹹其

臭朽其祀行祭先賢

黃鍾者律之始也九寸仲冬氣至則黃鍾之律應周語曰

黃鍾所以宣養六氣九德

冰益壯地始坼鵠旦不鳴虎始交

皆記時候也鵠旦求且之鳥也交猶合也

天子居玄堂大廟乘玄路駕

鐵驪載玄旂衣黑衣服玄玉食黍與彘其

仲冬冬至

昏辟三軫

唐辟三角三

宋寧軫三

日斗三度斗三

已上中星日度

並以旅平為例

至景定甲子冬

至日在斗初度

可以類推

冬藏

閉藏

為酒

器閤以奄

立堂大廟北堂當大室

飭死事

飭軍士戰必有死志

命有司

曰土事毋作慎毋發蓋毋發室屋及起大

衆以固而閉地氣沮泄是謂發天地之房

諸蟄則死民必疾疫又隨以喪命之曰暢

月

而猶女也暢猶充也大陰用事尤重閉藏

是月也命奄尹申宮令審

門閤謹房室必重閉

奄尹主領奄豎之官也於周則為內宰掌治王之內政宮

令譏出入及開閉之屬重閉外內閉也

省婦事毋得淫雖有貴戚近

習毋有不禁

省婦事所以靜陰類也淫謂女功奢僞怪好物也貴戚謂姑姊妹之屬近習天

子所親幸者

乃命大酋秣稻必齊麴蘖必時湛熾必

絜水泉必香陶器必良火齊必得兼用六

物大酉監之母有差貸

酒孰曰酉大酉者酒官之長也於周則為酒人

秫稻必齊謂孰成也湛漬也熾炊也火齊腥孰之調也物猶事也差貸謂失誤有善有惡也古者穫稻而漬米麴至春而為酒

詩云十月穫稻為此春酒以介眉壽

天子命有司祈祀四海大川名

源淵澤并泉

順其德盛之時祭之也今月令淵為深

是月也農有

不收藏積聚者馬牛畜獸有放佚者取之

不詰

此收斂尤急之時人有取者不罪所以警懼其主也王居明堂禮曰孟冬之月命農畢積聚繫收牛

施山澤

山林藪澤有能取蔬食田獵禽獸者野

虞教道之其有相侵奪者罪之不赦

務收斂野物也

冬至

大澤曰藪草木之實為蔬食

是月也日短至陰陽爭諸生蕩

爭

齋戒

陰方盛陽欲起也蕩謂物動將萌牙也

君子齊戒處必掩身身欲寧

取堅勁

助閉藏

去聲色禁者慾安形性事欲靜以待陰陽

之所定

寧安也聲謂樂也易及樂春秋說去冬至人主與羣臣從八能之士作樂五日此言去聲色又相反

芸始生荔挺出蚯蚓結麋角解水泉動

又記時候

也芸香草也荔挺馬難也水泉動潤上行

日短至則伐木取竹箭

此其堅成

之極

是月也可以罷官之無事去器之無用者

謂先時權所建作者也天地閉藏而萬物休可以去之

塗闕廷門閭築囹圄

此所以助天地之閉藏也

順時氣也

仲冬行夏令

則其國乃旱

午之氣乘之也

氛霧冥冥

霜露之氣散相亂也

雷

乃發聲

震氣動也午屬震

行秋令則天時雨汁瓜瓠

不成

酉之氣乘之也酉宿直昂畢畢好雨雨汁者水雪雜下也子宿直虛危虛危內有瓜瓠

國

季冬

雉磔

有大兵

兵亦軍之氣

行春令則蝗蟲為敗

當蟄者出卯之氣乘

之水泉咸竭

大火為旱

民多疥癘

疥癘之病孚甲象也

季冬之月日在婺女昏婁中旦氐中

季冬者日月會

於亥枵而斗建丑之辰也

其日壬癸其帝顓頊其神玄冥其

蟲介其音羽律中大呂其數六其味鹹其臭

朽其祀行祭先賢

大呂者蕤賓之所生也三分益一律長八寸二百四十三分寸之百

四季冬氣至則大呂之律應周語曰大呂助陽宜物

鴈北鄉鵲始巢雉雊雞乳

皆記時候也雊雉鳴也詩云雉之朝雊尚求其雌

天子居玄堂右个乘玄路

駕鐵驪載玄旂衣黑衣服玄玉食黍與彘

其器閔以奄

玄堂右个北堂東偏

命有司大難旁磔出

索享

嘗魚

藏冰

農備

土牛以送寒氣

此難難陰氣也難陰始於此者陰氣右行此月之中日歷虛危虛危有墳墓四

司之氣為厲鬼將隨強陰出害人也旁磔於四方之門磔攘也出猶作也作土牛者丑為牛牛可牽止也送猶畢也征

鳥厲疾

殺氣當極也征鳥題肩也齊人謂之擊征或名曰雁鳥仲春化為鳩

乃畢山川

之祀及帝之大臣天之神祇

四時之功成於冬孟月祭其宗至此可以

祭其佐也帝之大臣句芒之屬天之神祇司中司命風師雨師

是月也命漁師始漁

天子親往乃嘗魚先薦寢廟

天子必親往視漁明漁非常事重之

也此時魚絜美

冰方盛水澤腹堅

命取冰北腹厚也此月日在北陸冰堅厚之時

也北陸謂虛也今月令無堅

冰以入令告民出五種

冰既入而令田官告民出

五種明大寒氣過農事將起也

命農計耦耕事脩耒耜具田

器

耜耒耜耒之金也廣五寸田器鉷之屬

命樂師大合吹而罷

歲終與

收薪

休農

先備

賦牲

族人大飲作樂於大寢以綴恩也言罷者此用禮樂於族人最盛後年若時乃復然也凡用樂必有禮用禮則有不用樂者王居明堂禮季冬命國為酒以合三族君子說小人樂乃命四監收秩薪柴以共

郊廟及百祀之薪燎

四監主山林川澤之官也大者可析謂之薪小者合束謂之柴

薪施炊爨柴以給燎春秋傳曰其父析薪今月令無及百祀之薪燎是月也日窮于次

月窮于紀星回于天數將幾終

言日月星辰運行于此月皆周而於

故處也次舍也紀會也

歲旦更始專而農民母有所使

而猶女也

言專一女農民之心令之豫有志於耕稼之事不可徭役徭役之則志散失業也

天子乃與公

卿大夫共飭國典論時令以待來歲之宜

飭國典者和六典之法也周禮以正月為之建寅而縣之今用此月則所因於夏邦也

乃命大史次

諸侯之列賦之犧牲以共皇天上帝社稷之

饗

此所與諸侯共者也列國有大小也賦之犧牲大者出多小者出少饗獻也

乃命同姓之

邦共寢廟之芻豢

正所以與同姓共也芻豢猶犧牲

命宰歷卿

大夫至于庶民土田之數而賦犧牲以共

山林名川之祀

此所與卿大夫庶民共者也歷猶次也卿大夫采地亦有大小其非采也以其

邑之民多賦之

凡在天下九州之民者無不咸獻其

力以共皇天上帝社稷寢廟山林名川

之祀

民非神之福不生雖有其邦國采地此賦要由民出

季冬行秋令則

白露蚤降介蟲為妖

戌之氣乘之也九月初尚有白露月中乃為霜丑為鼃蟹

四鄙入保

畏兵辟寒象

行春令則胎夭多傷

辰之氣乘之也夭少

長也此月物甫萌芽季春乃句者畢出萌者盡達胎夭多傷者生氣早至不充其性

國多固疾

生不充性有久疾也

命之曰逆

衆害莫大於此

行夏令則水潦

敗國時雪不降冰凍消釋

未之氣乘之也季夏大雨時行

禮記卷第五

經四千三百三十九字注五千三百六十一字

君薨世子生

禮記卷第六

文公曰曾子問一篇都是問喪祭變礼微細處想是經礼聖人平日已說底都一一理會了只是變礼未說底頂

曾子問第七

要人逐一問過

禮記

鄭氏注

曾子問曰君薨而世子生如之何孔子曰

卿大夫士從攝主北面於西階南

變於朝夕哭位也攝主上

卿代君聽國政

大祝裨冕執束帛升自西階盡等不

升堂命母哭

將有事宜清靜也裨冕者接神則祭服也諸侯之卿大夫所服裨冕絺冕也玄冕也

士服爵弁服大祝裨冕則大夫

祝聲三告曰某之子生敢告

聲噫歆警

神也某夫人之氏也

升奠幣于殯東几上哭降

几筵於殯東明繼體也

衆主人卿大夫士房中皆哭不踊

衆主人君之親也房中婦

人盡一哀反位遂朝奠

反朝夕哭位

小宰升舉幣

主所

日當作月註
訖非

也舉而下三日衆主人卿大夫士如初位北面

埋之階閒三日衆主人卿大夫士如初位北面

三日負子日大宰大宗大祝皆裨冕少師奉子

也初告生時以衰祝先子從宰宗人從入門哭者止

宰宗人詔子升自西階殯前北面祝立于殯東南

贊君事者隅祝聲三曰某之子某從執事敢見子

拜稽顙哭奉子者祝宰宗人衆主人卿大夫

士哭踊三者三降東反位皆袒子踊房中亦

踊三者三襲衰杖踊襲衰杖成子禮也奠出

亦謂大宰命祝史以名徧告于五祀山川因負子名之喪於禮略也曾子問曰如已葬而世子生則如之何孔子

君葬世子生

諸侯告行之礼
因徧告而言

曰大宰大宗從大祝而告于禰告生也三月

乃名于禰以名徧告及社稷宗廟山川孔

子曰諸侯適天子必告于祖奠于禰皆奠幣以告之

互文也冕而出視朝聽國事也諸侯朝天子必禪冕為將廟受也禪冕者公衮侯伯鷩子男毳命

祝史告于社稷宗廟山川臨行又徧告宗廟孝敬之心也乃命

國家五官而后行五官五大夫典事者命者勅之以其職道而出祖道

也聘禮曰出祖釋較祭酒脯也告者五日而徧過是非禮也既告不敢

父凡告用毳幣反亦如之牲當為制字之誤也制幣一丈八尺諸侯

相見必告于禰道近或可以不親告祖朝服而出視朝服朝

為事故也命祝史告于五廟所過山川山川所不過則不告貶於適天子也

並有喪

殯註作賓
非當是重喪
之殯

冠私之寢

亦命國家五官道而出反必親告于祖禰

乃命祝史告至于前所告者而后聽朝而

入反必親告祖禰同出入禮曾子問曰並有喪如之何何先

何後並謂父母若親同者同月死孔子曰葬先輕而后重其

奠也先重而后輕禮也自啓及葬不奠不奠務於

當葬者行葬不哀次不哀次輕於在殯者反葬奠而后辭於

殯遂脩葬事殯當為賓聲之誤也辭於賓謂告將葬啓期也其虞也先重

而后輕禮也孔子曰宗子雖七十無無主

婦族人之婦不可無統非宗子雖無主婦可也曾子問

曰將冠子冠者至揖讓而入聞齊衰大功

之喪如之何

冠者賓及贊者

孔子曰內喪則廢外喪

則冠而不醴徹饌而埽即位而哭如冠者

未至則廢

內喪同門也不醴不醴子也其廢者喪成服因喪而冠

如將冠子

而未及期日而有齊衰大功小功之喪則

因喪服而冠

廢吉禮而因喪冠俱成人之服及至也

除喪不改冠乎

孔子曰天子賜諸侯大夫冕弁服於大廟

歸設奠服賜服於斯乎有冠醺無冠醴

酒為

醺冠禮醴重而醺輕此服賜服酌用酒尊賜也不醴明不為改冠改冠當醴之

父沒而冠則已

冠埽地而祭於禰已祭而見伯父叔父而

后饗冠者

饗謂禮之

曾子問曰祭如之何則不

喪服與奠

行旅酬之事矣。孔子曰：聞之小祥者，主人

練祭而不旅，奠酬於賓，賓弗舉，禮也。奠無尸，虞不致。

爵小祥不旅，酬大祥無無筭爵，彌吉。昔者魯昭公練而舉酬，行旅

非禮也。孝公大祥，奠酬弗舉，亦非禮也。孝公隱公

之祖曾子問曰：大功之喪，可以與於饋奠之

事乎？饋奠在殯時也。孔子曰：豈大功耳！自斬衰以下

皆可禮也。曾子曰：不以輕服而重相為乎？

怪以重服而為人執事。孔子曰：非此之謂也。非謂為人謂於其所為服也。天子

諸侯之喪，斬衰者奠。為君服者皆斬衰，唯主人不奠。大夫、齊

衰者奠。服斬衰者不奠，辟正君也。齊衰者其兄弟。士則朋友奠不足

喪服輯錄

則取於大功以下者不足則反之

服齊衰者不奠辟大夫也

言不足者謂殷奠時

曾子問曰小功可以與於祭乎

祭謂虞卒

哭時

孔子曰何必小功耳自斬衰以下與祭

禮也曾子曰不以輕喪而重祭乎

怪使重者執事孔

子曰天子諸侯之喪祭也不斬衰者不與祭

大夫齊衰者與祭士祭不足則取於兄弟

大功以下者曾子問曰相識有喪服可

以與於祭乎

問已有喪服可以助所識者祭否

孔子曰總不祭

又何助於人曾子問曰廢喪服可以與於

饋奠之事乎

謂新除喪服也

孔子曰說衰與奠非

昏禮

女有故
壻有故

禮也

執事於人之神
為其志哀疾也

以擯相可也。曾子問曰：昏

禮既納幣，有吉日，女之父母死，則如之何？

吉日取女
之吉日

孔子曰：壻使人弔，如壻之父母死，則

女之家亦使人弔。

必使人弔者
未成兄弟

父喪稱父，母喪

稱母。

禮宜各以其敵者也。父使人弔之，辭云：某子聞某之喪，某子使某如何。不淑，母則若云：不蕩。伯姬聞姜氏

之喪，伯姬使某如何。不淑，凡弔辭一耳。

父母不在，則稱伯父、世母。

弔禮不可

廢也。伯父母又不
在，則稱叔父母。

壻已葬，壻之伯父致命女氏曰：

某之子有父母之喪，不得嗣為兄弟，使某

致命。女氏許諾而弗敢嫁，禮也。

必致命者不敢
以累年之喪使

人失嘉
會之時

壻免喪，女之父母使人請，壻弗取而

親迎女在途
有故

親迎有齊
衰之喪

摠論昏禮

后嫁之禮也

請請成昏

女之父母死壻亦如之

女免喪壻

之父母亦使人請其已葬時亦致命

曾子問曰親迎女在塗而壻之

父母死如之何孔子曰女改服布深衣縞總

以趨喪

布深衣縞總婦人始喪未成服之服

女在塗而女之父母

死則女反

奔喪服期

如壻親迎女未至而有齊衰

大功之喪則如之何孔子曰男不入改服於

外次女入改服於內次然後即位而哭

不聞

喪即改服者昏禮重於齊衰以下

曾子問曰除喪則不復昏

禮乎

復猶償也

孔子曰祭適時不祭禮也又何

反於初

重喻輕也同牢及饋饗相飲食之道

孔子曰嫁女之家三

女未廟見而死

請期女死

廟有二主

夜不息燭思相離也

親骨肉也

取婦之家三日

不舉樂思嗣親也

重世變也

三月而廟見稱來婦

也擇日而祭於禰成婦之義也

謂舅姑沒者也必祭成婦義者

婦有共養之禮猶舅姑存時鹽饋特豚於室

曾子問曰女未廟見而死

則如之何孔子曰不遷於祖不祔於皇姑

壻不杖不菲不次歸葬于女氏之黨示未

成婦也

遷朝廟也壻雖不備喪禮猶為之服齊衰也

曾子問曰取女有

吉日而女死如之何孔子曰壻齊衰而弔

既葬而除之夫死亦如之

未定期三年之恩也女服斬衰

曾子

問曰喪有二孤廟有二主禮與

怪時有之

孔子曰

喪有二孤

天無二日土無二王嘗禘郊社尊無二上

未知其爲禮也

尊喻卑也神雖多猶一一祭之

昔者齊桓公亟

舉兵作僞主以行及反藏諸祖廟廟有二

主自桓公始也

僞猶假也舉兵以遷廟主行無則主命爲假主非也

喪之二

孤則昔者衛靈公適魯遭季桓子之喪衛君

請弔哀公辭不得命公爲主客入弔康子

立於門右北面公揖讓升自東階西鄉客

升自西階弔公拜興哭康子拜稽顙於位

有司弗辯也今之二孤自季康子之過也

辯猶正也若康子者君弔其臣之禮也鄰國之君弔君爲之主主人拜稽顙非也當哭踊而已靈公先桓子以魯哀公二年夏

卒相子以三年秋卒是出公也

曾子問曰古者師行必以遷廟

主行乎孔子曰天子巡守以遷廟主行載

于齊車言必有尊也今也取七廟之主以

行則失之矣

齊車金路

當七廟五廟無虛主虛主

者唯天子崩諸侯薨與去其國與祫祭於

祖為無主耳吾聞諸老聃曰天子崩國君

薨則祝取羣廟之主而藏諸祖廟禮也卒

哭成事而后主各反其廟

老聃古壽考者之號也與孔子同時藏諸主於

祖廟象有凶事者聚也卒哭成事先祔之祭名也

君去其國犬宰取羣廟

之主以從禮也

鬼神依人者也

祫祭於祖則祝迎四廟

師行無主

喪慈母

之主

祝接神者也

主出廟入廟必蹕

蹕止行者

老聃玄曾

子問曰古者師行無遷主則何主孔子曰

主命問曰何謂也孔子曰天子諸侯將出

必以幣帛皮圭告于祖禰遂奉以出載于

齊車以行每舍奠焉而后就舍

以脯醢禮神乃敢即安也所告

而不以出即埋之

反必告設奠卒斂幣玉藏諸兩階之

閒乃出蓋貴命也子游問曰喪慈母如母

禮與

如母謂父卒三年也子游意以為國君亦當然禮所云者乃大夫以下父所使妾養妾子

孔子

曰非禮也古者男子外有傳內有慈母君命

所使教子也何服之有

言無服也此指謂國君之子也大夫士之子為庶母

慈已者服小功父卒乃不服昔者魯昭公少喪其母有慈母

良及其死也公弗忍也欲喪之有司以聞

曰古之禮慈母無服據國君也良善也謂之慈母固為其善國君之妻子於禮不服

也昭公年三十乃喪齊歸猶無感容是不少又安能不忍於慈母此非昭公明矣未知何公也今也君為

之服是逆古之禮而亂國法也若終行之則

有司將書之以遺後世無乃不可乎公曰古

者天子練冠以燕居公弗忍也遂練冠以

喪慈母喪慈母自魯昭公始也公之言又非也天子練冠

以燕居蓋謂庶子王為其母曾子問曰諸侯旅見天子入門

不得終禮廢者幾旅眾孔子曰四請問之曰

朝不終禮

相朝不終祀

大祭遇變

大廟火日食后之喪雨露服失容則廢廟大

始祖廟宗廟皆然主於始祖耳如諸侯皆在而日食則從天子

救日各以其方色與其兵示奉時事有所討也方色者東方衣青南方衣

赤西方衣白北方衣黑兵未聞也大廟火則從天子救火不以方

色與兵曾子問曰諸侯相見揖讓入門不

得終禮廢者幾孔子曰六請問之曰天子崩

大廟火日食后夫人之喪雨露服失容則

廢夫人君之夫人曾子問曰天子嘗禘郊社五祀之

祭簠簋既陳天子崩后之喪如之何孔子

曰廢既陳謂夙興陳饌牲器時也曾子問曰當祭而

天子七祀言五者關中言之

諸侯當祭而變

大夫當祭而變

日食大廟火其祭也如之何孔子曰接祭

而已矣如牲至未殺則廢接祭而已不迎尸也天子崩未

殯五祀之祭不行既殯而祭其祭也尸入

三飯不侑醑不酢而已矣自啓至于反哭

五祀之祭不行已葬而祭祝畢獻而已

既葬彌吉畢獻祝而後止郊社亦然唯嘗禘宗廟侯吉也曾子問曰諸侯之祭社

稷俎豆既陳聞天子崩后之喪君薨夫人

之喪如之何孔子曰廢亦謂夙興陳饌牲器時也自薨比至

于殯自啓至于反哭奉帥天子帥循也所奉循如天子者謂五

祀之祭也曾子問曰大夫之祭鼎俎既陳籩

社稷亦然

重喪不出帛

且既設不得成禮廢者幾孔子曰九請問

之曰天子崩后之喪君薨夫人之喪君之

大廟火日食三年之喪齊衰大功皆廢外

喪自齊衰以下行也齊衰異門則祭其齊衰之祭也

尸入三飯不侑醕不酢而已矣大功酢而

已矣小功總室中之事而已矣室中之事謂賓長獻士

之所以異者總不祭然則士不得成禮者十一所祭於死者

無服則祭謂若舅舅之子從母昆弟曾子問曰三年之喪弔

乎孔子曰三年之喪練不羣立不旅行為其苟語

忘哀也君子禮以飾情三年之喪而弔哭不亦

私喪有君服

過制

君殯臣有喪

虛乎

為彼哀則不專於親也為親哀則是妄弔

曾子問曰大夫士有私

喪可以除之矣而有君服焉其除之也如之

何孔子曰有君喪服於身不敢私服又何

除焉

重喻輕也私喪家之喪也喪服四制曰門外之治義斷恩

於是乎有過

時而弗除也君之喪服除而后殷祭禮也

謂主人也支子則否

曾子問曰父母之喪弗除可乎

以其有終

身之憂孔子曰先王制禮過時弗舉禮也非

弗能勿除也患其過於制也故君子過時

不祭禮也

言制禮以為民中過其時則不成禮

曾子問曰君薨既

殯而臣有父母之喪則如之何孔子曰歸

君啓臣有喪

君未殯臣有喪

誄

居于家有殯事則之君所朝夕否

居家者因其哀後隆於父

母躬事朔月月半薦新之奠也

曰君既啓而臣有父母之喪則

如之何孔子曰歸哭而反送君

言送君則既葬而歸也歸哭者

服君服而歸不敢私服也

曰君未殯而臣有父母之喪則如

之何孔子曰歸殯反于君所有殯事則歸

朝夕否

其哀雜主於君

大夫室老行事士則子孫行

事

大夫士其在君所之時則攝其事

大夫內子有殯事亦之君

所朝夕否

謂夫之君既殯而有舅姑之喪者內子大夫適妻也妻為夫之君如婦為舅姑服齊衰

賤

不誄貴幼不誄長禮也

誄累也累列生時行迹讀之以作謚謚當由尊者成

唯天子稱天以誄之

以其無尊焉春秋公羊說以為讀誄制謚於南郊若云受之於

君薨於外喪祭

君引聞父母喪

然天諸侯相誅非禮也禮當言誅於天子也天子乃使大史賜之謚曾子問

曰君出疆以三年之戒以柩從君薨其入

如之何其出有喪備疑喪入必異也戒猶備也謂孔子

曰共殯服比謂君已大斂殯服謂布深衣苴經散帶垂殯時主人所服共之以待其來也其餘殯事亦皆

焉則子麻弁經䟽衰菲杖棺柩未安不忍成服於外也麻弁經者布弁而

加環經也布弁如爵弁入自闕升自西階闕謂毀宗也而用布杖者為已病

異於生也升自西階亦異生也所毀宗殯宮門西也於此正棺而服殯服既塗而成服躬柩出毀宗周柩入毀宗禮相變也

如小斂則子免而從柩謂君已小斂也主人布深衣不括髮者行遠不可無飾

入自門升自阼階親未入棺不忍異君大夫主

節也曾子問曰君之喪既引聞父母之喪

親引聞君之喪

宗子之變

厭祭祝酌奠

於廟南祝奠

訖且復以辭享

告神是室與陰

陽之變故云陰

廟旅酬之後

祝告礼成尸起

主人降佐食徹

尸俎設於西北

隅謂陽厭

如之何孔子曰遂既封而歸不俟子遂遂送

當為空子曾子問曰父母之喪既引及塗聞

君薨如之何孔子曰遂既封改服而往封亦

空改服括髮徒跣布深衣曾子問曰宗子為士庶

子為大夫其祭也如之何孔子曰以上牲祭

於宗子之家貴祿重宗也上祝曰孝子某為

介子某薦其常事介副也不言庶若宗子有

罪居于他國庶子為大夫其祭也祝曰孝子

某使介子某執其常事此之謂宗攝主不厭祭

不旅不假不綏祭不配皆辟正主厭厭飲神也厭

旅酬也受餼之後嗣子舉奠訖賓坐取薦南之爵酬長兄弟長兄弟酬衆賓衆賓酬衆兄弟祝祝與二佐食既泰以授尸執以命祝受以東北面餼于主人曰皇尸命工祝承致多福于汝孝孫經祭尸出迎尸入即席坐而執祝前之辭祝命尸經祭尸東道于醴祭于豆間及於黍稷肺等是謂尸

奠奠之且饗是陰厭也尸謏之後徹薦俎敦設於西北隅是陽厭也此不厭者不陽厭也不旅不旅酬也假讀為嘏不嘏不嘏主人

也不綏祭謂今主人也綏周禮作墮布奠於賓賓奠不配者視辭不言以某妃配某氏

而不舉布奠謂主人酬賓奠解於薦北賓奠謂取解不奠於薦南也此酬之始也奠之不舉止旅

歸肉肉俎也謂與祭者留之共燕其辭于賓曰宗兄宗弟宗

子在他國使某辭辭猶告也宿賓之辭與宗子為列則白宗兄若宗弟昭穆異者曰宗子而

已其辭若云宗兄某在他國使其執其常事使某告曾子問曰宗子去在他

國庶子無爵而居者可以祭乎孔子曰祭哉有子孫存不可請問其祭如之何孔子曰望

以之先祖之祀請問其祭如之何孔子曰望基而為壇以時祭不祭于廟無爵若宗子死告

於墓而后祭於家言祭於家容無廟也宗子死稱名不

於墓而后祭於家言祭於家容無廟也宗子死稱名不

綏祭也尸酢
主人主人拜受
爵士佐食取
黍稷肺授主
人主人受佐食
坐祭之所謂
綏祭也
祭必有尸

言孝

孝宗子之稱不敢與之同其辭但言子某薦其常事

身沒而已

至子可

游之徒有庶子祭者以此

此禮祭也用

若義也

順今之祭者不首其義故誣於祭也

首本也誣猶妄

也曾子問曰祭必有尸乎

言無益無用為

若厭祭亦

可乎

厭時無尸

孔子曰祭成喪者必有尸尸必以

孫孫幼則使人抱之無孫則取於同姓可也

人以有子孫為成人子不殤父義由此也

祭殤必厭蓋弗成也

厭厭而已

不成其為人

祭成喪而無尸是殤之也

與不成人同

孔子

曰有陰厭有陽厭

言祭殤之禮有於陰厭之者有於陽厭之者

曾子問曰

殤不祔祭何謂陰厭陽厭

祔當為備聲之誤也言殤乃不成人祭之不備

禮而云陰厭陽厭乎此失孔子指也祭成人始設奠於奧迎尸之前謂之陰厭尸謾之後改饌於西北隅謂之陽厭殤則不備

孔子曰宗子為殤而死庶子弗為後也以其族人

倫代之明不序昭穆立之廟其祭之就其祖而已代之者主其禮其吉祭特牲尊宗子從成人

也凡殤則特豚自卒祭殤不舉無所俎無玄酒不哭成事之後為吉祭

告利成此其無尸及所降也其他如成人舉肺脊所俎利成禮之施於尸者是謂陰厭

是宗子而殤祭之於奧之禮小宗為殤其祭禮亦如之凡殤與無後者祭於宗

子之家當室之白尊于東房是謂陽厭凡殤

謂庶子之適也或昆弟之子或從父昆弟無後者如有昆弟及諸父此則今死者皆宗子大功之內親共祖禰者言祭於宗子之家

者為有異居之道也無廟者為禪祭之親者共其牲物宗子皆主其禮當室之白尊於東房異於宗子之為殤當室之白謂

西北隅得戶明者也明者曰陽凡祖廟在小宗之家小宗祭之亦然宗子之適亦為凡殤過此以往則不祭也祭適者天子下

祭五諸侯下祭三大夫下祭二士以下祭子而止

曾子問曰葬引至于壙日

有食之則有變乎且不乎

壙道也變謂異禮

孔子曰昔

者吾從老聃助葬於巷黨及壙日有食之

老聃曰丘止柩就道右止哭以聽變既明反

而后行曰禮也

巷黨黨名也就道右者行相左也變日食也反復也

反葬而

丘問之曰夫柩不可以反者也日有食之不

知其已之遲數則豈如行哉

已止也數讀為速

老聃

曰諸侯朝天子見日而行逮日而舍奠大

夫使見日而行逮日而舍

舍奠每將舍奠行主

夫柩不

蚤出不莫宿

侵晨夜則近姦寇

見星而行者唯罪人

使卒于館

葬下殤

與奔父母之喪者乎。日有食之。安知其不

見星也。

為無日而慝作豫止也

且君子行禮不以人之親

疢患。

疢病也。以人之父母行禮而恐懼其有患害不為也。

吾聞諸老聃云。曾

子問曰。為君使而卒於舍。禮曰。公館復。私

館不復。凡所使之國有司所授舍。則公館

已。何謂私館不復也。

復始死招魂

孔子曰。善乎。問

之也。

善其問難明也

自卿大夫士之家。白私館。公館與

公所為。白公館。公館復。此之謂也。

公館若今縣官官也

公所為君所命使舍己者

曾子問曰。下殤。土周葬于園。遂

輿機而往。塗。邇故也。

土周聖周也。周人以夏后氏之聖周葬下殤於園中。以其去成

注義豈絕
句不可絕句
非

人遠不就墓也機輿尸之牀也以繩絙其中央又以繩從兩旁
鉤之禮以機舉尸輿之以就園而斂葬焉塗近故耳輿機或為
餘今墓遠則其葬也如之何今人斂下殤於宮中而葬於墓與成人同墓塗乃遠其葬當輿其棺乎載之也問禮之變也孔子曰吾聞諸老聃曰

昔者史佚有子而死下殤也墓遠蓋欲葬墓如長殤從

成人也長殤有送葬車者則棺載之矣史佚武王時賢史也賢猶有所不知召公謂之曰何

以不棺斂於宮中欲其斂於宮中如成人也斂於宮中則葬當載之史佚

曰吾敢乎哉畏知禮也召公言於周公為史佚問周公

曰豈不可言是豈於禮不可不許也史佚行之失指以為許也遂用召公之言下

殤用棺衣棺自史佚始也棺謂斂於棺曾子問曰

卿大夫將為尸於公受宿矣而有齊衰內

喪不辟金革

喪則如之何孔子曰出舍於公館以待事

禮也

吉凶不可
以同處

孔子曰尸弁冕而出

為君尸或弁者
先祖或有為大

夫士

卿大夫士皆下之

見而

尸必式

小俛
禮之

必有前

驅

為辟
道

子夏問曰三年之喪卒哭金革之

事無辟也者禮與初有司與

疑有司初
使之然

孔子曰

夏后氏三年之喪既殯而致事於人既葬

而致事周人卒哭而致事

致事還其職位於
君則卒哭而致事

記曰君

子不奪人之親亦不可奪親也此之謂乎

二者恕
也孝也

子夏曰金革之事無辟也者非與

疑禮當
有然

孔子曰吾

聞諸老聃曰昔者魯公伯禽有為為之也

文王為世子

伯禽周公子封於魯有徐戎作難喪卒哭而征之急王事也征之作費誓今以三年之喪從

其利者吾弗知也時多攻取之兵言非禮也

文王世子第八 鄭氏注

文王之為世子朝於王季曰三三皆曰朝以其禮同雞初

鳴而衣服至於寢門外問內豎之御者曰

今日安否何如內豎小臣之屬掌外內之通命者御如今小史直日矣內豎曰

安文王乃喜孝子恒兢兢及日中又至亦如之又復也

及莫又至亦如之莫夕也其有不安節則內豎

以告文王文王色憂行不能正履節謂居處故事履蹈

地也王季復膳飲食也然後亦復初憂解食上必在

武王為世子

此章前筆疑之

視寒煖之節

在察也

食下問所膳

問所食者

命膳宰

曰未有原應曰諾然後退

末猶勿也原再也勿有所再進為其失飪

臭味惡也退反其寢

武王帥而行之不敢有加焉

庶幾程式之帥循也

文王有疾武王不說冠帶而養

言常在側

文王二

飯亦一飯文王再飯亦再飯

欲知氣力

旬有

二日乃閒

閒猶瘳也

文王謂武王曰女何夢矣

閒後容臥

武王對曰夢帝與我九齡

帝天也

文王曰

女以為何也武王曰西方有九國焉君王

其終撫諸

撫猶有也言君王則此受命之後也

文王曰非也古者

謂年齡齒亦齡也我百爾九十吾與爾三

周公示成王
世子之道

焉

年天氣也齒人壽之數也九齡九十年之祥也文王以勤憂損壽武王以安樂延年言與爾三者明傳業於女女受

而成

文王九十七乃終武王九十三而終

君子曰終終其

功成

成王幼不能涖阼

涖視也不能視阼階行人君之事

周公相

踐阼而治

踐履也代成王履阼階攝王位治天下也

抗世子法於伯

禽欲令成王之知父子君臣長幼之道也

抗猶舉也謂舉以世子之法使與成王居而學之

成王有過則撻伯禽所

以示成王世子之道也

以成王之過擊伯禽則足以感喻焉

文王

之為世子也

題上

一凡學世子及學士必時

四時

各有宜學士謂司徒論俊選所升於學者

春夏學干戈秋冬學羽籥

皆於東序

干盾也戈句子戟也干戈萬舞象武也用動作之時學之羽籥籥舞象文也用安靜之時

申述文王教世
子法因述學制
必存學而學則
國之俊選皆在
焉所為學士也

學之詩去左手執籥右手秉翟小樂正學千大胥贊之籥師學

戈籥師丞贊之四人皆樂官之屬也通職秋冬亦學以

之政教國子小舞大胥掌學士之版以待致諸子春入胥鼓

南南南夷之樂也胥掌以六樂之會正舞位旄人春誦夏

弦大師詔之瞽宗秋學禮執禮者詔之冬

讀書典書者詔之禮在瞽宗書在上庠謂誦

歌樂也弦謂以絲播詩陽用事則學之以聲陰用事則學之以

事因時順氣於功易成也周立三代之學學書於有虞氏之學

典謨之教所興也學舞於夏后氏之學文武凡祭與養

中也學禮樂於殷之學功成治定與已同也老乞言合語之禮皆小樂正詔之於東序以學

三者之威儀也養老乞言養老人之賢者因從乞善言可行者也合語謂鄉射鄉飲酒大射燕射之屬也鄉射記曰古者於旅

語也大樂正學舞干戚語說命乞言皆大樂

正授數

學以三者之義也戚斧也語說合語之說也數篇數

大司成論說在

東序

論說課其義之深淺才能優劣此云樂正司業父師司成則大司成司徒之屬師氏也師氏掌以美詔王

教國子以三德三行及國中失之事也

凡侍坐於大司成者遠近閒三

席可以問

閒猶容也容三席則得指畫相分別也席之制廣三尺三寸三分則是所謂函丈也

終則負牆

卻就後席相辟

列事未盡不問

錯尊者之凡語不敬也

學春官釋奠于其先師秋冬亦如之

官謂禮樂詩書

之官周禮曰凡有道者有德者使教焉死則以為樂祖祭於瞽宗此之謂先師之類也若漢禮有高堂生樂有制氏詩有毛公書有伏生億可以為之也不言夏夏從春可知也凡始立學者

必釋奠于先聖先師及行事必以幣

謂天子命之教始立

學官者也先聖周公若孔子

凡釋奠者必有合也

國無先聖先師則所釋奠者當

與鄰國合也

有國故則否

若唐虞有蔓伯夷周有周公魯有孔子則各自奠之不合也

凡

大合樂必遂養老

大合樂謂春入學舍菜合舞秋頒學合聲於是時也天子則視學焉

遂養老者謂用其明日也鄉飲酒鄉射之禮明日乃息

凡語

于郊者

語謂論說於郊學

必取賢斂才焉或以德進

或以事舉或以言揚

大樂正論造士之秀者升諸司馬曰進士謂此矣

曲

藝皆誓之

曲藝為小技能也誓謹也皆使謹習其事

以待又語

又語為後復論

說三而一有焉

三說之中有一善則取之以有曲藝不必盡善

乃進其等

進於

衆學

以其序

又以其藝為次

謂之郊人遠之

俟事官之缺者以代

之遠之者不曰俊選曰郊人賤技藝

於成均以及取爵於上尊也

董仲

結上文

三王教世子

舒曰五帝名大學曰成均則虞庠近是也天子飲酒于虞庠則郊人亦得酌于上尊以相旅始立學

者既興器用幣

興當為費字之誤也禮樂之器成則費之又用幣告先聖先師以器成

然後釋菜

告先聖先師以器成有時將用也

不舞不授器

釋菜禮輕

也釋奠則舞舞則授器司馬之屬司兵司戈盾祭祀授舞者兵也

乃退儐于東序

一獻無介語可也

言乃退者謂得立三代之學者釋菜于虞庠則儐賓于東序魯之學有米廩東

序瞽宗也

教世子

亦題上事

凡三王教世子必以禮樂

樂所以脩內也禮所以脩外也禮樂交錯

於中發形於外是故其成也懌恭敬而溫

文

中心中也

立太傅少傅以養之欲其知父

子君臣之道也

養猶教也言養者積浸成長之

太傅審父子君

臣之道以示之謂為之行其禮少傳奉世子以觀大

傳之德行而審喻之為說其義大傳在前少傳

在後謂其在學時入則有保出則有師謂燕居出入時是以

教喻而德成也以有四人維持之師也者教之以事而

喻諸德者也保也者慎其身以輔翼之而

歸諸道者也慎其身者謹安護之記曰虞夏商周有師

保有疑丞記所云謂天子也取以成說設四輔及三公不必

備唯其人語使能也語言也得能則用之無則已不必備其官也小人處其位不如

且闕君子曰德德成而教尊教尊而官正官正

而國治君之謂也仲尼曰昔者周公攝政

申明上章周公
相踐阼抗掌

法按家語子
夏問於孔子
曰記云周公相
成王教之以世
子之礼有諸孔
子曰昔者成王
嗣立幼未能蒞
阼周公攝政而
治抗世子法於
伯禽云云止萬
國以貞

踐阼而治抗世子法於伯禽所以善成王
也聞之曰為人臣者殺其身有益於君
則爲之況于其身以善其君乎周公優
爲之聞之者聞之於古也于讀爲迂迂猶廣也大也是故知爲人子然後可
以爲人父知爲人臣然後可以爲人君知
事人然後能使人成王幼不能蒞阼以爲
世子則無爲也以爲世子若爲世子時是故抗世子法於
伯禽使之與成王居亦學此禮於成王側欲令成王之
知父子君臣長幼之義也君之於世子也
親則父也尊則君也有父之親有君之尊

然後兼天下而有之。是故養世子不可不

愼也。

處君父之位。覽海內之士而近不能教其子。則其餘不足觀矣。

行一物而三善

皆得者。唯世子而已。其齒於學之謂也。

猶物

也。

故世子齒於學。國人觀之曰。將君我而

與我齒。讓何也。曰。有父在。則禮然。然而衆

知父子之道矣。其二曰。將君我而與我齒。

讓何也。曰。有君在。則禮然。然而衆著於君。

臣之義也。其三曰。將君我而與我齒。讓何

也。曰。長長也。然而衆知長幼之節矣。故父

在斯爲子。君在斯謂之臣。居子與臣之節。

結上文
又因世子而及
庶子公族之法

所以尊君親親也故學之為父子焉學之

為君臣焉學之為長幼焉教學父子君臣

長幼之道得而國治語曰樂正司業父師司

成一有元良萬國以貞世子之謂也司主也一人也元

大也良善也貞正也周公踐阼亦題上事庶子之正於公族者

教之以孝弟睦友子愛明父子之義長幼

之序正者政也庶子司馬之屬掌國子之倅為政於公族者其朝于公內朝

則東面北上且有貴者以齒內朝路寢庭其在外

朝則以官司士為之外朝路寢門之外庭司士亦司馬之屬也掌羣臣之班正朝儀

之位也其在宗廟之中則如外朝之位宗人授

大二十下
禮記下
二十

事以爵以官

宗人掌禮及宗廟也以爵貴賤異位也以官官各有所掌也若司徒奉牛司馬奉羊

司空奉豕

其登餼獻受爵則以上嗣

上嗣君之適長子以特牲饋食禮言

之受爵謂上嗣舉奠也獻謂舉奠洗爵酌入也餼謂宗人遣舉奠盥祝命之餼也大夫之嗣無此禮辟君也

庶子

治之雖有三命不踰父兄

治之治公族之禮也唯於內朝則然其餘會聚

之事則與庶姓同一命齒于鄉里再命齒于父族三命不齒不齒者特為位不在父兄行列中

其公大事

則以其喪服之精麤為序雖於公族之喪

亦如之以次主人

大事謂死喪也其為君雖皆斬衰序之必以本親也主人主喪者次主人

者主人恒在上主人雖有父兄猶不得下齒

若公與族燕則異姓為賓

同宗無相賓客之道

膳宰為主人

君尊不獻酒

公與父兄齒

親親也

族食世降一等

親者稠疏者希

其在軍則守於公廩

謂從軍者公禰行主也行公若有出疆之政謂朝觀

以遷主言禰在外親也庶子以公族之無事者守於公宮正室守

大廟正室適子也大諸父守貴宮貴室謂守諸

子諸孫守下宮下室下宮親廟也下室燕寢五廟

之孫祖廟未毀雖為庶人冠取妻必告死

必赴練祥則告赴告於君也實四廟孫而言族之相

為也宜弔不弔宜免不免有司罰之弔謂六

免謂至于賁賻承含皆有正焉承讀為賁聲之公

族其有死罪則磬于甸人不於市朝者隱之也甸

磬之曰其刑罪則織剝亦告于甸人織讀為殲殲刺

也剝割也官害

臚墨劓刑皆以刀鋸刺割人體也尚讀為鞠讀書用法曰鞠

公族無宮刑

官割獄成淫刑

有司讞于公其死罪則曰某之罪在大辟其

刑罪則曰某之罪在小辟

成平也讞之言白也辟亦罪也

公

曰宥之

宥寬也欲寬其罪出於刑也

有司又曰在辟公又曰

宥之

又復也

有司又曰在辟及三宥不對走出

致刑于甸人

對答也先者君每言宥則答之以將更寬之至於三罪定不復答走往刑之為

君之恩無已

公又使人追之曰雖然必赦之有司對

曰無及也

罪既正不可宥乃欲赦之重刑殺其類也

反命于公公素

服不舉為之變如其倫之喪無服

素服於凶事為吉於吉事

為凶非喪服也君雖不服臣卿大夫死則皮弁錫衰以居往弔當事則弁經於士蓋疑衰同姓則總衰以弔之今無

申明上文公族之義

服者不往弔也。倫謂親疏之比也。素服亦皮弁矣。親哭之。不往弔為位哭之而已。公族

朝于內朝內親也。雖有貴者以齒。明父子

也。謂以宗族事會。外朝以官。體異姓也。體猶連結也。宗廟之

中以爵為位。崇德也。崇高也。宗人授事以官。

尊賢也。官各登。餞受爵以上嗣。尊祖之道

也。上嗣祖之正統。喪紀以服之輕重為序。不奪人親

也。紀猶事也。公與族燕則以齒。而孝弟之道達

矣。以至尊不自異於親之列。其族食。世降一等。親親之

殺也。殺差也。戰則守於公。禰孝愛之深也。行主君父

之正室守大廟。尊宗室而君臣之道著矣。

以其不敢以庶守君所重 諸父諸兄守貴室子弟守下室而

讓道達矣以其貴者守貴賤者守賤上言父子孫此言兄弟互相備也 五廟之

孫祖廟未毀雖及庶人冠取妻必告死必赴

不忘親也親未絕而列於庶人賤無能也

敬弔臨賻賵睦友之道也古者庶子之官

治而邦國有倫邦國有倫而衆鄉方矣鄉方

言知所鄉 公族之罪雖親不以犯有司正術也所

以體百姓也犯猶干也術法也 刑于隱者不與國人

慮兄弟也弗弔弗爲服哭于異姓之廟

爲忝祖遠之也素服居外不聽樂私喪之

因教世子章內
學制而申明之
此周公所立
學制前是
世子入學此
是天子視學

更蔡邕獨斷
曰當作更

也骨肉之親無絕也公族無宮刑不翦其類

也翦害也天子視學大昕鼓徵所以警衆也

早昧爽擊鼓以召衆也警猶起也衆至然後天子

至乃命有司行事興秩節祭先師先聖焉

興猶舉也秩常也節猶禮也使有司攝其事舉常禮有司

卒事反命告祭畢也祭始之養也又之養老之處凡大

往焉言始適東序釋奠於先老親奠之者已所有

始立學也是觀學遂設三老五更羣老之席位焉三老五

於上庠人也皆年老更事致仕者也天子以父兄養之示天下之孝弟

也名以三五者取象三辰五星天所以照明天下者羣老無
數其禮亡以鄉飲酒禮言之席位之處則適饌省醴養
三老如賓五更如介羣老如衆賓必也

大百八三

老之珍具

親視其所有

遂發咏焉退脩之以孝養

也

發咏謂以樂納之退脩之謂既迎而入獻之以醴獻畢而樂闋

反登歌清廟

反謂獻羣老畢

皆升就席也反就席乃席工於西階上歌清廟以樂之

既歌而語以成之也言

父子君臣長幼之道合德音之致禮之大

者也

既歌謂樂正告正歌備也語談說也歌備而旅旅而說父子君臣長幼之道說合樂之所美以成其意鄉射記

曰古者於旅也語

下管象舞大武大合衆以事達有

神興有德也

象周武王伐紂之樂也以管播其聲又為之舞皆於堂下衆謂所合學士也達有神

明天授命周家之有神也興有德美文王武王有德師樂為用前歌後舞

正君臣之位貴賤

之等焉而上下之義行矣

由清廟與武也

有司告以

樂闋

闋終也告君以歌舞之樂終此所告者謂無筭樂

王乃命公侯伯子

語意當無句字
註亦止各及養老
蓋俗本衍句字

男及羣吏白反養老幼于東序終之以仁

也

羣吏鄉遂之官王於燕之末而命諸侯時朝會在此者各反養老如此禮是終其仁心孝經說所謂諸侯歸各帥於

國大夫勤於朝州里驩於邑是也

是故聖人之記事也慮之以大

謂先本於孝弟之道

愛之以敬

謂省其所以養老之具

行之以禮

謂親迎之如見

兄脩之以孝養

謂親獻之薦之

紀之以義

謂既歌而語之

終之

以仁

謂又以命諸侯歸於國復自行之

是故古之人一舉事而衆

皆知其德之備也古之君子舉大事必慎

其終始而衆安得不喻焉

言其為之本末露見盡可得而知也喻猶曉也

允命曰念終始典于學

允當為說說命書篇名邦高宗之臣傳說之所作典

常也念事之終始常於學學禮義之府

世子之記曰朝夕至于大寢之

申述世子之記

門外問於內豎曰今日安否何如

朝夕朝朝暮夕也日中又

朝文王之為世子非禮之制世子之禮云言此存其記

內豎曰今日安世子乃

有喜色其有不安節則內豎以告世子世

子色憂不滿容

色憂憂淺也不及文王行不能正履

內豎言復

初然後亦復初朝夕之食上世子必在視寒

煖之節食下問所膳羞必知所進以命膳宰

然後退

羞必知所進必知親所食

若內豎言疾則世子親齊

玄而養

親猶自也養疾者齊玄玄冠玄端也

膳宰之饌必敬視

之

疾者之食齊和所欲或異

疾之藥必親嘗之

試毒味也

嘗饌

善則世子亦能食

善謂多於前

嘗饌寡世子亦不

能飽


又不及武王一飯再飯

以至於復初然後亦復初

復常所服

禮記卷第六

經五千七百六十四字
注五千五百字



或問禮運似與老子同公曰不是聖人書胡明仲曰禮運是子游所作與記是子貢所作子游亦不至如此淺近

禮運篇子游所作其義明有過高之意首章易派於莊子之失然莊子則誇大禮運之義而減其法所以害道此章首推大道世而言風氣既開風俗既流三代聖人於是而禮以持之

禮記卷第七

今二代之禮既失周禮又廢壞所以為亂人君欲治天下則莫大於禮積而至於大順則亦可以復大同之世矣

禮運第九

劉氏別錄

禮記

鄭氏注

鄭氏注

鄭氏注

鄭氏注

昔者仲尼與於蜡賓

蜡者索也歲十二月合聚萬物而索饗之亦祭宗廟時孔子仕

魯在助祭之中

事畢出遊於觀之上喟然而嘆

觀闕也孔子見

魯君於祭禮有不備於此又觀象魏舊章之處感而嘆之

仲尼之嘆蓋嘆魯也

言偃在側曰君子何嘆

言偃孔子弟子子游

孔子曰大

道之行也與三代之英丘未之逮也而有

志焉

大道謂五帝時也英俊選之尤者逮及也言不及見志謂識古文不言魯事為其大切廣言之

大道

之行也天下為公選賢與能講信脩睦

公猶共也

禪位授聖不家之睦親也故人不獨親其親不獨子其子

孝慈

之道使老有所終壯有所用幼有所長矜

寡孤獨廢疾者皆有所養無匱也男有分分

女有歸職皆得良與之家貨惡其棄於地也不必藏於

己力惡其不出於身也不必為己勞事不憚施無吝心仁厚

是故謀閉而不興盜竊亂賊而不作尚辭

故外戶而不閉禦風氣而已是謂大同同猶和平也今

大道既隱隱猶去也天下為家傳位於子各親其親各

子其子貨力為己俗狹大人世及以為禮城

郭溝池以為固亂賊繁多為此以服禮義以為紀

以正君臣以篤父子以睦兄弟以和夫婦

礼不可無

以設制度以立田里以賢勇知以功爲己

故謀用是作而兵由此起

以其違大道敦朴之本也教令之稠其弊則然

老子曰法令滋章盜賊多有

禹湯文武成王周公由此其選

也

由用也能用禮義以成治

此六君子者未有不謹於禮者

也以著其義以考其信著有過刑仁講讓

示民有常

考成也刑猶則也

如有不由此者在執者

去衆以爲殃

執執位也去罪退之也殃猶禍惡也

是謂小康

康安也大道之

人以禮於忠信爲薄言小安者失之則賊亂將作矣

言偃復問曰如此乎禮

之急也孔子曰夫禮先王以承天之道以

治人之情故失之者死得之者生詩曰相

鼠有體人而無禮人而無禮胡不遄死也相視也遄

疾也言鼠之有身體如人而無禮者矣人之無禮可憎賤如鼠不如疾死之愈是故夫禮必本

於天穀於地列於鬼神聖人則天之明因地之利取法度於鬼神以制禮下

教令也既又祀之盡其敬也教民嚴上也鬼者精魂所歸神者引物而出謂祖廟山川五祀之屬也達於喪

祭射御冠昏朝聘民知嚴上則此禮達於下也故聖人以禮

示之故天下國家可得而正也民知禮則易教言偃

復問曰夫子之極言禮也可得而聞與欲知禮終

始所成孔子曰我欲觀夏道欲行其禮觀其所成是故之杞

杞夏后氏之後也而不足徵也徵成也無賢君不足與成也吾得夏時

焉得夏四時之書也其書存者有小正我欲觀邠道是故之宋而

不足徵也

宋殷人之後也

吾得坤乾焉

得殷陰陽之書也其書存者有歸藏

坤乾之義夏時之等吾以是觀之

觀於三書之意

夫禮之初始諸飲食其燔黍捭豚汙尊而

抔飲蕢桴而土鼓猶若可以致其敬於鬼

神

言其物雖質略有齊敬之心則可以薦羞於鬼神饗饔饔味也中古未有金甌釋米捭肉加於燒石之土而食之

耳今北狄猶然汙尊盪地為尊也抔飲手掬之也蕢讀為由聲之誤也由塌也謂搏土為桴也土鼓築土為鼓也

及

其死也升屋而號告曰皋某復

招之於天然後殽腥

而苴孰

飯以稻米上古未有火化苴孰取遺奠有火利也苴或為俎

故天望而地

藏也體魄則降知氣在上

謂葬

故死者北首

首陰也

生者南鄉

鄉陽也

皆從其初

謂今行之然也

昔者先

其祝嘏以降上神與其先祖以正君臣以篤父子以睦兄弟以齊上下夫婦有所是

謂承天之祐

此言今禮饌具所因於古及其事義也菜讀為齊聲之誤也周禮五齊一曰泛齊二

曰醴齊三曰盎齊四曰醕齊五曰沈齊字雖異醕與盎澄與沈蓋同物也奠之不同處重古略近也祝祝為主主人饗神辭也嘏祝為尸致福於主人之辭也祐福也福之言備也作其祝號玄酒以祭薦

其血毛腥其俎孰其殽與其越席疏布以

冪衣其漦帛醴醢以獻薦其燔炙君與夫

人交獻以嘉魂魄是謂合莫

此謂薦上古中古之食也周禮祝號

有六一曰神號二曰鬼號三曰祗號四曰牲號五曰齎號六曰幣號號者所以尊神顯物也腥其俎謂豚解而腥之及血毛皆所以法於大古也孰其殽謂體解而爛之此以下皆所法於中古也越席翦蒲席也冪覆尊也漦帛練漆以為祭服嘉樂也莫

虛無也孝經說曰上通無莫

然後退而合享體其犬豕牛羊

實其簠簋籩豆鉶羹祝以孝告嘏以慈告

是謂大祥

此謂薦今世之食也體其犬豕牛羊謂分別骨肉之貴賤以為眾俎也祝以孝告嘏以慈

告各首其義也祥善也今世之食於人道為善也

此禮之大成也

解子游以禮所成也孔

子曰嗚呼哀哉我觀周道幽厲傷之吾舍

魯何適矣

政亂禮失以為魯尚愈

魯之郊禘非禮也周公

其衰矣

非猶失也魯之郊牛口傷鼯鼠食其角又有四卜郊不從是周公之道衰矣言子孫不能奉行

之興杞之郊也禹也宋之郊也契也是天子之

事守也

先祖法度子孫所當守

故天子祭天地諸侯祭社

稷祝嘏莫敢易其常古是謂大假

假亦大也不敢改其常古

周禮之失

魯禮之失

祝嘏辭說藏於有司而君不知其義是謂幽國

札制皆失所以為亂

醜聞先王之爵惟王者之後用之其餘諸侯用之者僭也

之法度是謂大大也將言今不然

祝嘏辭說藏於宗祝巫史非禮

也是謂幽國

藏於宗祝巫史言君不知有也幽闇也國闇者君與大夫俱不明也

醜聞及

尸君非禮也是謂僭君

僭禮之君也醜聞先王之爵也唯魯與王者之後得

用之耳其餘諸侯用時王之器而已

冕弁兵革藏於私家非禮也

是謂脅君

劫脅之君也冕弁君之尊服兵革君之武衛及軍器也

大夫具官

祭器不假聲樂皆具非禮也是謂亂國

臣

奢富擬於國君敗亂之國也孔子謂管仲官事不攝焉得儉

故仕於公曰臣仕於家

曰僕三年之喪與新有昏者期不使以衰

裳入朝與家僕雜居齊齒非禮也是謂君

與臣同國

臣有喪昏之事而不歸反服其衰裳以入朝或與僕相等輩而處是謂君臣共國無尊卑也有

喪昏不歸唯君耳臣有喪昏當致事而歸僕又不可與士齒故天子有田以處其

子孫諸侯有國以處其子孫大夫有采以處其

其子孫是謂制度

言今不然也春秋昭元年秦伯之弟鍼出奔晉刺其有千乘之國不

能容其母弟

故天子適諸侯必舍其祖廟而不以禮

籍入是謂天子壞法亂紀

以禮籍入謂大史典禮執簡記奉諱惡也天

子雖尊舍人宗廟猶有敬焉自拱勅也

諸侯非問疾弔喪而入諸

臣之家是謂君臣為讎

無故而相之是戲讎也陳靈公與孔寧儀行父數如夏氏

以取弑焉

是故禮者君之大柄也所以別嫌明微

儼鬼神考制度別仁義所以治政安君也

疾今失禮如此為言禮之大義也柄所操以治事

故政不正則君位危君位

此後推明人
君欲治天下
非礼不可

危則大臣倍小臣竊刑肅而俗敝則法無

常法無常而禮無列禮無列則士不事也

刑肅而俗敝則民弗歸也是謂疵國

又為言政失君

危之禍敗也肅駿也疵病也故政者君之所以藏身也

於此又遂為之

言政也藏謂輝光於外而形體不見若日月星辰之神是故夫政必本於天

穀以降命

降下也穀天之氣以下教令天有運移之期陰陽之節也

命降于社之

謂穀地

謂教令由社下者也社土地之主也周禮土會之法有五地之物生

降于祖廟

之謂仁義

謂教令由祖下者大傳曰自禰率而上至于祖遠者輕仁也自祖率而下至于禰高者重

義也降於山川之謂興作

謂教令由山川下者也山川有草木禽獸可作器物共國事

降於五祀之謂制度

謂教令由五祀下者五祀有中雷門戶竈行之神此始為宮室

卷二五二十五

制此聖人所以藏身之固也

政之行如此何用城郭溝池之為

故

聖人參於天地並於鬼神以治政也處其所

存禮之序也玩其所樂民之治也

並并也謂比方

之也存察也治所以樂其事居也

故天生時而地生財人其父生

而師教之四者君以正用之故君者立於無

過之地也

順時以養財尊師以教民而以治政則無過差矣易曰何以守位曰仁何以聚人曰財

故君者所明也非明人者也君者所養也

非養人者也君者所事也非事人者也

故君明人則有過養人則不足事人則失

位

明猶尊也

故百姓則君以自治也養君以自安

明當作則家語正作則字

也事君以自顯也故禮達而分定故人皆愛

其死而患其生

則當為明人之道身治居安名顯則不苟生也不義而死舍義而生

是不愛死患生也

故用人之知去其詐用人之勇去

其怒用人之仁去其貪

用知者之謀勇者之斷仁者之施足以成治矣詐者害民

信怒者害民命貪者害民財三者亂之原

故國有患君死社稷謂之

義大夫死宗廟謂之變

變當為辯聲之誤也辯猶正也君守社稷臣衛

君宗廟者患謂見圍入

故聖人耐以天下為一家以中國

為一人者非意之也必知其情辟於其義明

於其利達於其患然後能為之

耐古能字傳書世異古字時有

存者則亦有今誤矣意心所無慮也辟開也

何謂人情喜怒哀懼愛惡

欲七者弗學而能何謂人義父慈子孝兄
良弟弟夫義婦聽長惠幼順君仁臣忠十
者謂之人義講信脩睦謂之人利爭奪相
殺謂之人患極言人事故聖人之所以治人七情
脩十義講信脩睦尚辭讓去爭奪舍禮何
以治之唯禮可耳飲食男女人之大欲存焉死云
貧苦人之大惡存焉故欲惡者心之大端也
人藏其心不可測度也美惡皆在其心不
見其色也欲一以窮之舍禮何以哉言人情之難知
明禮之重故人者其天地之德陰陽之交鬼神

會五行之秀氣也言人兼此氣性純也故天秉陽垂

日星

秉猶持也言天持陽氣施生照臨下也

地秉陰竅於山川播

五行於四時和而后月生也是以三五而盈

三五而闕

竅孔也言地持陰氣出內於山川以舒五行於四時此氣和乃后月生而上配日若臣功

成進爵位也一盈一闕屈伸之義也必三五者播五行於四時也一曰水二曰火三曰木四曰金五曰土合為十五之成

數也五行之動迭相竭也五行四時十二月還

相為本也五聲六律十二管還相為宮

也五味六和十二食還相為質也五色六

章十二衣還相為質也

竭猶負戴也言五行運轉更相為始也五聲宮商角

徵羽也其管陽曰律陰曰呂布十二辰始於黃鐘管長九寸下生者三分去一上生者三分益一終於南呂更相為宮凡六十

也五味酸苦辛鹹甘也和之者春多酸夏多苦秋多辛冬多鹹皆有滑甘是謂六和五色六章畫績事也周禮考工記曰土以黃其象方天時變火以圜山以章水以龍鳥獸地雜四時五色之位以章之謂之巧也 故人者天地

之心也五行之端也食味別聲被色而生者

也此言兼氣性之効也故聖人作則必以天地為本以

陰陽為端以四時為柄以日星為紀月

以為量鬼神以為徒五行以為質禮義以

為器人情以為田四靈以為畜天地以至於五行其制作所取

象也禮義人情其政治也四靈者其徵報也此則春秋始於元終於麟包之矣呂氏說月令而謂之春秋事類相近焉量猶分

也鬼神謂山川也山川助地通氣之象也器所以操事田人所

實象三光夫婦以天地為本故物可舉也物天地象日月亦是也所養生

以陰陽為端故情可睹也情以陰陽通也以四時為

柄故事可勸也事以四時成以日星為紀故事可

列也事以日與星為候興作有次第月以為量故功有藝也藝猶才也

十二月各有分猶人之才各有所長也藝或為倪鬼神以為徒故事有守也

山川守職不移五行以為質故事可復也事下竟復禮由上始也

義以為器故事行有考也考成也器利則事成人情以

為田故人以為奧也奧猶主也田無主則荒四靈以為畜

故飲食有由也由用也四靈與羞物為羣何謂四靈麟鳳龜

龍謂之四靈故龍以為畜故魚鮪不泯鳳

以為畜故鳥不獮麟以為畜故獸不狘龜

以爲畜故人情不失

淦之言閃也。猶飛走之貌也。失猶去也。龜北方之靈信則至。

矣故先王秉著龜列祭祀瘞繒宣祝嘏辭

說設制度故國有禮官有御事有職禮有

序

皆卜筮所造置也。埋牲曰瘞幣。帛曰繒。宜猶揚也。繒或作贈。

故先王患禮之不

達於下也

惠下不信也。

故祭帝於郊所以定天位

也祀社於國所以列地利也祖廟所以本

仁也山川所以儉鬼神也五祀所以本事

也故宗祝在廟三公在朝三老在學王之前

巫而後史卜筮瞽侑皆在左右王中心無

爲也以守至正

此所以達禮於下也。教民尊神。慎居故處也。宗宗人也。瞽樂人也。侑四輔也。

禮行於郊而百神受職焉禮行於社而百

貨可極焉禮行於祖廟而孝慈服焉禮行

於五祀而正法則焉

言信得其禮則神物與人皆應之百神列宿也百貨金玉之屬

故自郊社祖廟山川五祀義之脩而禮之

藏也

脩猶飾也藏若其城郭然

是故夫禮必本於大一

分而為天地轉而為陰陽變而為四時列而

為鬼神其降曰命

聖人象此下之以為教令

其官於天也

官猶法也此聖人所以法於天也

夫禮必本於天

本於大一與天之義

動而之地

後法地也

列而之事

後法五祀五祀所以本事也

變而從時

後法四時

協

於分藝

協合也言禮合於月之分猶人之才也

其居人也曰養

養當為義

字之誤也下之則為教令居人其行之以貨力辭讓

飲食冠昏喪祭射御朝聘貨摯幣庭實也力筋骸強者也不則偃罷

故禮義也者人之大端也所以講信脩睦而

固人之肌膚之會筋骸之束也所以養生

送死事鬼神之大端也所以達天道順人

情之大寶也寶孔穴也故唯聖人為知禮之不

可以已也故壞國喪家亡人必先去其禮

言愚者之反聖人也故禮之於人也猶酒之有蘖也君子

以厚小人以薄皆得以為美味性善者醇耳故聖王脩義之

柄禮之序以治人情治者去瑕穢養菁華也故人情者聖

王之田也脩禮以耕之和其剛柔陳義以種之以植

善講學以耨之存是去非類也本仁以聚之合其盛播樂

以安之感動使之堅固故禮也者義之實也協諸義

而協協合也合禮於義則與義合不乖刺則禮雖先王未之有可

以義起也以其合於義可以義起作義者藝之分仁之節也

藝猶才也協於藝講於仁得之者強有義則人服之也仁者

義之本也順之體也得之者尊有仁則人仰之也故

治國不以禮猶無耜而耕也無以入也為禮不本於

義猶耕而弗種也嘉穀無由生也為義而不講之以

學猶種而弗耨也苗不殖草不除講之以學而不合

之以仁猶耨而弗獲也

無以知收之豐荒也

合之以仁而

不安之以樂猶穫而弗食也

不知味之甘苦

安之以

樂而不達於順猶食而弗肥也

功不見也

四體既

正膚革充盈人之肥也父子篤兄弟睦夫

婦和家之肥也大臣法小臣廉官職相序

君臣相正國之肥也天子以德爲車以樂

爲御諸侯以禮相與大夫以法相序士以

信相考百姓以睦相守天下之肥也是謂

大順大順者所以養生送死事鬼神之

常也

常謂皆有禮用無匱乏也車或爲居

故事大積焉而不苑

並行而不繆細行而不失深而通茂而有閒

連而不相及也動而不相害也此順之至也

言人皆明於禮無有蓄亂滯合者各得其分理順其職也故明於順然後能守

危也

能守自危之道也君子居安如危小人居危如安易曰危者安其位

故禮之不同

也不豐也不殺也所以持情而合危也

豐殺

謂天子及士名位不同禮亦異數所以拱持其情合安其危

故聖王所以順山者

不使居川不使渚者居中原而弗敝也

小洲曰渚

廣平曰原山者利其禽獸渚者利其魚鹽中原利其五穀使各居其所安不易其利勞敝之也民失其業則窮窮斯盜

用水火金木飲食必時

用水謂漁人以時漁為梁春獻鼈蜃秋獻龜魚也用

火謂司燿四時變國火以救時疾及季春出火季秋納火也用金謂什人以時取金玉錫石也用木謂山虞仲冬斬陽木仲夏

新陰木飲食謂食齊視春時羹齊合男女頒爵位必

當年德

謂媒氏令男三十而娶女二十而嫁司士稽士任進退其爵祿也

用民必順

不奪

農時

故無水旱昆蟲之災民無凶饑妖孽之疾

言大順之時陰陽和也昆蟲之災螟螽之屬也

故天不愛其道地不愛其

寶人不愛其情

言嘉瑞出人情至也

故天降膏露地出

醴泉山出器車河出馬圖鳳皇麒麟皆在

郊極龜龍在宮沼其餘鳥獸之卵胎皆可

俯而闕也

膏猶甘也器謂若銀甕丹甌也馬圖龍馬負圖而出也極聚草也沼池也

則是無

故

非有他事使之然也

先王能脩禮以達義體信以

達順故此順之實也

實猶誠也盡也

禮器一篇多言禮之器物制數可謂大備矣然其器之備必其體之全也故曰大備盛

禮器第十

德也因明禮之本與其功效

鄭氏注

禮器是故大備大備盛德也

禮器言禮使人成器如耒耜之為用

也人情以為田脩禮以耕之此是也大備自耕至於食之而肥

禮釋回增美質措則

正施則行

釋猶去也回邪辟也質猶性也措置也

其在人也如竹箭

之有筠也如松柏之有心也二者居天下

之大端矣故貫四時而不改柯易葉

箭篠也端本也

四物於天下最得氣之本或柔刃於外或和澤於內用此不變傷也人之得禮亦猶然也故君子有禮

則外諧而內無怨

人協服也

故物無不懷仁鬼神

饗德

懷歸也

先王之立禮也有本有文忠信禮

之本也義理禮之文也無本不立無文不

行言必外禮也者合於天時設於地財順於

鬼神合於人心理萬物者也鬼神所祀是故

天時有生也地理有宜也人官有能也物

曲有利也言皆有異故天不生地不養君子不以

為禮鬼神弗饗也天不生謂非其時物也居山以魚

鼈為禮居澤以鹿豕為禮君子謂之不知

禮不順其鄉故必舉其定國之數以為禮之

大經定國之數謂地禮之大倫以地廣狹謂貢賦

禮之薄厚與年之上下用年之是故年雖大

殺衆不匡懼則上之制禮也節矣言用之有節

孰也臣禮時為大順次之體次之宜次之稱次

之言聖人制禮所先後也

堯授舜舜授禹湯放桀武王伐

紂時也

言受命改制度

詩云匪革其猶聿追來孝

革急

也猶道也聿述也言文王改作者非必欲急行己之道乃追述先祖之業來居此為孝

天地之祭宗

廟之事父子之道君臣之義倫也

倫之言順也

社

稷山川之事鬼神之祭體也

天地人之別體也

喪祭之

用賓客之交義也

義之言宜也人道之宜

羔豚而祭百官

皆足大牢而祭未必有餘此之謂稱也

足猶得也

稱稱牲之大小而為俎此指謂助祭者耳而云百官喻眾也

諸侯以龜為寶以圭

為瑞家不寶龜不藏圭不臺門言有稱也

古者貨貝寶龜大夫以下有貨耳易曰十朋之龜瑞信也諸侯執瑞孤卿以下執摯閭者謂之臺禮有以多

爲貴者天子七廟諸侯五大夫三士一天
子之豆二十有六諸公十有六諸侯十有
二上大夫八下大夫六諸侯七介七牢大
夫五介五牢天子之席五重諸侯之席三
重大夫再重天子崩七月而葬五重八翼
諸侯五月而葬三重六翼大夫三月而葬
再重四翼此以多爲貴也

豆之數謂天子朝食諸侯相食及食大夫公食

大夫禮曰宰夫自東房薦豆六設于醬東此食下大夫而豆六則其餘著矣聘禮致饗餼於上大夫堂上八豆設于戶西則凡致饗餼堂上之豆數亦如此周禮公之豆四十其東西夾各十有二侯伯之豆三十有二其東西夾各十子男之豆二十有四

其東西夾各六諸侯七介七牢者周之侯伯也大夫五介五牢者侯伯之卿使聘者也周禮上公九介九牢侯伯七介七牢子男五介五牢聘義所云上公七介侯伯五介子男三介乃謂其使者也天子葬五重者謂杭木與茵也葬者杭木在上茵在下士喪禮下篇陳器曰杭木橫三縮二加杭席三加茵用䟽布緇翦有幅亦縮二橫三此士之禮一重者以此差之上公四重

有以少爲貴者天子無介祭天特牲天子適諸侯諸侯膳以犢諸侯相朝灌用鬱鬯無籩豆之薦大夫聘禮以脯醢天子一食諸侯再大夫三食力無數大路繫纓一就次路繫纓七就圭璋特琥璜爵鬼神之祭單席諸侯視朝大夫特士旅之此以少爲貴也

天子無介無客禮也灌獻也一食再食三食謂告飽也食力謂工商農也大路繫纓一就那祭天之

車也周禮三之五路玉路繁纓十有二就金路九就象路七就革路五就木路翦繁鵠纓圭璋特朝聘以為瑞無幣帛也琥璜爵者天子酬諸侯諸侯相酬以此玉將幣也大夫特士施之謂君揖之有以大為貴者宮室

之量器皿之度棺槨之厚丘封之大此以

大為貴也有以小為貴者宗廟之祭貴者

獻以爵賤者獻以散尊者舉觶卑者舉角

五獻之尊門外缶門內壺君尊瓦甒此以

小為貴也

凡觴一升曰爵二升曰觶三升曰觶四升曰角五斗缶大小未聞也

易曰尊酒簋貳用缶有以高為貴者天子之堂九

尺諸侯七尺大夫五尺士三尺天子諸侯

臺門此以高為貴也有以下為貴者至敬

不壇埽地而祭天子諸侯之尊廢禁大夫

士於於禁此以下為貴也廢猶去也於斯禁也謂之於者無足有似於於或因

名云耳大夫用斯禁士用於禁禮有以文為貴者天

子龍衮諸侯黼大夫黻士玄衣纁裳天子

之冕朱綠藻十有二旒諸侯九上大夫七

下大夫五士三此以文為貴也此祭冕服也朱

周禮天子五采藻有以素為貴者至敬無文父黨無

容大圭不琢大圭大羹不和大路素而越席犧

尊疏布鼎禴杓此以素為貴也大圭長三尺杼

為篆字之誤也明堂位曰大路孔子曰禮不可不省

殷路也鼎或作幕禴木白理也

也禮不同不豐不殺此之謂也蓋言稱也

省察也不禮之以多為貴者以其外心者也

同言異也德發揚謂萬物謂猶普也徧也大理物博

外心用心於外如此則得不以多為貴乎故君子樂其發

也發猶見也樂禮之以少為貴者以其內心者

也多其外見也德產之致也精微致致密也觀天下之

物無可以稱其德者萬物皆天所生孰可奉薦以稱也如此則

得不以少為貴乎是故君子慎其獨也少其

致誠古之聖人內之為尊外之為樂少之為

貴多之為美是故先王之制禮也不可多

也。不可寡也。唯其稱也。是故君子大牢而

祭。謂之禮。匹士大牢而祭。謂之攘。君子謂大夫以上攘

盜竊也。管仲鏤簋朱紃。山節藻梲。君子以為

濫矣。濫亦盜竊也。鏤簋謂刻而飾之。大夫刻為龜耳。諸侯

紃。大夫士當緇組。紃。纁邊。栢謂之節。梁上楹謂之梲。宮室之飾

也。晏平仲祀其先人。豚肩不揜豆。澣衣濯

冠。以朝。君子以為隘矣。隘猶狹陋也。祀不以少牢

夫士有田則祭。無田則薦。澣衣濯冠。儉不務新。是故君子之行禮也。不可

不慎也。衆之紀也。紀散而衆亂。言二大夫皆非

紀。有孔子曰。我戰則克。祭則受福。蓋得其道

矣

我我知禮者也克勝也

君子曰祭祀不祈

祈求也祭祀不為求福也詩云

自求多福由己耳

不麾蚤

麾之言使也祭有時不以先為使也齊人所善曰麾

不樂葆

謂器幣也葆之言褒也

不善嘉事

嘉事之祭致夫人是也禮宜告見於先祖耳不善之而祭

牲不及肥大薦不美多品

以禮之義有以少為貴也

孔子

曰臧文仲安知禮夏父弗綦逆祀而弗止

也燔柴於奧

文仲魯公子彊之曾孫臧孫辰也莊文之間為大夫於時為賢是以非之不正禮也

文二年八月丁卯大事于大廟躋僖公始逆祀是夏父弗綦為宗人之為也與當為燔字之誤也或作竈禮尸卒食而祭饔饗

饔饗也時人以為祭火神乃燔柴

夫與者老婦之祭也盛於盆

尊於瓶

老婦先炊者也盆瓶炊器也明此祭先炊非祭火神燔柴似失之

禮也者猶體

也

若人身體體不備君子謂之不成人設之不當

猶不備也禮有大有小有顯有微大者不

可損小者不可益顯者不可揜微者不可

大也故經禮三百曲禮三千其致一也

致之言至

也一謂誠也經禮謂周禮也周禮六篇其官有三百六十曲猶事也事禮謂今禮也禮篇多士本數未聞其中事儀三千

有入室而不由戶者

三百三千皆猶誠也

君子之於禮也

有所竭情盡愼致其敬而誠若

謂以少小下素為貴也若順也

有美而文而誠若

謂以多大高文為貴也

君子之於禮也

有直而行也

謂若始死哭踊無節也

有曲而殺也

謂若父在為母期也

有經而等也

謂若天子以下至士庶人為父母三年

有順而討也

討猶

去也謂若天子以十二公以九侯伯以七子男以五為節也

有斲而播也

斲之言芟也謂芟殺有所

大百八十八

與也若祭者貴賤皆有所得不使虛也
有推而進也謂若王者之後
有放謂若天子之禮

而文也謂若天子之服服日月以至黼黻
有放而不致也謂若諸侯自山龍以下

有順而撫也謂若君沐梁大夫沐稷士沐梁
三代之禮一也民

共由之或素或青夏造殷因一也俱趨誠也由用也素尚白青尚

黑者也言所尚雖異禮則相因耳孔子曰殷因於夏禮所損益可知也周因於殷禮所損益可知也變白黑言素青者秦二世

時趙高欲作亂或以青為黑黑為黃民言從之至今語猶存也
周坐尸詔侑武方其

禮亦然其道一也言此亦周所因於殷也武當為無聲之誤也方猶常也告尸行節勸尸飲

食無常若孝子之為也孝
夏立尸而卒祭夏禮尸有事乃

子就養無方詔侑或為韶囿
曾坐殷坐尸猶坐
周旅酬六尸使之相酌也右稷

子曰周禮其猶醵與其燕也合錢飲酒為醵旅酬相酌似之也王居明堂之禮仲秋乃命國

醕

君子曰禮之近人情者非其至者也

近人情者

褻而遠之者敬

郊血大饗腥三獻燔

一獻孰

郊祭天也大饗祭先王

也三獻祭社稷五祀一獻祭羣小祀也燔沈肉於湯也血腥燔孰遠近備古今也尊者先遠差降而下至小祀孰而已

是

故君子之於禮也非作而致其情也

作起也敬非已

情也所以下彼

此有由始也

有所法也

是故七介以相見也

不然則已慤三辭三讓而至不然則已蹙

已猶甚也慤蹙愿貌大愿則辭不見情無由至也

故魯人將有事於上帝

必先有事於類宮

上帝周所郊祀之帝謂蒼帝靈威仰也魯以周公之故得郊祀上帝

與周同先有事於類宮告后稷也告之者將以配天先仁也類宮郊之學也詩所謂類宮也字或為郊宮

晉人將

有事於河必先有事於惡池

惡當為呼聲之誤也呼池嘔夷并州

川齊人將有事於泰山必先有事於配林

配林林名三月繫七日戒三日宿愼之至也繫繫牲于牢也

戒散齊也宿致齊也將有祭祀之事必先敬愼如此不敢切也故禮有擯詔樂有相

步溫之至也皆為溫藉重禮也擯詔告道賓禮也者主者也相步扶工也詔或為紹

反本脩古不忘其初者也故凶事不詔朝

事以樂二者反本也哭泣由中非由人也朝廷養賢以樂樂之也醴酒之用玄酒

之尚割刀之用鸞刀之貴莞簟之安而橐

鞞之設三者脩古穗去實曰鞞禹貢三百里納鞞服是故先王之制禮

也必有主也主謂本與古也故可述而多學也以本與古求之而已

君子曰無節於內者觀物弗之察矣節猶驗也

欲察物而不由禮弗之得矣故作事不以

禮弗之敬矣出言不以禮弗之信矣故曰

禮也者物之致也致之言至也極也是故昔先王之

制禮也因其財物而致其義焉爾故作大

事必順天時大事祭祀也春秋傳曰啓蟄而郊龍見而雩始殺而嘗閉蟄而烝為朝

夕必放於日月日出東方月出西方為高必因丘陵謂冬

至祭天於圓丘之上為下必因川澤謂夏至祭地於方澤之中是故天時

雨澤君子達亶亶焉達猶皆也亶亶勉勉也君子愛物見天雨澤皆勉勉勸樂

是故昔先王尚有德尊有道任有能舉賢

而置之聚眾而誓之古者將有大事必選賢誓眾重事也是故因

大二百片 禮記上 二十 東華

天事天

天高因高者以事也

因地事地

地下因下者以事也

因名山

升中于天

名猶大也升上也中猶成也謂巡守至於方嶽燔柴祭天告以諸侯之成功也孝經說曰封乎

泰山考績燔燎禪乎梁甫刻石紀號也

因吉士以饗帝于郊

吉土王者所卜而居

之土也饗帝於郊以四時所兆祭於四郊者也今漢亦四時迎氣其禮則簡

升中于天而鳳

皇降龜龍假

功成而大平陰陽氣和而致象物

饗帝於郊而風

雨節寒暑時

五帝主五行五行之氣和而庶徵得其序也五行木為雨金為暘火為燠水為寒土

為風

是故聖人南面而立而天下大治

南面立者視朝

天

道至教聖人至德

目下事也

廟堂之上壘尊在

阼犧尊在西廟堂之下縣鼓在西應鼓在

東

禮樂之器尊西也小鼓謂之應犧周禮作獻

君在阼夫人在房

人君尊東也天

子諸侯有左右房

大明生於東月生於西此陰陽之

分夫婦之位也

大明日也

君西酌犧象夫人東

酌鬯尊

象日出東方而西行也月出西方而東行也周禮曰春祠夏禴裸用雞彝鳥彝皆有舟其朝踐

用兩獻尊其再獻用兩象尊皆有壘諸目之所酢

禮交動乎上樂交應乎

下和之至也

言交

禮也者反其所自生

自由也制禮者

本己所由得民心也

樂也者樂其所自成

作樂者緣民所樂於己之功舜之民樂其

紹堯而作大部湯武之民樂其護伐而作濩武

是故先王之制禮也以節

事

動反本也

脩樂以道志

勸之善也

故觀其禮樂而治

亂可知也

國亂禮慢而樂淫也

蘧伯玉曰君子之人達

觀其

禮樂則知治亂也蘧伯玉衛大夫也名瑀

故觀其器而知其工之巧

觀其發而知其人之知禮樂亦猶是也故曰君子慎

其所以與人者將以見觀大廟之內敬矣君親牽

牲大夫賛幣而從納牲於庭時也當用幣告神而殺牲君親制祭

夫人薦盞親制祭謂朝事進血幣時所制者君親割

牲夫人薦酒親割謂進牲孰體時卿大夫從君命婦從

夫人洞洞乎其敬也屬屬乎其忠也勿勿

乎其欲其饗之也勿勿猶勉勉也納牲詔於庭血毛

詔於室羹定詔於堂三詔皆不同位蓋道

求而未之得也肉謂之羹道猶言也設祭于堂設祭之饌於堂人君

禮為祊乎外祊祭明日之繹祭也謂之祊者於廟門之旁因名焉其祭之禮既設祭於室而事尸

於堂孝子求神非一處也周禮曰夏后氏世室門堂三之二室三之一詩頌絲衣曰自堂徂基故曰於彼

乎於此乎不知神之所在此也二獻質謂祭羣小祀也三獻文謂祭社稷五祀

五獻察察明也謂祭四望山川也七獻神謂祭先公大饗其王事

與盛其饌與貢謂禘祭先王三牲魚腊四海九州之美味也

邊豆之薦四時之和氣也此饌諸侯所獻內金示和也

此所貢也內之庭實先設之金從革性和荆揚二州貢金三品東帛加璧尊德也

貢享所執致命者君子於玉比德焉龜為前列先知也龜知事情者陳於庭在前荆州

納錫大龜金次之見情也金炤物金有兩義先入後設丹漆絲纁竹

箭與衆共財也萬民皆有此物荆州貢丹兖州貢漆絲豫州貢纁揚州貢篠其餘

無常貨各以其國之所有則致遠物也其餘謂九州之

外夷服鎮服蕃服之國周禮九州之外謂之蕃國世一其
見各以其所貢寶為摯周穆王征犬戎得白狼白鹿近之

出也肆夏而送之蓋重禮也

出謂諸侯之賓也禮畢而出作樂以節之

肆夏當為陟夏祀帝於郊敬之至也

言就而祭之不敢致也

宗廟之

祭仁之至也

仁恩也父子主恩也

喪禮忠之至也

謂哭踊袒襲也

備

服器仁之至也

謂小斂大斂之衣服葬之明器

賓客之用幣義

之至也

謂來賻贈

故君子欲觀仁義之道禮其本

也

言禮有節於內可以觀也

君子曰甘受和白受采忠信之

人不可以學禮苟無忠信之人則禮不虛道

是以得其人之為貴也

道猶由也

孔子曰誦詩

三百不足以一獻一獻之禮不足以大饗食

大饗之禮不足以大旅大旅具矣不足以

饗帝

誦詩三百喻習多言而不學禮也大旅祭五帝也饗帝祭天

毋輕議禮

誦詩若

者不可以強言禮

子路為季氏宰

宰治邑吏也

季氏祭逮闇

而祭日不足繼之以燭

謂舊時也

雖有強力之

容肅敬之心皆倦怠矣

以其父也

有司跛倚以

臨祭其為不敬大矣

偏任為跛依物為倚

他日祭子路

與室事交乎戶堂事交乎階質明而始行

事晏朝而退

室事祭時堂事饋尸

孔子聞之曰誰謂由

也而不知禮乎

多其知禮

禮記卷第七

經四千九百二十一字
注五千七百四十字

郊特牲李氏
曰劉氏別錄
屬祭祀按此
篇雜記朝
享冠昏射
獵之禮而以
首句名篇宜
屬通論
吉禮實礼
必為貴者

禮記卷第八

郊特牲第十一

鄭氏注

郊特牲而社稷犬牢天子適諸侯諸侯膳
用犢諸侯適天子天子賜之禮犬牢貴誠
之義也故天子牲孕弗食也祭帝弗用也

犢者誠慤未有牝牡之情是以小
為貴也孕任子也易曰婦孕不育

大路繁纓一就先

路三就次路五就

此因小說以少為貴者禮器言
次路七就與此乖字之誤也

郊

血大饗腥三獻燔一獻孰至敬不饗味而

貴氣臭也

血腥爛
祭用氣

諸侯為賓灌用鬱鬯灌用

臭也大饗尚暇脩而已矣

亦不饗味也此
大饗饗諸侯也

大饗

嘉礼

吉礼陰陽之義

君三重席而酢焉

言諸侯相饗獻酢禮敵也

三獻之介君

專席而酢焉此降尊以就卑也

三獻卿大夫來聘主君饗燕之

以介為賓賓為苟敬則徹重席而受酢也專猶單也

饗禘有樂而食嘗無樂

陰陽之義也凡飲養陽氣也凡食養陰氣

也故春禘而秋嘗春饗孤子秋食耆老其

義一也而食嘗無樂

言義同而或用樂或不用樂也此禘當為禘字之誤也王制曰

春禘夏禘

飲養陽氣也故有樂食養陰氣也故

無聲凡聲陽也鼎俎奇而籩豆偶陰陽之

義也籩豆之實水土之品也

水土之品言非人常所食

敢用褻味而貴多品所以交於日明之義

賓禮

嘉禮

變禮

也且當為神篆字之誤也賓入大門而奏肆夏示易以敬

也賓朝聘者易和說也卒爵而樂闋孔子屢歎之美此禮也奠

酬而工升歌發德也以詩之義發明賓主之德歌者在在上

匏竹在下貴人聲也匏笙也樂由陽來者也

禮由陰作者也陰陽和而萬物得得其所得旅

幣無方所以別土地之宜而節遠邇之期

也旅衆也邇近也龜為前列先知也以鐘次之以和

居參之也鐘金也獻金為作器鐘其大者以金參居庭實之聞示和也虎豹之皮

示服猛也束帛加璧往德也庭燎之百由

齊桓公始也僭天子也庭燎之差公蓋五十侯伯子男皆三十大夫之奏肆

夏也由趙文子始也

僭諸侯趙文子晉大夫名武

朝覲大夫

之私覲非禮也大夫執圭而使所以申信

也

其君親來其臣不敢私見於主國君也以君命聘則有私見

不敢私覲所以致

敬也而庭實私覲何為乎諸侯之庭

非其與君無別

為人臣者無外交不敢貳君也

私覲是外交也

大夫

而饗君非禮也

其饗君由強且富也

大夫強而君殺之

義也由三桓始也

三桓魯桓公之子莊公之弟公子慶父公子牙公子友慶父與牙通於夫

人以脅公季友以君命鸛牙後慶父弑二君又死也

天子無客禮莫敢為主

焉君適其臣升自阼階不敢有其室也

明饗君非

也禮覲禮天子不下堂而見諸侯

正君臣也

下堂而

大夫強而君殺之義也正義謂大夫盛強君能殺之以消絕惡原得其義按文義當云大夫而饗君非禮也此乃臣強君弱之意其事由三桓始

見諸侯天子之失禮也由夷王以下夷王周康王之玄孫之子

也時微弱不敢自尊於諸侯諸侯之宮縣而祭以白牡擊手王

磬朱干設錫冕而舞大武乘大路諸侯之

僭禮也言此皆天子之禮也宮縣四面縣也干盾也錫傳其背如龜也武萬舞也白牡大路躬天子禮也臺

門而旅樹反坫繡黼丹朱中衣大夫之僭

禮也言此皆諸侯之禮也旅道也屏謂之樹樹所以蔽行道管氏樹塞門塞猶蔽也禮天子外屏諸侯內屏大夫以

簾士以帷反坫反爵之坫也蓋在尊南兩君相見主君既獻於反爵焉繡黼丹朱以為中衣領緣也繡讀為綃綃繒名也詩云

素衣朱綃又云素衣朱襮襮黼領也故天子微諸侯僭大夫強諸侯

脅於此相貴以等相覲以貨相賂以利而

天下之禮亂矣言僭所由諸侯不敢祖天子大夫

禮記

賓禮

客禮

臣禮

嘉禮
鄉禮

射禮

不敢祖諸侯而公廟之設於私家非禮也

由三桓始也

言仲孫叔孫季孫氏皆立桓公廟魯以周公之故立文王廟三家見而僭焉

天

子存二代之後猶尊賢也尊賢不過二代

過之遠難法也二或為三諸侯不臣寓公故古者寓公不繼

世

寓寄也寄公之子非賢者世不足尊也寓或為託也

君之南鄉答陽之義也

臣之北面答君也

答對也

大夫之臣不稽首非

尊家臣以辟君也

辟國君也

大夫有獻弗親君有

賜不面拜為君之答己也

不面拜者於外告小臣小臣受以入也小臣掌

三公及孤卿

鄉人謁

謁強鬼也謂時難索室毆疫逐強鬼也謁或為獻或為讎

孔子朝

服立于阼存室神也

神依人也

孔子曰射之以樂

吉禮之類

吉礼 社

也何以聽何以射多其射容與樂節相應也孔子曰士使之

射不能則辭以疾縣弧之義也男子生而設弧於門左示有射

道而未能也女子設帨孔子曰三日齊一日用之猶恐不敬

二日伐鼓何居居讀為姬語之助也何居怪之也伐猶擊也齊者止樂而二日擊鼓則是成一日

日齊也孔子曰繹之於庫門內祊之於東方朝

市之於西方失之矣祊之禮宜於廟門外之西室繹又於其堂神位在西也此二者

同時而大名曰繹其祭禮簡而事尸禮大朝市宜於市之東偏周禮市有三期大市日昃而市百族為主朝市朝時而市商賈

為主夕市夕時而市販夫販婦為主社祭土而主陰氣也君南鄉於

北墉下答陰之義也墉謂之墉北墉社內北墉日用甲用日

之始也國中之神莫貴於社天子大社必受霜露風雨以

達天地之氣也

大社王為羣姓所立

是故喪國之社屋

之不受天陽也薄社北牖使陰明也

絕其陽通其陰

而已薄社般之社般始都薄

社所以神地之道也地載萬物

天垂象取財於地取法於天是以尊天而

親地也故教民美報焉家主中雷而國主

社示本也

中雷亦土神也

唯為社事單出里唯為社

田國人畢作唯社丘乘共粢盛所以報本

反始也

單出里皆往祭社於都鄙二十五家為里畢作人則盡行非徒美也丘十六井也四丘六十四井曰甸或

謂之乘乘者以於車賦出長轂一乘乘或為鄰

季春出火為焚也

謂焚萊也凡出火以

火出建辰之月火始出

然後簡其車賦而歷其卒伍而君

吉礼

郊

親誓社以習軍旅左之右之坐之起之以

觀其習變也

簡歷謂算具陳列之也君親誓社誓吏士以習軍旅既而遂田以祭社也言祭社則

此是仲春之禮也仲春以火田田止弊火然後獻禽至季春火出而民乃用火今云季春出火乃誓社記者誤也社或為省

而流示之禽而鹽諸利以觀其不犯命也

流猶行也行行田也鹽讀為艷行田示之以禽使歆艷之觀其用命不也謂禽為利者凡田大獸公之小禽私之求

服其志不貪其得

失伍而獲猶為犯命

故以戰則克以

祭則受福天子適四方先柴

所到必先燔柴有事於上帝也書曰

歲二月東廵守至千岱宗柴

郊之祭也迎長日之至也

易說曰三王之

郊一用夏正夏正建寅之月也此言迎長日者建卯而晝夜分分而日長也

大報天而主日

也

大猶徧也天之神日為尊

兆於南郊就陽位也

日大陽之精也

埽地

而祭於其質也器用陶匏以象天地之性

也觀天下之物無可以稱其德於郊故謂之郊牲用騂尚赤也

用犢貴誠也尚赤者周也郊之用辛也周之始郊自

以至言日以周郊天之月而至陽氣新用事順之而用辛曰此說非也郊天之月而日至魯禮也三王之郊一用夏

正魯以無冬至祭天於圓丘之事是以建子之月郊天示先有事也用辛日者凡為人君當齊戒自新耳周衰禮廢儒者見周

禮盡在魯因推魯禮以言周事卜郊受命于祖廟作龜于禰宮

尊祖親考之義也受命謂告之退而卜卜之日王立于

澤親聽誓命受教諫之義也澤澤宮也所以擇賢之宮也既卜必

到澤宮擇可與祭祀者因誓勅之以禮也獻命庫門之

內戒百官也大廟之命戒百姓也王自澤宮而還以誓

命重相申勅也庫門在雉門之外入庫門則至廟門外矣大廟者祖廟也百官公卿以下也百姓王之親也入廟戒親親也王自此還齊路寢之室庫或為廡祭之日王皮弁以聽祭報示民

嚴上也報猶白也夙興朝服以待白祭事者乃後服祭服而行事也周禮祭之日小宗伯逆案省鑊告時于王告

備于王也喪者不哭不敢凶服汜埽反道鄉為田

燭謂郊道之民為之也反道剗令新土在上也田燭田首為燭也弗命而民聽上化王嚴上

祭之日王被袞以象天謂有日月星辰之章此魯禮也周禮王祀昊天上帝

則服大裘而冕祀五帝亦如之魯侯之服自衮冕而下也戴冕璪十有二旒則

天數也天之數不過十二乘素車貴其質也旂十有

二旒龍章而設日月以象天也設日月畫於旂上素車躬路也

魯公之郊用殷禮也天垂象聖人則之郊所以明天道

也明謂則之以示人也帝牛不吉以為稷牛養牲必養二也帝牛

必在滌三月稷牛唯具所以別事天神與

人鬼也滌牢中所搜除處也唯具遭時又選可用也萬物本乎天本

乎祖此所以配上帝也言俱本可以配郊之祭也大

報本反始也天子大蜡八所祭有八神也伊耆氏始

為蜡伊耆氏古天子號也蜡也者索也謂求索也歲十二月合

聚萬物而索饗之也歲十二月周之正數謂建亥之月也饗者祭其神也萬物有功

加於民者神使為之也祭之以報焉造者配之也蜡之祭也主先嗇而祭司

嗇也先嗇若神農者司嗇后稷是也祭百種以報嗇也嗇所樹藝之功使盡

饗之饗農及郵表啜禽獸仁之至義之盡也

農田畷也郵表畷謂田畷所以督約百姓於井間之古之君

處也詩云為下國畷郵禽獸服不氏所教擾猛獸也子使之必報之迎貓為其食田鼠也迎虎

為其食田豕也迎而祭之也迎其神也祭坊與水

庸事也水庸溝也曰土反其宅水歸其壑昆蟲

毋作草木歸其澤此蜡祝辭也若辭同則祭同處可知矣壑猶坑也昆蟲暑生寒死蟪

螽之屬為害者也皮弁素服而祭素服以送終也葛

帶榛杖喪殺也蜡之祭仁之至義之盡也

送終喪殺所謂老物也素服衣裳皆素黃衣黃冠而祭息田夫也祭謂

既蜡臘先祖五祀也於是勞農以休息之論語曰黃衣狐裘野夫黃冠黃冠草服

也言祭以息民服象其時物之色季秋而草木黃落大羅氏天子之掌鳥獸

者也諸侯貢屬焉草笠而至尊野服也諸侯

於蜡使使者戴草笠貢鳥獸也詩云彼都人士臺笠緇撮又曰其餉伊黍其笠伊糾皆言野人之服也羅氏致

鹿與女而詔客告也以戒諸侯曰好田好

女者亡其國詔使者使歸以此告其君所以戒之天子樹瓜華不斂

藏之種也華果菰也又詔以天子樹瓜菰而已戒諸侯以蓄藏蘊財利也八蜡以記

四方四方方有祭也四方年不順成八蜡不通以謹

民財也其方穀不孰則不通於蜡焉使民謹於用財蜡有八者先嗇一也司嗇二也農三也郵表畷四也猫虎五

也坊六也水庸七也昆蟲八也順成之方其蜡乃通以移民也

移之言羨也詩頌豐年曰為酒為醴既蜡而收民息

已故既蜡君子不興功收謂收斂積聚也息民與蜡異則黃衣黃冠而祭為臘

矣。恒豆之菹，水草之和氣也。其醯，陸產之

物也。加豆，陸產也。其醢，水物也。

此謂諸侯也。天子朝事之豆有

昌本麋、鸕、茆、菹、麇、鸕、饋食之豆有葵菹。羸醢豚拍魚醢其餘則有雜錯云也。

籩豆之薦，水土

之品也。不敢用常褻味而貴多品，所以交

於神明之義也。非食味之道也。

言禮以異為敬

先王

之薦可食也而不可嗜也。卷冕路車可陳

也而不可好也。武壯而不可樂也。宗廟之

威而不可安也。宗廟之器可用也而不可

便其利也。所以交於神明者，不可以同於

所安樂之義也。

武萬舞也

酒醴之美，玄酒明水之

尚貴五味之本也。黼黻文繡之美。疏布之
尚。反女功之始也。莞簟之安。而蒲越橐鞾
之尚。明之也。大羹不和。貴其質也。大圭不
琢。美其質也。丹漆雕幾之美。素車之乘。尊
其樸也。貴其質而已矣。所以交於神明者
不可同於所安。褻之甚也。如是而后可。質

貴本其至如是乃得交於神明之宜也。明水司烜以陰鑑所取於月之水也。蒲越橐鞾藉神席也。明之者神明之也。琢當爲篆

字之誤也。幾謂漆飾沂鄂也。鼎俎奇而籩豆偶。陰陽之義也。

牲陽也。庶物陰也。黃目鬱氣之上尊也。黃者中也。目

者氣之清明者也。言酌於中而清明於外。

嘉礼冠

也黃目黃彝也周所造於諸侯為上也祭天埽地而祭焉於其質而

已矣醯醢之美而煎鹽之尚貴天產也割

刀之用而鸞刀之貴貴其義也聲和而右

斷也冠義始冠之緇布之冠也始冠三加先加緇布冠也大

古冠布齊則緇之其緇也孔子曰吾未之

聞也大古無飾非時人綏也雜記曰大白緇布之冠不綏大白即大古白布冠今喪冠也齊則緇之者鬼神尚幽闇

也唐虞以上曰大古也冠而敝之可也此重古而冠之耳三代改制齊冠不復用也以白布

冠質以為喪冠也適子冠於阼以著代也東序少北近主位也醯

於客位加有成也每加而有成人之道也成人則益尊醢於客位尊之也三加

彌尊喻其志也始加緇布冠次皮弁次爵弁冠益尊則志益大也冠而字

大三十

之敬其名也重以未成人之時呼之委貌周道也章甫

般道也年推毋追夏后氏之道也常所服以行道之冠也或謂委貌為

玄冠也周弁般尋夏收齊所服而祭也三王共皮弁素

積所不易於先代無大夫冠禮而有其昏禮古者五

十而后爵何大夫冠禮之有言年五十乃爵為大夫也其有昏禮

或改取也諸侯之有冠禮夏之末造也言夏初以上諸侯雖有幼而即

位者猶以士禮冠之亦五十乃爵命也至其衰末未成人者多見篡弑乃更即位則爵命之以正君臣而有諸侯之冠禮

天子之元子士也天下無生而貴者也儲君

副主猶云士也明人有繼世以立諸侯象賢也賢者

子孫恒能法其先父德行以官爵人德之殺也言德益厚官益尊也死而

通論

謚今也古者生無爵死無謚

古謂殷以前也大

死有謚也周制爵及命士雖及之猶不謚耳今記時死則謚之非禮也

禮之所尊尊其義

也言禮所以尊尊其有義也

失其義陳其數祝史之事也故

其數可陳也其義難知也知其義而敬守

之天子之所以治天下也

言政之要盡於禮之義

天地合

而后萬物興焉

目禮之義

夫昏禮萬世之始也

取於異姓所以附遠厚別也

同姓或則幣必多相褻也

幣必

誠辭無不腆

誠信也腆猶善也

告之以直信

直猶正也此二者所以教

婦正直信也

信事人也信婦德也

事猶立也

壹與之齊

終身不改故夫死不嫁

齊謂共牢而食同尊卑也齊或為醢

男子

親迎男先於女剛柔之義也天先乎地君

先乎臣其義一也先謂倡道也執摯以相見敬章

別也言不敢相襲也摯所奠薦也男女有別然後父子親父

子親然後義生義生然後禮作禮作然後

萬物安言人倫有別則氣性醇也無別無義禽獸之道也

言聚麀之亂類也壻親御授綏親之也親之也者親

之也言己親之所敬而親之先王之所以得天

下也先王若大王文王出乎大門而先男帥女女從男

夫婦之義由此始也先者車居前也婦人從人者也

幼從父兄嫁從夫夫死從子從謂順其教令夫也

者夫也。夫也者，以知帥人者也。夫之言丈夫也。夫或為傳。玄

冕齊戒，鬼神陰陽也。將以為社稷主為先

祖後，而可以不致敬乎？玄冕祭服也。陰陽謂夫婦也。共牢而

食，同尊卑也。故婦人無爵，從夫之爵，坐以

夫之齒。爵謂夫命為大。夫則妻為命婦。器用陶匏，尚禮然也。此謂

大古之禮器也。三王作牢，用陶匏。言大古無共牢之禮。三王之

婦之始也。厥明，婦盥饋舅姑，卒食，婦餼餘，私之也。

私之，猶言恩也。舅姑降自西階，婦降自阼階，授之室

也。明當為家事之主也。昏禮不用樂，幽陰之義也。樂陽氣

也。幽深也。欲使婦深思其義，不以陽散之也。昏禮不賀人之序也。序，猶代也。

三十七
禮記

吉礼

陸灌用鬯
臭白庚以鬯
字句

有虞氏之祭也尚用氣血腥爛祭用氣也

尚謂先薦之
鬯或為脂

殷人尚聲臭味未成滌蕩其聲樂

三闋然後出迎牲聲音之號所以詔告於

天地之間也

滌蕩猶
搖動也

周人尚臭灌用鬯臭鬱

合鬯臭陰達於淵泉灌以圭璋用玉氣也

既灌然後迎牲致陰氣也蕭合黍稷臭陽

達於牆屋故既奠然後炳蕭合羶薌

灌謂
以圭

瓚酌鬯始獻神也已乃迎牲於庭殺之天子諸侯之禮也奠謂

薦孰時也特牲饋食所云祝酌奠于鉶南是也蕭薌蒿也滌以

脂合黍稷燒之詩云取蕭祭脂凡祭慎諸此魂氣歸

于天形魄歸于地故祭求諸陰陽之義也

般人先求諸陽周人先求諸陰此其所以詔祝先後異也

於室坐尸於堂謂朝事時也朝事延尸于尸西南面布主席東面取牲臠臂燎于爓炭洗肝于

鬱鬯而燔之入以詔神於室又出以墮于主人主人親制其肝所謂制祭也時尸薦以籩豆至薦孰乃更延主于室之奧尸來

升席自北方坐于主北焉用牲於庭謂殺之時升首於室制祭之後升牲首於

北墉下尊首尚氣也直祭祝于主謂薦孰時也如特牲少牢饋食之為也直正也祭以孰為正則

血腥之屬盡敬心耳索祭祝于祊索求神也廟門曰祊謂之祊者以於繹祭名也不知

神之所在於彼乎於此乎室與堂與或諸遠人乎

祭于祊尚曰求諸遠者與尚庶幾也祊之為言倬

也倬猶索也所之為言敬也為尸有所富也者福

也人君嘏辭有富此訓之也或曰福也者備也首也者直也訓所以升首祭也直或為植也相

饗之也

相謂詔侑也詔侑尸者欲使饗此饌也特牲饋食禮曰主人拜妥尸尸荅拜執奠祝饗

嘏長

也大也

主人受祭福曰嘏此訓也

尸陳也

尸或詁為主此尸神象當從主訓之言陳非也

毛

血告幽全之物也

幽謂血也

告幽全之物者貴純

之道也

純謂中外皆善

血祭盛氣也祭肺肝心貴氣

主也

氣主氣之所舍也周祭肺肝夏祭心

祭黍稷加肺祭齊加明

水報陰也

祭黍稷加肺謂綏祭也明水司烜所取於月之水也齊五齊也五齊加明水則三酒加玄酒也

取腍膋燔燎升首報陽也

腍膋腸間脂也與蕭明合燒之亦有黍稷也

水流齊貴新也

流猶清也五齊濁涕之使清謂之流齊及取明水皆貴新也周禮慌氏以流齊

漚絲流齊或為汎齊凡流新之也

新之者敬也

其謂之明水也

由主人之絜著此水也

著猶成也言主人齊絜此水乃成可得也君

再拜稽首肉袒親割敬之至也敬之至也

服也拜服也稽首服之甚也肉袒服之盡

也割解牲體祭稱孝孫孝子以其義稱也謂事祖禰稱

曾孫某謂國家也謂諸侯事五廟也於曾祖以上稱曾孫而已祭祀之

相主人自致其敬盡其嘉而無與讓也相謂詔侑

尸也嘉善也腥肆爛臠祭豈知神之所饗也主人

自盡其敬而已矣治肉曰肆臠孰也爛或為臠舉罍角詔妥

尸古者尸無事則立有事而后坐也尸神

象也祝將命也安坐也尸始入舉奠罍若奠角將祭之祝則以主人拜安尸使之坐尸即至

尊之坐或時不自安則以拜安之也天子奠罍諸侯奠角古謂夏時也縮酌用茅明酌也

謂沛醴齊以明酌也周禮曰醴齊縮酌五齊醴尤濁和之以明酌沛之以茅縮去滓也明酌者事酒之上也名曰明者事酒今之醴酒皆新成也春秋傳曰爾貢包茅不入王祭不共無以縮酒酌猶斟也酒已沛則斟之以實尊彝昏禮曰酌玄酒三注于尊凡行酒亦為酌也醎酒沚于清謂沛醎酒以清酒也醎酒沚齊亦為酌也已沛沚齊必和以清酒者皆久味相得汁獻沚于醎酒謂沛沚沚以醎酒也之誤也鉅鬯者中有煮鬱和以盎齊摩莎沛之出其香汁因謂之汁莎不以三酒沛鉅鬯者鉅鬯尊也

與醎酒于舊澤之酒也猶若也澤讀為醎舊醎之酒謂昔酒也沛醴齊以明酌沛

醎酒以清酒沛汁獻以醎酒天子諸侯之禮也天子諸侯禮廢時人或聞此而不審知云若今明酌清酒與醎酒以舊醎之酒沛之矣就其所知以曉之也沛清酒以舊醎之酒者為其味厚腊毒也祭有祈焉祈猶求也

求永有報焉謂若獲有由辟焉謂弭災兵遠罪疾

也齊之玄也以陰幽思也故君子三日齊必

胡氏紀錄此為康王之書當

必有致豈以康

王古書多稱

為康后而此

首稱后王致係

之康王欽或別

自有據也

通詳內則第

五

通解

后王上共

神時

子婦

孝者

事親之礼

右事親事

長

子

見其所祭者

齊三日者思其居處思其笑語思其志意思其所樂則見之也

內則第十二

鄭氏注

后王命冢宰降德于眾兆民

后君也德猶教也萬億曰兆天子曰

兆民諸侯曰萬民周禮冢宰掌飲食司徒掌十二教今一云冢宰記者據諸侯也諸侯并六卿為三或兼職焉

子事

父母雞初鳴咸盥漱櫛縱笄總拂髦冠綏

纓端鞞紳擗笏

咸皆也縱韜髮者也總束髮也垂後為飾拂髦振去塵著之髦用髮為之象幼

時鬚其制未聞也綏纓之飾也端玄端士服也庶人深衣紳大帶所以自紳約也擗猶扱也扱笏於紳笏所以記事也

左

右佩用

自佩也必佩者備尊者使令也

左佩紛

悅刀礪小觶金

燧

紛悅拭物之巾也今齊人有言紛者刀礪小刀及礪觶也小觶解小結也觶貌如錐以象骨為之金燧可取火於日

右佩玦捍管帶大觶木燧

捍謂拾也言可以捍弦也管筆彊也帶刀鞞也

婦

問候

起

盥

飲食

小三子干手

禮記

木燧鑽火也

偁

偁行

屨著綦

綦屨繫也

婦事舅姑如事

父母雞初鳴咸盥漱櫛緹笄總衣紳

笄今簪也

衣紳衣而著紳

左佩紛悅刀礪小觶金燧右佩箴管

線續施繁褰大觶木燧

繁小囊也繁褰言施明為箴管線續有之

衿

纓綦屨

衿猶結也婦人有纓示繫屬也

以適父母舅姑之所

適之

及所下氣怡聲問衣燠寒疾痛苛癢而敬

抑搔之

怡說也苛疥也抑按搔摩也

出入則或先或後而敬

扶持之

先後之隨時便也

進盥少者奉槃長者奉水

請沃盥盥卒授巾

槃承盥水者巾以悅手

問所欲而敬

進之柔色以溫之

溫藉也承尊者必和顏色 饘醢酒醴芼

未冠笄者

凡內外

孺子

羹菽麥蕡稻黍粱秫唯所欲醅粥也茗菜也蕡熟泉實東

栗飴蜜以甘之堇昔堇堇類也冬用堇夏用昔榆白曰扮免新生者堇乾也秦人粉榆兔薨薨乾也滫瀡以滑

之脂膏以膏之謂用調和飲食也昔堇類也冬用堇夏用昔榆白曰扮免新生者堇乾也秦人

洩曰滫齊人滑曰瀡也父母舅姑必嘗之而后退敬也男女

未冠笄者雞初鳴咸盥漱擲緹拂髦總角

衿纓皆佩容臭總角收髮結之容臭香物也以纓佩之為迫尊者給小使也昧爽

而朝後成人也問何食飲矣若已食則退若未

食則佐長者視具具饌也凡內外雞初鳴咸盥

漱衣服斂枕簟灑埽室堂及庭布席各從

其事斂枕簟者不欲人見己孺子蚤寢晏起唯所

命士以上

寢處

衣服器用

恒食佐餽

百全

禮記

欲食無時

又後未成人者孺子小子也

由命士以上父子皆

異宮昧爽而朝慈以旨甘日出而退各從

其事日入而夕慈以旨甘

異宮崇敬也慈愛敬進之日出乃從事食祿不

免農也

父母舅姑將坐奉席請何鄉將衽長者

奉席請何趾少者執牀與坐

將衽謂更卧處

御者

舉几斂席與簟縣衾篋枕斂簟而襦之

須卧乃敷之也襦韜也

父母舅姑之衣衾簟席枕几不

傳杖屨祇敬之勿敢近

傳移也

敦牟卮匭非

餽莫敢用

餽乃用之牟讀曰盞也卮匭酒漿器敦牟黍稷器也

與恒食飲非

餽莫之敢飲食

餽乃食之恒常也旦夕之常食

父母在朝夕

在親所

漱澣

恒食子婦佐餽婦皆與夫餽也既食怕餽每食餽而盡之末有原也父

沒母存冢子御食羣子婦佐餽如初御侍也謂長子

侍母食也侍食者不餽其婦猶皆餽也旨甘柔滑孺子餽在父母舅

姑之所齊莊也有命之應唯敬對進退周旋慎齊

外降出入揖遊不敢噦噫嚏咳欠伸跛

倚睇視不敢唾洩睇傾視也易曰明夷睇于左股寒不敢襲養

不敢搔襲謂重衣不有敬事不敢袒裼父黨無容不

涉不擗擗揭衣也褻衣衾不見裏為其可穢父母唾

洩不見輒刑去之冠帶垢和灰請漱衣裳垢和

灰請澣手曰漱足曰澣和漬也衣裳綻裂紉箴請補綴

沐浴

男女之別

通解

為室室辨內外

止安不出

男不為

止由左入

曲礼男女

不雜坐

止而食

已三十八

禮記

紵猶解也

五日則燂湯請浴三日具沐其閒面垢

燂

燂潘請醕足垢燂湯請洗潘米瀾也少事長賤

事貴共帥時

共猶皆也帥循也時是也禮皆如此也

男不言內女不

言外

謂事業之次序

非祭非喪不相授器

祭嚴喪遽不嫌也其

相授則女受以筐其無筐則皆坐奠之而

后取之

奠停地也

外內不共井不共湑浴不通寢

席不通乞假男女不通衣裳內言不出外

言不入

湑浴室也

男子入內不嘯不指夜行以燭

無燭則止

嘯讀為吐吐嫌有隱使也

女子出門必擁蔽其面

夜行以燭無燭則止

擁猶障也

道路男子由右女

事親
子婦孝敬

受教
子婦未孝敬

無諫

子由左地道尊右子婦孝者敬者父母舅姑之命

勿逆勿怠恃其孝敬之愛或則違解若飲食之雖不嗜必嘗

而待待後命而去也加之衣服雖不欲必服而待待後命釋

藏也加之事人代之已雖弗欲謂難其妨已業姑與之而

姑使之而后復之遠懟怨於勞事姑猶且也子婦有勤勞

之事雖甚愛之姑縱之而寧數休之不可愛此而移

苦於彼也子婦未孝未敬勿庸疾怨庸之言用也姑教

之若不可教而后怒之怒謹責也不可怒子放婦

出而不表禮焉表猶明也猶為之隱不明其犯禮之過也父母有過下

氣怡色柔聲以諫諫若不入起敬起孝說

禮記

則復諫

子事父母有隱無犯起猶更也

不說與其得罪於鄉黨

州閭寧孰諫

子從父之令不可謂孝也周禮曰二十五家為閭四閭為族五族為黨五黨為州五

州為鄉也

父母怒不說而撻之流血不敢疾怨起

敬起孝

撻擊也

父母有婢子若庶子庶孫甚

愛之雖父母沒沒身敬之不衰

婢子所通賤人之子

子

有二妾父母愛一人焉子愛一人焉由衣

服飲食由執事母敢視父母所愛雖父母

沒不衰

由自也

子甚宜其妻父母不說出

宜猶善也

子不宜其妻父母曰是善事我子行夫婦

之禮焉沒身不衰父母雖沒將為善思貽

父母所愛

妻

父母沒

家婦介婦

婦礼

父母令名必果將為不善思貽父母羞辱

必不果

貽遺也果決也

舅没則姑老

謂傳家事於長婦也

冢婦所

祭祀賓客母事必請於姑

婦雖受傳猶不敢專行也

介婦請

於冢婦

以其代姑之事介婦眾婦

舅姑使冢婦毋怠

雖有勤勞不敢

解倦

不友無禮於介婦

眾婦無禮冢婦不友之也善兄弟為友娣姒猶兄弟也

舅

姑若使介婦毋敢敵耦於冢婦

雖有勤勞不敢掉磬

不

敢並行不敢並命不敢並坐

下冢婦也命為使令

凡婦不

命適私室不敢退

婦侍舅姑者也

婦將有事大小必

請於舅姑

不敢專行

子婦無私貨無私畜無私器

不敢私假不敢私與

家事統於尊也

婦或賜之飲食

事宗之禮
通解別入
五宗篇

衣服布帛佩悅蒞蘭則受而獻諸舅姑舅

姑受之則喜如新受賜

或賜之謂私親兄弟

若反賜之

則辭不得命如更受賜藏以待之

待舅姑之乏也不得

命者不見許也

婦若有私親兄弟將與之則必復請

其故賜而后與之適子庶子祇事宗子宗

婦

祇敬也宗大宗

雖貴富不敢以貴富入宗子之家

雖衆車徒舍於外以寡約入

入謂入宗子家

子弟猶

歸器衣服裘衾車馬則必獻其上而后敢

服用其次也

猶若也子弟若有功德以物見饋賜當以善者為宗子也

若非所獻

則不敢以入於宗子之門

謂非宗子之爵所當服也

不敢以

飲食之礼

膳

飲

羞酒

貴富加於父兄宗族加猶高也若富則具二牲獻

其賢者於宗子賢猶善也夫婦皆齊而宗敬焉助當

祭於宗子之家終事而后敢私祭祭其祖禰飯目諸飯也黍稷稻

粱白黍黃粱稭稊孰穫曰稭生穫曰稊黍黃黍也膳目諸膳也臠臠

醢牛炙醢牛胾醢牛臠羊炙羊胾醢豕炙

醢豕胾芥醬魚臠雉兔鶉鶉此上大夫之禮庶羞二十豆也以公

食大夫禮饌校之則膳牛炙間不得有醢醢衍字也又以鶉為鴛也飲目諸飲也重醴稻醴清

糟黍醴清糟梁醴清糟重陪也糟醴也清沛也致飲有醇者有沛者陪設之

也或以醢為醴醢醢為醴黍醢醢醢漿醢醢水清醴梅濫

以諸和水也以周禮六飲校之酒目諸酒也清白白事酒昔酒也羞目諸

食

烹和羹醢醬之宜

溫涼之宜

羞也糗餌粉醢糗擣熬穀也以為粉餌與養此記似脫周禮羞籩之實糗餌粉養羞豆之實醢食糝食此

醢當為餼以稻米與食目人君燕食所用也蝸醢而苾食雉羹

麥食脯羹雞羹析稌犬羹兔羹和糝不蓼

苾彫胡也稌稻也凡羹齊宜五味之和米屑濡豚包苦實

蓼濡雞醢醬實蓼濡魚卵醬實蓼濡鼈醢

醬實蓼凡濡謂亨之以汁和也苦苦茶也以包股脩蚺

醢股脩捶脯施薑桂也蚺蚺蜉子也脯羹兔醢麋膚魚醢魚膾

芥醬麋腥醢醬桃諸梅諸卵鹽自蝸醢至此二十六物似皆人

君燕所食也其饌則亂膚切凡食齊視春時飯宜羹

齊視夏時羹宜醬齊視秋時醬宜飲齊視

和調之宜

性味所宜

脯脩五果之饌

冬時飲宜寒也凡和春多酸夏多苦秋多辛冬多

鹹調以滑甘多其時味以養氣也牛宜稌羊宜黍豕宜

稷犬宜梁鴈宜麥魚宜苽言其氣味相成春宜羔豚

膳膏薌夏宜脍魚膳膏臊秋宜犢麋膳膏

腥冬宜鮮羽膳膏羶此八物四時肥美也為其大盛煎以休養之膏節其氣也牛膏

薌犬膏臊雞膏腥羊膏羶鴈乾雉也鱠乾魚也鮮生魚也羽鴈也牛脩鹿脯田豕脯

麋脯麇脯脯麋鹿田豕麇皆有軒雉兔皆有

芼脯皆析乾其肉也軒讀為憲憲謂藿葉切也芼謂菜釀也軒或為胖爵鷄蜩范蜩蟬也范蜂也

芝柿菱棋棗栗榛柿瓜桃李梅杏粗梨薑

桂菱芡也棋枳棋也粗梨之不臧者自牛脩至此三十一物皆人君燕食所加庶羞也周禮天子羞用百有二十品記

燕食之等

葷辛所宜

謹食

大二百三十二
者不能
次錄
天夫燕食有膾無脯有脯無膾士不

貳羹臠庶人耆老不徒食尊卑差也膾春用葱秋

用芥豚春用韭秋用蓼芥芥醬也脂用葱膏用

薤脂肥疑者釋者曰膏三牲用藪藪煎菜莢也漢律會稽獻焉爾雅謂之檄和用醯

畜與家物自相和也獸用梅亦野物自相和鶉羹羹雞羹美鴛釀之蓼

釀謂切雜之也鴛在羹下烝之不羹也魴鰕烝雛燒雉薺無蓼薺蘇荏之

屬也燒烟於火中也自膾用葱至此言調和菜釀之所宜也不食雛鼈狼去腸狗

去腎狸去正脊兔去尻狐去首豚去腦魚

去乙鼈去醜皆為不利人也鼈鼈伏乳者乙魚體中害人者名也今東海鰐魚有骨名乙在目旁

狀如篆乙食之鯁人不可出醜謂鼈竅也丙白脫之魚白作之棗白新

膾
道之味

之栗曰撰之桃曰膽之粗梨白攢之

皆治擇之名也

牛夜鳴則廝羊冷毛而毳羶狗赤股而躁

臊鳥鵲色而沙鳴鬱豕望視而交睫腥馬

黑脊而般僻漏雛尾不盈握弗食舒鴈翠

鵠鵝胖舒鳧翠雞肝鴈腎鵠奧鹿胃

亦皆為不利人

也廝惡臭也春秋傳曰一薰一廝泠毛毳毛別聚旃不解者也赤股股裏無毛也鵲色毛變色也沙猶嘶也鬱腐臭也望視視

遠也腥當為星聲之誤也星肉中如米者般僻前脰般般然也漏當為螻如螻蛄臭也舒鴈鵠也翠尾肉也鵠鵝胖謂脅側薄

肉也舒鳧鵠也鵠奧肉腥細者為膾太者為軒

言大

切細切異名也膾者必先軒之所謂聶而切之也或曰麋鹿魚為菹麇為

辟雞野豕為軒兔為宛脾切葱若薤實諸

飲食之等

通解羹食

以下至稻米

為馳並入五

學篇

養老之礼

醢以柔之

此軒辟雞宛脾皆菹類也釀菜而柔之以醢殺腥肉及其氣今益州有鹿殘者近由此為之矣菹軒

聶而不切辟雞宛脾聶而切之軒或為胖宛或作鬱

羹美食自諸侯以下至於

庶人無等

羹食食之主也庶羞乃異耳

大夫無秩膳

謂五十始命未甚老也秩

常也大夫七十而有閣

有秩膳也閣以板為之度食物也

天子之閣

左達五右達五公侯伯於房中五大夫於

閣三士於坫二

遠夾室大夫言於閣與天子同處天子三

凡養老有虞氏以燕禮夏后氏以饗禮殷

人以食禮周人脩而兼用之凡五十養於

鄉六十養於國七十養於學達於諸侯八

十拜君命一坐再至瞽亦如之九十者使

人受五十異糧六十宿肉七十貳膳八十
常珍九十飲食不違寢膳飲從於遊可也
六十歲制七十時制八十月制九十日脩
唯絞紵衾冒死而后制五十始衰六十非
肉不飽七十非帛不煖八十非人不煖九
十雖得人不煖矣五十杖於家六十杖於
鄉七十杖於國八十杖於朝九十者天子
欲有問焉則就其室以珍從七十不俟朝
八十月告存九十日有秩五十不從力政
六十不與服戎七十不與賓客之事八十

齊喪之事弗及也五十而爵六十不親學七十致政凡自七十以上唯衰麻爲喪凡三王養老皆引年八十者一子不從政九十者其家不從政瞽亦如之凡父母在子雖老不坐有虞氏養國老於上庠養庶老於下庠夏后氏養國老於東序養庶老於西序殷人養國老於右學養庶老於左學周人養國老於東膠養庶老於虞庠虞庠在國之西郊有虞氏皇而祭深衣而養老夏后氏收而祭燕衣而養老殷人冔而祭

孝子養老
通解此節別入

帝王養老

縞衣而養老周人冕而祭玄衣而養老

記王

制有此

曾子曰孝子之養老也樂其心不違其

志樂其耳目安其寢處以其飲食忠養之
孝子之身終終身也者非終父母之身終
其身也是故父母之所愛亦愛之父母之
所敬亦敬之至於犬馬盡然而況於人乎

賤喻貴也

凡養老五帝憲

憲法也養之為法其德行

三王有乞

言

有讀為又又從之求善言可施行也

五帝憲養氣體而不乞言

有善則記之為惇史三王亦憲既養老而

后乞言亦微其禮皆有惇史

惇史史孝厚者也微其禮者依違言

再叙飲食

淳熬

淳母

炮

之求而不切也

淳熬

煎醢加于陸稻上沃之以膏白

沃

淳沃也熬亦煎也沃煎成之以為名

淳母煎醢加于黍食上

沃之以膏白淳母

母讀曰模模象也作此象淳熬

炮取豚若將

剗之剗之實棗於其腹中編萑以苴之塗

之以謹

塗炮之

塗皆乾擘之濯手以摩之

去其𩪦為稻粉糝洩之以為醢以付豚煎

諸膏膏必滅之鉅鑊湯以小鼎薌脯於其

中使其湯母滅鼎三日三夜母絕火而後

調之以醢醢

炮者以塗燒之為名也將當為特特牝羊也剗剗博異語也謹當為瑾聲之誤也瑾塗塗

有穰草也𩪦謂皮肉之上魄莫也糝洩亦博異語也糝讀與滌滌之滌同薌脯謂煮豚若羊於小鼎中使之香美也謂之脯者既去

博雅

漬

熬

糝

獸則解折其肉使薄如為脯然唯豚全耳豚羊入鼎三日乃內醢醢可食也擣珍取牛羊麋

鹿麋之肉必胾每每物與牛若一捶反側之

去其餌孰出之去其獸柔其肉胾脊側肉也捶擣之也餌筋腩

也柔之為汁和也漬取牛肉必新殺者薄切之必

絕其理湛諸美酒期朝而食之以醢若醢

醢湛亦漬也為熬捶之去其獸編萑布牛肉焉屑

桂與薑以洒諸上而鹽之乾而食之施羊

亦如之施麋施鹿施麋皆如牛羊欲濡肉

則釋而煎之以醢欲乾肉則捶而食之熬於火上

為之也今之火脯似矣欲濡欲乾人自由也糝取牛羊

肝膏

夫婦之別
通解三

男女不同不入

豕之肉三如一小切之與稻米稻米二肉一

合以為餌煎之此周禮糝食也肝膏取狗肝一幪之

以其膏濡炙之舉焦其膏不芻舉或為匡

取稻米舉搔漉之小切狼臄膏以與稻米

為醢狼臄膏臄中膏也以煎稻米則似今膏養矣此周禮醢食也此醢當從餼禮始於謹

夫婦為宮室辨外內男子居外女子居內

深宮固門閤寺守之男不入女不出閤掌守中門之

禁也寺掌內人之禁令也男女不同施枷不敢縣於夫之

揮施不敢藏於夫之篋笥不敢共湑浴竿謂之施

揮杙也夫不在斂枕篋簟席褥器而藏之不敢也少

安礼
通解四
天婦之

右御妻妾

生子
通解五
妻將
安否

事長賤事貴咸如之咸皆也夫婦之禮唯及

七十同藏無閒及猶至也故妾雖老年未滿

五十必與五日之御五十始衰不能孕也妾閉房不復出御矣此御謂侍夜勸息也

五日一御諸侯制也諸侯取九女姪娣兩兩而御則三日也次兩媵則四日也次夫人專夜則五日也天子十五日乃一御

將御者齊漱澣慎衣服櫛縱笄總角拂髦

衿纓綦屨其往如朝也角衍字雖婢妾衣服飲食也拂髦或為繆髦也

必後長者人貴賤不可以無禮妻不在妾御莫敢當夕

辟女君之御日也妻將生子及月辰居側室側室謂夾之室次燕寢也

夫使人日再問之作而自問之妻不敢見

使姆衣服而對至于子生夫復使人日再

問之作有感動夫齊則不入側室之門若始時使人問子生

男子設弧於門左女子設帨於門右表男女也

示有事於武也悅三日始負子男射女否始有事也

謂抱之而使鄉前也國君世子生告于君接以犬牢宰

掌具接讀為捷捷勝也謂食其母使補虛強氣也三日卜士負之吉

者宿齊朝服寢門外詩負之射人以桑弧

蓬矢六射天地四方詩之言承也桑弧蓬矢本太古也

保受乃負之代士也宰醴負子賜之束帛當醴

為禮聲之誤也禮以一獻之禮酬之以幣也卜士之妻大夫之妾使食

子食子不使君妾適妾有敵義不相褻以勞辱事也士妻大夫之妾謂時自有子凡接子擇

日雖三日之內尊卑必皆選其吉焉 冢子則大牢天子世子也冢大也冢子猶言長子通於下也

庶人特豚士特豕大夫少牢國君世子大

牢皆謂長子 其非冢子則皆降一等謂冢子之弟及眾妾之子生也

天子諸侯少牢大夫特豕士特豚庶人猶特豚也 異為孺子室於宮中特

一處以處之 擇於諸母與可者必求其寬裕慈惠

溫良恭敬慎而寡言者使為子師其次為

慈母其次為保母皆居子室此人君養子之禮也諸母眾妾也可

者傳御之屬也子師教示以善道者慈母知其嗜欲者保母安其居處者士妻食乳之而已 他人無事

不往為兒精氣微弱將驚動也 三月之末擇日翦髮為髻男

角女羈否則男左女右髻所遺髮也夾曰角午達曰羈也 是日

也妻以子見於父貴人則為衣服由命士

以下皆漱澣貴人大夫以上也由自也男女夙興沐浴衣

服具視朔食朝食天子大牢諸侯少牢大夫特豕士特豚也夫入門升

自阼階立于阼西鄉妻抱子出自房當楣

立東面入門者入側室之門也大夫以下見子就側室見妾子於內寢辟人君也姆先相

曰母某敢用時日祗見孺子某妻姓若言姜氏也祗敬也或作振

夫對曰欽有帥父執子之右手咳而名之

欽敬也帥循也言教之敬使有循也執右手明將授之事也妻對曰記有成遂左

還授師記猶識也識夫之言使有成也師子師也子師辯告諸婦諸母

名後告諸母若名成於尊妻遂適寢復夫之燕寢夫告宰名宰辯

告諸男名書曰某年某月某日某生而藏

之

宰謂屬吏也春秋書栢六年九月丁卯子同生

宰告閭史閭史書為

二其一藏諸閭府其一獻諸州史州史獻

諸州伯州伯命藏諸州府

四閭為族族百家也閭胥中士一人五黨為州

州二千五百家也州長中大夫一人也皆有屬吏獻猶言也

夫人食如養禮

夫人已見子入

室也其與妻食如婦始饋舅姑之禮也

世子生則君沐浴朝服夫人

亦如之皆立于阼階西鄉世婦抱子外自

西階君名之乃降

子外自西階則人君見世子於路寢也見妾子就側室凡子生皆就

側室諸侯夫人朝於君次而祿衣也

適子庶子見於外寢撫其首

咳而名之禮帥初無辭

此適子謂世子弟也庶子妾子也外寢君燕寢也無

辭辭謂欽有帥記有成也

凡名子不以日月不以國

終使不易諱

以隱疾

諱衣中之疾難為醫也

大夫士之子不敢與世

子同名

尊世子也其先世子生亦勿為改

妾將生子及月辰夫

使人日一問之子生三月之末漱澣夙齊

見於內寢禮之如始入室君已食徹焉使

之特餽遂入御

內寢適妻寢也禮謂已見子夫食而使獨餽也如始入室始來嫁時妾餽夫婦

之餘亦如之既見子可以御此謂大夫士之妾也凡妾稱夫曰君

公庶子生就側室

三月之末其母沐浴朝服見於君擯者以

其子見君所有賜君名之衆子則使有司

名之

擯者傳姆之屬也人君尊雖妾不抱子有賜於君有恩惠也有司臣有事者也魯桓公名子問於申繻也庶

人無側室者及月辰夫出居羣室其問之

也與子見父之禮無以異也夫雖辟之至問妻及見子禮同也庶

人或無妻凡父在孫見於祖祖亦名之禮如子見

父無辭見子於祖家統於尊也父在則無辭有適子者無適孫與見庶子同也父卒而有適孫則有辭與見

冢子同父雖卒而庶孫猶無辭也食子者三年而出見於公宮

則劬劬勞也士妻大夫之妾食國君之子三年出歸其家君有以勞賜之大夫之子有

食母選於傳御之中喪服所謂乳母也士之妻自養其子賤不敢由使人也

命士以上及大夫之子旬而見旬當為均聲之誤也有時適妾同時

生子子均而見者以生先後見之既見乃食亦辟人君也易說卦坤為均今亦或作旬也冢子未食而

見必執其右手適子庶子已食而見必循

其首

天子諸侯尊別世子雖同母禮則異矣未食已食急正緩庶之義也

子能食食教

以右手能言男唯女俞男顰革女顰革絲

俞然

也般華小囊盛悅巾者男用韋女用繒有飾緣之則是顰革裂與詩云垂帶如厲紀子帛名裂繻字雖今異意實同也

六年

教之數與方名

方名東西

七年男女不同席不共

食

蚤其別也

八年出入門戶及即席飲食必後

長者始教之讓

示以廉恥

九年教之數日

朔望與六甲也

十

年出就外傳居宿於外學書計衣不帛襦

袴禮帥初朝夕學幼儀請肄簡諒

外傳教學之師也不

用帛為襦袴為大溫傷陰氣也禮帥初遵習先日所為也肄習也諒信也請習簡謂所書篇數也請習信謂應對之言也

十

有三年學樂誦詩舞勺成章舞象學射御

先學勺後學象文武之次也成童十五以上二十而冠始學禮可以衣

裘帛舞大夏博行孝弟博學不教內而不

出大夏樂之文武備者也內而不三十而有室始理男

事博學無方孫友視志室猶妻也男事受田給政役也方猶常也至此學無

常在志所好也孫順也順於友視其所志也四十始仕方物出謀發慮

道合則服從不可則去方猶常也物猶事也五十命為

大夫服官政統一官之政也七十致事致其事於君而告老凡男

拜尚左手左陽女子十年不出恒居內也姆教婉婉

聽從婉謂言語也婉之言媚也媚謂容貌也執麻枲治絲繭織紵組

紃學女事以共衣服紃條觀於祭祀納酒漿

籩豆菹醢禮相助奠當及女時而知十有五年而笄

謂應年許嫁者女子許嫁笄而字之其未許嫁二十則笄二十而嫁有故二十三

年而嫁故謂父喪聘則為妻聘問也妻之言齊也以禮見問則得與夫敵體奔

則為妾妾之言接也聞彼有禮走而往焉凡女拜尚

右手右陰也

禮記卷第八

經六千六百八十三字
注七千一百七字

別錄屬通論

天子冠服飲食起居之節

禮記卷第九

玉藻第十三

鄭氏注

天子玉藻十有二旒前後邃延龍卷以祭

祭先王之服也雜采曰藻天子以五采藻為旒旒十有二前後邃延者言皆出冕前後而垂也天子齊肩延冕上覆也玄表纁

裏龍卷畫龍於衣字或作袞玄端而朝日於東門之外聽朔

於南門之外閏月則闔門左扉立于其中

端當為冕字之誤也玄衣而冕冕服之下朝日春分之時也東門南門皆謂國門也天子廟及路寢皆如明堂制明堂在國之

陽每月就其時之堂而聽朔焉卒事反宿路寢亦如之閏月非常月也聽其朔於明堂門中還處路寢門終月凡聽朔必以特

牲告其帝及神皮弁以日視朝遂以食日中而

餼奏而食日少牢朔月犬牢餼食朝之餘也奏奏樂也五

飲上水漿酒醴酖上水水為上卒食玄端而居

天子服玄端燕居也動則左史書之言則右史書之其書

春秋尚書其存者御瞽幾聲之上下瞽樂人也幾猶察也察其哀樂年不

順成則天子素服乘素車食無樂自貶也諸

侯玄端以祭祭先君也端亦當為冕字之誤也禘冕

以朝朝天子也禘冕公衮侯伯鷩子男毳也皮弁以聽朔於大廟皮弁

下天子也朝服以日視朝於內朝朝服冠玄端素裳也此內朝路寢門外之正朝

也天子諸侯皆三朝朝辨色始入羣臣也入入應門也辨猶正也別也君日出而

視之退適路寢聽政使人視大夫大夫退

然後適小寢釋服小寢燕寢也釋服服玄端又朝服以食

諸侯冠服飲食起居之節

諸侯以下

特牲三俎祭肺食必復朝服所以敬夕深衣祭牢

肉祭牢肉異於始殺也天子言日中諸侯言夕天子言餼諸侯言祭牢肉互相挾朔月少牢五

俎四簋五俎加羊與其腸胃也朔月四簋則日食梁稻各一簋而已子卯稷食菜羹

忌日夫人與君同庖不特殺也君無故不殺牛大

夫無故不殺羊士無故不殺犬豕故謂祭祀之屬君

子遠庖廚凡有血氣之類弗身踐也踐當為剪聲之

誤也剪猶殺也至于八月不雨君不舉為旱變也此謂建子之月不雨盡建

未月也春秋之義周之春夏無雨未能成災至其秋秀實之時而無雨則雩雩而得之則書雩喜祀有益也雩而不得則書旱

明災成也年不順成君衣布擗薦本關梁不租山澤

列而不賦土功不興大夫不得造車馬皆為

齊車之等

寢處

沐

浴

凶年變也君衣布者謂若衛文公大布之衣大帛之冠是也摺
本去斑茶佩士笏也士以竹為笏飾本以象關梁不租此周禮
也躬則關恒譏而不征列之言遮列也雖不下人定龜謂

射之屬所當用者史定墨視兆君定體視兆所得也周公君

羔臂虎植臂覆苓也植讀皆如直道而行大夫齊車

鹿臂豹植朝車士齊車鹿臂豹植臣之朝車與齊車同

飾君子之居恒當戶明鄉寢恒東首首生若有

疾風迅雷甚雨則必變雖夜必興衣服冠

而坐之怒日五盥沐稷而醑梁櫛用櫛櫛髮

晞用象櫛進襪進羞工乃升歌晞乾也沐醑必進襪作樂盈氣

也更言進羞明浴用二巾上絺下綌刷去垢也出干復

為羞籩豆之實

將朝
笏因進笏而
併書

蒯席連用湯於洗浴器也蒯席溫便履蒲席衣布

晞身乃屨進飲進飲亦盈氣也將適公所宿齋戒居

外寢沐浴史進象笏書思對命思所思念將以告君者也對所

以對君者也命所受君命也書之於笏為失志也既服習容觀玉聲玉乃

出揖私朝輝如也登車則有光矣私朝自大夫家之朝

也揖其天子擯他項珽方正於天下也此亦笏也謂之珽珽之言珽然

死所屈也或謂之大圭長三尺杼上終葵首終葵首者於杼上又廣其首方如椎頭是謂無所屈後則恒直相王書曰珽玉六

寸明諸侯茶茶讀為舒前誡後直讓於天子也遲之舒舒

儒者所畏在前也誡謂園殺其首不為大夫前誡後誡

無所不讓也天子誡焉是以謂笏為茶大夫前誡後誡

無所不讓也天子下有己君又殺其下而園待坐則必

退席不退則必引而去君之黨引卻也黨鄉之

也辟君之親黨也登席不由前為躡席外必由下也徒坐不

盡席尺示无所求於前不忘謙也讀書食則齊豆去席尺

讀書聲當聞尊者食為汚席也若賜之食而君客之則命之祭

然後祭雖見賓客猶不敢備禮也待食則正不祭先飯辯嘗羞飲而

俟俟君食而後食也君將食臣先嘗之忠孝也若有嘗羞者則俟君

之食然後食飯飲而俟不祭侍食不敢備禮也不嘗羞膳宰存也飯飲利將

也君命之羞羞近者辟貪味也命之品嘗之然後

唯所欲必先編嘗之凡嘗遠食必順近食從近始也君

未覆手不敢食覆手以循咽已食也飡勸食也君既食又

賜飲

尊因賜爵而併書

不敢先君飽飯臣勸君食食者三飯也如是可也君既徹執飯

與醬乃出授從者食於尊者之前當親徹也凡侑食不盡

食謙食於人不飽也唯水漿不祭若祭為已

僕里水漿非盛饌也君若賜之爵則為大有所畏迫臣於君則祭之

越席再拜稽首受登席祭之飲卒爵而俟

君卒爵然後授虛爵不敢先君子之飲酒也

受一爵而色洒如也洒如肅敬貌二爵而言言

斯言言和敬貌禮已三爵而油油油油說以退

禮飲過三爵則敬殺可以去矣退則坐取屨隱辟而后屨坐左

納右坐右納左隱辟俛逡巡凡尊必上玄酒不

大司馬五禮記凡尊必上玄酒

冠制自天子以下

也唯君面尊面猶鄉也燕禮曰司宮尊于東楹之西兩方壺左立酒南上公尊瓦大兩有豐在尊南

上唯饗野人皆酒飲賤者不備禮大夫側尊用枌士

側尊用禁枌斯禁也無足有枌是以言枌始冠緇布冠自諸

侯下達冠而敝之可也本大古耳非時王之法服也玄冠朱

組纓天子之冠也緇布冠續緌諸侯之冠

也皆始冠之冠也玄冠委貌也諸侯緇布冠有緌尊者飾也續或作繪緌或作縠玄冠丹組纓

諸侯之齊冠也玄冠綦組纓士之齊冠也

言齊時所服也四緇冠玄武子姓之冠也謂父有命以上齊祭異冠

為之不純吉也武冠緇冠素紕既祥之冠也紕緣

卷也古者冠卷殊紕讀如埤益之埤既祥之冠也巳祥垂緌五寸惰游祭而服之也閒傳曰大祥素緇麻衣

深衣

之士也

情游罷民也亦縞冠素紕凶服之象也垂長綈明非既祥

玄冠縞武不齒

之服也

帥所放不教者

居冠屬武

謂燕居冠也著冠於武少威儀

自天子

下達有事然後綈

燕無事者去飾

五十不散送

送喪不散麻始

衰不備禮

親没不髦

去為子之飾

大帛不綈

帛當為白聲之誤也大帛謂白布冠

也不綈凶服去飾

玄冠紫綈自魯桓公始也

蓋僭宋王者之後服也綈

當用績

朝玄端夕深衣深衣三祛

謂謂大夫士也三祛者謂要中之數也祛尺

二寸圍之為二尺四寸三之七尺二寸

縫齊倍要

縫紵也紵下齊倍要中齊丈四尺四寸縫或為逢或

為豐衽當旁

衽謂裳幅所交裂也凡衽者或殺而下或殺而

則縫之以合前後上下相變

袂可以回肘

二尺二寸之節

長中繼揜尺

其為長衣中衣則繼袂揜一尺若今褻矣深衣則緣而已

袷二寸

曲領也

祛尺二寸

袂口

也緣廣寸半

也飾邊

以帛裏布非禮也

中外宜相稱也冕服

絲衣也中衣用素皮弁服朝服玄端麻衣也中衣用布

士不衣織

織染絲織之士衣染繒也

無

君者不貳采

大夫去位宜服玄端玄裳

衣正色裳間色

謂冕服玄上纁

下非列采不入公門

列采正服

振絺綌不入公門

表裘不入公門

振讀為衿衿禪也表裘外衣也二者形且褻皆當表之乃出

龍裘

不入公門

衣裘必當裼也

纁為繭縕為袍

衣有著之異名也纁謂今之新

綿也縕謂今纁及舊絮也

禪為絺

而有衣裳而無裏

帛為褶

而有表裏而無著朝服

之以縞也自季康子始也

亦僭宋王者之後

孔子曰

朝服而朝卒朔然後服之

謂諸侯與羣臣也諸侯視朔皮弁服

曰

國家未道則不充其服焉

謂若衛文公者未道未合於道

唯君

有黼裘以誓省犬裘非古也

僭天子也天子祭上帝則大裘而冕

大裘羔裘也黼裘以羔與狐白雜為黼文也省當為獮獮

君

裘狐白裘錦衣以裼之

君衣狐白毛之裘則以素錦為衣覆之使可裼也袒而有

衣曰裼必覆之者裘褻也詩云衣錦綈衣裳錦綈裳然則錦衣復有上衣明矣天子狐白之上衣皮弁服與凡裼衣象裘色也

君之右虎裘厥左狼裘

衛尊者宜武猛

士不衣狐白

辟君也狐之白者少以少為尊也

君子狐青裘豹褰玄綃衣以

裼之

君子大夫士也綃綺屬也染之以玄於狐青裘相宜狐青裘蓋玄衣之裘

麕裘青豻

褰絞衣以裼之

豻胡犬也絞蒼黃之色也孔子曰素衣麕裘

羔裘豹飾

緇衣以裼之

飾猶褻也孔子曰緇衣羔裘

狐裘黃衣以裼之

黃衣大蜡時臘先祖之服也孔子曰黃衣狐裘

錦衣狐裘諸侯之服也

非諸

侯則不用錦衣為裼犬羊之裘不裼質略亦庶人無文飾不文飾也

裼裼主於有文飾之事裘之裼也見美也君子於事以見美為裼弔則

龍衣不盡飾也喪非所以見美君在則裼盡飾也臣於君所

服之襲也充美也充猶覆也所蔽不主於君則襲是故戶龍襲戶尊

執玉龜襲重寶瑞也無事則裼弗敢充也謂已致龜王也笏

天子以球玉諸侯以象大夫以魚頰文竹

士竹本象可也球美玉也文猶飾也大夫士飾竹以為笏不敢與君並用純物也見

於天子與射無說笏入大廟說笏非古也

言凡吉事無所說笏也大廟之中唯君當事說笏也小功不說笏當事免則

說之免悲哀哭踊之時不在於記事也小功輕不當事可以摺笏也既摺必盥雖有

執於朝弗有盥矣

指笏輒盥為必執事

凡有指畫於君

前用笏造受命於君前則書於笏笏畢用

也因飾焉

畢盡也

笏度二尺有六寸其中博三

寸其殺六分而去二

殺猶杼也天子杼上終葵首諸侯不終葵首大夫士又杼其下首廣

天子素帶朱裏終辟

而素帶終辟

大夫素帶辟垂士練帶率

下辟居士錦帶弟子縞帶并紐約用組而

帶終辟謂諸侯也諸侯不朱裏合素為之如今衣帶為之下天

子也大夫亦如之率縹也士以下皆禪不合而縹積如今作幬

頭為之也辟讀如禪冕之禪禪謂以繒采飾其側人君充之大

夫禪其細及末士禪其末而已居士道藝處士也此自而素帶

亂脫在是耳宜

韠君朱大夫素士爵韋

此立端服之韠也韠

之言蔽也凡韠以韋為之必象裳色裳色則天子諸侯玄端朱裳大夫素裳唯士玄裳黃裳雜裳也皮弁服皆素韠

圜

此段在紳釋結
三齊之下

殺直

制目鞞

天子直

四角直無園殺

公侯前後方

殺四角使之方變於天子

也所殺者去上下各五寸

大夫前方後挫角

園其上角變於君也鞞以下為前以上為後

士前後正

士賤與君同不嫌也正直方之閒語也天子之士則直諸侯之士則方

鞞下廣

二尺上廣一尺長三尺其頸五寸肩革帶博

二寸

頸五寸亦謂廣也頸中央有兩角皆上接革帶以繫之有與革帶廣同凡佩繫於革帶

大夫太

帶四寸雜帶君朱綠大夫玄華士緇辟土

寸再繚四寸凡帶有率無箴功

雜猶飾也即上之裨也君裨帶

上以朱下以綠終之大夫裨垂外以玄內以華華黃色也士裨垂之下外內皆以緇是謂緇帶大夫以上以素皆廣四寸士以

練廣二寸再繚之凡帶有司之帶也亦絳之如士帶矣無箴功則不裨之士雖絳帶裨亦用箴功凡帶不裨下士也此又亂脫

在是宜承紳鞞結三齊

一命緼韍幽衡再命赤韍幽衡三

此設在并紐
約用紐之下

命赤黻葱衡

此玄冕爵弁服之韠尊祭服異其名耳黻之言亦蔽也緼赤黃之閒色所謂韎也衡

佩玉之衡也幽讀為黝黑謂之黝青謂之葱周禮公侯伯之卿三命其大夫再命其士一命子男之卿再命其大夫一命其士

命天子素帶朱裏終辟謂大帶也王后褱衣夫人

揄狄

褱讀如暈揄讀如搖暈搖皆翟雉名也刻繒而畫之著於衣以為飾因以為名也後世作字異耳夫人三夫人

亦侯伯之夫人也王者之後夫人亦褱衣

王十長齊于帶紳長制士王

不有司二尺有五寸子游曰參分帶下紳

居土焉紳韠結王齊

三寸謂約帶紐組之廣也長齊于帶與紳齊也紳帶之垂者也

言其屈而重也論語曰子張書諸紳有司府史之屬也三分帶下而三尺則帶高於中也結約餘也此又亂脫在是宜承約用

組結或為衿

君命屈狄再命褱衣一命褱衣士祿

衣

君女君也屈周禮作闕謂刻繒為翟不畫也此子男之夫人及其卿大夫士之妻命服也褱當為鞠字之誤也禮天

侍君之容

士禮

子諸侯命其臣后夫人亦命其妻以衣服所謂夫尊於朝妻榮於室也子男之卿再命而妻鞠衣則鞠衣襴衣祿衣者諸侯之臣皆分為三等其妻以次受此服也公之臣孤為上卿大夫次之士次之侯伯子男之臣卿為上大夫次之士次之祿或作稅

唯世婦命於奠繭其他則皆從男子

奠猶獻也凡世

婦已下蠶事畢獻繭乃命之以其服天子之后夫人九嬪及諸侯之夫人夫在其位則妻得服其服矣自君命屈狄至此亦亂脫在是宜承夫人揄狄凡侍於君紳垂足如履齊頤雷垂

拱視下而聽上視帶以及袷聽鄉任左

紳垂則磬

折也齊裳下緝也袷交領也

凡君召以三節二節以走一節

以趨

節所以明信輔君命也使使召臣急則持二緩則持一周禮曰鎮圭以徵守其餘未聞也今漢使者擁節在

官不俟履在外不俟車

趨君命也必有執隨授之者官謂朝廷治事處也

士於大夫不敢拜迎而拜送

禮不敵始來士於拜則士辟也

諱
因稱沒而及

佩

尊者先拜進面答之拜則走

士往見卿大夫卿大夫出迎答拜亦辟也

士於君所言大夫沒矣則稱諡若字名士

與大夫言名士字大夫

君所大夫存亦名

於大夫所有

公諱無私諱

公諱若言語所辟先君之名

凡祭不諱廟中不諱

謂祝嘏之辭中有先君之名者也凡祭祭羣神廟中上不諱下

教學臨文不諱

為惑未知者

古之君子必佩玉

比德焉君子士已上

右徵角左宮羽

玉聲所中

也徵角在右事也民也可以勞官羽在左君也物也宜逸

趨以采齊

路門外之樂節也門外謂之趨齊當

為楚薺之薺

行以肆夏

登堂之樂節

周還中規

反行也宜園

折還

中矩

曲行也宜方

進則揖之退則揚之然後玉鏘

鳴也

揖之謂小俛見於前也揚之謂小仰見於後也鏘聲貌

故君子在車則聞

驚和之聲行則鳴佩玉是以非辟之心無

自入也驚在衡和在式自由也君在不佩玉左結佩右設

佩謂世子也出所處而君在焉則去德佩而設事佩辟德而示即事也結其左者若於事有未能也結者結其綬不使鳴也

居則設佩謂所處而君不在焉朝則結佩朝於君亦結左齊則結

結佩而爵韠結又屈之思神靈不凡帶必

有佩玉唯喪否喪主於哀去飾也佩玉有衝牙

居中央以前後觸也君子無故玉不去身君子於玉比

德焉故謂喪與災眚天子佩白玉而玄組綬公侯佩

山玄玉而朱組綬大夫佩水蒼玉而純組

綬世子佩瑜玉而綦組綬士佩璆璆民而緼溫

此段當在凡
帶有幸無
功之下

食禮

組綬

玉有山玄水蒼者視之文色所似也綬者所以貫佩玉相承受者也純當為緇古文緇字或作絲旁才綦文雜

色也緇赤黃

孔子佩象環五寸而綦組綬

謙不比德亦不事也象有

文理者也環取可循而無窮

童子之節也緇布衣錦緣錦紳

并紉錦束髮皆朱錦也

童子未冠之稱也冠禮曰將冠者采衣紒也

肆

束及帶勤者有事則收之走則擁之

肆肆讀為肆肆餘

也餘束約紉之餘組也勤謂執勞辱之事也此亦亂脫在是宜承無箴功

童子不裘不帛不

屨約無總服聽事不麻無事則立主人之

北南面見先生從人而入

皆為幼少不備禮也雖不服總猶免深衣無麻

往給事也裘帛溫傷壯氣也約屨頭飾也

侍食於先生異爵者後祭

先飯

謙也

客祭主人辭曰不足祭也

祭者盛主客人之饌也

飧主人辭以䟽也飧者美主人之食也主人自置其

醬則客自徹之也徹主人也一室之人非賓客

一人徹同事合居者也賓客則各徹其饌也壹食之人二人徹壹猶聚也為赴

事聚食也凡燕食婦人不徹婦人質不備禮食棗桃李弗

致于核也恭瓜祭上環食中弃所操上環頭付也凡

食果實者後君子陰陽所成非人事也火孰者先君子

備火齊不得也有慶非君賜不賀唯君賜為榮也有憂者此下絕亡

非其勤者有事則收之走則擁之此補脫重孔子食

於季氏不辭不食肉而飧以其待己及君賜車

馬乘以拜賜衣服服以拜惠也賜君未有命

弗敢即乘服也

謂卿大夫受賜於天子者歸必致於其君君有命乃服之

君賜稽

首據掌致諸地

致首於地據掌以左手覆案右手也

酒肉之賜弗再

拜

輕也受重賜者拜受又拜於其室

凡賜君子與小人不同且

慎於卑

凡獻於君大夫使宰士親皆再拜稽首

送之

敬也

膳於君有葷桃茢於大夫去茢於

士去葷皆造於膳宰

膳美食也葷桃茢辟凶邪也大

菜也茢茢帚也造於膳宰既致命而授之葷或作羶

大夫不親拜為君之荅

己也

不敢變動至尊

大夫拜賜而退士待諾而退又

拜弗荅拜

小臣受大夫之拜復以入告大夫拜便辟也

大夫親賜士士

拜受又拜於其室衣服弗服以拜

異於君惠也拜受又就拜

於尊者

獻

人子之禮

於其家是所謂再拜也敵者不在拜於其室謂來賜時不見也

凡於尊者有獻而弗敢以聞此謂獻辭也少儀曰君將適他臣若致金

王貨貝於君則曰致馬士於大夫不承賀下大夫

於上大夫承賀承受也士有慶事不聽大夫親來賀己不敢變動尊也親在行

禮於人稱父人或賜之則稱父拜之事統於尊禮

不盛服不充禮盛者服充大故大裘不裼乘路

車不式謂祭天也周禮王祀昊天上帝則服大裘而冕乘玉路或曰乘兵車不式父命呼唯

而不諾手執業則投之食在口則吐之走

而不趨敬至親老出不易方復不過時不可以憂父母

也易方為其不信己所處也復反也親瘠色容不盛此孝子之疏

入門
兩君相見

聘

步趨之節

節也

言非至孝也瘠病也王季有疾文王色憂行不能正履

父沒而不能讀父

之書手澤存焉爾母沒而杯圈不能飲焉

口澤之氣存焉爾

孝子見親之器物哀惻不忍用也圈屈木所為謂厄匱之屬

君

入門介拂闌大夫中棖與闌之間士介拂

棖

此謂兩君相見也棖門楔也君入必中門上介夾闌大夫介士介鴈行於後示不相公也君若迎聘客擯者亦然

賓入不中門不履闕

辟尊者所從也此謂聘客也闕門限

公事自

闌西

聘享也

私事自闌東

覲面也

君與尸行接武

尊者尚徐蹈半迹

大夫繼武

迹相及也

士中武

迹間容迹

徐趨皆用

是

君大夫士之徐行也皆如與尸行之節也

疾趨

則欲發而手足母移

疾趨謂直行也疏數自若發謂起履也移之言靡匝也母移欲其直且正欲或為數

圈

豚行不舉

容

坐容
燕容
整容
喪容

足齊如流

圈轉也脉之言若有所循不舉足曳踵則衣之齊如水之流矣孔子執圭則然此徐趨也

席

上亦然

尊處亦尚徐也

端行頤雷如矢并行剡剡起

屨

此疾趨也端直也頤或為置也

執龜玉舉前曳踵蹢躅如也

著徐趨之事

凡行容惕惕

惕惕直疾貌也凡行謂道路也

廟中齊齊

恭

貌也朝廷濟濟翔翔

莊敬貌也

君子之容舒遲見

所尊者齊遯

謙慤貌也遯猶蹙蹙也

足容重

舉欲遲也

手容恭

高且正也

目容端

不睇視也

口容止

不妄動也

聲容靜

不噦效也

頭容

直

不傾顧也

氣容肅

似不息也

立容德

如有子也

色容莊

莊如坐戰色

如尸

尸居神位敬慎也

燕居告溫溫

告謂教使也詩云溫溫恭人

凡祭容

貌顏色如見所祭者

如觀其人在此

喪容

貌也

我容

自稱

色容顛顛憂思貌也視容瞿瞿不審貌也言容繭

繭聲氣微也戎容暨暨果毅貌也言容詬詬教令嚴也色容厲

肅儀形貌也視容清明察於事也立容辨卑母調辨讀為貳自貶卑謂

磬折也調為頌身以有下也頭頸必中頭容直山立不動搖也時行時而後行

也詩云威儀孔時盛氣顛實揚休顛讀為闐揚讀為陽聲之誤也盛身中之氣使之闐滿其

息若陽氣之付物也玉色色不變也凡自稱天子曰予一人謙自別於

人而巳伯曰天子之力臣伯上公九命分陝者諸侯之於天子

曰某土之守臣某其在邊邑曰某屏之臣

某其於敵以下曰寡人小國之君曰孤擯

者亦曰孤邊邑謂九州之外大國之君自稱曰寡人擯者曰寡君上大夫曰下

臣擯者曰寡君之老下大夫自名擯者曰

寡大夫世子自名擯者曰寡君之適擯者之辭主謂

見於他國君下大夫自名於他國君曰外臣某公子曰臣孽孽當為耕聲之誤士曰

傳遽之臣於大夫曰外私傳遽以車馬給使者也士臣於大夫者曰私人

大夫私事使私人擯則稱名私事使謂以君命私行非聘也若魯成公

時晉侯使韓穿來言汶陽之田歸之于齊之類公士擯則曰寡大夫寡君

之老大夫有所往必與公士為賓也謂聘也大聘使

上大夫小聘使下大夫公士為賓謂作介也往之也

明堂位第十四

鄭氏注

昔者周公朝諸侯于明堂之位周公攝王位以明堂之禮儀朝

諸侯也不於宗廟辟王也

天子負斧依南鄉而立

天子周公也負之言背也斧依

為斧文屏風於戶牖之間周公於前立焉

三公中階之前北面東上諸

侯之位阼階之東西面北上諸伯之國西

階之西東面北上諸子之國門東北面東

上諸男之國門西北面東上九夷之國東

門之外西面北上八蠻之國南門之外北

面東上六戎之國西門之外東面南上五

狄之國北門之外南面東上九采之國應

門之外北面東上四塞世告至此周公明

堂之位也

朝之禮不於此周公權用之也朝位之上上近主位尊也九采九州之牧典貢職者也正門謂

李氏謂此篇
專論魯禮

書稱周公位
宰正百工記稱
成王幼不能治
作周公相號作
而治周明堂有
周公輔成王朝
會之圖而此篇
往謂周公踐天
子位朝諸侯
可謂証矣此
說始見於荀
子之書而盛
聞於王莽之時
必其間諸生
腐儒得魯禮
器之藉而文

之應門二伯帥諸侯而入牧居外而糾察之也四塞謂夷服鎮
服蕃服在四方為蔽塞者新君即位則乃朝周禮侯服歲一見
甸服二歲一見男服三歲一見采服四歲一見衛服五
歲一見要服六歲一見九州之外謂之蕃國世一見

也者明諸侯之尊卑也朝於此所以正儀辨等也昔殷紂

亂天下脯鬼侯以饗諸侯以人肉為薦羞惡之甚也是以周

公相武王以伐紂武王崩成王幼弱周公

踐天子之位以治天下六年朝諸侯於明

堂制禮作樂頒度量而天下大服踐猶履也頒讀為班度謂

丈尺高卑廣狹也量謂豆區斗斛筐筥所容受七年致政於成王成王以

周公為有勲勞於天下致政以王事歸授之王功曰勲事功曰勞是

以封周公於曲阜地方七百里革車千乘

其說以媚當
時誇後世耳
且周公前事
借曰難知魯
之後事備於
春秋經傳諸
書論其君臣
之交則隱公
弑閔公殺牙
惡又弑論其
礼法政俗之
變則初稅
畝作立甲娶
吳孟子孔子
曰魯之郊禘
非礼也周公
其衰矣而
季氏伯三
家雍徹其
亡魯之末
失礼之屢嘆

曲阜魯地上公之封地方五百里加魯以四等之附庸方百里者二十四并五王二十五積四十九開方之得七百里革車兵車也兵車千乘成國之賦也詩魯頌曰王謂叔父建爾元子俾侯于魯大啓爾宇爲周室輔乃命魯公俾侯于東錫之山川土田附庸又曰公車千乘朱英綠滕命魯公世世祀周公以天子之禮樂也魯公謂伯禽是以魯君孟春乘大路載弧韜旂十有二旒日月之章祀帝于郊配以后稷天子之禮也孟春建子之月魯之始郊日以至大路殷之祭天車也弧旌旗所以張幅也其衣曰韠天子之旌旗畫日月帝謂蒼帝靈威仰也昊天上帝魯不祭季夏六月以禘禮祀周公於大廟牲用白牡尊用犧象山罍鬱尊用黃目灌用玉瓚大圭薦用玉豆雕篋爵用玉琖仍雕加以璧散璧角俎

之又曰洙泗之間斷如也魯其秉矣諸若此類不可枚舉而此篇之終謂君臣未嘗相弑禮樂刑法政俗未嘗相變然則即篇終言之評篇首言周公之事其証可知矣

用琬嶽弁歌清廟下管象朱干玉戚冕而舞大武皮弁素積裼而舞大夏昧東夷之樂也任南蠻之樂也納夷蠻之樂於大廟言廣魯於天下也

季夏建巳之月也禘大祭也周公曰大廟魯公曰世室羣公稱宮白牡彤牲也尊酒器也犧尊以沙羽為畫飾象骨飾之鬱鬯之器也黃彝也灌酌鬱尊以獻也瓚形如槃容五升以大圭為柄是謂圭瓚簋籩屬也以竹為之雕刻飾其直者也爵君所進於尸也仍因也因爵之形為之飾也加加爵也散角皆以斝飾其口也琬始有四足也嶽為之距清廟周頌也象謂周頌武也以管播之朱干赤大盾也戚斧也冕冠名也諸公之服自衮冕而下如王之服也大武周舞也大夏夏舞也周禮昧師掌教昧樂詩曰以雅以南以審不僭廣大也

君卷冕立于阼夫人副褱立于房中君肉袒迎牲于門夫人薦豆籩卿大夫贊君命婦贊夫人各

揚其職百官廢職服大刑而天下大服

今之步搖是也詩云副笄六珈周禮追師掌王后之首服為副
禕王后之上服唯魯及王者之後夫人服之諸侯夫人則白揄
翟而下贊佐也命婦於內則世婦也於外則大夫之妻也祭祀
世婦以下佐夫人揚舉也大刑重罪也天下大服知周公之德
此也是故夏禘秋嘗冬烝春社秋省而遂大

蜡天子之祭也

不言春祠魯在東方主東巡守以春或闕
之省讀為獮獮秋田名也春田祭社秋

曰祀祊大蜡歲十二
月索鬼神而祭之

大廟天子明堂庫門天子臯

門雉門天子應門

言廟及門如天子之制也天子五門
臯庫雉應路魯有庫雉路則諸侯三

門與臯之言高也詩云乃立臯門
臯門有佹乃立應門應門將將

振木鐸於朝天子

之政也

天子將發號令
必以木鐸警衆

山節藻梲復廟重檐刮

楹達鄉反坫出尊崇坫康圭䟽屏天子之

廟飾也

山節刻薄盧為山也藻稅畫侏儒柱為藻文也復廟重屋也重檐重承辟材也刮刮摩也鄉牖屬謂

夾戶窓也每室八窓為四達反玷反爵之玷也出尊當尊南也唯兩君為好既獻反爵於其上禮君尊于兩楹之間崇高也康

讀為亢龍之亢又為高玷亢所受圭奠于上焉屏謂之樹今浮思也刻之為雲氣蟲獸如今闕上為之矣 鸞車

有虞氏之路也鈎車夏后氏之路也大路

般路也乘路周路也

鸞有鸞和也鈎有曲輿者也大路木路也乘路王路也漢祭天

乘般之路也今謂之桑根車也春秋傳曰大路素鸞或為藥也

有虞氏之旂夏后氏

之綏般之大白周之大赤

四者旌旗之屬也綏當為綏讀如冠韃之韃有

虞氏當言綏夏后氏當言旂此蓋錯誤也綏謂注旄牛尾於扛首所謂大麾書云武王左杖黃鉞右秉白旄以麾周禮王建大

旂以賓建大赤以朝建大白以即戎建大麾以田也

夏后氏駱馬黑驪般人白

馬黑首周人黃馬蕃驪夏后氏牲尚黑般

白牡周駢剛順正色也白馬黑鬣曰駢剛赤色泰有虞氏

之尊也山罍夏后氏之尊也著般尊也犧

象周尊也泰用瓦著地無足爵夏后氏以琖般以斚

周以爵斚畫禾稼也詩曰洗爵奠斚灌尊夏后氏以雞夷般

以斚周以黃目其勺夏后氏以龍勺般以

疏勺周以蒲勺夷讀為彝周禮春祠夏禴裸用雞彝彝鳥

刻其頭蒲合土鼓蕢桴蕢篪伊耆氏之樂也蕢當

蒲如鼃頭也聲之誤也簫如笛三孔伊耆氏古天子有天下之號也今有姓伊耆氏者拊搏玉磬拊擊大

琴大瑟中琴小瑟四代之樂器也拊搏以韋為之充之以糠

形如小鼓指擊謂祝敵皆所以節樂者也四代虞夏殷周也魯公之廟文世室也

武公之廟武世室也

此二廟象周有文王武王之廟也世室者不毀之名也魯公伯

禽也武公伯禽之玄孫也名敖

米廩有虞氏之庠也序夏后氏

之序也瞽宗彤學也類宮周學也

庠序亦學也庠之言

詳也於以考禮詳事也魯謂之米廩虞帝上孝今藏案盛之委焉序次序王事也瞽宗樂師瞽矇之所宗也古者有道德者使教焉死則以為樂祖於此祭之類之言班也於以班政教也崇鼎貫鼎大璜封父

龜天子之器也

崇貫封父皆國名文王伐崇古者伐國遷其重器以分同姓大璜夏后氏之璜

春秋傳曰分魯公以夏后氏之璜

越棘大弓天子之戎器也

越國名也

棘戟也春秋傳曰子都拔棘

夏后氏之鼓足彤楹鼓周縣鼓

足謂四足也楹謂之柱貫中上出也縣縣之簨虞也彤頌曰植我叢鼓周頌曰應轉縣鼓

垂之和鐘

叔之離磬女媧之笙簧

垂堯之共工也女媧三皇承宓義者叔未聞也和離

謂次序其聲縣也笙簧笙中之簧也世本作曰垂作鐘無句作磬女媧作笙簧夏后氏之龍龔

虞、殷之崇牙，周之辟翬。龔，虞所以縣鐘磬也。橫曰龔，飾之以鱗屬植曰虞，飾

之以羸屬羽屬龔以大版為之謂之業。殷又於龍上刻畫之為重牙以挂縣紃也。周又畫繒為翬戴以辟垂五采羽於其下樹

於龔之角上飾彌多也。周頌曰：設業設虞，崇牙樹羽。有虞氏之兩敦，夏后氏

之四璉，殷之六瑚，周之八簋。皆黍稷器制之異同未聞俎有

虞氏以梲，夏后氏以巖，殷以棋，周以房俎。

梲，斷木為四足而已。巖之言蹇也，謂中足為橫距之象。周禮謂之距棋之言枳棋也，謂曲撓之也。房謂足下跗也。上下兩間有

似於堂房。魯頌曰：籩豆大房。夏后氏以楬豆，殷玉豆，周獻豆。

揭無異物之飾也。獻，疏刻之。齊人謂無髮為禿，揭之。有虞氏服韍，夏后氏山

彪，火周龍章。韍，冕服之鞞也。舜始作之以尊祭服。禹湯至周增以畫文。後王彌飾也。山取其仁可。

仰也火取其明也龍取其變化也天子備焉諸侯火而下卿大夫山士韎韐而已韋或作韍有虞氏祭

首夏后氏祭心殷祭肝周祭肺氣主盛也夏后氏

尚明水殷尚醴周尚酒此皆其時之用耳言尚非有虞氏官

五十夏后氏官百殷二百周三百周之六卿其屬各六十則

周三百六十官也此云三百者記時冬官亡矣昏義曰天子立六官三公九卿二十七大夫八十一元士凡百二十蓋謂夏時

也以夏周推前後之差有虞氏官宜六十夏后氏宜百二十殷宜二百四十不得如此記也有虞氏之

綏夏后氏之綢練殷之崇牙周之辟翬綏亦旌旗

之綏也夏綢其杠以練為之旒殷又刻繒為重牙以飾其側亦飾彌多也湯以武受命恒以牙為旂也此旌旗及翬皆喪葬之

飾周禮大喪葬巾車執蓋從車持旌御僕持翬旌從遣車翬夾柩路左右前後天子八翬皆戴辟垂羽諸侯六翬皆戴圭大夫

四翬士二翬皆戴綏孔子之喪公西赤為志亦用此焉凡四爾雅說旌旗曰素錦綢杠纁白縵素升龍於縵練旒九

代之服器官魯兼用之是故魯主禮也天下傳之久矣君臣未嘗相弑也禮樂刑法政俗未嘗相變也天下以爲有道之國是故天下資禮樂焉

王禮天子之禮也傳傳世也資取也此蓋盛周公之德耳春秋時魯

三君弑又士之有誅由莊公始婦人鬻而弔始於臺駘云君臣未嘗相弑政俗未嘗相變亦近誣矣資或爲飲

禮記卷第九

經三千六百五十一字
注六千三百五十五字



丈公曰李氏只是解儀禮如喪

服小記便是解喪服傳推之篇


皆然

別錄屬喪服

三年之喪

首服

禮記卷第十



喪服小記第十五

鄭氏注

斬衰括髮以麻為母括髮以麻免而以布

母服輕至免可以布代麻也為母又哭而免

齊衰惡筭以終喪

筭所以卷髮帶所以

持身也婦人質於喪所以自卷持者有除無變

男子冠而婦人笄男子免

而婦人髻其義為男子則免為婦人則髻

別男也

苴杖竹也削杖桐也祖父卒而右為祖

母後者三年

祖父在則其服如父在為母也

為父母長子稽顙

喪尊者及正體不敢不盡禮

大夫弔之雖總必稽顙

尊大夫不敢以輕待之

婦人為夫與長子稽顙其餘則否

恩殺於父母

男

主喪

傳喪

親親之殺

禘祫

宗子法

主必使同姓婦主必使異姓謂以無主後者為主也異姓同宗之婦也

婦人外成為父後者為出母無服不敢以己私廢父所傳重之祭祀親

親以三為五以五為九上殺下殺旁殺而

親畢矣己上親父下親子三也以父親祖以子親孫五也以祖親高祖以孫親玄孫九也殺謂親益疏者服

之則王者禘其祖之所自出以其祖配之禘大祭也

始祖感天神靈而生祭天則以祖配之自外至者無主不止而立四廟高祖以下與庶

子王亦如之世子有廢疾不可立而庶子立其祭天立廟亦如世子之立也春秋時衛侯元有兄縶

別子為祖諸侯之庶子別為後世為始祖也謂之別子者公子不得禰先君繼別為

宗別子之世長子為其族人為宗所謂百世不遷之宗繼禰者為小宗別子庶子之長

子為其昆弟為宗也謂之小宗者以其將遷也有五世而遷之宗其繼高

祖者也

謂小宗也小宗有四或繼高祖或繼曾祖或繼祖或繼祖皆至五世則遷

是故祖遷

於上宗易於下尊祖故敬宗敬宗所以尊

祖禰也

宗者祖禰之正體

庶子不祭祖者明其宗也

明其尊宗以為本也禰則不祭矣言不祭祖者主謂宗子庶子俱為適士得立祖禰廟者也凡正體在手者謂下正猶為庶

也庶子不為長子斬不繼祖與禰故也

尊先祖之

正體不二其統也言不繼祖禰則長子不必五世

庶子不祭殤與無後者

殤與無後者從祖祔食

不祭殤者父之庶也不祭無後者祖之庶也此二者當從

祖祔食而已不祭祖無所食之也共其牲物而宗子主其禮焉祖庶之殤則自祭之凡所祭殤者唯適子耳無後者謂昆弟諸

父也宗子之諸父無後者為殤祭之庶子不祭禰者明其宗也

謂宗子庶子俱

為下士得立禰廟也雖庶人亦然

親親尊尊長長男女之有別

從服

禘此句當在
前禘章

世適於妻

之祿於用生者

人道之大者也言服之所從服者所從亡則已

謂若為君母之父
母昆弟從母也屬從者所從雖沒也服謂若自
為己之

母黨妾從女君而出則不為女君之子服妾為
女君

之黨服得與女君同而今俱出女禮不王不禘禘謂
祭天世

子不降妻之父母其為妻也與大夫之適

子同世子天子諸侯之適子也不降妻之父母為妻故親之
也為妻亦齊衰不杖者君為之主子不得伸也主言與

大夫之適子同據服之成文也本所以正見父在為妻
不杖於大夫適子者明大夫以上雖尊猶為適婦為主父為

士子為天子諸侯則祭以天子諸侯其尸

服以士服祭以天子諸侯養以子道也尸服士服父
本無爵子不敢以己爵加之嫌於卑之父

為天子諸侯子為士祭以士其尸服以士

婦出

婦反

喪期

緩喪

服

謂父以罪誅尸服以士服不成為君也天子之子當封為王者後以祀其受命之祖云為士則擇其宗之賢者若微

子者不必封其子為王者後及所立為諸侯者祀其先君以禮卒者尸服天子諸侯之服如遂無所封立則尸也祭也皆如士

不敢僭用尊者衣物

婦當喪而出則除之為父母喪未

練而出則三年既練而出則已未練而反

則期既練而反則遂之

當喪當舅姑之喪也出除喪絕族也

再期之

喪三年也期之喪二年也九月七月之喪

三時也五月之喪二時也三月之喪一時

也

言喪之節應歲時之氣

故期而祭禮也期而除喪道也

祭不為除喪也

此謂練祭也禮正月存親親亡至今而期期則宜祭期天道一變哀惻之情益

衰衰則宜除不相為也

三年而后葬者必再祭其祭之閒

士妾
稅喪

不同時而除喪

再祭練祥也間不同時者當異月也既

者以葬與練祥本異歲宜異時也而除喪已祥則除不禫

大功者主人之喪有三

年者則必為之再祭朋友虞祔而已

謂死者之從父

昆弟來為喪主有三年者謂妻若子幼少大功為之再祭則小功總麻為之練祭可也

士妾有子而

為之總無子則已

士卑妾無男女則不服別貴賤

生不及祖父母

諸父昆弟而父稅喪已則否

謂子生於外者也父以他故居異邦

而生已不及此親存時歸見之今其死於喪服年月已過乃聞之父為之服已則否者不責非時之恩於人所不能也當其

時則服稅讀如無禮則稅之稅稅喪者喪與服不相當之言

為君之父母妻長子

君已除喪而后聞喪則不稅

目之恩輕也謂卿大夫出聘問以他故父

留降而在總小功者則稅之

謂正親在齊衰大功者正親總小功不稅

喪節

徒從

經杖

除喪遭喪

無時哭

復書銘

矣曾子問曰小功不稅則是遠兄弟終無服也此句補脫誤在是宜承父稅喪已則否 近臣君服

斯服矣其餘從而服不從而稅謂君出朝觀不時反而不知喪者近

臣闔寺之屬也其餘羣介行人宰史也君雖未知喪臣服已從服者所從雖在外

自若虞杖不入於室附杖不升於堂哀益衰敬彌多也虞於寢

附於祖廟為君母後者君母卒則不為君母之黨

服徒從也所從亡則已經殺五分而去一杖大如經如要經也

妾為君之長子與女君同不敢以恩輕輕服君之正統除喪者

先重者謂練男子除乎首婦人除乎帶易服者易輕者謂大喪既虞卒哭而

遭小喪也其易喪服男易乎帶婦人易乎首無事不辟廟門鬼神尚幽闇也廟殯宮哭

皆於其次無時哭也有事則入即位復與書銘自天子達於

大司馬 少司馬 豐邑 四

葛麻之等

速葬

並有喪

士其辭一也男子稱名婦人書姓與伯仲

如不知姓則書氏

此謂殷禮也殷質不重名復則臣得名君周之禮天子崩復曰皐天

子復諸侯薨復曰皐某甫復其餘及書銘則同斬衰之葛與齊衰之麻

同

經之大俱七寸五分寸之一帶五寸二十五分寸之十九

齊衰之葛與大功

之麻同

經之大俱五寸二十五分寸之十九帶四寸百二十五分寸之七十六

麻同皆兼

服之

皆者皆上二事也兼服之謂服麻又服葛也男子則經上服之葛帶下服之麻婦人則經下服之麻固自帶其

故帶也所謂易服易輕者也兼服之文主於男子

報葬者報虞三月而后

卒哭

報讀為赴疾之赴謂不及期而葬也既葬即虞虞安神也卒哭之祭待哀殺也

父母之喪

偕先葬者不虞祔待後事其葬服斬衰俱

也謂同月若同日死也先葬者母也曾子問曰葬先輕而後重又曰反葬莫而後辭於殯遂修葬事其虞也先重而後輕待後

大夫

降殺

升祔

繼父

哭朋友
祔葬
祔廟

事謂如此也其葬服斬衰者喪之隆哀宜從重也假令父死在前月而同月葬猶服斬衰不葬不變服也言其葬服斬衰則虞祔各以其服矣及練大夫降其庶子其孫不降其祥皆然卒事反服重

父祖不厭孫也大大夫不主士之喪王之喪雖無主不敢攝大夫以為主為

慈母之父母無服恩及夫為人後者其妻為

舅姑大功以不貳隆士祔於大夫則易牲不敢以卑牲祭尊也

大夫少繼父不同居也者必嘗同居皆無主

後同財而祭其祖禰為同居有主後者為

異居錄恩服深淺也見同財則期同居異財故同居今異居及繼父有子亦為異居則三月未嘗同居則不服哭

朋友者於門外之右南面變於有親者也祔葬者

不筮宅宅葬地也前人葬既筮之士大夫不得祔於諸侯祔

於諸祖父之為士大夫者其妻祔於諸祖

姑妾祔於妾祖姑亡則中一以上而祔祔

必以其昭穆

士大夫謂公子公孫為士大夫者不得祔於諸侯卑別也既卒哭各就其先君為祖者兄

弟之廟而祔之中猶閒也

諸侯不得祔於天子天子諸侯大

夫可以祔於士

人莫敢卑其祖也

為母之君母母卒則

不服

母之君母外祖適母徒從也所從土則已

宗子母在為妻禮

宗子之妻尊也

為慈母後者為庶母可也為祖庶母可也

謂父命之為子母者也即庶子為後此皆子也傳重而已不先命之與適妻使為母子也緣為慈母後之義父之妻無子者亦

可命已庶子為後

為父母妻長子禮

禮目所為

慈母與妾

母不世祭也

以其非正春秋傳曰於子祭於孫止

丈夫冠而不為

徒從

宗子為妻

慈母後

禫

於孫止

殤

久不葬

筭 屨 練

祥

庶子

殤婦人筭而不為殤

言成人也婦人許嫁而為殤筭未許嫁與丈夫同

為殤

後者以其服服之

言為後者據承之也殤無為人父之道以本親之服服之

久而

不葬者唯主喪者不除其餘以麻終月數

者除喪則已

其餘謂旁親也以麻終月數不葬者喪不變也

箭筭終喪三

年

亦於喪所以自卷持者有除無變

齊衰三月與大功同者繩

屨

雖尊卑異於恩有可同也

練筭日筭尸視濯皆要經杖

繩屨有司告具而后去杖筭日筭尸有司

告事畢而后杖拜送賓

臨事去杖敬也濯謂漑祭器也

大祥吉

服而筭尸

凡變除者必服其吉服以即祭事不以凶臨吉也間傳曰大祥素縞麻衣

庶子在

父之室則為其母不禫

變子父在厭也

庶子不以杖

諸侯弔

喪養疾

即位

下適子也位朝夕哭位也

父不主庶子之喪則孫以杖

即位可也

祖不厭孫孫得伸也

父在庶子為妻以杖即

位可也

舅不主妾之喪子得伸也

諸侯弔於異國之君則其

君為主

君為之主弔臣恩為己也子不敢當主中庭北面哭不拜

諸侯弔必皮弁

錫衰所弔雖已葬主人必免主人未喪服

則君亦不錫衰

必免者尊人君為之變也未喪服未成服也既殯成服

養有疾

者不喪服遂以主其喪

不喪服求生主吉惡其凶也遂以主其喪謂養者有

親也死則當為之主其為主之服如素無喪服

非養者入主人之喪則不

易己之喪服

入猶來也謂養者無親於死者不得為主其有親來為主者素有喪服而來為主與

素無服者異素無服素有服為

養尊者必易服養卑

今死者當服則皆三日成也

妾祔

婦之喪

主喪

陳器

奔喪

者否尊謂父兄卑妾無妾祖姑者易牲而祔

於女君可也女君適祖姑也易牲而祔則凡妾下女君一等婦之喪虞卒

哭其夫若子主之祔則舅主之婦謂凡適婦庶婦也虞卒哭祭

婦非舅事也祔於祖廟尊者宜主焉士不攝大夫士攝大夫唯宗

子士之喪雖無主不敢攝大夫以爲主宗子尊可以攝之主人未除喪有兄弟

自他國至則主人不免而爲主親質不陳器崇敬也陳器

之道多陳之而省納之可也省陳之而盡

納之可也多陳之謂賓客之就器也以多爲榮省陳之謂主人之明器也以節爲禮奔兄

弟之喪先之墓而後之家爲位而哭所知

之喪則哭於宮而后之墓兄弟先之墓骨肉之親不由主人也宮故殯宮

衆子

下殤帶

婦祔

大夫祔於妻

傳重重出

也父不爲衆子次於外於庶子略與諸侯爲

兄弟者服斬謂卿大夫以下也與尊者爲親不敢以輕服服之言諸侯者明雖在異國猶來爲三

年下殤小功帶澡麻不絕本誣而反以報

之報猶合也下殤小功本齊衰之親其經帶澡率治麻爲之帶不絕其本屈而上至要中合而糾之明親重也凡殤散帶垂

婦祔於祖姑祖姑有三人則祔於親者謂舅之母

死而又有繼母二人也親者謂舅所生其妻爲大夫而卒而后其

夫不爲大夫而祔於其妻則不易牲妻卒

而后夫爲大夫而祔於其妻則以大夫牲

妻爲大夫夫爲大夫時卒不易牲以士牲也此謂始來仕無廟者無廟者不祔宗子去國乃以廟從爲父後者

爲出母無服無服也者喪者不祭故也適子正體

於上當祭祀也婦人不為主而杖者姑在為夫杖姑不厭婦

母為長子削杖嫌服男子當杖竹也母為長子服不可以重於子為己也女子子

在室為父母其主喪者不杖則子一人杖

女子子在室亦童子也無男昆弟使同姓為攝主不杖則子一人杖謂長女也許嫁及二十而笄笄為成人成人正杖也

總小功虞卒哭則免棺柩已藏嫌恩輕可以不免也言則免者則既殯先啓之間雖

有事不免既葬而不報虞則雖主人皆冠及虞則

皆免有故不得疾虞雖主人皆冠不可為兄弟既除

喪已及其葬也反服其服報虞卒哭則免

如不報虞則除之以下小功遠葬者比反哭者皆冠

及郊而後免反哭墓在四郊之外君弔雖不當免時

除喪 傷

奔父母之喪

庶婦

也主人必免不散麻雖異國之君免也親

者皆免

不散麻者自若絞垂為人君變貶於大斂之前既啓之後也親者大功以上也異國之君免或為弔

除殯之喪者其祭也必玄

殯無變文不縞冠玄端黃裳而祭不朝服未純

吉也於成人為釋禫之服

除成喪者其祭也朝服縞冠

成成人也縞冠

未純吉祭服也既祥祭乃素縞麻衣

奔父之喪括髮於堂上袒降

踊襲經于東方奔母之喪不括髮袒於堂

上降踊襲免于東方經即位成踊出門哭

止三日而五哭三袒

凡奔喪謂道遠已殯乃來也為母不括髮以至成服一而已貶

於父也即位以下於父母同也三日五哭者始至訖夕反位哭乃出就次一哭也與明日又明日之朝夕而五哭三袒者始至

袒與明日又明日之朝而三也

適婦不為舅後者則姑為之小

功謂夫有廢疾他故若死而無子不受重者小功庶婦之服也凡父母於子舅姑於婦將不傳重於適及將所傳重者非適服之皆如庶子庶婦也

大傳第十六

鄭氏注

禮不王不禘王者禘其祖之所自出以其

祖配之

凡大祭曰禘自由也大祭其先祖所由生謂郊祀天也王者之先祖皆感大微五帝之精以生蒼則靈威

仰赤則赤燁怒黃則含樞紐白則白招拒黑則汁光紀皆用正歲之正月郊祭之蓋特尊焉孝經曰郊祀后稷以配天配靈威

仰也宗祀文王於明堂以配上帝汎配五帝也

諸侯及其太祖

太祖受封君也

大夫

士有大事省於其君干祫及其高祖

天事冠戎之事

也省善也善於其君謂免於大難也干猶空也空祫謂無廟祫祭之於壇壝

牧之野武王之

大事也既事而退柴於上帝祈於社設奠

於牧室

柴祈奠告天地及先祖也牧室牧野之室也古者郊關皆有館焉先祖者行主也

遂率

天下諸侯執豆籩逡奔走

逡疾也疾奔走言勸事也周頌曰逡奔走在廟追

王犬王亶父王季歷文王昌不以卑臨尊

也

不用諸侯之號臨天子也文王稱王早矣於躬猶為諸侯於是著焉

上治祖禰尊尊

也下治子孫親親也旁治昆弟合族以食序

以昭繆別之以禮義人道竭矣

治猶正也繆讀為穆聲之誤也

竭盡也

聖人南面而聽天下所且先者五民不

與焉

且先言未遑餘事

一曰治親二曰報功三曰舉賢

四曰使能五曰存愛

功功臣也存察也察有仁愛者

五者一得

於天下民無不足無不贍者五者一物紕

同姓異姓

異姓

繆民莫得其死

物猶事也紕猶錯也五事得則民足

聖

人南面而治天下必自人道始矣

人道謂此五事

立

權度量考文章改正朔易服色殊徽號異

器械別衣服此其所得與民變革者也

權稱也度

丈尺也量斗斛也文章禮法也服色車馬也徽號旌旗之名也器械禮樂之器及兵甲也衣服吉凶之制也徽或作褱

其不可得變革者則有矣親親也尊尊也長

長也男女有別此其不可得與民變革者

也

四者人道之常同姓從宗合族屬異姓主名治際

會名著而男女有別

合合之宗子之家序昭穆也異姓謂來嫁者也主於母與婦之

名耳際會昏禮交接之會也著明也母婦之名不明則人倫亂也亂者若衛宣公楚平王為子取而自納焉

其夫

同姓

言周道正諸
失

屬乎父道者妻皆母道也其夫屬乎子道

者妻皆婦道也

言母婦無昭穆於此統於夫耳母焉則尊之婦焉則卑之尊之卑之明非已倫

以厚也謂弟之妻婦者是嫂亦可謂之母乎

言不

可也謂之婦與嫂者以其在己之列以名遠之耳復謂嫂為母則令昭穆不明昆弟之妻夫之昆弟不相為服不成其親也男

女無親則遠於相見

名者人治之大者也可無慎乎

人治

所以四世而總服之窮也五世袒免殺同姓

也六世親屬竭矣

四世共高祖五世高祖昆弟六世以外親盡無屬名

其庶

姓別於上而戚單於下昏姻可以通乎

問之

也玄孫之子姓別於高祖五世而無服姓世所由生繫之以姓而弗別綴之

以食而弗殊雖百世而昏姻不通者周道

服術

從服

輕重

然也

周之禮所建者長也姓正姓也始祖為正姓高祖為庶姓繫之弗別謂若今宗室屬籍也周禮小史掌定繫世

辨昭穆

服術有六：一曰親親，二曰尊尊，三曰名

四曰出入，五曰長幼，六曰從服

術猶道也親親父母為首尊尊

君為首名世母叔母之屬也出入女子子嫁者及在室者長幼成人及殤也從服若夫為妻之父母妻為夫之黨服從

服有六：有屬從

子為母之黨

有徒從

君為君之黨

有從有

服而無服

公子為其妻之父母

有從無服而有服

公子之妻為公

子之外兄弟

有從重而輕

夫為妻之父母

有從輕而重

公子之妻

為其皇姑

自仁率親等而上之至于祖名曰輕，自

義率祖順而下之至于禰名曰重，一輕一

重，其義然也

自猶用也率循也用恩則父母重而祖輕用義則祖重而父母輕恩重者為之三年

公族

庶子

別子

大宗

義重者為之齊衰然如是也

君有合族之道族人不得以其

戚戚君位也

君恩可以下施而族人皆目也得以父兄子弟之親自戚於君位謂齒列也所以

尊君別嫌也

庶子不祭明其宗也庶子不得為長

子三年不繼祖也

明猶尊也一統焉族人上不戚君下又辟宗乃後能相序

別子

為祖

別子謂公子若始來在此國者後世以為祖也

繼別為宗

別子之世適也族人尊之謂之

大宗是宗子也

繼禰者為小宗

父之適也兄弟尊之謂之小宗

有百世不

遷之宗有五世則遷之宗百世不遷者別

子之後也宗其繼別子之所自出者百世

不遷者也宗其繼高祖者五世則遷者也

尊祖故敬宗敬宗尊祖之義也

遷猶變易也繼別子別子之世

公子宗法

無服

通論

適也繼高祖者亦小宗也先言繼禰者據別子子弟之子也以高祖與禰皆有繼者則曾祖亦有也則小宗四與大宗凡五

有小宗而無大宗者有大宗而無小宗者

有無宗亦莫之宗者公子是也公子有此三事也公子謂先君

之子今君昆弟公子有宗道公子之公為其士大夫

之庶者宗其士大夫之適者公子之宗道

也公子不得宗君君命適昆弟為之宗使之宗之是公子之宗道也所宗者適則如大宗死為之齊衰九月其母則小君也

為其妻齊衰三月無適而宗庶則如小宗死為之大功絕族九月其母妻無服公子唯已而已則無所宗亦無之宗絕族

無移服族昆弟之子不相為服親者屬也有親者服各以其屬親疏自仁

率親等而上之至于祖自義率祖順而下之

至于禰是故人道親親也言先有恩親親故尊祖

尊祖故敬宗敬宗故收族收族故宗廟嚴
 宗廟嚴故重社稷重社稷故愛百姓愛百
 姓故刑罰中刑罰中故庶民安庶民安故
 財用足財用足故百志成百志成故禮俗
 刑禮俗刑然後樂收族序以昭穆也嚴猶尊也孝經曰孝莫大於嚴父百志人之志意
所欲也刑猶成也詩云不顯不承無斁於人斯此之謂

也

斁厭也言文王之德不顯乎不承成先人之業乎言其顯且承之人樂之無厭也

少儀第十七

鄭氏注

聞始見君子者辭曰某固願聞名於將命

者

君子卿大夫若有異德者固如故也將猶奉也即君子之門而去願以名聞於奉命者謙遠之也重則去固奉命傳

別錄屬制
 度
 始見

適有喪

饋贐

致襚

辭出不得階主階上進者言賓之敵者曰某固願

見敵當也願見願見於將命者謙也罕見白聞名罕希也希相見雖於敵者猶為尊主之辭如於

君亟見白朝夕亟數也於君子則曰某願朝夕聞名於將命者則曰某願朝夕見於將命者

瞽白聞名瞽無目也以無目辭不稱見適有喪者曰比適之也曰某願比於

將命者比猶童子白聽事曰某願聽事於將命者童子未成人不敢當相見之

禮適公卿之喪則曰聽役於司徒喪憂戚無賓主之禮皆為執事

來君將適他臣如致金玉貨貝於君則曰

致馬資於有司敵者曰贈從者適他行朝會也資猶用也贈送

也臣致襚於君則曰致廢衣於賈人敵者

曰襚言廢衣不必其以斂也賈人知物善惡也周禮王府掌凡王之獻金玉兵器文織良貨賄之物受而藏之有賈

正二百 禮記 卷三

贈賻

授受

入見

問辭

小三百五十二

八親者兄弟不以槨進不執將命也日為君喪

納貨貝於君則曰納甸於有司甸謂田野之物賵馬

入廟門以其主於死者賻馬與其幣大白兵車不入

廟門以其主於生人也兵車革路也雖為死者來陳之於外戰伐田獵之服非盛者也周禮革路建大白以即戎

賻者既致命坐委之擯者舉之主人無親

受也喪者非尸極之事不親也舉之舉以東受立授立不坐由便性之直

者則有之矣有之有跪者也謂受授於尊者而尊者短則跪不敢以長臨之始入而

辭曰辭矣即席曰可矣可猶止也謂擯者為賓主之節也始入則告之辭至就席

則止其辭排闥說屨於戶內者一人而已矣雖眾敵猶有所

也尊有尊長在則否在在內也後來之眾皆說屨於戶外問品味曰

通戒

婦除

問卜

卑於尊

子亟食於某乎問道藝曰子習於某乎子

善於某乎

不斤人謙也道三德三行也藝六藝

不疑在躬

躬身也不服行所不

知使身疑也

不度民械

械兵器也不計度民家之器物使己亦有

不願於大家

大謂富之廣也

不訾重器

訾思也重猶寶也

汜婦曰婦婦席前

曰拚拚席不以鬣執箕膺搗

鬣謂帚也帚恒婦地不絜清也膺親

也搗舌也持箕將去糞者以舌自鄉

不貳問

當正己之心以問吉凶於蓍龜不得於正凶則卜筮其權也

問

卜筮曰義與志與義則可問志則否

天卜問來卜筮

者也義正事也志私意也

尊長於己踰等不敢問其年

踰等

父兄黨也問年則己恭孫之心不全

燕見不將命

自不用賓主之正來則若子弟然

遇

於道見則面

可以隱則隱不敢煩動也

不請所之

尊長所之或卑褻

喪

小三百五十二

小三百五十三

小三百五十四

御者

退

俟事不植弔

特亦不敢故煩動也事朝夕哭時

侍坐弗使不執琴

瑟不畫地手無容不翬也

端慤所以為敬也尊長或使彈琴瑟則為

之寢則坐而將命

命有所傳辭也坐者不敢臨之

侍射則約矢

不敢與之拾取也

侍投則擁矢

不敢釋於地也投壺也投壺坐

勝則洗而

以請

洗爵請行觴不敢直飲之

客亦如之

客射若投壺不勝不角主人亦洗而請之

不角

角謂觥罰爵也於尊長與客如獻酬之爵

不擢馬

擢去也謂徹也己徹馬嫌勝故專之

執君之

乘車則坐

執執轡謂守之也君不在中坐示不行也

僕者右帶劒負良

綏申之面地諸臂

面前也臂覆苓也良綏君綏也負之由左肩上入右腋下申之於前

覆苓上也

以散綏升執轡然後步

步行也

請見不請退

去止不敢自由

朝廷白退

近君為進

燕遊白歸

禮褻主於家也

師役白

審量

通戒

臣道

罷罷之言罷勞也春秋傳曰師還曰疲侍坐於君子君子欠伸運

笏澤劒首還屨問日之蚤莫雖請退可也

以此皆解倦之狀伸頻伸也運澤謂玩弄也金器弄之易以汙澤事君者量而后入

不入而后量凡乞假於人為人從事者亦

然然故上無怨而下遠罪也量量其事意合成否不窺

密嫌伺人之私也密隱曲處也不旁狎妄相服習終或爭訟不道舊故言知

過失損友也孔子曰故舊不遺則民不偷不戲色暫變傾顏色為非常則人不長失敬也為人

臣下者有諫而無訕有亡而無疾亡去也疾惡也頌

而無譴諫而無驕頌謂將順其美也驕謂言行謀從恃知而慢怠則

張而相之怠惰也相助也廢則埽而更之廢政教壞亂謂無可因也謂

之社稷之役

也役為

母拔來母報往

報讀為赴疾之赴拔赴皆疾也

人來往所之當有宿漸不可卒也

母瀆神

瀆謂數而不敬

母循枉

前日之不正不可復遵行

以自

母測未至

測意度也

士依於德游於藝

德三德也一曰至德

二曰敏德三曰孝德藝六藝也一曰五禮二曰六樂三曰五射四曰五御五曰六書六曰九數

工依於法游

於說

法謂規矩尺寸之數也說謂鴻殺之意所宜也考工記曰薄厚之所震動清濁之所由出侈弇之所由興有說

說或為申

母訾衣服成器

訾思也成猶善也思此則疾貧也

母身質言語

質成也聞疑則傳疑若成之或有所誤

言語之美穆穆皇皇朝廷之

美濟濟翔翔祭祀之美齊齊皇皇車馬之

美匪匪翼翼翼翼和之美肅肅雍雍

匪讀如四牡駢駢齊

齊皇皇讀如歸往之往美皆當為儀字之誤也周禮教國子六儀一曰祭祀之容二曰賓客之容三曰朝廷之容四曰喪紀之

容五曰軍旅之容
六曰車馬之容問國君之子長幼長則曰能從

社稷之事矣幼則曰能御未能御御謂御事問

大夫之子長幼長則曰能從樂人之事矣

幼則曰能正於樂人未能正於樂人正樂政也周禮

大司樂以樂德教國子中和祗庸孝友以樂語教國子興道諷誦言語以樂舞教國子舞雲門大卷大咸大韶大夏大濩大武

問士之子長幼長則曰能耕矣幼則曰能

負薪未能負薪士祿薄子以農事為業執玉執龜策不

趨堂上不趨城上不趨於重器於近尊於迫狹無容也步張足曰趨武

車不式介者不拜兵車不以容禮下人婦人吉

事雖有君賜肅拜為尸坐則不手拜肅拜

不容

婦人禮

重俎
重謹
跪

食新
車禮

為喪主則不手拜

肅拜拜低頭也手拜手至地也婦人以肅拜為正凶事乃手拜耳為

尸為祖姑之尸也士虞禮曰男男尸女女尸為喪主不手拜者為夫與長子當稽顙也其餘亦手拜而已雖或為唯或曰喪為主則不手

拜肅拜也

葛經而麻帶

謂既虞卒哭也帶所以自結束也婦人質少變於喪之帶有除

而無

取俎進俎不坐

以其有足亦柄尺之類

執虛如執盈入

虛如有人

慎

凡祭於室中堂上無跣燕則

有之

祭不跣者主敬也燕則有跣為歡也天子諸侯祭有坐尸於堂之禮祭所尊在室燕所尊在堂將燕降說屨乃

升未嘗不食新

嘗謂薦新物於寢廟

僕於君子君子升

下則授綏始乘則式君子下行然後還立

還車而立

乘貳車則式佐車則否

貳車佐車皆副車也朝祀之副

曰貳戎備之副曰佐魯莊公敗于乾時公喪戎路傳乘而歸

貳車者諸侯七乘上

大夫五乘下大夫三乘

此蓋殷制也周禮貳車公九乘侯伯七乘子男五乘及卿

大夫各如其命之數

有貳車者之乘馬服車不齒

尊有爵者之物

廣敬也服車所乘車也車有新舊

觀君子之衣服服劔乘馬弗

賈

平尊者之物非敬也

其以乘壺酒束脩二犬賜人若

獻人則陳酒執脩以將命亦曰乘壺酒束

脩一犬

陳重者執輕者便也乘壺四壺也酒謂清也糟也不言陳犬或無脩者牽犬以致命也於卑者曰賜於尊

者曰獻

其以鼎肉則執以將命

鼎肉謂牲體已解可升於鼎

其禽

加於一雙則執一雙以將命委其餘

加猶多也

犬

則執縹守犬田犬則授擯者既受乃問犬

名牛則執紉馬則執勒皆右之

縹紉勒皆所以繫制之者守犬

田犬問名畜養者當呼之名謂若韓臣則左之異於衆物

車則說綏執以將命甲若有以前之則執

以將命無以前之則袒秦奉胄甲鎧也有以前之謂他摯幣也

褻弋鎧衣也胄兜鍪也袒其衣出兜鍪以致命器則執蓋謂有表裏弓則以左

手屈韞執拊韞弓衣也左手屈衣并於拊執之而右手執簫劍則啓櫝

蓋龍之加夫禕與劍焉櫝謂劍函也龍袞袞袞衣也加劍於衣上夫

或為煩皆發聲笏書脩苞苴弓茵席枕几穎杖琴瑟

戈有刃者櫝筴簞其執之皆尚左手苞苴謂編束荏

葦以裹魚肉也茵著蓐也穎警枕也筴著也簞如笛三孔皆十六物也左手執上上陽也右手執下下陰也刀卻

刃授穎削授拊辟用時穎鏐也拊謂把凡有刺刃者以授

軍礼

五礼

飲食之礼

人則辟刃

辟刃不以正鄉人也

乘兵車出先刃入後刃

不以

刃鄉國也

軍尚左

左陽也陽主生將軍有廟勝之策左將軍為上貴不敗績

卒尚右

右陰

也陰主殺卒之行伍以右為上示有死志

賓客主恭祭祀主敬喪事主

哀會同主誨

恭在貌也而敬又在心誨謂敏而有勇若齊國佐

軍旅思險

隱情以虞

險阻出奇覆護之處也隱意也思也虞度也當思念己情之所能以度彼之將然否燕

侍食於君子則先飯而後已

所以勸也毋放飯毋

流歎小飯而亟之

亟疾也備噦噓若見問也

數噍毋為口容

口容弄口

客自徹辭焉則止

主人辭其徹

客爵居左其飲

居右

客爵謂主人所酬賓之爵也以優賓耳賓不舉奠于薦東

介爵酢爵俱爵皆

居右

三爵皆飲爵也介賓之輔也酢所以酢主人也古文禮俱作遵謂鄉人為卿大夫來觀禮者酢或為作僕或

為羞濡魚者進尾擗之由後鯁肉易離也乾魚冬

右腴氣在下腴腹下也夏右鰭鰭氣在上祭膾膾大臠謂剗魚腹也膾讀如喝

凡齊執之以右居之於左齊謂食羹醬飲有齊和者也居於左手之上右

手執而正贊幣自左詔辭自右自由也謂為君授幣為君出命也立

者尊酌尸之僕如君之僕當其為尸則尊其在車則左

執轡右受爵祭左右軌周禮大御祭兩軌祭軌乃飲軌范乃飲

與軌於車同謂轡頭也凡羞有俎者則於俎內祭

俎於人為橫不君子不食圉腴周禮圉作豢謂犬豕之屬食米穀者也腴有似

於人小子走而不趨舉爵則坐祭立飲小子弟

不得與賓介凡洗必盥先盥乃洗爵先自牛羊之肺

俱備禮容也

離而不提心提猶絕也劉離之不絕中凡羞有漬者

不以齊齊和也為君子擇葱薤則絕其本末有為

羞首者進喙祭耳耳出也尊者以酌者之

左為上尊尊者設尊者也酌者尊壺者面其鼻

鼻在面中飲酒者襪者醺者有折俎折俎

之乃坐也已沐飲未步爵不嘗羞步行牛與羊

魚之腥聶而切之為膾聶之言腓也先藿葉切麋

鹿為菹野豕為軒皆聶而不切麇為辟雞

兔為宛脾皆聶而切之切葱若薤實之醢以

柔之此軒辟雞宛脾皆菹類也其作之狀其有折俎者

李三百三系字三百十 豐已十 李三

衣服
夜

執食飲

致肸

取祭反之不坐燔亦如之

亦為柄尺之類也燔炙也鄉射曰賓奠爵于薦西興

取肺坐絕祭左手齊之興加于俎坐悅手

尸則坐

尸尊也少牢饋食禮曰尸左執爵右兼取肝肺擣于俎鹽振祭

齊之加于菹豆

衣服在躬而不知其名為罔

罔猶罔罔無知貌

其未有燭而有後至者則以在者告道瞽

亦然

為其不見意欲知之也師冕見及階子曰階也及席子曰席也皆坐子告之曰某在斯某在斯

凡飲

酒為獻主者執燭抱燋客作而辭然後以

授人

為宵言也主人親執燭敬賓示不倦也言獻主者容君使宰夫也未爇曰燋

執燭不讓

不辭不歌

以燭繼書禮殺

洗盥執食飲者勿氣有問

焉則辟咎而對

示不敢歆臭也口旁曰咎

為人祭曰致福為

已祭而致膳於君子曰膳祔練曰告

此皆致祭祀之

凶殺

餘於君子也攝主言致福申其辭也自祭言膳謙也祔練言告不敢以為福膳也凡膳告於君

子主人展之以授使者于阼階之南南面

再拜稽首送反命主人又再拜稽首具也其

禮犬牢則以牛左肩臂臠拊九个少牢則

以羊左肩七个牯豕則以豕左肩五个折斷

也皆用左者右以祭也羊豕不言臂臠因牛序之可知國家靡敝則車不雕幾

甲不組滕食器不刻鏤君子不履絲屨馬

不常秣靡敝賦稅亟也雕畫也幾附纏為沂鄂也組滕以組飾之及紵帶也詩云公徒三萬貝冑朱綬亦鏤飾也

李百小字百
禮記十
李三

禮記卷第十

經三千七百一十三字
注五千四百四十七字

禮記卷第十一

學記第十八

鄭氏注

劉向別錄屬
通論天公儀禮
入學禮
首言化民必由
於學

人不可以不學

上不可以不教

學

發慮憲求善良足以諛聞不足以動衆憲法

也言發計慮當擬度於法式也求謂招來也諛之言小也動衆謂師役之事就賢體遠足以

動衆未足以化民就謂躬下之體猶親也君子如欲化民

成俗其必由學乎所學者聖人之道在方策玉不琢不成器

人不學不知道是故古之王者建國君民

教學爲先謂內則設師保以教使國子學焉外則有大學庠序之官允命曰念

終始典于學其此之謂乎典經也言學之不舍業也允當爲說字之誤也

高宗夢傅說求而得之作說命三篇在尚書今亡雖有嘉肴弗食不知其

教

立教
大學之法

文公曰此段是
熟知之要上
二字完學

百也雖有至道弗學不知其善也

百美也

是

故學然後知不足教然後知困

學則睹已行之所短教則見已

道之所未達

知不足然後能自反也知困然後能

自強也故曰教學相長也

自反求諸己也自強脩業不敢倦

允

命曰學學半其此之謂乎

言學人乃益己之學半

古之

教者家有塾黨有庠術有序國有學

術當為遂

聲之誤也古者仕焉而已者歸教於閭里朝夕坐於門門側之堂謂之塾周禮五百家為黨萬二千五百家為遂黨屬於鄉遂

在遠郊之外

比年入學

學者每歲來入也

中年考校

中猶閒也鄉遂大夫閒歲

則考學者之德行道藝周禮三歲大比乃考焉

一年視離經辨志三年視

敬業樂羣五年視博習親師七年視論學

大學始教

取友謂之小成九年知類通達強立而不

反謂之大成

離經斷句絕也辨志謂別其心意所趣鄉也知類知事義之比也強立臨事不惑也

不反不違失師道

夫然後足以化民易俗近者說服

而遠者懷之此大學之道也

懷來也安也

記曰蟻

子時術之其此之謂乎

蟻蚍蜉也蚍蜉之子微蟲耳時術蚍蜉之所為其

乃服成大

大學始教皮弁祭菜示敬道也

皮弁天子之朝

朝服也祭菜禮先聖先師菜謂芹藻之屬

宵雅肄三官其始也

宵之言小也肄

習也習小雅之三謂鹿鳴四牡皇皇者華也此皆君臣宴樂相勞苦之詩為始學者習之所以勸之以官且取上下相和厚

入學鼓篋

孫其業也

鼓篋擊鼓警眾乃發篋出所治經業也孫猶恭順也

夏

楚二物收其威也

夏稻也楚荆也二者所以扑撻犯禮者收謂收斂整齊之威威儀也

未卜禘不視學游其志也

禘大祭也天子諸侯既祭乃視學考校以游暇

學者之志意

時觀而弗語存其心也

使之悱悱憤憤然後啓發也

幼

者聽而弗問學不躡等也

學教也教之長釋

此七者

教之大倫也

倫理也自大學始教至此其義七也

記曰凡學官先事

士先志其此之謂乎

官居官者也士學士也

大學之教也

時教必有正業退息必有居

有居有常居也

學不

學操縵不能安弦

操縵雜弄

不學博依不能安

詩

博依廣譬喻也依或為衣

不學雜服不能安禮

雜服冕服皮弁之屬

雜或為雅不興其藝不能樂學

興之言喜也歆也藝謂禮樂射御書數

故

君子之於學也藏焉脩焉息焉遊焉

藏謂懷抱之脩

學習之方
舊讀學字
為句屬下文
以語對章指
觀之當與上句
為偶以退息
必有居學六
字為句蓋古
者大學以時
聚會而教之
必有正業其
退息之時又
必有閑居之

學正業者學乎
中之常程居學
者閑居之傳習
若文操變博
依與藝字閑
居之所學也故以
藏息游脩掩之
又按文公語錄
曰大學之教也
作一句時教必有
正業句退息必
有居學句
教法之失
與二章反

習也息謂作勞休止於之
息遊謂閒暇無事於之遊
夫然故安其學而親其

師樂其友而信其道是以雖離師輔而不

反也允命曰敬孫務時敏厥脩乃來其此

之謂乎敬孫敬道孫業也敏疾也厥其也學
者務及時而疾其所脩之業乃來今之教者

呻其佔畢多其評呻吟也佔視也簡謂之畢評猶問
也言今之師自不曉經之義但吟

誦其所視簡之文多其難誦其所視簡之文多其難
問也呻或為慕評或為訾言及于數其發言出說不首
其義動云有所法

象而進而不顧其安務其所誦多
不惟其未曉使人不由其

誠由用也使學者誦之
而為之說不用其誠教人不盡其材材道也謂師
有所隱也易

曰兼三材而兩之
謂天地人之道其施之也悖其求之也佛佛教者
言非

則學者夫然故隱其學而疾其師苦其難而
失問

教法之興

教學之廢

不知其益也

隱不稱揚也不知其益若無益然

雖終其業其去

之必速

速疾也學不心解則忘之易

教之不刑其此之由乎

刑猶成也

大學之法禁於未發之謂豫

未發情欲未生謂年十五時

當其可之謂時

可謂年二十成人時

不陵節而施之謂

孫

不陵節謂不教長者才者以小教幼者鈍者以大也施猶教也孫順也

相觀而善之謂

摩

不並問則教者思專也摩相切磋也

此四者教之所由興也

興起也

發然後禁則扞格而不勝

教不能勝其情欲格讀如凍洛之洛扞堅不可

貌入之

時過然後學則勤苦而難成

時過則難放也雜施

而不孫則壞亂而不脩

小者不達大者難識學者所惑也

獨學

而無友則孤陋而寡聞

不相觀也

燕朋逆其師

教法

燕猶褻也
褻其朋友

燕辟廢其學

褻師之
辭喻

此六者教之所

由廢也

滅廢

君子既知教之所由興又知教

之所由廢然後可以為人師也故君子之

教喻也道而弗牽強而弗抑開而弗達

示道

之以道塗也抑猶
推也開為發頭角

道而弗牽則和強而弗抑則

易開而弗達則思和易以思可謂善喻矣

思而得
之則深

學者有四失教者必知之人之學也

或失則多或失則寡或失則易或失則止

此四者心之莫同也

失於多謂才少者失於寡謂才
多者失於易謂好問不識者失

於止謂好
思不問者

知其心然後能救其失也

救其失者多
與易則抑之

寡與止則進之教也者長善而救其失者也善歌者

使人繼其聲善教者使人繼其志言為之善者則後人

樂放其言也約而達微而臧罕譬而喻可謂

繼志矣師說之明則弟子好述之其言少而解臧善也君子知至學之難

易而知其美惡然後能博喻能博喻然後

能為師能為師然後能為長能為長然後

能為君美惡說之是非也長達官之長故師也者所以學為君

也弟子學於師學為君是故擇師不可不慎也師善則善記曰

三王四代唯其師此之謂乎四代虞夏殷周凡學之

道嚴師為難嚴尊敬也師嚴然後道尊道尊然

善學與不

善問與不

善答問與不

後民知敬學是故君之所不臣於其臣者

二當其為尸則弗臣也當其為師則弗臣

也尸主也為祭主也大學之禮雖詔於天子無北面所

以尊師也尊師重道焉不使處臣位也武王踐阼召師尚父而問焉曰昔黃帝顓頊之道存乎意亦忽不

可得見與師尚父曰在丹書王欲聞之則齊矣王齊三日端冕

師尚父亦端冕奉書而入負屏而立王下堂南面而立師尚父

曰先王之道不北面王行西折而南善學者師逸而功

倍又從而庸之不善學者師勤而功半又

從而怨之從隨也庸功也功之受其道有功於己善問者如攻堅木

先其易者後其節目及其久也相說以解

不善問者反此言先易後難以漸入善待問者如撞鐘

叩之以小者則小鳴叩之以大者則大鳴

待其從容然後盡其聲不善答問者反此

從讀如富父春戈之春春容謂重撞擊也始者一聲而已學者既聞其端意進而復問乃極說之如撞鐘之成聲矣從或為松

此皆進學之道也皆皆善問記問之學不足

以為人師記問謂豫誦雜難雜說至講時為學者論之此或時師不心解或學者所未能問必

也其聽語乎必待其問乃說之力不能問然後語之

語之而不知雖舍之可也舍之須後良冶之子必

學為裘仍見其家鋼補穿鑿之器也補器者其金柔乃合有似於為裘良弓之子必

學為箕仍見其家撓角幹也撓角幹者其材宜調調乃三體相勝有似於為楊柳之箕始駕

馬者反之車在馬前以言仍見則貫即事易也君子察於此

三者可以有志於學矣

仍讀先王之道則為來事不惑

古之學

者比物醜類

以事相況而為之醜猶比也醜或為計

鼓無當於五聲

五聲弗得不和水無當於五色五色弗得

不章學無當於五官五官弗得不治師無

當於五服五服弗得不親

當猶主也五服斬衰至總麻之親

君

子曰大德不官

謂君也

大道不器

謂聖人之道不

大

信不約

謂若胥命于蒲無盟約

大時不齊

或時以生或時以死

察於此

四者可以有志於本矣

本立而道生言以學為本則其德於民無不化於俗

無不成

三王之祭川也皆先河而後海或源也

或委也此之謂務本

源泉所出也委流所聚也始出一勺卒成不測

樂記第十九

鄭氏注

凡音之起由人心生也人心之動物使之

然也感於物而動故形於聲

宮商角徵羽雜比曰音單出曰聲形

猶見

聲相應故生變

樂之器彈其宮則眾宮應然不足樂是以變之使雜也易曰同聲相

應同氣相求春秋傳曰若以水濟水誰能食之若琴瑟之專一誰能聽之

變成方謂之音

猶方

文章

比音而樂之及于戚羽旄謂之樂

干盾也戚斧也

武舞所執也羽翟羽也旄旄牛尾也文舞所執周禮舞師樂師掌教舞有兵舞有干舞有羽舞有旄舞詩曰左手執籥右手秉翟

樂者音之所由生也其本在人心之感

於物也是故其哀心感者其聲噍以殺其

樂心感者其聲嘽以緩其喜心感者其聲

發以散其怒心感者其聲粗以厲其敬心

感者其聲直以廉其愛心感者其聲和以

柔六者非性也感於物而后動言人聲在所見非有常也鳴

也嗶寬綽貌發猶揚也粗麤也是故先王慎所以感之者故禮

以道其志樂以和其聲政以一其行刑以

防其姦禮樂刑政其極一也極至也所以同民

心而出治道也此其所謂至也凡音者生人心者也

情動於中故形於聲聲成文謂之音是故

治世之音安以樂其政和亂世之音怨以

怒其政乖亡國之音哀以思其民困聲音

之道與政通矣

言八音和否隨政也王藻曰柝警幾聲之上下

宮為君商

為臣角為民徵為事羽為物五者不亂則

無怙懣之音矣

五者君臣民事物也凡聲濁者尊清者卑怙懣敵敗不和貌

宮亂

則荒其君驕商亂則陂其官壞角亂則憂

其民怨徵亂則哀其事勤羽亂則危其財

匱五者皆亂迭相陵謂之慢如此則國之

滅亡無日矣

君臣民事物其道亂則其音應而亂荒猶散也陂傾也書曰王耄荒易曰無平不陂

鄭衛之音亂世之音也比於慢矣

比猶同也

桑

閒濮上之音亡國之音也其政散其民流

誣上行私而不可止也

濮水之上地有桑閒者亡國之音於此之水出也昔躬紂

使師延作靡靡之樂已而自沈於濮水後師涓過焉夜聞而寫之為晉平公鼓之是之謂也桑間在濮陽南誣罔也凡

音者生於人心者也樂者通倫理者也猶倫

類也理分也是故知聲而不知音者禽獸是也知

音而不知樂者衆庶是也唯君子為能知

樂禽獸知此為聲耳不知其宮商之變也八音並作克諧曰樂是故審聲以知音

審音以知樂審樂以知政而治道備矣是

故不知聲者不可與言音不知音者不可

與言樂知樂則幾於禮矣禮樂皆得謂之

有德德者得也幾近也聽樂而知政之得失則能正君臣民事物之禮是故樂

之隆非極音也食饗之禮非致味也隆猶盛也極窮

也清廟之瑟朱弦而疏越壹倡而三歎有

遺音者矣大饗之禮尚玄酒而俎腥魚大

羹不和有遺味者矣

清廟謂作樂歌清廟也朱弦練朱弦練則聲濁越瑟底孔也畫

疏之使聲遲也倡發歌句也三歎三人從歎之耳大饗饗祭先王以腥魚為俎實不膳孰之大羹肉湑不調以鹽菜遺猶餘也

是故先王之制禮樂也非以極口腹耳目

之欲也將以教民平好惡而反人道之正

也

教之使知好惡也

人生而靜天之性也感於物而

動性之欲也

言性不見物則無欲

物至知知然後好惡形

焉

至來也知知每物來則又有知也言見物多則欲益衆形猶見也

好惡無節於內

知誘於外不能反躬天理滅矣

節法度也知猶欲也誘猶道也

引也窮猶己也理猶性也夫物之感人無窮而人之好惡無

節則是物至而人化物也化物也者滅天

理而窮人欲者也窮人欲言無所不為於是有悖逆詐

偽之心有淫佚作亂之事是故強者脅弱

衆者暴寡知者詐愚勇者苦怯疾病不養老

幼孤獨不得其所此大亂之道也是故先

王之制禮樂人為之節言為作法度以遏其欲衰麻哭

泣所以節喪紀也鐘鼓干戚所以和安樂

也昏姻冠笄所以別男女也射鄉食饗所

以正交接也男二十而冠女許嫁而笄成人之禮射鄉大射鄉飲酒也禮節民心

樂和民聲政以行之刑以防之禮樂刑政

四達而不悖則王道備矣樂者為同禮者

為異同則相親異則相敬同謂協好惡也樂勝

則流禮勝則離流謂合行不敬也合情飾貌者

禮樂之事也欲其並行禮義立則貴賤等矣

樂文同則上下和矣好惡著則賢不肖別

矣刑禁暴爵舉賢則政均矣仁以愛之義

以正之如此則民治行矣等階樂由中出

和在禮自外作敬在樂由中出故靜禮自外

作故文文猶動也大樂必易大禮必簡易簡若於

然樂至則無怨禮至則不爭揖讓而治天

下者禮樂之謂也至猶達也行也暴民不作諸侯賓

服兵革不試五刑不用百姓無患天子不

怒如此則樂達矣合父子之親明長幼之

序以敬四海之內天子如此則禮行矣賓協

也試大樂與天地同和大禮與天地同節言順

天地之氣與其數和故百物不失不失其性節故祀天祭地

成物有功報焉明則有禮樂教人者幽則有鬼神助天地成物者

也易曰是故知鬼神之情狀與天地相似五帝德說黃帝德曰死而民畏其神者百年春秋傳曰若堯氏之鬼然則聖人之精

氣謂之神賢知之精氣謂之鬼如此則四海之內合敬同愛矣

禮者殊事合敬者也樂者異文合愛者也

禮樂之情同故明王以相汭也

汭猶因述也孔子曰粵因於夏禮所

損益可知也周因於粵禮所損益可知也

故故事與時並

舉事在其時也禮器曰堯授舜

舜授禹湯放桀武王伐紂時也

名與功偕

為名在其功也偕猶俱也堯作大章舜作大韶禹作大夏湯作

大濩武王作大武各因其得天下之功

故鐘鼓管磬羽籥干戚樂之

器也屈伸俯仰綴兆舒疾樂之文也簠簋

俎豆制度文章禮之器也升降上下周還

裼襲禮之文也

綴謂擯舞者之位也兆其外營域也

故知禮樂之

情者能作識禮樂之文者能述

述謂訓其義也

作者

之謂聖述者之謂明明聖者述作之謂也

樂者天地之和也禮者天地之序也和故

百物皆化序故羣物皆別化猶生也別謂形體異也樂由天

作禮以地制言法天地也過制則亂過作則暴猶過

誤也暴失文武之意明於天地然後能興禮樂也論倫無

患樂之情也欣喜歡愛樂之官也倫猶類也患害也官

猶事也中正無邪禮之質也莊敬恭順禮之制

也質猶本也若夫禮樂之施於金石越於聲音用

於宗廟社稷事乎山川鬼神則此所與民

同也言情官質制先王所專也王者功成作樂治定制禮成功

治定同時耳功主於王業治主於教民明堂位說周公曰治天下六年朝諸侯於明堂制禮作樂其功大

者其樂備其治辯者其禮具

辯偏也

千戚之

舞非備樂也

樂以文德為備若咸池者孔子曰韶盡美矣又盡善也謂武盡美矣未盡善也

享而祀非達禮也

達具也郊特牲曰郊血大饗腥三獻燭一獻孰至敬不饗味而貴氣臭也

五帝殊時不相汭樂三王異世不相襲禮

言其有損益也樂極則憂禮粗則偏矣

樂人之所好也害在淫侈禮人之所

勤也害在倦略及夫敦樂而無憂禮備而不偏者其

唯大聖乎敦厚也天高地下萬物散殊而禮

制行矣禮為異也流而不息合同而化而樂興

焉樂為同也春作夏長仁也秋斂冬藏義也仁

近於樂義近於禮言樂法陽而生禮法陰而成樂者敦和率

神而從天禮者別宜居鬼而從地

敦和樂貴同也率循也從

順也別宜禮尚異也居鬼謂居其所為亦言循之也鬼神謂先聖先賢也

故聖人作樂以應

天制禮以配地禮樂明備天地官矣

官猶事也各得

其天尊地卑君臣定矣卑高已陳貴賤位

矣動靜有常小大殊矣方以類聚物以羣

分則性命不同矣在天成象在地成形如

此則禮者天地之別也

卑高謂山澤也位矣尊卑之位象山澤也動靜陰陽用事

小大萬物也大者常存小者隨陽出入方謂行蟲也物謂殖地生者也性之言生也命生之長短也象光耀也形體貌也

氣上齊天氣下降陰陽相摩天地相蕩鼓

之以雷霆奮之以風雨動之以四時煖之

以日月而百化興焉。如此則樂者天地之

和也。

齊讀為躋躋升也。摩猶迫也。蕩猶動也。奮迅也。百化百物化生也。

化不時則不

生。男女無辨則亂。升天地之情也。

辨別也。升成也。樂失則害。

物禮失則亂人。

及夫禮樂之極乎天而蟠乎地，行乎

陰陽而通乎鬼神，窮高極遠而測深厚。

至極。

也。蟠猶委也。高遠三辰也。深厚山川也。言禮樂之道上至於天下委於地，則其間無所不之。

樂著大始

而禮居成物。

著之言處也。大始百物之始生也。

著不息者天也，著

不動者地也。

著猶明白也。息猶休止也。易曰：天行健，君子以自強不息。

一動一靜

者，天地之間也。

間謂百物也。

故聖人曰：禮樂云。

言禮。

樂之法天地也。樂靜而禮動。其並用事則亦天地之間耳。

昔者舜作五弦之琴，

以歌南風夔始制樂以賞諸侯夔欲舜與天下之君共此樂也

南風長養之風也以言父母之長養己其辭未聞也夔舜時典樂者也書曰夔命女典樂故天子之為

樂也以賞諸侯之有德者也德盛而教尊

五穀時孰然後賞之以樂故其治民勞者

其舞行綴遠其治民逸者其舞行綴短民勞

則德薄鄭相去遠舞人少也民逸則德盛鄭相去近舞人多也故觀其舞知其德聞

其謚知其行也謚者行之迹也大章章之也堯樂名也言堯德章明也

周禮闕之咸池備矣黃帝所作樂名也堯增脩而用之咸皆也池之言施也言德之無不施也

周禮曰韶繼也舜樂名也韶之言紹也言舜能繼紹堯之德周禮曰大韶夏大也禹樂

名也言禹能大堯舜之德周禮曰大夏殷周之樂盡矣言盡人事也周禮曰大濩大武

天地之道寒暑不時則疾風雨不節則饑

教者民之寒暑也教不時則傷世事者民

之風雨也事不節則無功教謂樂也然則先王之

為樂也以法治也善則行象德矣以法治以樂為治之

法行象德民之行順君之德也夫豢豕為酒非以為禍也而獄

訟益繁則酒之流生禍也以穀食犬豕曰豢為作也言豢豕作酒本以饗

祀養賢而小人飲之善酗以致獄訟是故先王因為酒禮壹獻之

禮賓主百拜終日飲酒而不得醉焉此先

王之所以備酒禍也壹獻士飲酒之禮百拜以喻多故酒食者

所以合歡也樂者所以象德也禮者所以

終淫也

綴猶止也

是故先王有大事必有禮以哀

之有大福必有禮以樂之哀樂之分皆以

禮終

大事謂死喪也

樂也者聖人之所樂也而可以

善民心其感人深其移風易俗故先王著

其教焉

著猶立也謂立司樂以下使教國子

夫民有血氣心知之

性而無哀樂喜怒之常應感起物而動然

後心術形焉

言在所以感之也術所由也形猶見也

是故志微噍

殺之音作而民思憂嘽諧慢易繁文簡節

之音作而民康樂粗厲猛起奮末廣賁之

音作而民剛毅廉直勁正莊誠之音作而

民肅敬寬裕肉好順成和動之音作而民

慈愛流辟邪散狄地聲成滌濫之音作而民淫

亂志微意細也吳公子札聽鄭風而曰其細已甚民弗堪也簡節少易也奮末動使四支也賁讀為憤憤怒氣充實也

春秋傳曰血氣狡憤肉肥也狄滌往來疾貌也濫僭差也此皆民心無常之傲也肉或為潤是故先王

本之情性稽之度數制之禮義合生氣之

和道五常之行使之陽而不散陰而不密

剛氣不怒柔氣不懾四暢交於中而發作

於外皆安其位而不相奪也生氣陰陽氣也五常五行也密之言閉也

懾猶恐懼也然後立之學等廣其節奏省其文采

以繩德厚等差也各用其才之差學之廣謂增習之省猶審也文采謂節奏合也繩猶度也周禮大司樂

以樂語教國子興道諷誦言語以樂舞教國子舞雲門大卷大咸大韶大夏大濩大武律小大之稱

比終始之序以象事行

律六律也周禮典同以六律六同辨天地四方陰陽

之聲以為樂器小大謂高聲正聲之類也終始謂始於宮終於羽宗廟黃鍾為宮大呂為角大蕤為徵應鍾為羽以象事行宮為君

商為臣使親疏貴賤長幼男女之理皆形見於

樂故曰樂觀其深矣

謂同聽之莫不和敬莫不和順莫不和親

土敝則

草木不長水煩則魚鼈不大氣衰則生物

不遂世亂則禮慝而樂淫是故其聲哀而

不莊樂而不安慢易以犯節流湎以忘本

廣則容蕪狹則思欲感條暢之氣而滅平

和之德是以君子賤之也

遂猶成也慝穢也廣謂聲緩也狹謂聲急也感

動也動人條暢之善氣使失其所凡姦聲感人而逆氣應之逆氣

成象而淫樂興焉正聲感人而順氣應之

順氣成象而和樂興焉倡和有應回邪曲

直各歸其分而萬物之理各以類相動也

成象者謂人樂習焉是故君子反情以和其志比類以

成其行姦聲亂色不留聰明淫樂匿禮不

接心術惰慢邪辟之氣不設於身體使耳

目鼻口心知百體皆由順正以行其義反猶本也

術道也然後發以聲音而文以琴瑟動以干戚

飾以羽旄從以簫管奮至德之光動四氣

之和以著萬物之理

奮猶動也動至德之光謂降天神出地祇假祖考著猶成也

是故清明象天廣大象地終始象四時周

還象風雨五色成文而不亂八風從律而

不姦百度得數而有常小大相成終始相

生倡和清濁迭相為經

清明謂人聲也廣大謂鐘鼓也周還謂舞者五色五

行也八風從律應節至也百度百刻也言日月晝夜不失正也清謂凝賓至應鐘也濁謂黃鐘至中呂

故樂

行而倫清耳目聰明血氣和平移風易俗

天下皆寧

言樂用則正人理和陰陽也倫謂人道也

故曰樂者樂也君

子樂得其道小人樂得其欲以道制欲則

樂而不亂以欲忘道則惑而不樂

道謂仁義也欲謂邪

淫也

是故君子反情以和其志廣樂以成其

教樂行而民鄉方可以觀德矣

方猶道也

德者性

之端也樂者德之華也金石絲竹樂之器

也詩言其志也歌咏其聲也舞動其容也

三者本於心然後樂氣從之是故情深而

文明氣盛而化神和順積中而英華發外

唯樂不可以爲僞

三者本志也聲也容也言先此本於內則不能爲樂也

樂者

心之動也聲者樂之象也文采節奏聲之

飾也君子動其本樂其象然後治其飾是

故先鼓以警戒三步以見方再始以著往

復亂以飭歸奮疾而不拔極幽而不隱獨
樂其志不厭其道備舉其道不私其欲是
故情見而義立樂終而德尊君子以好善
小人以聽過故曰生民之道樂為大焉

文采

樂之威儀也先鼓將奏樂先擊鼓以警戒眾也三步謂將舞必先三舉足以見其舞之漸也再始以著往武王除喪至盟津之上紂未可伐還歸二年乃遂伐之武舞再更始以明伐時再往也復亂以飭歸謂鳴饒而退明以整歸也奮疾謂舞者也極幽
謂歌樂也者施也禮也者報也

言樂出而不反而禮有往來也樂

樂其所自生而禮反其所自始樂章德禮

報情反始也

自由也

所謂大輅者天子之車也

龍旂九旒天子之旌也青黑緣者天子之

寶龜也從之以牛羊之羣則所以贈諸侯

也贈諸侯謂來朝將去送之以禮樂也者情之不可變者也禮

也者理之不可易者也理猶事也樂統同禮辨異

統同同和合也辨異異尊卑也禮樂之說管乎人情矣管猶包也窮

本知變樂之情也著誠去偽禮之經也禮

樂負天地之情達神明之德降興上下之

神而凝是精粗之體領父子君臣之節負猶

依象也降下也興猶出也凝成也精粗謂萬物大小也領猶理治也是故大人舉禮樂

則天地將為昭焉言天地將為之昭然明也天地訢欣合陰

陽相得煦嫗覆育萬物然後草木茂區萌

達羽翼奮角觫生觫蟄蟲昭蘇羽者屈姬伏志

者孕鬻胎生者不殯而殯生者不殯則樂

之道歸焉耳

訢讀為熹熹猶烝也氣曰煦體曰姬屈生曰區無鰓曰觫昭曉也蟄蟲以發出為曉

更息曰蘇孕任也鬻生也內敗旦殯殯裂也今齊人語有殯者

樂者非謂黃鐘大呂

弦歌干揚也樂之末節也故童者舞之鋪

筵席陳尊俎列籩豆以升降為禮者禮之

末節也故有司掌之

言禮樂之本由人君也禮本著誠去偽樂本窮本知變

樂

師辨乎聲詩故北面而弦宗祝辨乎宗廟

之禮故後尸商祝辨乎喪禮故後主人

辨猶別也

正也弦謂鼓琴瑟也後尸居後贊禮儀此言知本者尊知末者卑

是故德成而上藝

成而下，行成而先，事成而後。

德三德也行三行也。藝才技也。先謂

位在上也。後謂位在下也。

是故先王有上，有下，有先，有後，然

後可以有制於天下也。

言尊卑備乃可。制作以爲治法。

魏文侯

問於子夏曰：「吾端冕而聽古樂，則唯恐臥。」

聽鄭衛之音，則不知倦。敢問古樂之如彼，

何也？新樂之如此，何也？」

魏文侯晉大夫畢萬之後。僭諸侯者也。端玄衣也。古

樂先王之正樂也。

子夏對曰：「今夫古樂，進旅退旅，和

正以廣，弦匏笙簧會守拊鼓，始奏以文，復

亂以武，治亂以相，評疾以雅。君子於是語，

於是道古，脩身及家，平均天下，此古樂之

發也

旅猶俱也俱進俱退言其齊一也和正以廣無茲聲也

會猶合也皆也言衆皆待擊鼓乃作周禮大師職曰大

祭祀帥瞽登歌合奏擊拊下管播樂器合奏鼓轉文謂鼓也武

謂金也相即拊也亦以節樂拊者以韋為表裝之以稊稊一名

相因以名焉今齊人或謂稊為相

雅亦樂器名也狀如漆笛中有推

今夫新樂進俯退

俯茲聲以濫溺而不止及優侏儒獲雜子

女不知父子樂終不可以語不可以道古

此新樂之發也

俯猶曲也言不齊一也濫濫竊也溺而

不止聲淫亂無以治之優獼猴也言舞

者如獼猴戲也亂男

女之尊卑優或為優

今君之所問者樂也所好

者音也夫樂者與音相近而不同

言文侯好音而不知樂也

鏗鎗之類皆為

音應律乃為樂

文侯曰敢問何如

欲知音

子夏對

曰夫古者天地順而四時當民有德而五

穀昌疾疢不作而無妖祥此之謂大當然
後聖人作為父子君臣以為紀綱紀綱既
正天下大定天下大定然後正六律和五
聲弦歌詩頌此之謂德音德音之謂樂當
樂不失其所詩云莫其德音其德克明克明克類

克長克君王此大邦克順克禕禕禕于文王
其德靡悔既受帝祉施于孫子此之謂也

此有德之音所謂樂也德正應和曰莫照臨四方曰明勤施無私曰類教誨不倦曰長慶賞刑威曰君慈和徧服曰順禕當為比聲之誤也擇善從之曰比施延也言文王之德皆能如此故受天福延於後世也今君之所好者

其溺音乎

言無文王之德則所好非樂也

文侯曰敢問溺音何

從出也

玩習之久不知所由出也

子夏對曰鄭音好濫淫志

宋音燕女溺志衛音趨數煩志齊音敖辟

喬志此四者皆淫於色而害於德是以祭

祀弗用也

言四國皆出此溺音濫濫竊茲聲也燕安也春秋傳曰懷與安實敗名趨數讀為促速聲之誤

也煩勞也祭祀者不用淫樂

詩云肅雍和鳴先祖是聽夫肅

肅敬也雍雍和也夫敬以和何事不行

言古樂敬

且和故無事而不

用溺音無所施為人君者謹其所好惡而已

矣君好之則臣為之上行之則民從之詩

云誘民孔易此之謂也

誘進也孔甚也言民從君所好惡進之於善無難

然後聖人作為鞀鼓柷敔塤箎此六者德

音之音也

六者為本以其聲質也控揭謂祝敵也壘篪或為篪虞

然後鐘磬等

瑟以和之干戚旌狄以舞之此所以祭先

王之廟也所以獻酬醕酢也所以官序貴

賤各得其宜也所以示後世有尊卑長幼

之序也

官序貴賤謂尊卑樂器列數有差次

鐘聲鏗鏗以立號號

以立橫橫以立武君子聽鐘聲則思武臣

號號令所以警眾也橫充也謂氣作充滿也

石聲磬磬以立辨辨以致

死君子聽磬聲則思死封疆之臣

石聲磬磬當為磬字

之誤也辨謂分明於節義

絲聲哀哀以立廉廉以立志君

子聽琴瑟之聲則思志義之臣

廉廉隅也

竹聲

濫濫以立會會以聚衆君子聽竽笙簫管

之聲則思畜聚之臣

濫之意猶擘聚也會猶聚也聚或爲最

鼓鼙之

聲謹謹以立動動以進衆君子聽鼓鼙之

聲則思將帥之臣

聞謹則人意動作謹或爲勸動或爲勲

君子之聽

音非聽其鏗鎗而已也彼亦有所合之也

以聲合成己之志

賓牟賈侍坐於孔子孔子與之言

及樂白夫武之備戒之已久何也對曰病

不得其衆也

武謂周舞也備戒擊鼓警衆病猶憂也以不得衆心爲憂憂其難也

咏歎之

淫液之何也對曰恐不逮事也

咏歎淫液歌達之也逮及也事

伐事也

發揚蹈厲之已蚤何也對曰及時事

也

時至武事當施也

武坐致右憲左何也對曰非武坐

也

言武之事無坐也致謂勝至地也憲讀為軒聲之誤

聲淫及商何也對曰

非武音也

言武歌在正其軍不貪商也時人或說其義為貪商也

子曰若非武

音則何音也對曰有司失其傳也若非有

司失其傳則武王之志荒矣

有司典樂者也傳猶說也荒老耄也

言典樂者失其說也而時人妄說也書曰王耄荒

子曰唯丘之聞諸萇弘亦

若吾子之言是也

萇弘周大夫

賓牟賈起免席而

請曰夫武之備戒之已久則既聞命矣敢

問遲之遲而又久何也

遲之遲謂久立於綴

子曰居吾

語汝夫樂者象成者也摠干而山立武王

之事也發揚蹈厲大公之志也武亂皆坐

周召之治也

居猶安坐也成謂已成之事也摠千持盾也山立猶正立也象武王持盾正立待諸侯也

發揚蹈厲所以象威武時也武舞象戰鬪也亂謂失行列也失行列則皆坐象周公召公以文止武也且夫武

始而北出再成而滅商三成而南四成而

南國是疆五成而分周公左召公右六成

復綴以崇

成猶奏也每奏武曲一終為一成始奏象觀兵盟津時也再奏象克殷時也三奏象克殷有餘

力而反也四奏象南方荆蠻之國侵畔者服也五奏象周公召公分職而治也六奏象兵還振旅也復綴反位止也崇充也凡

六奏以充武樂也

天子夾振之而駟伐盛威於中國

也

夾振之者王與大將夾舞者振鐸以為節也駟當為四聲之誤也武舞戰象也每奏四伐一擊一刺為一伐牧誓曰今日

之事不過分夾而進事蚤濟也

分猶部曲也事猶為也濟成也舞者各有

部曲之列又夾振之者象用兵務於早成也

父立於綴以待諸侯之至

也

象武王伐紂待諸侯也

且女獨未聞牧野之語乎

欲語以作武樂

意武王克殷反商未及下車而封黃帝之後於

薊封帝堯之後於祝封帝舜之後於陳下車

而封夏后氏之後於杞投殷之後於宋封王子

比干之墓釋箕子之囚使之行商容而復其位

庶民弛政庶士倍祿濟河而西馬散之華山之陽

而弗復乘牛散之桃林之野而弗復服車甲衅而

藏之府庫而弗復用倒載干戈包之以虎皮將帥

之士使爲諸侯名之曰建橐然後天下知武

王之不復用兵也

反當為及字之誤也及商謂至紂都也牧誓曰至于商郊牧野封謂故無

亡地者也投舉徙之辭也時武王封紂子武庚於鄆墟所徙者微子也後周公更封而大之積土為封封比干墓崇賢也行猶

視也使箕子視商禮樂之官賢者所處皆令反其居也弛政去其紂時苛政也倍祿復其紂時薄者也散猶放也桃林在華山

旁甲鎧也衅釁字也包干戈以虎皮明能以武服兵也建讀為鍵字之誤也兵甲之衣曰櫜櫜言閉藏兵甲也詩曰載櫜弓矢春秋傳曰垂櫜而入周禮曰櫜之欲其約也前或為續祝或為鑄

散軍而郊射左射

狸首右射騶虞而貫革之射息也裨冕搢

笏而虎賁之士說劒也祀乎明堂而民知

孝朝覲然後諸侯知所以臣耕藉然後諸

侯知所以敬五者天下之大教也

郊射為射宮於郊也左東

學也右西學也狸首騶虞所以歌為節也貫革射穿甲革也裨冕衣裨衣而冠冕也裨衣衮之屬也搢猶插也賁憤怒也文王

之廟為明堂制耕藉藉田也食三老五更於大學天子袒而

割牲執醬而饋執爵而酹冕而摠干所以

教諸侯之弟也三老五更互言之耳皆老人更知三德五事者也冕而摠干親在舞位也周名

大學曰若此則周道四達禮樂交通則夫武

之遲久不亦宜乎言武遲久為重禮樂君子曰禮樂不

可斯須去身致樂以治心則易直子諒之

心油然而生矣易直子諒之心生則樂樂則

安安則久久則天天則神天則不言而信

神則不怒而威致樂以治心者也致猶深審也子讀如不子

之子油然而生好貌也善心生則寡於利欲寡於利欲則樂矣志明行成不言而見信如天也不怒而見畏如神也樂由中出

故治

致禮以治躬則莊敬莊敬則嚴威躬身也禮自外

作故

心中斯須不和不樂而鄙詐之心入之

矣

鄙詐入之謂利欲生

外貌斯須不莊不敬而易慢之

心入之矣

易經易也

故樂也者動於內者也禮

也者動於外者也樂極和禮極順內和而

外順則民瞻其顏色而弗與爭也望其容

貌而民不生易慢焉故德煇動於內而民

莫不承聽理發諸外而民莫不承順

德煇顏色潤澤

也理容貌之進止也

故曰致禮樂之道舉而錯之天下

無難矣樂也者動於內者也禮也者動於

外者也故禮主其減樂主其盈

禮主其減人所倦也樂主其盈

人所歡也禮減而進以進為文樂盈而反以反

為文

進謂自勉強也反謂自抑止也文猶美也善也

禮減而不進則銷樂

盈而不反則放故禮有報而樂有反

放淫於聲樂不

能止也報讀為寢寢猶進也

禮得其報則樂樂得其反則安

得謂曉其義知其吉凶之歸

禮之報樂之反其義一也

俱趨立於中不

銷不放也

夫樂者樂也人情之所不能免也樂必

發於聲音形於動靜人之道也聲音動靜

性術之變盡於此矣

免猶自止也人道人之所為也性術言此出於性也盡於此不可

過故人不耐無樂樂不耐無形形而不為道

不耐無亂

形聲音動靜也耐古書能字也後世變之此獨存焉古以能為三台字

先王恥

其亂故制雅頌之聲以道之使其聲足樂

而不流使其文足論而不息使其曲直繁

瘠廉肉節奏足以感動人之善心而已矣

不使放心邪氣得接焉是先王立樂之方

也

流猶淫放也文篇辭也息猶銷也曲直歌之曲折也繁瘠廉肉聲之鴻殺也節奏闕作進止所應也方道也

是

故樂在宗廟之中君臣上下同聽之則莫

不和敬在族長鄉里之中長幼同聽之則

莫不和順在閨門之內父子兄弟同聽之

則莫不和親故樂者審一以定和比物以飾

節節奏合以成文所以合和父子君臣附

親萬民也是先王立樂之方也審一審其人聲也比物謂雅金

革土匏之屬也以成文五聲八音克諧相應和故聽其雅頌之聲志意得

廣焉執其干戚習其俯仰詘伸容貌得莊

焉行其綴兆要其節奏行列得正焉進退

得齊焉故樂者天地之命中和之紀人情

之所不能免也綴表也所以表行列也詩云荷戈與綴兆域也舞者進退所至也要猶會也命

教也紀摠要之名也夫樂者先王之所以飾喜也軍旅

鈇鉞者先王之所以飾怒也故先王之喜

怒皆得其儕焉儕猶輩類喜則天下和之怒則

暴亂者畏之先王之道禮樂可謂盛矣

子

之於天下喜怒哀節之以禮樂則兆民和從而畏敬之禮樂王者所常興則盛也

子贛見師乙而

問焉曰賜聞聲歌各有宜也如賜者宜何

歌也

子貢孔子弟子師樂官也乙名聲歌各有宜氣順性也

師乙曰乙賤工也

何足以問所宜請誦其所聞而吾子自執

焉

樂人稱工執猶處也

愛者宜歌商溫良而能斷者宜

歌齊夫歌者直己而陳德也動己而天地

應焉四時和焉星辰理焉萬物育焉故商

者五帝之遺聲也寬而靜柔而正者宜歌

頌廣大而靜疏達而信者宜歌大雅恭儉

而好禮者宜歌小雅正直而靜廉而謙者

宜歌風肆直而慈愛

此文換簡失其次寬而靜宜在上愛者宜歌商宜承此下行讀

云肆直而慈愛者宜歌商商宋詩也愛或為哀直已而陳德各因其德歌所宜育生也

商之遺聲也

商人識之故謂之商齊者三代之遺聲也

齊人識之故謂之齊

云商之遺聲也衍字也又誤上所云故商者五帝之遺聲也當

居此行字處也

明乎商之音者臨事而屢斷明乎齊

之音者見利而讓

屢數也數斷事以其肆直也見利而讓以其溫良能斷也斷猶決也

臨事而屢斷勇也見利而讓義也有勇有

義非歌孰能保此

保猶安也知也

故歌者上如抗下

如隊曲如折止如橐木倨中矩句中鉤纍

繫乎端如貫珠

言歌聲之著動人心之審如有此事

故歌之為言

也長言之也說之故言之言之不足故長

言之長言之不足故嗟歎之嗟歎之不足

故不知手之舞之足之蹈之也

長言之引其聲也嗟歎和續之

也不知手之舞之足之蹈之歡之至也

子貢問樂

上下同美之也

禮記卷第十一

經六千四百九十五字注五千五百三十二字

劉氏別錄屬
喪服齊若季氏
曰此篇記諸侯
以下死喪祭祀
冠昏之禮以簡
帙重多分為示
而下篇皆喪服
也合而言一言為
通論
道有喪 諸侯

禮記卷第十二

雜記上第二十

鄭氏注

諸侯行而死於館則其復如於其國如於

道則升其乘車之左轂以其綏復館主國所致

魄也如於其國主國館賓與使有之得升屋招用褻衣也如於

道道上廬宿也升車左轂象升屋東榮綏當為綏讀如蕤賓之

蕤字之誤也綏謂旌旗之旄也其轎有褌古緇布裳帷

素錦以為屋而行轎載柩將殯之車飾也轎取名於櫬

色者也將葬載柩之車飾曰柳褌謂鼈甲邊緣緇布裳帷圍棺

者也裳帷用緇則轎用赤矣轎象宮室屋其中小帳攬覆棺者

若未大斂其載尸而歸車飾皆如之至於廟門不毀牆遂入適所殯

唯轎為說於廟門外

廟所殯宮牆裳帷也適所殯謂兩楹之間去轎乃入廟門

以其入自有宮室也毀或為徹凡柩自外來者正棺於兩楹之間尸亦俛之於此皆因殯焉異者柩入自闕升自西階尸入自門升自阼階其殯必於兩楹之間者以其死不於室而自外來留之於中不忍遠也大夫士死於道

則升其乘車之左轂以其綏復如於館死

則其復如於家

綏亦綏也大夫復於家以玄冕士以爵弁服

大夫以布

為輶而行至於家而說輶載以輶車入自

門至於阼階下而說車舉自阼階升適所

殯

大夫輶言用布白布不染也言輶者達名也不言裳帷俱用布無所別也至門亦說輶乃入言載以輶車入自門明

車不易也輶讀為輶或作輶許氏說文解字曰有輻曰輪無輻曰輶周禮又有輶車天子以載柩輶輶聲相近其制同乎輶崇蓋半乘車之輪諸侯言不毀牆大夫士言不易車互相明也不易者不易以輶也廟中有載柩以輶之禮此不耳士輶

葦席以為屋蒲席以為裳帷

言以葦席為屋則無素錦為帷

計

凡計於其君曰君之臣某死計或皆作赴赴至也臣死其子使人至君

所告父母妻長子曰君之臣某之某死此臣於其家喪

所主君計於他國之君曰寡君不祿敢告於

執事夫人曰寡小君不祿犬子之喪曰寡

君之適子某死君夫人不稱薨告他國君謙也大夫計於同國

適者曰某不祿計於士亦曰某不祿計於

他國之君曰君之外臣寡大夫某死計於

適者曰吾子之外私寡大夫某不祿使某

實計於士亦曰吾子之外私寡大夫某不

祿使某實適讀為匹敵之敵謂爵同者也實當為至此讀周秦之人聲之誤也士計於

實一說如字亦通實猶狀也便其以實告

君居喪

大夫士喪服
之變王肅非之
黃勉齋謂延
肅說

同國大夫曰某死訃於士亦曰某死訃於

他國之君曰君之外臣某死訃於大夫曰

吾子之外私某死訃於士亦曰吾子之外

私某死天夫次於公館以終喪士練而歸

士次於公館

公館公宮之舍也練而歸之士謂邑宰也練而猶處公館朝廷之士也唯大夫三年無歸

也大夫居廬士居聖室

謂未練時也士居聖室亦謂邑宰也朝廷之士亦居廬

大夫為其父母兄弟之未為大夫者之喪

服如士服士為其父母兄弟之為大夫者

之喪服如士服

大夫雖尊不以其服服父母兄弟嫌若踰之也士謂大夫庶子為士者也己卑

又不敢服尊者之服今大夫喪禮逸與士異者未得而備聞也春秋傳曰齊晏桓子卒晏嬰薨衰斬苴經帶杖菅屨食粥居倚

廬寢苦枕草其老曰非大夫之禮也曰唯卿為大夫此平仲之謙也言己非大夫故為父服士服耳麤衰斬者其縷在齊斬之間謂縷如三升半而三升不緝也斬衰以三升為正微細焉則屬於麤然則士與大夫為父服異者有麤衰斬枕草矣其為母五升縷而四升為兄弟六升縷而五升乎唯大夫以上乃能備儀畫飾士以下則以臣服君之斬衰為其父以臣從軍而服之齊衰為其母與兄弟亦以勉人為高行也大功以下大夫士服同

大夫之適子服大夫

之服

仕至大夫賢著而德成適子得服其服亦尊其適象賢

大夫之庶子為大

夫則為其父母服大夫服其位與未為大

夫者齒

雖庶子得服其服尚德也使齒於士不可不宗適

士之子為大夫

則其父母弗能主也使其子主之無子則

為之置後

大夫之子得用大夫之禮而士不得也置猶立也

大夫卜宅與葬

日有司麻衣布布衰布帶因喪屨緇布冠

不葬占者皮弁

有司卜人也麻衣白布深衣而著衰焉及布帶緇布冠此服非純吉亦非

純凶也皮弁則純吉之尤者也占者尊於有司卜求吉其服彌吉大夫士朝服皮弁

如筮則史練

冠長衣以筮占者朝服

筮者筮宅也謂下大夫若士也筮史筮人也長衣深

衣之純以素也長衣練冠純凶服也朝服純吉服也大夫士日朝服以朝也

大夫之喪既薦

馬薦馬者哭踊出乃包奠而讀書

嫌與土異記之

也既夕禮曰包牲取下體又曰主人之史請讀贈

大夫之喪大宗人相小

宗人命龜卜人作龜

卜葬及日也相相主人禮也命龜告以所問事也作龜謂揚火

灼之以出兆

內子以鞠衣褻衣素沙下大夫以禮

衣其餘如士

此復所用衣也當在夫人狄稅素沙下爛脫失處在此上耳內子卿之適妻也春秋

傳曰晉趙姬請逆叔隗於狄趙衰以為內子而已下之是也下大夫謂下大夫之妻禮周禮作展王后之服六唯上

復

池飾

有說文

附

公夫人亦有禕衣侯伯夫人自揄狄而下子男夫人自闕狄而下卿妻自鞠衣而下大夫妻自展衣而下士妻稅衣而已素沙若今紗縠之帛也六服皆袍制不禕以素紗裏之如今袿袍襖重繒矣褻衣者始為命婦見加賜之衣也其餘如士之妻則亦用稅

復諸侯以褻衣冕服爵弁服

復招魂復魄也冕服者上

公五侯伯四子男三褻衣亦始命為諸侯及朝覲見加賜之衣也褻猶進也

夫人稅衣揄狄

狄稅素沙

言其招魂用稅衣上至揄狄也狄稅素沙言皆以白紗縠為裏

復西上

北面而西

上陽長左也復者多少各如其命之數

大夫不揄絞屬於池下

謂池飾也揄揄

翟也采青黃之間曰絞屬猶繫也人君之柳其池繫絞繒於下而畫翟雉焉名曰振容又有銅魚在其間大夫去振容士

去魚此無人君及士亦爛脫

大夫附於士士不附於大夫附於

大夫之昆弟無昆弟則從其昭穆雖王父

母在亦然

附讀皆為附大夫附於士不敢以己尊自殊於其祖也士不附於大夫自卑別於尊者也大夫

之昆弟謂為士者也從其昭穆中一婦附於其夫之所

以上祖又祖而已附者附於先死者附之妃無妃則亦從其昭穆之妃妾附於

妾祖姑無妾祖姑則亦從其昭穆之妾所夫

附之妃於婦則祖姑男子附於王父則配女子附於王母

則不配配謂并祭王母不配則不祭王父也有事於尊者

如一祝辭異不言以其妃配某氏耳女子謂未嫁者也嫁未三月而死猶歸葬於女氏之黨公子附於

公子不戴君君薨死天子號稱子待猶君也謂未踰年

也雖稱子與諸侯朝會如君矣春秋魯僖公九年夏葵丘之會宋襄公稱子而與諸侯序待或為侍有三年

之練冠則以大功之麻易之唯杖屨不易

謂既練而遭大功之喪者也練除首經要經葛又不如大功之麻重也言練冠易麻互言之也唯杖屨不易言其餘皆易

傳重

既練
遭大功之喪

附兄弟之殤

也獲不易者練與大功俱用繩耳

有父母之喪尚功衰而附兄弟

之殤則練冠附於殤稱陽童某甫不名神也

異居寄兄弟之喪

此兄弟之殤謂大功親以下之殤也斬衰齊衰之喪練皆受以大功之衰此謂之功衰以是時而附大功親以下之殤大功親以下之殤輕不易服冠而兄為殤謂同年者也兄十九而死已明年因喪而冠陽童謂庶殤也宗子則曰陰童童未成人之稱也某甫旦字也尊神不名為之造字凡異居始聞兄弟之喪唯以哭對

可也

惻怛之痛不以辭言為禮也

其始麻散帶經

與居家同也凡喪小斂而麻

未服麻而奔喪及主人之未成經也疏者與

主人皆成之親者終其麻帶經之日數

疏者謂小功以

下也親者大功以上也疏者及主人之節則用之其不及亦自用其日數

主妾之喪則自附至

於練祥皆使其子主之其殯祭不於正室

妾之喪

妾為女君黨

奔兄弟之喪

葬

主

受吊之喪

大夫之服

祔自為之者以其祭於祖廟

君不撫僕妾

略於賤也

女君死則妾為

女君之黨服攝女君則不為先女君之黨

服

妾於女君之親若其親然

聞兄弟之喪大功以上見喪者

之鄉而哭

奔喪節也

適兄弟之送葬者弗及遇

主人於道則遂之於墓

言骨肉之親不待主人也

凡主兄弟

之喪雖疏亦虞之

喪事虞祔乃畢

凡喪服未畢有弔

者則為位而哭拜踊

客始來主人不可以殺禮待之

大夫之哭

大夫弁經大夫與殯亦弁經

弁經者大夫錫衰相弔之服也如爵弁而

素加環經曰弁經

大夫有私喪之葛則於其兄弟之

輕喪則弁經

私喪妻子之喪也輕喪緦麻也大夫降焉弔服而往不以私喪之末臨兄弟

為

為長子
為妻

不反服

喪冠帶

總制

極

長子杖則其子不以杖即位辟尊為妻父母

在不杖不稽顙尊者在不敢盡禮於私喪也母在不稽顙稽

顙者其贈也拜言獨母在於贈拜得稽顙則父在贈拜不得稽顙違諸侯之

大夫不反服違大夫之諸侯不反服其君尊卑異也

違猶去也去諸侯仕諸侯去大夫仕大夫乃得為舊君服喪冠條屬以別吉凶三

年之練冠亦條屬右縫別吉凶者吉冠不條屬也條屬者通屈一條繩若布為武

垂下為纓屬之冠象大古喪事略也吉小功以下左左辟象吉

輕總冠纁纁纁當為澡麻帶經之澡聲之大功以

上散帶小功總輕朝服十五升去其半而總

加灰錫也總精麤與朝服同去其半則六百諸侯相

遣

祝號
通喪

冠

大八十三小四
禭以後路與冕服先路與襃衣不以禭己之

正者施於人以彼不以為正也後路貳車貳車行在後也遣車視牢具言車多少各如所包遣奠牲體

之數也然則遣車載所包遣奠而藏之者與遣奠天子大牢包九個諸侯亦大牢包七個大夫亦大牢包五個士少牢包三個

大夫以上乃有遣車疏布綦四面有章置于四隅綦其蓋也四面

皆有章蔽以隱賢牢肉四隅樽中之四隅載振有子曰非禮也振米糧也喪

奠脯醢而已言死者不食糧也祭稱孝子孝孫

喪稱哀子哀孫各以其義稱端喪喪車皆無等

喪車惡車也喪者衣衰及所乘之車貴賤同孝子於親一也衣衰言端者玄端吉時常服喪之衣衰當如之大白

冠緇布之冠皆不蕤委武玄縞而右蕤不蕤質無飾也

大白冠大古之布冠也春秋傳曰衛文公大布之衣大白之冠委武冠卷也秦人曰委齊東曰武玄玄冠也縞縞冠也大

冕弁

祭器

率帶

葬物

埋重

夫冕而祭於公弁而祭於己士弁而祭於

公冠而祭於己弁爵弁也冠玄冠也祭於公助君祭也大夫爵弁而祭於己唯孤爾士

弁而親迎然則士弁而祭於己可也綠類欲許之也

親迎雖亦己之事攝盛服爾非常也暢曰以掬杵以梧所以擣鬱也掬柏也枇以

桑長三尺或曰五尺枇所以載牲舂者此謂喪祭也吉祭枇用棘畢用

桑長三尺刊其柄與末畢所以助主人載者刊猶削也率帶諸

侯大夫皆五采士二采此謂襲尸之大帶率繹也繹之不加箴功大夫以上更飾

以五采士以朱綠襲事成於帶變之所以異於生醴者稻醴也甕甕簠簠衡

實見閒而后折入此謂葬時藏物也衡當為柝所以廢甕之屬聲之誤也實見閒藏於見

外槨內也折承席也重既虞而埋之就所倚凡婦人從其

婦人

歛

殯

既塋

將塋君弔

齎

道有喪

夫之爵位

婦人無專制生禮死事以夫為尊卑

小斂大斂啟皆辯

拜

嫌當事來者終不拜故明之也此既事皆拜

朝夕哭不帷

緣孝子心欲見殯肆也既出則

施其屨鬼神尚幽闇也

無柩者不帷

謂既葬也棺柩已去鬼神在室堂無事焉遂去帷

君

若載而右弔之則主人東面而拜門右北

面而踊出待反而右奠

主人拜踊於賓位不敢迫君也君即位車東出待不必君

留也君反之使奠

子羔之襲也繭衣裳與稅衣繡紳

為一素端一皮弁一爵弁一玄冕一曾子

曰不襲婦服

繭衣裳者若今大襦也繡為繭緇為袍表之以稅衣乃為一稱爾稅衣若玄端而連

衣裳者也大夫而以繡為之緣非也唯婦人繡衽禮以冠名服此襲其服非襲其冠曾子譏襲婦服而已玄冕又大夫服未聞

子羔曷為襲之玄冕或為玄冠或為玄端

為君使而死公館復私館不

踊

襲

歛

復公館者公宮與公所為也私館者自卿

大夫以下之家也

公所為君所作離宮館也

公七踊大夫五

踊婦人居間士三踊婦人皆居間

公君也始死及小歛大歛

而踊君大夫士一也則皆三踊矣君五日而殯大夫三日而殯士二日而殯士小歛之朝不踊君大夫大歛之朝乃不踊婦人

居間者踊必拾主人踊婦人踊賓乃踊

公襲卷衣一玄端一朝服一素

積一纁裳一爵弁二玄冕一褻衣一朱綠

帶申加大帶於上

朱綠帶者襲衣之帶飾之雜以朱綠異於生也此帶亦以素為之申

重也重於革帶也革帶以佩韍必言重加大帶者明雖有變必備此二帶也士襲三稱子羔襲五稱今公襲九稱則尊卑

襲數不同矣諸侯七稱天子十二稱與小斂環經公大夫士一也

環經者一殷所謂纏

經也士素委貌大夫以上素爵弁而加此經焉散帶

公視大斂公升商祝鋪席

乃斂

喪大記曰大夫之喪將大斂既鋪絞紼余君至此君升乃鋪席則君至為之改始新之

魯人之

贈也三玄二纁廣尺長終幅

言失之也士喪禮下篇曰贈用制幣玄纁

東弔者即位于門西東面其介在其東南

北面西上西於門

賓立門外不當門

主孤西面

立於阼階下

相

者受命曰孤某使其請事客曰寡君使其

如何不淑

受命受主人命以出也不言擯者喪無接賓淑善也如何不善言君痛之甚使其弔

相者

入告出曰孤某湏矣

稱其君名者君薨稱子某使人知適嗣也湏矣不出迎也

弔

者主人升堂西面弔者升自西階東面

致命曰寡君聞君之喪寡君使其如何不

淑子拜稽顙弔者降反位

子孤子也降反位者出反門外位無出字脫

含者執璧將命曰寡君使其含相者入告

出曰孤某湏矣

含玉為璧制其分寸大小未聞

含者入升堂致

命子拜稽顙含者坐委于殯東南有葦席

既葬蒲席降出反位

言降出反位則是介也春秋有既葬歸含贈祔無譏焉皆受之

於殯宮

宰夫朝服即喪屨升自西階西面坐

取璧降自西階以東

朝服告鄰國之禮也即就也以東藏於內也

祔者

曰寡君使其祔相者入告出曰孤某湏矣

祔者執冕服左執領右執要入升堂致命

曰寡君使其祔子拜稽顙委衣于殯東

亦於

席上所委璧之北順其上下

祔者降受爵弁服於門內霤將

命子拜稽顙如初受皮弁服於中庭自西階受朝服自堂受玄端將命子拜稽顙皆如初禭者降出反位

授禭者以服者賈人

宰夫五人舉

以東降自西階其舉亦西面

亦西面者亦禭者委衣時

上介

贈執圭將命曰寡君使某贈相者入告反

命曰孤某湏矣陳乘黃大路於中庭北轡

執圭將命客使自下由路西子拜稽顙坐

委于殯東南隅宰舉以東

轡轅也自率也下謂馬也馬在路之下觀

禮曰路下四亞之客給使者入設乘黃於大路之西客入則致命矣使或爲史

凡將命鄉殯將

命子拜稽顙西面而坐委之宰舉辟與

臨如字

主宰夫舉祿升自西階西面坐取之降自西

階

凡者說不見者也鄉賓將命則將命時立於殯之西南宰夫宰之佐也此言宰舉辭與主則上宰夫朝服衍夫字

贈者出反位于門外

乃著言門外明禮畢將更有事

上客臨曰

寡君有宗廟之事不得承事使一介老某

相執紼

上客弔者也臨視也言欲入視喪所不足而給助之謙也其實為哭耳

相者反

命曰孤某湏矣臨者入門右介者皆從之

立于其左東上

入門右不自同於賓客

宗人納賓升受命

于君降曰孤敢辭吾子之辱請吾子之復

位客對曰寡君命某毋敢視賓客敢辭宗人

反命曰孤敢固辭吾子之辱請吾子之復

位客對曰寡君命某母敢視賓客敢固辭
 宗人反命曰孤敢固辭吾子之辱請吾子
 之復位客對曰寡君命使臣某母敢視賓
 客是以敢固辭固辭不獲命敢不敬從賓三辭而
稱使臣為恭也為恭者將從其命客立于門西介立于其左東上

孤降自阼階拜之升哭與客拾踊三拜客謝其厚意

客出送于門外拜稽顙不迎而送喪無接賓之禮其國有

君喪不敢受弔辟其痛傷已之親如君外宗房中南面

小臣鋪席商祝鋪絞衾衾士盥于盤北舉

遷尸于斂上卒斂宰告子馮之踊夫人東面

國有喪
 喪大記略文

士喪禮

重有喪

坐馮之興踊

此喪大記脫字重著於是

士喪有與天子同者

三其終夜燎及乘人專道而行

乘人謂使人執引也專道人辟之

雜記下第二十一

鄭氏注

有父之喪如未沒喪而母死其除父之喪

也服其除服卒事反喪服

沒猶竟也除服謂祥祭之服也卒事既祭反喪

服服後死者之服

雖諸父昆弟之喪如當父母之喪其

除諸父昆弟之喪也皆服其除喪之服卒

事反喪服

雖有親之大喪猶為輕服者除骨肉之恩也唯君之喪不除私服言當者期大功之喪或終始

皆在三年之中小功總麻則不除殤長中乃除

如三年之喪則既顙其練

祥皆行

言今之喪既服顙乃為前三年者變除而練祥祭也此主謂尤有父母之服今又喪長子者其先有

外喪

公祭間喪

長子之服今又喪父母其禮亦然然則言未沒喪者已練祥矣穎草名無葛之鄉去麻則用穎王父死未

練祥而孫又死猶是附於王父也未練祥嫌未

穆爾王父既附則孫可附焉猶當為由由用也附皆當作附有殯聞外喪哭之他

室明所哭者異也哭之為位入奠卒奠出改服即位如始即

位之禮謂後日之哭朝入奠於其殯既乃更即位就他室如始哭之時大夫士將與

祭於公既視濯而父母死則猶是與祭也

次於異宮既祭釋服出公門外哭而歸其

它如奔喪之禮如未視濯則使人告告者

反而后哭猶亦當為由次於異宮不可以吉與凶同處也使者反而后哭不敢專已於君命也如

諸父昆弟姑姊妹之喪則既宿則與祭卒

公尸有喪

練祥間喪

事出公門釋服而后歸其宅如奔喪之禮

如同宮則次于異宮

宿則與祭出門乃解祭服皆為差緩也

曾子

問曰卿大夫將為尸於公受宿矣而有齊衰

內喪則如之何孔子曰出舍乎公宮以待

事禮也

尸重受宿則不得哭內喪同宮也

孔子曰尸弁冕而出

卿大夫士皆下之尸必式必有前驅

冕兼言弁者君

之尸或服士大夫之服也諸臣見尸而下車敬也尸式以禮

父母之喪將祭而昆

弟死既殯而祭如同宮則雖臣妾葬而后

祭祭主人之升降散等執事者亦散等雖

虞附亦然

將祭謂練祥也言若同宮則是昆弟異宮也古者昆弟異居同財有東宮有西宮有南宮

喪祭

喪禮通論

重喪禮

有北宮有父母之喪當在殯宮而在異宮者疾
病或歸者主人適子散等衆階爲新喪略威儀自諸侯達

諸士小祥之祭主人之酢也齊之衆賓兄

弟則皆啐之大祥主人啐之衆賓兄弟皆

飲之可也齊啐皆嘗也齊至齒啐入口凡侍祭喪者告賓祭

薦而不食薦脯醢也吉祭告賓祭薦賓既祭而食之喪祭賓不食子貢問喪

子曰敬爲上哀次之瘠爲下顏色稱其情

戚容稱其服問喪問居父母之喪也喪尚哀言敬爲上者疾時尚不能敬也容威儀也孝經曰容止可

觀請問兄弟之喪子曰兄弟之喪則存乎

書策矣言疏者如禮行之未有加也齊斬之喪哀容之體經不能載矣君子不奪

人之喪禮重喪也亦不可奪喪也不可以輕孔子

居喪

言語

居處

哀戚之殺

曰少連大連善居喪三日不怠三月不解

期悲哀三年憂東夷之子也

言其生於夷狄而知禮也怠惰也解倦也

三年之喪言而不語對而不問廬聖室之

中不與人坐焉在聖室之中非時見乎母

也不入門

言言已事也為人說為語在聖室之中以時事見乎母乃後入門則居廬時不入門

疏

衰皆居聖室不廬廬嚴者也

言廬哀敬之處非有其實則不居

妻視叔父母姑姊妹視兄弟長中下殤視

成人

視猶比也所比者哀容居處也

親喪外除

日月已竟而哀未忘

兄弟之

喪內除

日月未竟而哀已殺

視君之母與妻比之兄弟

發諸顏色者亦不飲食也

言小君服輕亦內除也發於顏色謂醺美酒食使人

免喪

祥變服

袒受吊

醢免喪之外行於道路見似目瞿聞名心瞿

弔死而問疾顏色戚容必有以異於人也

如此而后可以服三年之喪其餘則直道

而行之是也側隱之心能如是則其餘齊衰以下直道而行盡自得也似謂容貌似其父母也名與親

同祥主人之除也於夕為期朝服祥因其

故服為期為祭期也朝服以期至明日而祥祭亦朝服始即吉正祭服也喪服小記曰除成喪者其祭也

朝服縞冠是也祭猶縞冠未純吉也既祭乃服大祥素縞麻衣

釋禫之禮云玄衣黃裳則是禫祭玄冠矣黃裳者未大吉也既

祭乃服禫服朝服綬冠踰月吉祭乃子游曰既祥雖不

當縞者少縞然後反服謂有以喪事贈賈來者雖不及時猶變服服祥祭之服以受之重其禮也其於此時始弔者則衛將當袒大夫至

軍文子之為之是矣反服反素縞麻衣也

虞祔

祝稱

杖

雖當踊絕踊而拜之反改成踊乃襲

尊大夫來至則

拜之不待事已也更成踊者新其事也

於士既事成踊襲而后拜之

不改成踊

於士士至也事謂大小斂之屬

上大夫之虞也少牢

卒哭成事附皆大牢下大夫之虞也牲牲

卒哭成事附皆少牢

卒哭成事附言皆則卒哭成事附與虞異矣下大夫虞以牲牲

與士虞禮同與

祝稱卜葬虞子孫曰哀夫曰乃兄弟

曰某卜葬其兄弟曰伯子某

祝稱卜葬虞者卜葬卜虞祝稱主人

之辭也孫謂為祖後者稱曰哀孫某卜葬其祖某甫夫曰乃某卜葬其妻某氏兄弟相為卜稱名而已也

古者

貴賤皆杖叔孫武叔朝見輪人以其杖關轂

而輶輪者於是有爵而后杖也

記庶人失禮所由始也叔孫武

叔魯大夫叔孫州仇也輪人作車輪之官鑿金巾以飯公羊賈為之也記

失禮所由始也士親飯必發其巾大夫以上賓為飯焉則有鑿巾冒者何也所以揜

形也自襲以至小斂不設冒則形是以襲

而後設冒也言設冒者為其形人將惡之也襲而設冒言右衍字耳或問於曾

子曰夫既遣而包其餘猶既食而裹其餘

與君子既食則裹其餘乎言遣既奠而又包之是與食於人已而裹其餘

將去何異與君子寧為是乎言傷廉也曾子曰吾子不見大饗食乎夫

大饗既饗卷三牲之俎歸于賓館父母而

賓客之所以為哀也子不見大饗食乎既饗歸賓俎所

以厚之也言父母家之主今賓客之是孝子哀親之去也非為人喪問與賜與此上減脫

喪受遺

父母之喪

父在為母

未聞其首云何是言非為人喪而問之
與人喪而賜之與問遺也久無事曰問
三年之喪以其

喪拜非三年之喪以吉拜
謂受問受賜者也稽顙而後拜曰喪拜拜而后

稽顙曰吉拜三年之喪如或遺之酒肉則受之必

三辭主人衰經而受之
受之必正服明不苟於滋味如君命

則不敢辭受而薦之
薦於廟貴君之禮喪者不遺人

遺之雖酒肉受也從父昆弟以下既卒哭

遺人可也
言齊斬之喪重志不在施惠於人縣子曰三年之喪

如斬期之喪如剡
言其痛之惻怛有淺深也期之喪十一月而

練十三月而祥十五日而禫
此謂父在為母也當在練則弔上爛脫在

此三年之喪雖功衰不弔自諸侯達諸士

小
二
百
六
十
文
禮
記
一
二
一
五

如有服而將往哭之則服其服而往

功衰既練之服

也諸侯服新死者之服而往哭謂所不臣也

練則弔

父在為母功衰可以弔人者以父在故輕於出也然則凡

齊衰十一月皆可以出矣

既葬大功弔哭而退不聽事焉

猶

待也事謂襲斂執紼之屬

期之喪未葬弔於鄉人哭而退不

聽事焉功衰弔待事不執事

謂為姑姊妹無主殯不在己族者

小功總執事不與於禮

禮饋奠也

相趨也出官

而退相揖也哀次而退相問也既封而退相

見也反哭而退朋友虞附而退

此弔者恩薄厚去遲速之節也

相趨謂相問姓名來會喪事也相揖嘗會於他也相問嘗相惠遺也相見嘗執摯相見也附皆當為附

弔非從

主人也四十者執紼

言弔者必助主人之事從猶隨也成人二十以上至四十丁壯

毀瘠之節

時鄉人五十者從反哭四十者待盈坎非鄉人則

長少皆反憂遠也坎或為壙

喪食雖惡必充飢飢而廢事

非禮也飽而忘哀亦非禮也視不明聽不

聰行不正不知哀君子病之故有疾飲酒

食肉五十不致毀六十不毀七十飲酒食

肉皆為疑死

病猶憂也疑猶恐也

有服人召之食不往

大功以下既葬適人人食之其黨也食之

非其黨弗食也

往而見食則可食也為食而往則不可黨猶親也非親而食則是食於人

無數也

功衰食菜果飲水漿無鹽酪不能食

食鹽酪可也

功衰齊斬之末也酪酢醢

孔子曰身有瘍則

免

沐浴

見人

庶人喪祭

浴首有創則沐病則飲酒食肉毀瘠為病

君子弗為也毀而死君子謂之無子

毀而死是不重親

非從柩與反哭無免於垆

垆言喪服出入非此二事皆冠也免所以代冠人

於道路不可以無飾垆道路

凡喪小功以上非虞附練祥無

沐浴

言不有飾事則不沐浴

疏衰之喪既葬人請見之

則見不請見人小功請見人可也大功不

以執摯唯父母之喪不辟涕泣而見人

言重

喪不行求見人爾人來求見己亦可

三年之喪祥而從

政期之喪卒哭而從政九月之喪既葬而

從政小功總之喪既殯而從政

以王制言之此謂庶人也從政

哭聲

諱

因喪而冠

從為政者教令謂給繇役曾申問於曾子曰哭父母有常聲

乎曰中路嬰兒失其母焉何常聲之有嬰

駑彌也言其若小兒云母啼卒哭而諱自此而鬼神事王

父母兄弟世父叔父姑姊妹子與父同諱

父為其親諱則子不敢不從諱也謂王父母母之諱宮

中諱妻之諱不舉諸其側與從祖昆弟同名

則諱母之所為其親諱子孫於宮中不言妻之所為其親諱

夫於其側亦不言也孝子聞名心瞿凡不言人諱者亦以喪

冠者雖三年之喪可也既冠於次入哭踊

三者三乃出言雖者明齊衰以下皆可以喪冠也始遭

喪以其冠月則喪服因冠矣非其冠月待

自出而吉

吊服

聽樂之節

主喪

大百卒四
變除卒哭而冠次
廬也雖或為唯
大功之末可以冠子可以嫁

子父小功之末可以冠子可以嫁子可以

取婦已雖小功既卒哭可以冠取妻下殤

之小功則不可
此皆謂可用吉禮之時父大功卒哭而可以冠子嫁子小功卒哭而可以取婦

己大功卒哭而可以冠子小功卒哭而可以取妻必借祭乃行也下殤小功齊衰之親除喪而後可為昏禮凡冠者其時當冠

則因喪而冠之凡弁經其衰侈袂
侈猶大也弁經服者弔服也其衰錫也總也疑也袂

之小者二尺二寸大者半而益之則侈袂三尺三寸父有服宮中子不與於樂

母有服聲聞焉不舉樂妻有服不舉樂於

其側
宮中子與父同宮者也禮由命士以上父子異宮不與於樂謂出行見之不得觀也大功將

至辟琴瑟
也亦所以助哀也小功至不絕樂姑姊妹

吉凶異服

國禁哭

童子喪禮

其夫死而夫黨無兄弟使夫之族人主喪

妻之黨雖親弗主

此謂姑姊妹無子寡而死也夫黨無兄弟無總之親也其主喪不使

妻之親而使夫之族人婦人外成主必宜得夫之姓類

夫若無族矣則前後

家東西家無有則里尹主之

喪無無主也里尹閭胥里宰之屬王度記

曰百戶為里里一尹其祿如庶人在官者里或為士諸侯弔於異國之臣則其君為主里尹主之亦斯義也

或曰

主之而附於夫之黨

妻之黨自主之非也夫之黨其祖姑也

麻者不

紳執玉不麻麻不加於采

吉凶不相干也麻謂經也紳大帶也喪以要經

代大帶也麻不加於采采者不麻謂弁經者必服弔服是也采玄纁之衣

國禁哭則止朝

夕之奠即位自因也

禁哭謂大祭祀時雖不哭猶朝夕奠自因自用故事

童

子哭不偯不踊不杖不菲不廬

未成人者不能備禮也當室則

踊節

相礼之典

飯含蒸羞之節

諸侯使人弔

杖孔子曰伯母叔母疏衰踊不絕地姑姊

妹之大功踊絕於地如知此者由文矣哉

由文矣哉由用也言知此踊絕地不絕地之情者能用禮文哉能用禮文哉美之也伯母叔母義也姑姊

妹骨肉也世柳之母死相者由左世柳死其徒由

右相由右相世柳之徒為之也亦記失禮所由始也世柳魯穆公時

賢人也相相主人之禮天子飯九貝諸侯七大夫五士三

此蓋夏時禮也周禮天子飯含用玉士三月而葬是月也卒哭大

夫三月而葬五月而卒哭諸侯五月而葬

七月而卒哭士三虞大夫五諸侯七尊卑恩之差也

天子至士葬即反虞諸侯使人弔其次含槨贈臨皆同

諸侯問疾
哀死之節

柩行

替備

日而畢事者也。其次如此也。言五者相次同時。卿大夫疾，君問之，無筭。士壹問之。君於卿大夫比葬，不食肉。比卒哭，不舉樂。爲士比殯，不舉樂。升正柩，諸侯執紼五百人，四紼皆銜枚。司馬執鐸，左八人，右八人，匠人執羽葆御柩。大夫之喪，其升正柩也，執引者三百人。執鐸者左右各四人，御柩以茅。升正柩者謂將葬朝于祖正棺。於廟也，五百人，謂一黨之民。諸侯之大夫，邑有三百戶之制，紼引同耳。廟中曰紼，在塗曰引。互言之，御柩者居前道正之大夫。士皆二紼。孔子曰：「管仲鏹簋而朱紼，旅樹而反坫，山節藻梲，賢大夫也，而難爲上也。」言其僭天子諸

婦人奔喪

遠嫌
通論

侯錫簋刻為蟲獸也冠有笄者為紘紘在纓處兩端上屬下不結
旅樹門屏也反坫反爵之坫也山節薄斚刻之為山枕侏儒桂
藻文之為晏平仲祀其先人豚肩有不揜豆賢

大夫也而難為下也

言其偏士庶人也豚俎實豆徑尺言并豚兩肩不能覆豆喻小

也君子上不僭上下不偪下婦人非三年

之喪不踰封而弔

踰封越竟也或為越疆

如三年之喪

則君夫人歸

奔父母喪也

夫人其歸也以諸侯

之弔禮其待之也若待諸侯然

謂夫人行道車服主國致禮

夫人至入自闈門升自側階君在阼其他

如奔喪禮然

女子不自同於女賓也宮中之門曰闈門為相通者也側階亦旁階也他謂哭踊擗麻

闈門或為帷門嫂不撫叔叔不撫嫂遠別

君子有三患未

凶殺

士喪禮

蜡

之聞患弗得聞也既聞之患弗得學也既學之患弗能行也君子有五恥居其位無其言君子恥之有其言無其行君子恥之既得之而又失之君子恥之地有餘而民不足君子恥之衆寡均而倍焉君子恥之

恥民不足者古者居民量地以制邑度地以居民地邑民居必參相得也衆寡均謂俱有役事人數等也倍焉彼功倍己也

孔子曰凶年則乘騶馬祀以下牲

六種最下者下牲少恤由之喪哀公使孺悲之孔

子學士喪禮士喪禮於是乎書

時人轉而僭上士之喪禮已廢

矣孔子以教孺悲國人乃復書而存之子貢觀於蜡孔子曰賜也

卷之六 小 三 九 十五 禮記 卷之六 小 三 九 十五

樂乎對曰一國之人皆若狂賜未知其樂

也

蜡也者索也歲十二月合聚萬物而索饗之祭也國索鬼神而祭祀則黨正以禮屬民而飲酒于序以正齒位於是

時民無不醉者如狂矣曰未知其樂怪之

子曰百日之蜡一日之澤非

爾所知也

蜡之祭主先穡也大飲烝勞農以休息之言民皆勤稼穡有百日之勞喻久也今一日使之飲

酒燕樂是君之恩澤非女所知言其義大

張而不弛文武弗能也弛

而不張文武弗為也一張一弛文武之道

也

張弛以弓弩喻人也弓弩久張之則絕其力久弛之則失其體

孟獻子曰正月日

至可以有事於上帝七月日至至可以有事於

祖七月而禘獻子為之也

記魯失禮所由也孟獻子魯大夫仲孫蔑

也魯以周公之故得以正月至之後郊天亦以始祖后稷配之獻子欲尊其祖以郊天之月對月禘之非也魯之宗廟

夫人

灾吊

義及服

猶以夏時之孟月爾明堂位曰季夏六月以禘禮祀周公於大廟

夫人之不命於天

子自魯昭公始也

亦記魯失禮所由也周之制同姓百世昏姻不通吳大伯之後魯同姓昭

公取於吳謂之吳孟子不告於天子自此後取者遂不告於天子天子亦不命之

外宗為君夫

人猶內宗也

皆為嫁於國中者也為君服斬夫人齊衰不敢以其親服服至尊也外宗謂姑姊妹之女

舅之女及從母皆是也內宗五屬之女也其無服而嫁於諸臣者從為夫之君嫁於庶人從為國君

廋焚孔

子拜鄉人為火來者

拜謝

拜之士壹大夫再

亦相弔之道也

言拜之者為其來弔已宗伯職曰以弔禮哀禍災

孔子曰

管仲遇盜盜取二人焉上以為公臣曰其所

與遊辟也可人也

言此人可也但居惡人之中使之犯法

管仲死

桓公使為之服官於大夫者之為之服也自

諱

君臣之義

內亂如父子

兄弟爭立之事如衛輒之

亂子羔不與

圭

問祿

豐

管仲始也有君命焉爾也

亦記失禮所由也善桓公不忘賢者之舉

官猶仕也此仕於大夫更升於公過而舉君之諱則

起舉猶言也起立者失言而變自新與君之諱同則稱字謂諸

名也內亂不與焉外患弗辟也謂卿大夫也同僚將為亂已力不能討不與而

已至於鄰國為寇則當死之也春秋魯公子友贊大行

曰圭公九寸侯伯七寸子男五寸博三寸厚

半寸剡上左右各寸半玉也藻三采六等

贊大行者書說大行人之禮者名也藻薦王者也三采六等以朱白蒼畫之再行也子男執辟作此贊者失之矣哀

公問子羔曰子之食奚當問其先人始仕食祿以何君時對曰

文公之下執事也成廟則豐之其禮祝宗

人宰夫雍人皆爵弁純衣

廟新成必釁之尊而祀之也宗人先請於君曰

請命以釁某廟君諾之乃行

雍人拭羊宗人視之宰夫北面

于碑南東上

居上者宰夫也宰夫攝主也拭靜也

雍人舉羊升屋

自中中屋南面割羊血流于前乃降門夾

室皆用雞先門而後夾室其衄皆於屋下

割雞門當門夾室中室

自由也衄謂將割牲以釁先滅耳旁毛薦之耳聽

聲者告神欲其聽之周禮有創衄

有司皆鄉室而立門則有司

當門北面

有司宰夫祝宗人

既事宗人告事畢乃皆

退

告者告宰夫

反命于君曰釁某廟事畢反命于

寢君南鄉于門內朝服既反命乃退

君朝服者不至

也廟路寢成則考之而不豐豐豐屋者交神明

之道也

言路寢者生人所居不豐者不神之也考之者設盛食以落之爾檀弓曰晉獻文子成室諸大夫發焉是

也凡宗廟之器其名者成則豐之以粢豚

宗廟名器謂尊彝之屬

諸侯出夫人夫人比至于其國以

夫人之禮行至以夫人入

行道以夫人之禮者弃妻致命其家乃義絕不用此

為始使者將命曰寡君不敏不能從而事社

稷宗廟使使臣某敢告於執事主人對曰

寡君固前辭不教矣寡君敢不敬湏以俟

命

前辭不教謂納采時也此辭賓在門外擯者傳焉賓入致命如初主人卒辭曰敢不聽命

有司官陳

器皿主人有司亦官受之

器皿其本所齎物也律弃妻畀所齎

賓禮

妻出夫使人致之曰某不敏不能從而共

粢盛使某也敢告於侍者主人對曰某之

子不肖不敢辟誅敢不敬湏以俟命使者

退主人拜送之肖似也不似言不
如人誅猶罰也如舅在則稱

舅舅沒則稱兄無兄則稱夫言弃妻者父兄在
則稱之命當由尊

者出也唯國
君不稱兄主人之辭曰某之子不肖如姑姊

妹亦皆稱之姑姊妹見弃亦曰某之
姑某之姊若妹不肖孔子曰吾食

於少施氏而飽少施氏食我以禮言貴其以禮
待己而為之

飽也時人倨慢若季氏則不以禮
矣少施氏魯惠公子施父之後吾祭作而辭曰疏

食不足祭也吾食作而辭曰疏食也不敢

大司馬七
禮記
卷之七
二二三

嘉禮
納幣

婦初見

女未嫁

釋

以傷吾子納幣一束束五兩兩五尋納幣謂昏禮納

徵也十個為束貴成數兩兩者合其卷是謂五兩八尺曰尋一兩五尋則每卷二丈也合之則四十尺今謂之匹猶匹偶

之云與婦見舅姑兄弟姊妹皆立于堂下

西面北上見已婦來為供養也其見主於尊者兄弟以下在位是為已見不復特見

諸父各就其寢旁尊也亦為見時不來女雖未許嫁年

二十而笄禮之婦人執其禮雖未許嫁年二十亦為成人矣禮之酌以

成之言婦人執其禮明非許嫁之笄燕則鬋首既笄之後去之猶若女有鬢紒也釋長

三尺下廣二尺上廣一尺會去上五寸紕

以爵韋六寸不至下五寸純以素紃以五

采會謂上領縫也領之所用蓋與紕同在旁曰紕在下曰純素生帛也紕六寸者中執之表裏各三寸也純紕所

不至者五寸與會去上同
糾施諸縫中若今時條也

禮記卷第十二

經五千八十四字
注六千七百一十二字

始死
牖當作牖

禮記卷第十三

喪大記第二十二

鄭氏注

疾病外內皆埽

為賓客將來問病也疾困曰病

君大夫徹縣士

去琴瑟

聲音動人病者欲靜也凡樂器天子宮縣諸侯軒縣大夫判縣士特縣去琴瑟者不命之士

寢

東首於北牖下

謂君來視之時也病者恒居北牖下或為北墉下

廢牀徹

褻衣加新衣體一人

廢去也人始生在地去牀庶其生氣反徹褻衣則所加者新朝

服矣互言之也加朝服者明其終於正也體手足也四人持之為其不能自屈伸也

男女改服

為賓客來

問病亦朝服也庶人深衣

屬纊以俟絕氣

纊今之新絲易動搖男置口鼻之上以為候

子不死於婦人之手婦人不死於男子之

手

君子重終為其相襲

君夫人卒於路寢大夫世婦卒

復

於適寢內子未命則死於下室遷尸于寢

士士之妻皆死于寢

言死者必皆於正處也寢室通耳其尊者所不燕焉君謂之路

寢大夫謂之適寢士或謂之適室此變命婦言世婦者明尊卑同也世婦以君下寢之上為適寢內子卿之妻也下室其燕處

也復有林麓則虞人設階無林麓則狄人

設階

復招魂復魄也階所乘以升屋者虞人主林麓之官也狄人樂吏之賤者階梯也箕虞之類

小臣

復復者朝服君以卷夫人以屈狄大夫以

玄纁世婦以禮衣士以爵弁士妻以稅衣

皆升自東榮中屋履危北面三號捲衣投

于前司服受之降自西北榮

小臣君之近臣也朝服而復所以事

君之衣也用朝服而復之者敬也復用死者之祭服以其求於神也君以卷謂上公也夫人以屈狄互言耳上公以衮則夫人用

哭位

禭衣而侯伯以驚其夫人用揄狄子男以驚其夫人乃用屈矣
矣賴赤也玄衣赤裳所謂卿大夫自玄冕而下之服也其世婦
亦以檀衣榮屋翼升東榮者謂卿大夫士也天子諸侯言其
東霑危棟上也號若云皐某復也司服以篋待衣於堂前其

為賓則公館復私館不復其在野則升其

乘車之左轂而復

私館卿大夫之家也不復衣不於之復為主人之惡

復衣不

以衣尸不以斂

不以衣尸謂不以襲也復者庶其生也若以其衣襲斂是用生施死於義相反

士喪禮云以衣衣尸浴而去之

婦人復不以衽

衽嫁時上服而非事鬼神之衣

凡復

男子稱名婦人稱字

婦人不以名行

唯哭先復復而

後行死事

氣絕則哭哭而復復而不蘇可以為死事

始卒主人啼兄弟

哭婦人哭踊

悲哀有深淺也若嬰兒中路失母能勿啼乎

既正尸子坐于

東方卿大夫父兄子姓立于東方有司庶

士哭于堂下北面夫人坐于西方內命婦

姑姊妹子姓立于西方外命婦率外宗哭

于堂上北面

正尸者謂遷尸牖下南首也子姓謂衆子孫也姓之言生也其男子立於主人後女子立

於夫人後世婦爲內命婦卿大夫之妻爲外命婦外宗姑姊妹之女大夫之喪主人坐

于東方主婦坐于西方其有命夫命婦則

坐無則皆立

命夫命婦來哭者同宗父兄子姓姑姊妹子姓也凡此哭者尊者坐卑者立士

之喪主人父兄子姓皆坐于東方主婦姑

姊妹子姓皆坐于西方

士賤同宗尊卑皆坐

凡哭尸于

室者主人二手承衾而哭

承衾哭者哀慕若欲攀援

君之

喪未小斂爲寄公國賓出大夫之喪未小

受弔

斂為君命出士之喪於大夫不當斂則出

父母始死悲哀非所尊不出也出者或至庭或至門國賓聘大夫不當斂其來非斂時

凡主人之出也

徒跣扱衽拊心降自西階君拜寄公國賓

于位大夫於君命迎于寢門外使者升堂

致命主人拜于下士於大夫親弔則與之

哭不逆於門外

拜寄公國賓於位者於庭鄉其位而拜之此時寄公位在門西國賓位在門東

皆北面小斂之後寄公東面國賓門西北面士於大夫親弔謂大夫身來弔士也與之哭既拜之即位西階東面哭大夫特來

則北

夫人為寄公夫人出命婦為夫人之命

出士妻不當斂則為命婦出

出拜之於堂上也此時寄公夫人命

婦位在堂上北面小斂之後尸西東面

小斂主人即位于戶內主婦

奉尸夷于堂
拜賓

東面乃斂卒斂主人馮之踊主婦亦如之

主人袒詭髻括髮以麻婦人墜帶麻于房

中士既殯說髻此云小斂蓋諸侯禮也士之既殯諸侯之小斂於死者俱三日也婦人之墜帶麻於房中則西房也天子諸

侯有左右房徹帷男女奉尸夷于堂降拜夷之言尸也於遷尸

主人主婦以下從而奉之孝敬之心降拜拜賓也君拜寄公國賓大夫士

拜卿大夫於位於士旁三拜夫人亦拜寄

公夫人於堂上大夫內子士妻特拜命婦

汜拜衆賓於堂上衆賓謂士妻也尊者皆特拜拜士與其妻皆旅之主人

即位襲帶經踊即位阼階之下位也有母之喪即襲經乃踊尊卑相變也母之喪即

位而免記異者禮斬衰括髮齊衰免以至成服而冠為母重初亦括髮既小斂則免乃奠

代哭

設燎

奉尸夷于堂
拜賓
附前章下

小斂弔者襲裘加武帶經與主人拾踊始死

朝服裼裘如吉時也小斂則改襲而加武與帶經矣武吉冠之卷也加武者明不改冠亦不免也檀弓曰主人既小斂子游趨

而出襲裘帶經而入君喪虞人出木角狄人出壺雍人

出鼎司馬縣之乃官代哭代更也未殯哭不絕聲為其罷倦既小斂可以

為漏刻分時而更哭也木給爨釜鼃角以為料水斗壺漏水之器也冬漏以火爨鼎沸而後沃之此挈壺氏所掌也屬司馬司馬

泣縣其器大夫官代哭不縣壺下君士代哭不以

官自以親君堂上二燭下二燭大夫堂上一

燭下二燭士堂上一燭下一燭燭所以照饌也賓

出徹帷君與大夫之禮也士卒哭尸于堂上主人

在東方由外來者在西方諸婦南鄉由外來謂奔喪

成服杖

者也無奔喪者婦人迎客送客不下堂下堂不
婦人猶東面

哭男子出寢門見人不哭
婦人所有事自堂及房男子所有事自堂及門非其

事處而哭猶野哭也其無女主則男主拜女賓于
出門見人謂迎賓也

寢門內其無男主則女主拜男賓于阼階

下子幼則以衰抱之人爲之拜爲後者不

在則有爵者辭無爵者人爲之拜在竟內

則俟之在竟外則殯葬可也喪有無後無

無主
拜者皆拜賓於位也爲後者有爵攝主爲之辭於賓耳不敢當尊者禮也君之喪三

日子夫人杖五日既殯授大夫世婦杖子

大夫寢門之外杖寢門之內輯之夫人世

婦在其次則杖即位則使人執之子有王

命則去杖國君之命則輯杖聽卜有事於

尸則去杖大夫於君所則輯杖於大夫所

則杖

三日者死之後三日也為君杖不同曰人君禮大可以見親疏也輯斂也斂者謂舉之不以在地也夫人世婦

次於房中即位堂上堂上近尸殯使人執杖不敢自持也子於國君之命輯杖下成君不敢敵之也卜葬卜日也凡喪祭虞而有尸大夫於君所輯杖謂與之俱即寢門外位也獨大夫焉則杖君謂子也於大夫所杖俱為君杖不相干也

之喪三日之朝既殯主人主婦室老皆杖

大夫有君命則去杖大夫之命則輯杖內

子為夫人之命去杖為世婦之命授人杖

大夫有君命去杖此指大夫之子也而云大夫者通士之喪實大夫有父母之喪也授人杖與使人執之同也

二日而殯三日之朝主人杖婦人皆杖於

君命夫人之命如大夫於大夫世婦之命

如大夫士二日而殯者下大夫也士之禮死與往日生與來日此二日於死者亦得三日也婦人皆杖謂主婦容

妾為君女子在室者子皆杖不以即位子謂凡庶子也不以即位與去杖同大

夫士哭殯則杖哭柩則輯杖哭殯謂既塗也哭柩謂啓後也大夫

士之子於父父也尊近哭殯可以杖天子諸侯之子於父父也君也尊遠杖不入廟門弃杖者斷而

弃之於隱者杖以喪至尊為君設大盤造冰焉

大夫設夷盤造冰焉士併瓦盤無冰設牀

簠策有枕含一牀襲一牀遷尸于堂又一

牀皆有枕席君大夫士一也此事皆沐浴之後宜承濡濯弃於坎下札

用水儀禮通解
遷屍在沐浴章
綴足楔齒

此節在弃于下

爛脫在此耳造猶內也檀第袒簣也謂無席如浴時牀也禮自仲春之後尸既襲既小斂先內冰盤中乃設牀於其上不施席而遷尸焉秋涼而止士不用冰以瓦為盤併以盛水耳漢禮大盤廣八尺長丈二深三尺赤中夷盤小焉周禮天子夷盤士喪禮君賜冰亦用夷盤始死遷尸于牀幰用斂衾去然則其制宜同之

死衣小臣楔齒用角枳綴足用燕兀君大

夫士二也

牀謂所設牀第當牖者也士喪禮曰士死於適室幰用斂衾去死衣病時所加新衣及復衣也

去之以俟沐浴

管人汲不說繡屈之盡階不升堂授

御者御者入浴小臣四人抗衾御者二人

浴浴水用盆沃水用料浴用絺巾拒用浴

衣如它日小臣爪足浴餘水弃于坎其母

之喪則內御者抗衾而浴

抗衾者蔽上重形也拒拭也爪足斷足爪也

喪命之節

管人汲授御者御者差沐于堂上君沐梁

大夫沐稷士沐梁甸又為盥于西牆下陶

人出重鬲管人受沐乃煮之甸人取所徹

廟之西北扉薪用爨之管人授御者沐乃

沐沐用瓦盤拒用巾如它日小臣爪手剪

須濡濯弃于坎

差泚也泚飯米取其泚以為沐也浴沃用科沐於盤中文相變也士喪禮沐稻

此云士沐梁蓋天子之士也以差率而上之天子沐黍與

君之喪子大夫公子衆

士皆三日不食子大夫公子食粥納財朝

一溢米莫一溢米食之無筭士疏食水飲

食之無筭夫人世婦諸妻皆疏食水飲食

之無筭

納財謂食穀也二十兩曰溢於粟米之法一溢米一升二十四分升之一諸妻御妾也同言無筭

則是皆一溢米或粥或飯

大夫之喪主人室老子姓皆食粥

衆士䟽食水飲妻妾䟽食水飲

室老其貴臣也衆士所謂衆臣

士亦如之

如其子食粥妻妾䟽食水飲

既葬主人䟽食水飲

不食菜果婦人亦如之君大夫士一也練

而食菜果祥而食肉

果瓜桃之屬

食粥於盛不盥

食於簋者盥食菜以醯醬始食肉者先食

乾肉始飲酒者先飲醴酒

盛謂今時杯杆也簋竹筥也獸者不盥手飯者

盥簋或作簋

期之喪三不食食䟽食水飲不食菜

果三月既葬食肉飲酒期終喪不食肉不

飲酒父在為母為妻九月之喪食飲猶期

之喪也食肉飲酒不與人樂之食肉飲酒亦謂既葬五

月三月之喪壹不食再不食可也比葬食

肉飲酒不與人樂之叔母世母故主宗子

食肉飲酒義服恩輕也故主謂舊君也言故主者關大夫君也不能食粥羹

之以菜可也謂性不能者可食飯菜羹有疾食肉飲酒可也

為其氣微五十不成喪成猶備也所不能備謂不致毀不散送之屬也七十唯衰

麻在身言其餘居處飲食與吉時同也既葬若君食之則食

之大夫父之友食之則食之矣不辟梁肉

若有酒醴則辭尊者之前可以食美也變於顏色亦不可小斂於戶

陳小斂衣

陳大斂衣

內大斂於阼君以簟席大夫以蒲席士以

草席

簟細草席也三
者下皆有草

小斂布絞縮者一橫者

三君錦衾大夫縞衾士緇衾皆一衣十有

九稱君陳衣于序東其端大夫士陳衣于房中

皆西領北上絞紵不在列

絞既斂所用束堅之者
縮從也衣十有九稱法

天地之終數也士喪禮小斂陳衣於房中南領西上與大夫異
今此同亦蓋天子之士也絞紵不在列以其不成稱不連數也

小斂無紵因絞不在列
見之也或曰縮者二

大斂布絞縮者三橫者五

布紵二衾君大夫士一也君陳衣于庭百稱

北領西上大夫陳衣于序東五十稱西領

南上士陳衣于序東三十稱西領南上絞

小斂之衣

大斂衣衾

紵如朝服絞一幅為三不辟紵五幅無紵

二衾者或覆之或薦之如朝服者謂布精麤朝服十五升小斂之絞也廣終幅析其末以為堅之強也大斂之絞一幅三析用

之以為堅之急也紵以組類為之綴之領側若今被識矣生時禪被有識死者去之異於生也士喪禮大斂亦陳衣於房中南

領西上與大夫異今此又同亦蓋天子之士紵或為點小斂之衣祭服不倒尊祭

服也斂者要方散衣有倒君無禭大夫士畢主人之祭服親

戚之衣受之不以即陳無禭者不陳不以斂小斂君大

夫士皆用複衣複衾大斂君大夫士祭服

無筭君褶衣褶衾大夫士猶小斂也褶袷也君衣尚多去

其著也袍必有表不禪衣必有裳謂之一稱袍袷衣必

有以表之乃成稱也雜記曰子羔之襲繭衣裳與稅衣繡紳為一是也論語曰當暑袷絺綌必表而出之亦為其襲也

斂

小斂

凡陳衣者實之篋取衣者亦以篋升降者

自西階取猶受也凡陳衣不訕非列采不入絺綌

紵不入

不屈謂舒而不卷也列采謂正服之色也絺綌紵紵者當暑之褻衣也襲尸重形冬夏用袍及斂則用正服

凡斂者袒遷尸者襲袒者於事便也君之喪大胥是

斂衆胥佐之大夫之喪大胥侍之衆胥是

斂士之喪胥為侍士是斂

胥樂官也不掌喪事胥當為祝字之誤也侍猶

臨也大祝之職大喪贊斂喪祝卿大夫之喪掌斂士喪禮商祝主斂

小斂大斂祭服不

倒皆左衽結紵不紐

左衽鄉左反生時也

斂者既斂必

哭士與其執事則斂斂焉則為之壹不食

凡斂者六人

斂者必使所與執事者不欲妄入褻之執或為執

君錦冒黼殺

大斂

入斂則屍南
首故父兄反
在堂下臨首
也外宗南面
臨之也

綴旁七大夫玄冒黼殺綴旁五士緇冒黼殺綴

旁三凡冒質長與手齊殺三尺自小斂以往用

夷衾夷衾質殺之裁猶冒也

冒者既襲所以韜尸重形也殺冒之下帛

韜足上行者也小斂又覆以夷衾裁猶制也字或為材

君將太斂子弁經即位于

序端卿大夫即位于堂廉楹西北面東上父

兄堂下北面夫人命婦戶西東面外宗房中

南面小臣鋪席商祝鋪絞紵衾衣士盥于盤上

士舉遷尸于斂上卒斂宰告子馮之踊夫人東面

亦如之

子弁經者未成服弁如爵弁而素大夫之喪子亦弁經

大夫之喪將大斂既鋪

絞紵衾衣君至主人迎先入門右巫止于門外

踊

憑尸撫尸

君釋菜祝先入升堂君即位于序端卿大

夫即位于堂廉楹西北面東上主人房外

南面主婦戶西東面遷尸卒斂宰告主人

降北面于堂下君撫之主人拜稽顙君降

升主人馮之命主婦馮之先入右者入門而右也巫止者君行必與巫巫主辟

凶邪也釋菜禮門神也必禮門神者禮君非問疾弔喪不入諸臣之家也主人房外南面大夫之子尊得升視斂也士

之喪將大斂君不在其餘禮猶大夫也謂其餘

大夫及主婦之位鋪絞紼踊鋪衾踊鋪衣踊遷尸踊斂衣

踊斂衾踊斂絞紼踊目孝子踊節君撫大夫撫內

命婦大夫撫室老撫姪娣撫以手按之也內君大命婦君之世婦

大司馬

居喪
寢處

夫馮父母妻長子不馮庶子士馮父母妻

長子庶子庶子有子則父母不馮其尸凡

馮尸者父母先妻子後目於其親所馮也君於

臣撫之父母於子執之子於父母馮之婦

於舅姑奉之舅姑於婦撫之妻於夫拘之

夫於妻於昆弟執之此恩之深淺尊卑之儀也馮之類必當心馮尸不

當君所不敢與尊者所馮同處凡馮尸興必踊悲哀之至父

母之喪居倚廬不塗寢苦枕由非喪事不

言君為廬宮之大夫士袒之宮謂圍障之也既

葬柱楣塗廬不於顯者君大夫士皆宮之不於

言語常礼
事為權礼

除

御内之節

顯者不凡非適子者自未葬以於隱者為廬

塗見面不欲人屬目蓋廬於東南角既葬猶然既葬與人立君言王事不言

國事大夫士言公事不言家事此常禮也君既

葬主政入於國既卒哭而服王事大夫士

既葬公政入於家既卒哭弁經帶金革之

事無辟也此權禮也弁經帶者變喪服而弔服輕可以即事也既練居堊室

不與人居君謀國政大夫士謀家事既祥

黝堊於門外祥而外無哭者禫而内無哭者樂作

矣故也黝堊堊室之飾也地謂之黝牆謂之堊外無哭者

可作樂樂作無哭者黝堊禫而從御吉祭而復寢

或為要期禫或皆作道

婦人居喪

歸 大夫士

素在君所者

歸私家

大夫士有喪

歸其宮

君臨臣喪

喪大小斂

從御御婦人也復期居廬終喪不御於內者父
寢不復宿殯宮也

在為母為妻齊衰期者大功布裘九月者

皆三月不御於內婦人不居廬不寢苦喪

父母既練而歸期九月者既葬而歸歸謂夫

也家公之喪大夫俟練士卒哭而歸此公公士大夫

夫士歸者謂素在君所食都邑之臣大夫士父母之喪既練而歸朔

月忌日則歸哭于宗室諸父兄弟之喪既

卒哭而歸歸謂歸其宮也忌日死日也宗室宗子父不

次於子兄不次於弟謂不就其殯宮為次而居君於大夫世

婦大斂焉為之賜則小斂焉為之賜謂有恩惠也於外命

夫人

既殯
君弔

婦既加蓋而君至

於臣之妻略也

於士既殯而往爲

之賜大斂焉夫人於世婦大斂焉爲之賜

小斂焉於諸妻爲之賜大斂焉於大夫外

命婦既殯而往大夫士既殯而君往焉使

人戒之主人具殷奠之禮俟于門外見馬

首先入門右巫止于門外祝代之先君釋

菜于門內祝先升自阼階負墉南面君即

位于阼小臣二人執戈立于前二人立于

後

殷猶大也朝夕小奠至月朔則大奠君將來則具大奠之禮以待之榮君之來也祝負墉南面直君北房戶東也小

臣執戈先後君君升而夾階立大夫殯即成服成服則君亦成服錫衰而往弔之

擯者進

當贊主人也始

立門東主人拜稽顙君稱言視祝而踊主人

踊稱言舉所以來之辭也視祝而踊祝相君之禮當節之也大夫則奠可也士

則出俟于門外命之反奠乃反奠卒奠主

人先俟于門外君退主人送于門外拜稽

顙迎不拜拜送者拜迎則為君之答己君於大夫疾三問之在殯

三往焉士疾壹問之在殯壹往焉所以致殷勤也君

弔則復殯服復反也反其未殯未成服之服新君事也謂臣喪既殯後君乃始來弔也復或為服

夫人弔於大夫士主人出迎于門外見馬

首先入門右夫人入升堂即位主婦降自

西階拜稽顙于下夫人視世子而踊奠如

夫人弔

棺

君至之禮夫人退主婦送于門內拜稽顙

主人送于大門之外不拜

視世子而踊世子從夫人夫人以為節也世子

之從夫人位如祝從君也

大夫君不迎于門外入即位于堂

下主人北面眾主人南面婦人即位于房

中若有君命命夫命婦之命四鄰賓客其

君後主人而拜

入即位於下不升堂而立阼階之下西面下正君也眾主人南面於其北婦人

即位於房中君雖不升堂猶辟之也後主人而拜者將拜賓使主人陪其後而君前拜不俱拜者主人無二也

君弔

見尸柩而后踊

塗之後雖往不踊也踊或為哭或為浴

大夫士若君

不戒而往不具殷奠君退必奠

榮君之來

君大

棺八寸屬六寸槨四寸上大夫大棺八寸

屬六寸下大夫大棺六寸屬四寸士棺六

寸

大棺棺之在表者也檀弓曰天子之棺四重水兕革棺被之其厚三寸地棺一梓棺二四者皆周此以內說而出也

然則大棺及屬用梓槨用地以是差之上公革棺不被三重也諸侯無革棺再重也大夫無槨一重也士無屬不重也庶人之

棺四寸上大夫謂列國之卿也趙簡子云不設屬槨時僭也

君裏棺用朱綠用雜

金錯

大夫裏棺用玄綠用牛骨錯士不綠

錯所以琢著裏

君蓋用漆三衽三束大夫蓋用漆二

衽二束士蓋不用漆二衽二束

用漆者塗合牝牡之中也衽小

要也君大夫髹爪實于綠中士埋之

綠當為角聲之誤也

角中謂棺內四隅也髹亂髮也將實爪髮棺中必為小囊盛之此綠或為簍

君殯用輶櫨至

于上畢塗屋大夫殯以幬櫨置于西序塗

熬

戴披
齊荒紐振
容
戴披
池魚

不暨于棺士殯見衽塗上帷之

攢猶菰也屋殯上覆如屋者也情覆

也暨及也此記參差以檀弓參之天子之殯居棺以龍輶攢木題湊象椁上四注如屋以覆之盡塗之諸侯輶不畫龍攢不題湊象椁其他亦如之大夫之殯廢輶置棺西牆下就牆攢其三面塗之不及棺者言攢中狹小裁取容棺然則天子諸侯差寬大矣士不攢掘地下棺見小要耳帷之鬼神尚幽闇也士達於天子皆然情或作鎔或作塤熬君四種

八筐大夫三種六筐士二種四筐加魚腊焉

熬者煎穀也將塗設於棺旁所以惑蚍蜉使不至棺也士喪禮曰熬黍稷各二筐又曰設熬旁各一筐大夫三種加以梁君四種加以稻四筐則手足皆一其餘設於左右飾棺君龍帷三池振容黼

荒火三列黻三列素錦褚加僞荒纁紐六

齊五采五貝黼翬二黻翬二畫翬二皆戴

圭魚躍拂池君纁戴六纁披六大夫畫帷

禮記卷之四

二池不振容畫荒火三列黻三列素錦褚纁
紉二玄紉二齊三采三貝黻翬二畫翬二
皆戴綏魚躍拂池大夫戴前纁後玄披亦
如之士布帷布荒一池揄絞纁紉二緇紉
二齊三采一貝畫翬二皆戴綏士戴前纁

後緇二披用纁

飾棺者以華道路及墳中不欲衆惡其親也荒蒙也在旁曰帷在上曰荒皆所

以衣柳也士布帷布荒者白布也君大夫加文章焉黻荒緣邊爲黻文畫荒緣邊爲雲氣火黻爲列於其中耳僞當爲帷或作于聲之誤也大夫以上有褚以襯覆棺乃加帷荒於其上紉所以結連帷荒者也池以竹爲之如小車笠衣以青布柳象宮室縣池於荒之爪端若承雷然云君大夫以銅爲魚縣於池下揄揄翟也青質五色畫之於絞緇而垂之以爲振容象水草之動搖行則又魚上拂池雜記曰大夫不揄絞屬於池下是不振容也士則去魚齊象車蓋縫合雜采爲之形如爪分然綴貝落

其上及旁戴之言值也所以連繫棺束與柳材使相固而結前
後披也漢禮翼以木為筐廣三尺高二尺四寸方兩角高衣以
白布畫者畫雲氣其餘各如其象柄長五尺車行使人持之而
從既窆樹於壙中檀弓曰周人牆置翼是也綏當為綏讀如冠
蕤之蕤蓋五采羽注於翼首也君葬用輶四綽二碑御棺用羽

葆大夫葬用輶二綽二碑御棺用茅士葬

用國車二綽無碑比出宮御棺用功布大夫廢輶

此言輶非也輶皆當為載以輕車之輕聲之誤也輕字或作團是以又誤為國輕車輕車也尊卑之差也在棺曰綽行道曰引至壙將窆又曰綽而設碑是以連言之碑相楹也御棺居前為節度也士言比出宮用功布則出宮而止至壙無矣綽或為率

凡封用綽去碑負引君封以衡大夫士以

咸君命母譁以鼓封大夫命母哭士哭者

相止也封周禮作窆窆下棺也此封或皆作斂檀弓曰公輸若方小斂般請以機封謂此斂也然則棺之入坎為

樽

斂與斂尸相似記時同之耳成讀為絨凡柩車及墳說載除飾而屬紼於柩之絨又樹碑於墳之前後以紼繞碑間之鹿盧輓棺而下之此時棺下窆使輓者皆繫紼而繞要負引舒縱之備失脫也用紼去碑者謂縱下之時也衡平也人君之喪又以木橫貫絨耳居旁持而平之又擊鼓為縱舍之節大夫士旁牽絨而已庶人縣窆不引紼也禮唯天子葬有隧今齊人謂棺束為絨繩咸

或為槨君松樽大夫柏樽士雜木樽

樽謂周棺者也天子柏樽

以端長六尺夫子制於中都使庶人之樽五寸五寸謂端方也此謂尊者用大材卑者用小材耳自天子諸侯卿大夫士庶人六等其樽長自六尺而下其方自五寸而上未聞其差所定也抗木之厚蓋與樽方齊天子五重上公四重諸侯三重大夫再

重士一重棺樽之間君容柩大夫容壺士容甒

甒間可藏

物因以君裏樽虞筐大夫不裏樽士不虞筐

裏樽之物虞筐為節之文未聞也

禮記卷第十三

經三千三百九十一字
注四千一百三十四字

以下三篇別錄
屬制度祭祀
文公曰此篇即國
語之言但文有
先後

禮記卷第十四

祭法第二十三

鄭氏注

祭法有虞氏禘黃帝而郊嚳祖顓頊而宗
堯夏后氏亦禘黃帝而郊鯀祖顓頊而宗
禹殷人禘嚳而郊冥祖契而宗湯周人禘
嚳而郊稷祖文王而宗武王

禘郊祖宗謂祭祀以
配食也此禘謂祭昊

天於圜丘也祭上帝於南郊曰郊祭五帝五神於明堂曰祖宗
祖宗通言爾下有禘郊祖宗祖孝經曰宗祀文王於明堂以配上
帝明堂月令春日其帝太昊其神句芒夏曰其帝炎帝其神祝
融中央曰其帝黃帝其神后土秋曰其帝少昊其神蓐收冬日
其帝顓頊其神玄冥有虞氏以上尚德禘郊祖宗配用有德者
而已自夏已下稍用其姓代之先後之次有虞氏夏后氏宜郊
顓頊殷人宜郊契郊祭一帝而明堂祭燔柴於泰壇祭
五帝小德配寡大德配衆亦禮之殺也

天也。瘞埋於泰折祭地也。用騂犢。

壇折封土為祭處也。

壇之言坦也。坦明貌也。折炤哲也。必為炤明之名。尊神也。地陰祀用黝牲。與天俱用犢。連言爾。

名尊神也。地陰祀用黝牲。與天俱用犢。連言爾。

埋少牢於

泰昭祭時也。相近於坎壇。祭寒暑也。王宮

祭日也。夜明祭月也。幽宗祭星也。雩宗祭

水旱也。四坎壇祭四方也。山林川谷丘陵

能出雲為風雨。見怪物。皆曰神。有天下者

祭百神。諸侯在其地則祭之。士其地則不

祭。

昭明也。亦謂壇也。時四時也。亦謂陰陽之神也。埋之者陰陽出入於地中也。凡此以下皆祭用少牢相近。當為禳祈聲之

誤也。禳猶卻也。祈求也。寒暑不時則或禳之。或祈之。寒於坎。暑於壇。王宮日壇。王君也。日稱君宮壇。營域也。夜明亦謂月壇也。

宗皆當為禳字之誤也。幽祭亦謂星壇也。星以昏始見。禳之言營也。雩祭亦謂水旱壇也。雩之言吁嗟也。春秋傳曰日月星辰

之神則雪霜風雨之不時於是乎崇之山川之神則水旱癘疾之不時於是乎崇之四方即謂山林川谷丘陵之神也祭山林丘陵於壇川谷於坎每方各為坎為壇怪物雲氣非常見者也有天下謂天子也百者假成數也

大凡生

於天地之間者皆曰命其萬物死皆曰折

人死曰鬼此五代之所不變也

生時形體異可同名至死腐為

野土異其名嫌同也析弃敗之言也鬼之言歸也五代謂黃帝堯舜禹湯周之禮樂所存法也

七代之所

更立者禘郊宗祖其餘不變也

七代通數顓頊及譽也所不變者則

數其所法而已變之則通數所不法為記者之微意也少昊氏脩黃帝之法後王無所取焉

天下有王

分地建國置都立邑設廟祧壇墀而祭之乃

為親疏多少之數是故主立七廟一壇一

墀曰考廟曰王考廟曰皇考廟曰顯考廟

曰祖考廟皆月祭之。遠廟爲祧。有二祧。享嘗乃止。去祧爲壇。去壇爲墀。壇墀有禱焉。祭之。無禱乃止。去墀曰鬼。諸侯立五廟。一壇。一墀。曰考廟。曰王考廟。曰皇考廟。皆月祭之。顯考廟。祖考廟。享嘗乃止。去祖爲壇。去壇爲墀。壇墀有禱焉。祭之。無禱乃止。去墀爲鬼。大夫立三廟。二壇。曰考廟。曰王考廟。曰皇考廟。享嘗乃止。顯考祖考無廟。有禱焉。爲壇祭之。去壇爲鬼。適士二廟。一壇。曰考廟。曰王考廟。享嘗乃止。顯考無廟。有

禱焉為壇祭之去壇為鬼官師一廟曰考

廟王考無廟而祭之去王考為鬼庶士庶

人無廟死曰鬼

建國封諸侯也置都立邑為卿大夫之采地及賜士有功者之地廟之言貌也

宗廟者先祖之尊貌也禘之言超也超上去意也封土曰壇除地曰壇書曰三壇同壇王皇皆君也顯明也祖始也名先人以

君明始者所以尊本之意也天子遷廟之主以昭穆合藏於二禘之中諸侯無禘藏於祖考之廟中聘禮曰不腆先君之禘是

謂始祖廟也享嘗謂四時之祭天子諸侯為壇壇所禱謂後遷在禘者也既事則反其主於禘鬼亦在禘顧遠之於無事禘乃祭

之爾春秋文二年秋大事於大廟傳曰毀廟之主陳于太祖未毀廟之主皆升合食於太祖是也魯煬公者伯禽之子也至昭

公定公父已為鬼而季氏禱之而立其宮則鬼之主在禘明矣唯天子諸侯有主禘禘大夫有祖考者亦鬼其百世不禘禘無

主爾其無祖考者庶士以下鬼其考王考官師鬼其皇考大夫適士鬼其顯考而已大夫祖考謂別子也凡鬼者薦而不祭王

制曰大夫士有田則祭無田則薦適士上士也官師中士下士庶士府史之屬此適士云顯考無廟非也當為皇考字之誤

王爲羣姓立社曰大社王自爲立社曰王

社諸侯爲百姓立社曰國社諸侯自爲立

社曰侯社大夫以下成羣立社曰置社

羣衆也大

夫以下謂下至庶人也大夫不得特立社與民族居百家以上則共立一社今時里社是也郊特牲曰唯爲社事單出里

王爲羣姓立七祀曰司命曰中霤曰國門曰

國行曰泰厲曰戶曰竈王自爲立七祀諸

侯爲國立五祀曰司命曰中霤曰國門曰

國行曰公厲諸侯自爲立五祀大夫立三

祀曰族厲曰門曰行適士立二祀曰門曰

行庶士庶人立一祀或立戶或立竈

此非大神所祈

報大事者也。小神居人之閒，司察小過，作譴告者，爾樂記曰：明則有禮樂，幽則有鬼神。鬼神謂此與？司命主督察三命中，雷主堂室居處，門戶主出入行主道路行作厲主殺罰，竈主飲食之事。明堂月令春曰：其祀戶，祭先脾。夏曰：其祀竈，祭先肺。中央曰：其祀中霤，祭先心。秋曰：其祀門，祭先肝。冬曰：其祀行，祭先腎。聘禮曰：使者出釋幣於行，歸釋幣於門。士喪禮曰：疾病禱於五祀。司命與厲，其時不著。今時民家或春秋祠司命，行神山神門戶竈在旁，是必春祠司命，秋祠厲也。或者合而祠之，山即厲也。民惡言厲，巫祝以厲山爲之謬乎？王下祭殤五，適子適春秋傳曰：鬼有所歸，乃不爲厲。

孫適曾孫適玄孫適來孫諸侯下祭三大

夫下祭二，適士及庶人祭子而止。祭適殤者重適也，祭適殤

於廟之與謂之陰厭，王子公子祭其適殤於其黨之廟，大夫以下庶子祭其適殤於宗子之家，皆當室之日謂之陽厭。凡庶殤祭不夫聖王之制祭祀也，法施於民則祀之，以

死勤事則祀之，以勞定國則祀之，能禦大

菑則祀之能捍大患則祀之是故厲山氏之有天下也其子曰農能殖百穀夏之衰也周弃繼之故祀以爲稷共工氏之霸九州也其子曰后土能平九州故祀以爲社帝嚳能序星辰以著衆堯能賞均刑法以義終舜勤衆事而野死鯀鄩鴻水而殛死禹能脩鯀之功黃帝正名百物以明民共財顓頊能脩之契爲司徒而民成冥勤其官而水死湯以寬治民而除其虐文王以文治武王以武功去民之菑此有功烈於

秀岩李氏曰祭
義篇中衆粹者
乃大戴曾子大孝
篇全文
孝事死

民者也及夫日月星辰民所瞻仰也山林
川谷丘陵民所取財用也非此族也不在

祀典

此所謂大神也春秋傳曰封爲上公祀爲大神厲山氏
炎帝也起於厲山或曰有烈山氏弃后稷名也共工氏

無錄而王謂之霸在大昊炎帝之間普衆謂使民興事知休作
之期也賞賞善善謂禪舜封禹稷等也能刑謂去四凶義終謂既
禪二十八載乃死也野死謂征有苗死於蒼梧也極死謂不能
成其功也明民謂使之衣服有章也民成謂知五教之禮也冥
契六世之孫也其官立冥水官也虐苗謂
桀紂也烈業也族猶類也祀典謂祭祀也

祭義第二十四

鄭氏注

祭不欲數數則煩煩則不敬祭不欲疏疏
則怠怠則忘是故君子合諸天道春禘秋

嘗

忘與不敬違禮莫大焉合於天道因四時之變化孝子感
時念親則以此祭之也春禘者夏殷禮也周以禘爲殷祭

更名春祭曰祠霜露既降君子履之必有悽愴之心

非其寒之謂也春雨露既濡君子履之必

有怵惕之心如將見之非其寒之謂謂悽愴及怵惕皆為感時念親也霜露既降

禮說在秋此無秋字蓋脫爾樂以迎來哀以送往故福有樂

而嘗無樂迎來而樂樂親之將來也送去而哀哀其享否不可知也小言之則為一祭之間孝子不知鬼

神之期推而廣之放其去來於陰陽致齊於內散齊於外齊之日

思其居處思其笑語思其志意思其所樂

思其所嗜齊三日乃見其所為齊者致齊思此

五者也散齊七日不御不樂不弔耳見所為齊者思之孰也所嗜素所欲飲食也春秋傳曰屈到嗜芟祭之日

入室儼然必有見乎其位周還出戶肅然

忌

必有聞乎其容聲出戶而聽愀然必有聞

乎其嘆息之聲

周還出戶謂薦設時也無尸者闔戶若食間則有出戶而聽之

是故

先王之孝也色不忘乎目聲不絕乎耳心

志嗜欲不忘乎心致愛則存致慤則著著

存不忘乎心夫安得不敬乎

存著則謂其思念也

君子

生則敬養死則敬享思終身弗辱也

享猶祭也

饗也

君子有終身之喪忌日之謂也忌日不

用非不祥也言夫日志有所至而不敢盡

其私也

忌日親亡之日忌日者不用舉他事如有時日之禁也祥善也志有所至至於親以此日亡其哀心

如喪時

唯聖人爲能饗帝孝子爲能饗親

謂祭之能

諸侯之祭

文王之祭

使之饗也帝天也饗者鄉也鄉之然後能饗焉言中心鄉

之乃能使其祭見饗也上饗或為相是故孝子臨尸而不怍君牽

牲夫人奠盞君獻尸夫人薦豆卿大夫相

君命婦相夫人齊齊乎其敬也愉愉乎其

忠也勿勿諸其欲其饗之也色不和曰怍奠盞設

牽牲將薦毛血君獻尸而夫人薦豆謂繹日也儼尸主人文

王之祭也事死者如事生思死者如不欲

生忌日必哀稱諱如見親祀之忠也如見

親之所愛如欲色然其文王與思死者如不欲

也如欲色者以時人詩云明發不寐有懷二人文

仲尼之祭

容也遠也容
以遠若
古注以遠白

王之詩也祭之明日明發不寐饗而致之

又從而思之祭之日樂與哀半饗之必樂

已至必哀明發不寐謂夜而至且也祭之明日謂繹日也言繹之夜不寐也二人謂父母容尸侑也仲

尼嘗奉薦而進其親也慤其行也趨趨以

數嘗秋祭也親謂身親執事時也慤與趨趨言少威儀也趨讀如促數之言速也已祭子贛問

曰子之言祭濟濟漆漆然今子之祭無濟

濟漆漆何也子曰濟濟者容也遠也漆漆

者容也自反也容以遠若容以自反也夫

何神明之及交夫何濟濟漆漆之有乎漆漆讀如

朋友切切自反猶言自脩整也容以遠言非所以接親親也容以自反言非孝子所以事親也及與也此皆非與神明交之道

反饋樂成薦其薦俎序其禮樂備其百官

君子致其濟濟漆漆夫何恍惚之有乎天子諸侯

之祭或從血腥始至反饋是進孰也薦俎豆與俎也恍惚思念益深之時也言祭事既備使百官勛已祭然而見其容而自反

是無恍惚之思念夫言豈一端而已夫各有所當也

豈一端言不可以一槩也禮各有所當行祭宗廟者賓客濟濟漆漆主人慤而趨趨孝子將祭慮

事不可以不豫比時具物不可以不備虛

中以治之比時猶先時也虛中言不兼念餘事宮室既脩牆屋既

設百物既備夫婦齊戒沐浴盛服奉承而

進之洞洞乎屬屬乎如弗勝如將失之其

孝敬之心至也與脩設謂埽除及黜聖薦其薦俎序其

禮樂備其百官奉承而進之百官助主人進之於是諭

其志意以其恍惚以與神明交庶或饗之

庶或饗之孝子之志也諭其志意謂使祝祝饗食及有尸也或猶有也言想見

其仿佛來孝子之祭也盡其慤而慤焉盡其信而

信焉盡其敬而敬焉盡其禮而不過失焉

進退必敬如親聽命則或使之也言當盡已而已如居

父母前將受命而使之孝子之祭可知也其立之也敬

以訕其進之也敬以愉其薦之也敬以欲

退而立如將受命已徹而退敬齊之色不

絕於面訕充訕形容喜貌也進之謂進血腥也愉顏色和貌也薦之謂進孰也欲婉順貌齊謂齊莊孝

六十五十八

事死如事生
因及事生之孝

因孝以及忠
順弟慈

子之祭也立而不誦固也進而不愉䟽也
薦而不欲不愛也退立而不如受命教也
已徹而退無敬齊之色而忘本也如是而
祭失之矣固猶質陋也而忘本而衍字孝子之有深愛者必
有和氣有和氣者必有愉色有愉色者必
有婉容和氣謂立而誦孝子如執玉如奉盈洞洞屬
屬然如弗勝如將失之嚴威儼恪非所以
事親也成人之道也成人既冠者然則孝子不失其孺子之心也先王
之所以治天下者五貴有德貴貴貴老敬
長慈幼此五者先王之所以定天下也貴

有德何爲也爲其近於道也貴貴爲其近於

君也貴老爲其近於親也敬長爲其近於兄

也慈幼爲其近於子也言治國有家道是故至孝近乎

王至弟近乎霸至孝近乎王雖天子必有父

至弟近乎霸雖諸侯必有兄先王之教因而

弗改所以領天下國家也天子有所父事諸侯有所兄事謂若三老五更也天子衰

諸侯興故曰霸子曰立愛自親始教民睦也立敬自長

始教民順也親長父兄也睦和厚也教以慈睦而民貴有親

教以敬長而民貴用命尊長出教令者孝以事親順以

聽命錯諸天下無所不行郊之祭也喪者不

大司馬之十二禮記卷十四

孝子饗親
取上文

聖人饗帝

敢哭凶服者不敢入國門敬之至也

祭者吉禮不欲聞見凶人

祭之日君牽牲穆荅君卿大夫序從

祭謂祭宗廟也

穆子姓也荅對也序以次第從也序或為豫

既入廟門麗于碑卿大夫袒

而毛牛尚耳鸞刀以割取腓脰乃退燔祭

祭腥而退敬之至也

腥猶繫也毛牛尚耳以耳毛為上也腓脰血與腸間脂也燔祭祭腥

祭爛肉腥肉也湯肉曰爛燔祭祭腥或為合祭腥泄胙孰也

郊之祭大報天而主日配

以月夏后氏祭其闇殷人祭其陽周人祭日

以朝及闇

主日者以其光明天之神可見者莫著焉闇昏時也陽讀為曰雨曰暘之暘謂日中時也朝日出時也夏后氏大事以昏殷人大事以日中周人大事以日出亦謂此郊祭也以朝及闇謂終日有事

祭日於

壇祭月於坎以別幽明以制上下

幽明者謂日照晝月照夜

捲論

鬼神
推所以
廟祭之原

祭日於東祭月於西以別外內以端其位

正端

日出於東月生於西陰陽長短終始相

巡

以致天下之和

巡讀如公漢之
公謂更相從道

天下之禮致

反始也致鬼神也致和用也致義也致讓

也

因祭之義汎說禮也致之言至也使人勤行至於此也至於反始謂報天之屬也至於鬼神謂祭宗廟之屬也至於

和用謂治民之事以足用也

致反始以厚其本也致鬼神以

尊上也致物用以立民紀也致義則上下

不悖逆矣致讓以去爭也合此五者以治

天下之禮也雖有奇邪而不治者則微矣

物猶事也變和言物互之也微猶少也

宰我曰吾聞鬼神之名不知

大公曰夫子春
宰我問鬼神

一段好陰陽乍

離之際彷彿如

有所睹昭明而

謂光景者煮

蒿是肝騰氣

象凄愴是令

人感動模樣

瘴墓之間未

施哀於民震

哀是也洋乎

如在其上如在

其左右正謂

此履祥按洋

乎一向是說昭

明煮蒿瘴墓

之間是說凄愴

廟

小三單一
神訓十四

其所謂子曰氣也者神之盛也魄也者鬼之

盛也合鬼與神教之至也氣謂噓吸出入者也耳目之聰明為魄合鬼神

而祭之聖人之教致之也衆生必死死必歸土此之謂鬼骨

肉斃于下陰為野土陰讀為依陰之陰言人之骨肉陰於地中為土壤其

氣發揚于上為昭明焄蒿悽愴此百物之

精也神之著也焄謂香臭也蒿謂氣蒸出貌也上言衆生此言百物明其與人同也不如人貴

爾蒿或為薶因物之精制為之極明命鬼神以為

黔首則百衆以畏萬民以服明命猶尊者也尊極於鬼神不可復加也

黔首謂民也則法也為民作法使民亦事其祖禰鬼神民所畏服聖人以是為未足

也築為宮室設為宗祧以別親疏遠邇教

民反古復始不忘其所由生也衆之服自

此故聽且速也

自由也言人由此服於聖人之教也聽謂順教令也速疾也

二端

既立報以二禮建設朝事燔燎羶薌以

蕭光以報氣也此教衆反始也薦黍稷羞

肝肺首心見間以俠武鯢加以鬱鬯以報魄

也教民相愛上下用情禮之至也

二端既立謂氣也魄

也更有尊名云鬼神也二禮謂朝事與薦黍稷也朝事謂薦血腥時也薦黍稷所謂饋食也見及見間皆當爲醜字之誤也羶當爲馨聲之誤也燔燎馨香醜以蕭光取牲祭脂也光猶氣也有虞氏祭首夏后氏祭心殷祭肝周祭肺醜以俠鯢謂雜之兩鯢醴酒也相愛用情謂此以人道祭君子反古復始不忘其所由生也

之也報氣以氣報魄以實各首其類君子反古復始不忘其所由生也是以致其敬發其情竭力

梁威

犧牲

從事以報其親不敢弗盡也

從事謂脩薦可以祭者也

是

故昔者天子為藉千畝冕而朱紘躬秉耒

諸侯為藉百畝冕而青紘躬秉耒以事天

地山川社稷先古以為醴酪齊盛於是乎

取之敬之至也

藉藉田也先古先祖

古者天子諸侯必

有養獸之官及歲時齊戒沐浴而躬朝之

犧牲祭牲必於是取之敬之至也君召牛

納而視之擇其毛而卜之吉然後養之君

皮弁素積朔月月半君巡牲所以致力孝

之至也

歲時齊戒沐浴而躬朝之謂將祭祀卜牲君朔月月半巡視之君召牛納而視之更本擇牲意

古

者天子諸侯必有公桑蠶室近川而爲之

築宮仞有三尺棘牆而外閉之及大昕之

朝君皮弁素積卜三宮之夫人世婦之吉

者使入蠶于蠶室奉種浴于川桑于公桑

風戾以食之

大昕季春朔日之朝也諸侯夫人三官半王后也風戾之者及早涼脆採之風戾之使露

氣燥乃以食蠶蠶性惡濕

歲既單矣世婦卒蠶奉繭以示于

君遂獻繭于夫人夫人曰此所以爲君服

與遂副禕而受之

因少牢以禮之

歲單謂三月月盡之後也

言歲者蠶歲之大功事畢於此也副禕王后之服而云夫人記者容二王之後與禮之禮奉繭之世婦

古之獻

繭者其率用此與

問者之辭

及良日夫人繅三盆

禮樂見前樂記

子諒慈良

手遂布于三宮夫人世婦之吉者使纁遂

朱綠之玄黃之以為黼黻文章服既成君

服以祀先王先公敬之至也三盆手者三淹也凡纁每淹犬搃而手振

之以出君子曰禮樂不可斯須去身斯須猶須臾也致

樂以治心則易直子諒之心油然而生矣易

直子諒之心生則樂樂則安安則久久則

天天則神天則不言而信神則不怒而威

致樂以治心者也子讀如不子之子諒信也油然物始生好美貌致禮以

治躬則莊敬莊敬則嚴威躬身也心中斯須

不和不樂而鄙詐之心入之矣外貌斯須

不莊不敬而慢易之心入之矣故樂也者

動於內者也禮也者動於外者也樂極和

禮極順內和而外順則民瞻其顏色而不

與爭也望其容貌而衆不生慢易焉極至也

故德輝動乎內而民莫不承聽理發乎外

而衆莫不承順理謂言行也故曰致禮樂之道而

天下塞焉舉而錯之無難矣塞充滿也樂也者

動於內者也禮也者動於外者也故禮主

其減樂主其盈禮減而進以進爲文樂盈

而反以反爲文減猶倦也盈猶溢也樂以統情禮以理行人之情有溢而行有倦倦則進之以

能進者爲文溢則使反以禮減而不進則銷樂盈而

能反者爲文文謂才美

禮減而不進則銷樂盈而

不反則放故禮有報而樂有反

報皆當爲禮
衰聲之誤

禮

得其報則樂樂得其反則安禮之報樂之

反其義一也曾子曰孝有三大孝尊親其

次弗辱其下能養公明儀問於曾子曰夫

子可以爲孝乎曾子曰是何言與是何言

與君子之所謂孝者先意承志諭父母於

道參直養者也安能爲孝乎

公明儀曾
子弟子

曾子

曰身也者父母之遺體也行父母之遺體

敢不敬乎居處不莊非孝也事君不忠非

孝也。泣官不敬，非孝也。朋友不信，非孝也。

戰陳無勇，非孝也。五者不遂，裁及於親，敢

不敬乎？

遂猶成也

身孰羶薌嘗而薦之，非孝也。

養也。君子之所謂孝也者，國人稱願，然曰：

「幸哉有子如此！」所謂孝也已。

然猶而也

衆之奉教

曰孝，其行曰養。養可能也，敬爲難。敬可能

也，安爲難。安可能也，卒爲難。父母旣沒，慎

行其身，不遺父母惡名，可謂能終矣。仁者

仁此者也，禮者履此者也，義者宜此者也，

信者信此者也，強者強此者也，樂自順此

生刑自反此作曾子曰夫孝置之而塞乎

天地溥之而橫乎四海施諸後世而無朝

夕推而放諸東海而準推而放諸西海而

準推而放諸南海而準推而放諸北海而

準無朝夕言常行無輟時也放猶至也準猶平也詩云自西自東自南自

北無思不服此之謂也曾子曰樹木以時

伐焉禽獸以時殺焉夫子曰斷短一樹殺一

獸不以其時非孝也夫子孔子也曾子述其言以云孝有三小

孝用力中孝用勞大孝不匱勞猶功也思慈愛

忘勞可謂用力矣尊仁安義可謂用勞矣

博施備物可謂不匱矣

思慈愛忘勞思父母之慈愛已而自忘己之勞苦

父母愛之嘉而弗忘父母惡之懼而無怨

無怨無怨於父母之心

父母有過諫而不逆

順而諫之

父母既沒

必求仁者之粟以祀之此之謂禮

終喻貧困猶不取

惡人物以事亡親

樂正子春下堂而傷其足數月不

出猶有憂色門弟子曰夫子之足瘳矣數

月不出猶有憂色何也樂正子春曰善如

爾之問也善如爾之問也吾聞諸曾子曾

子聞諸夫子曰天之所生地之所養無人

為大父母全而生之子全而歸之可謂孝

矣。不虧其體，不辱其身，可謂全矣。

曾子聞諸夫子述曾子所

聞於孔子之言

故君子頃步而弗敢忘孝也。今予忘

孝之道，予是以有憂色也。

頃當為踴聲之誤也。予我也。

壹舉

足而不敢忘父母，壹出言而不敢忘父母，

壹舉足而不敢忘父母，是故道而不徑，舟

而不游，不敢以先父母之遺體行。殆，壹出

言而不敢忘父母，是故惡言不出於口，忿

言不反於身，不辱其身，不羞其親，可謂孝

矣。

徑步邪趨疾也。忿言不反於身，人不能無忿怒，忿怒之言當由其直直則人服不敢以忿言來也。

昔者

虞氏貴德而尚齒，夏后氏貴爵而尚齒，

般人貴富而尚齒周人貴親而尚齒貴謂燕賜有加

於諸臣也尚謂有事尊之於其黨也臣能世祿曰富舜時多仁聖有德後德則在小官虞夏般周天

下之盛王也未有遺年者年之貴乎天下

久矣次乎事親也言其先老也是故朝廷同爵則

尚齒七十杖於朝君問則席八十不俟朝

君問則就之而弟達乎朝廷矣同爵尚齒老者在上也君問則

廣爲之布席於堂上而與之言凡朝位立於庭魯哀公問於孔子命席不俟朝君揖之即退不待朝事畢也就之就其家也老

而致仕君或不許異其禮而已行肩而不耕不錯則隨見老者

則車徒辟斑白者不以其任行乎道路而

弟達乎道路矣錯鴈行也父黨隨行兄黨鴈行車徒辟乘車步行皆辟老人也斑白者髮雜

色也任所檐持也
不以任少者代之
居鄉以齒而老窮不遺強不

犯弱衆不暴寡而弟達乎州巷矣
老窮不遺以鄉人尊

而長之雖貧且無子孫無弃忘也一鄉者五州巷猶間也
古之道五十不為甸徒

頒禽隆諸長者而弟達乎搜狩矣
四井為邑四邑為丘四丘

為甸甸六十四井也以為軍田出役之法五十始衰不從力役之事也頒之言分也隆猶多也及田者分禽多其老者謂竭作

未五十者春獵為搜冬獵為狩
軍旅什伍同爵則尚齒而弟達

乎軍旅矣
什伍士卒部曲也少儀曰軍尚左卒尚右
孝弟發諸朝廷行

乎道路至乎州巷效乎搜狩脩乎軍旅衆

以義死之而弗敢犯也
死之死此孝弟之禮
祀乎明堂所

以教諸侯之孝也食三老五更於大學所

孝弟

更從蔡邕作更

以教諸侯之弟也。祀先賢於西學，所以教

諸侯之德也。耕藉，所以教諸侯之養也。朝

覲，所以教諸侯之臣也。五者，天下之大教

也。

祀乎明堂，宗祀文王。西學，周小學也。先賢，有道德王所使教國子者。

食三老，五更於

大學。天子袒而割牲，執醬而饋，執爵而酌。

冕而搢干，所以教諸侯之弟也。是故鄉里

有齒而老，窮不遺，強不犯，弱衆不暴，寡此

由大學來者也。

割牲制俎實也。冕而搢干，親在舞位，以樂侑食也。教諸侯之弟，次事親。

天

子設四學，當入學而天子齒。

四學，謂周四郊之虞庠也。文王世子曰：行

一物而三善皆得，唯世子而已。其齒於學之謂也。

天子巡守，諸侯待于竟，天

子先見百年者

問其國君以百年者所在而往見之

八十九十者東

行西行者弗敢過西行東行者弗敢過欲

言政者君就之可也

弗敢過者謂道經之則見之

壹命齒于

鄉里再命齒于族三命不齒族有七十者

弗敢先

此謂鄉射飲酒時也齒者謂以年次立若坐也三命列國之卿也不復齒席之於賓東不敢先族

之七十者謂既一人舉觶乃入也雖非族亦然承齒乎族故言族爾

七十者不有大故不

入朝若有大故而入君必與之揖讓而后

及爵者

謂致仕在家者其入朝君先與之為禮而后揖卿大夫士

天子有善讓

德於天諸侯有善歸諸天子卿大夫有善

薦於諸侯士庶人有善本諸父母存諸長

老祿爵慶賞成諸宗廟所以示順也薦進也成諸宗

廟於宗廟命之祭統有十倫六曰見爵賞之施焉昔者聖人建陰陽天地之

情立以爲易易抱龜南面天子卷冕家北面

雖有明知之心必進斷其志焉示不敢專

以尊天也善則稱人過則稱己教不伐以

尊賢也立以爲易謂作易易抱龜易官名周禮曰大卜大卜主三兆三易三夢之占孝子

將祭祀必有齊莊之心以慮事以具服物

以脩宮室以治百事謂齊之前後也及祭之日顏色

必溫行必恐如懼不及愛然如懼不及見其所愛者其

奠之也容貌必溫身必誦如語焉而未之

然

奠之謂酌尊酒奠之及酹之屬也如語焉而未之然如有所以語親而未見答

宿者皆出其

立卑靜以正如將弗見然

宿者皆出謂賓助祭者事畢出去也如將不見

然祭事畢而不知親所在思念之深如不見出也

及祭之後陶陶遂遂如將

復入然

思念既深如覩親將復入也陶陶遂遂相隨行之貌

是故慤善不違身

耳目不違心思慮不違親結諸心形諸色

而術省之孝子之志也

術當為述聲之誤也

建國之神

位右社稷而左宗廟

周尚左也

祭統第二十五

鄭氏注

凡治人之道莫急於禮禮有五經莫重於

祭

禮有五經謂吉禮凶禮賓禮軍禮嘉禮也莫重於祭謂夫以吉禮為首也大宗伯職曰以吉禮事邦國之鬼神祇

祭者非物自外至者也。自中出生於心也。心怵而奉之以禮，是故唯賢者能盡祭之義。怵，感念親之貌也。怵或爲述。賢者之祭也，必受其福，非世所謂福也。福者，備也。備者，百順之名也。無所不順者，之謂備。言內盡於己，而外順於道也。忠臣以事其君，孝子以事其親，其本一也。世所謂福者，謂受鬼神之祐助也。賢者之所謂福者，謂受大順之顯名也。其本一者，言忠孝俱由順出也。則順於鬼神，外則順於君長，內則以孝於親。如此之謂備。唯賢者能備，能備然後能祭。是故賢者之祭也，致其誠信，與其忠敬。

奉之以物、道之以禮、安之以樂、參之以時、明

薦之而已矣。不求其為，此孝子之心也。明猶

為謂福祐祭者，所以追養繼孝也。孝者，畜也。教

順於道，不逆於倫，是之謂畜。畜謂順於德教是故孝

子之事親也。有三道焉：生則養，沒則喪，喪

畢則祭。養則觀其順也，喪則觀其哀也，祭

則觀其敬而時也。盡此三道者，孝子之行

也。沒終也既內自盡，又外求助，昏禮是也。故國

君取夫人之辭曰：請君之玉女與寡人共

有敝邑。事宗廟社稷，此求助之本也。言王女者美言

之也君子於王比德焉

夫祭也者必夫婦親之所以備外

內之官也官備則具備

具謂所供衆物

水草之菹陸

產之醢小物備矣三牲之俎八簋之實美

物備矣昆蟲之異草木之實陰陽之物備

矣

水草之菹芹苢之屬陸產之醢蜚蜋之屬天子之祭八簋昆蟲謂溫生寒死之蟲也內則可食之物有蜩范草木之

實菱芡榛栗之屬

凡天之所生地之所長苟可薦者

莫不咸在示盡物也外則盡物內則盡志

此祭之心也

咸皆也

是故天子親耕於南郊以

共齊盛王后蠶於北郊以共純服諸侯耕

於東郊亦以共齊盛夫人蠶於北郊以共

冕服天子諸侯非莫耕也王后夫人非莫蠶也身致其誠信誠信之謂盡盡之謂敬敬盡然後可以事神明此祭之道也

純服亦冕服也

互言之爾純以見繪色冕以著祭服東郊少陽諸侯象也夫人不蠶於西郊婦人禮少變也齊或作案

及時將

祭君子乃齊齊之爲言齊也齊不齊以致齊者也是故君子非有大事也非有恭敬也則不齊不齊則於物無防也嗜欲無止也及其將齊也防其邪物訖其嗜欲耳不聽樂故記曰齊者不樂言不敢散其志也心不苟慮必依於道手足不苟動必依於

祭

禮訖猶止也

是故君子之齊也，專致其精明之德

也。故散齊七日以定之，致齊三日以齊之。

定之之謂齊，齊者精明之至也。然後可以

交於神明也。

定者定其志意

是故先期旬有一日，宮

宰宿夫人，夫人亦散齊七日，致齊三日。

官宰守宮

官也宿讀為肅肅猶戒也戒輕肅重也

君致齊於外，夫人致齊於

內。然後會於大廟。君純冕立於阼，夫人副

褱立於東房。君執圭，瓚裸尸。大宗執璋，瓚

亞裸。及迎牲，君執紼。

紼亦紼

卿大夫從，士執芻，宗

婦執盎，從。夫人薦浼水。君執鸞刀羞齊。夫

樂

人薦豆此之謂夫婦親之

大廟始祖廟也圭璜璋璜裸器也以圭璋為柄

酌鬱鬯曰裸大宗亞裸容夫人有故攝焉紃所以牽牲也周禮作紃芻謂藁也殺牲時用薦之周禮封人祭祀飾牲共其水藁

沚盎齊也盎齊沚酌也凡尊有明水因兼云水爾齊齊肺祭肺之屬也君以鸞刀割制之天子諸侯之祭禮先有裸尸之事乃後迎

牲芻或為糲及入舞君執干戚就舞位君為東上

冕而摠干率其羣臣以樂皇尸是故天子

之祭也與天下樂之諸侯之祭也與竟內

樂之冕而摠干率其羣臣以樂皇尸此與

竟內樂之之義也

君為東上近主位也皇君也言君尸者尊之

夫祭有

三重焉獻之屬莫重於裸聲莫重於升歌

舞莫重於武宿夜此周道也

武宿夜武曲名也周道猶周之禮

凡

餽

三道者所以假於外而以增君子之志也
故與志進退志輕則亦輕志重則亦重輕
其志而求外之重也雖聖人弗能得也是
故君子之祭也必身自盡也所以明重也
道之以禮以奉三重而薦諸皇尸此聖人
之道也夫祭有餼餼者祭之末也不可
知也是故古之人有言曰善終者如始餼
其是已是故古之君子曰尸亦餼鬼神之
餘也惠術也可以觀政矣

術猶法也為政尚施惠
盡美能知能惠詩云維

此惠君民
人所瞻

是故尸諤君與卿四人餼君起大

夫六人餽臣餽君之餘也大夫起士八人

餽賤餽貴之餘也士起各執其具以出陳

于堂下百官進徹之下餽上之餘也

通當為餽聲之誤也

百官謂有事於君祭者也既餽乃徹之而去所謂自卑至賤進徹或俱為餽

凡餽之道每變以

衆所以別貴賤之等而興施惠之象也是

故以四簋黍見其脩於廟中也廟中者竟

內之象也

鬼神之恩徧廟中如國君之惠徧竟內也

祭者澤之大者也

是故上有大澤則惠必及下顧上先下後

耳非上積重而下有凍餒之民也是故上

有大澤則民夫人待于下流知惠之必將

至也由餽見之矣故曰可以觀政矣

鬼神有祭不獨

饗之使人餽之恩澤之大者也國君有蓄積不獨食之亦以施惠於竟內也

夫祭之爲物大

矣其興物備矣順以備者也其教之本與

爲物猶爲禮也興物謂薦百品

是故君子之教也外則教之以

尊其君長內則教之以孝於其親是故明

君在上則諸臣服從崇事宗廟社稷則子

孫順孝盡其道端其義而教生焉

崇猶尊也

是

故君子之事君也必身行之所不安於上

則不以使下所惡於下則不以事上非諸

人行諸己非教之道也

必身行之言怨己乃行之

是故君子

十倫

鬼神之道

君臣之義

之教也。必由其本。順之至也。祭其是與。故

曰。祭者。教之本也。已。教由孝順生也。夫祭有十倫焉。

見事鬼神之道焉。見君臣之義焉。見父子

之倫焉。見貴賤之等焉。見親疏之殺焉。見

爵賞之施焉。見夫婦之別焉。見政事之均

焉。見長幼之序焉。見上下之際焉。此之謂

十倫。倫猶義也。鋪筵設同几。爲依神也。詔祝於室

而出于枋。此交神明之道也。同之言詞也。祭者以其妃配。亦不特几也。

詔祝告事於尸也。出於枋謂索祭也。君迎牲而不迎尸。別嫌也。尸

在廟門外。則疑於臣。在廟中。則全於君。君

父子之倫

貴賤之等

親疏之殺

在廟門外則疑於君入廟門則全於臣全

於子是故不出者明君臣之義也不迎尸者欲全其尊也尸

神象也鬼神之尊在廟中人君之尊出廟門則伸夫祭之道孫為王父尸所

使為尸者於祭者子行也父北面而事之

所以明子事父之道也此父子之倫也子行猶子列也

祭祖則用孫列皆取於同姓之適子也天子諸侯之祭朝事延尸於戶外是以有北面事尸之禮尸飲五

君洗玉爵獻鄉尸飲七以瑤爵獻大夫尸

飲九以散爵獻士及羣有司皆以齒明尊

卑之等也尸飲五謂醑尸五獻也大夫士祭三獻而獻賓夫祭有昭穆昭

穆者所以別父子遠近長幼親疏之序而

爵賞之施

夫婦之別

無亂也。是故有事於大廟，則羣昭羣穆咸

在，而不失其倫。此之謂親疏之殺也。

昭穆咸在同宗父子

皆來

古者明君爵有德而祿有功，必賜爵祿於

大廟，示不敢專也。故祭之日，一獻，君降立

于阼階之南，南鄉，所命北面。史由君右，執

策命之，再拜稽首受書以歸，而舍奠于其

廟。此爵賞之施也。

一獻，酹尸也。舍，當為釋聲。之，誤也。非時而祭曰奠。

君卷

冕立于阼，夫人副褱立于東房。夫人薦豆

執校，執醴授之。執鐙，尸酢夫人。執柄，夫人

受尸執足。夫婦相授受，不相襲處。酢必易

爵明夫婦之別也

校豆中央直者也執醴授醴之人授夫人以豆則執鐙鐙豆下跗也

凡為俎者以骨為主骨有貴賤那人貴髀

周人貴肩凡前貴於後俎者所以明祭之

必有惠也是故貴者取貴骨賤者取賤骨

貴者不重賤者不虛示均也惠均則政行

政行則事成事成則功立功之所以立者

不可不知也俎者所以明惠之必均也善

為政者如此故曰見政事之均焉

那人貴髀為其厚也

周人貴肩為其顯也凡前貴於後謂脊脅臂臑之屬

凡賜爵昭為一穆為一

昭與昭齒穆與穆齒凡羣有司皆以齒此

之謂長幼有序

昭穆猶特牲少牢饋食之禮衆兄弟也羣有司猶衆賓下及執事者君賜之爵

謂若酬之

天祭有畀。燁胞翟閭者。惠下之道也。唯

有德之君。爲能行此。明足以見之。仁足以與之。畀之爲言。與也。能以其餘畀其下者也。燁者。甲吏之賤者也。胞者。肉吏之賤者也。翟者。樂吏之賤者也。閭者。守門之賤者也。古者不使刑人守門。此四守者。吏之至賤者也。尸又至尊。以至尊旣祭之末。而不忘至賤。而以其餘畀之。是故明君在上。則竟內之民。無凍餒者矣。此之謂上下之際。

嘗禘

義

明足以見之見此卑者也仁足以與之與此卑者也禘周禮作
韞謂韞磔皮革之官也翟謂教羽舞者也古者不使刑人守門

謂夏
殷時凡祭有四時春祭曰杓夏祭曰禘秋祭

曰嘗冬祭曰烝謂夏
時禮也杓禘陽義也嘗烝陰

義也禘者陽之盛也嘗者陰之盛也故曰

莫重於禘嘗夏者尊卑著
而秋萬物成古者於禘也發爵

賜服順陽義也於嘗也出田邑發秋政順

陰義也言爵命屬陽
國邑屬陰故記曰嘗之日發公室

示賞也草艾則墨未發秋政則民弗敢草

也發公室出賞物也草艾謂艾取草也秋草
木成可芟艾給爨亨時則始行小刑也故曰禘嘗

之義大矣治國之本也不可不知也明其

義者君也能其事者臣也不明其義君人

不全不能其事為臣不全全猶具也夫義者所以

濟志也諸德之發也是故其德盛者其志

厚其志厚者其義章其義章者其祭也敬

祭敬則竟內之子孫莫敢不敬矣濟成也發謂機發也

竟內之子孫萬人為子孫是故君子之祭也必身親蒞之有

故則使人可也雖使人也君不失其義者

君明其義故也蒞臨也君不失其義者言君雖不自親祭祭禮無闕於君德不損也其

德薄者其志輕疑於其義而求祭使之必

敬也弗可得已祭而不敬何以為民父母

矣。夫鼎有銘，銘者自名也。自名以稱揚其
先祖之美，而明著之後世者也。爲先祖者，
莫不有美焉，莫不有惡焉。銘之義，稱美而
不稱惡，此孝子孝孫之心也。唯賢者能之。

銘謂書之刻之以識事者也。自名謂稱揚其先祖之德，著己名於下。

銘者，論譔其先祖

之有德、善功、烈勲、勞慶、賞聲，名列於天下。

而酌之祭器，自成其名焉，以祀其先祖者。

也。顯揚先祖，所以崇孝也。身比焉順也。明

示後世教也。

烈業也。王功曰勲，事功曰勞。酌之祭器，言斟酌其美，傳著於鐘鼎也。身比焉，謂自著名於

下也。順也。自著名以稱揚先祖之德，孝順之行也。教也。所以教後世。

夫銘者，壹稱而上

下皆得焉耳矣。是故君子之觀於銘也。既

美其所稱。又美其所為。美其所為美此人為此銘為之者。

明足以見之。仁足以與之。知足以利之。可謂

賢矣。賢而勿伐。可謂恭矣。明足以見之見其先祖之美也仁足以與之與

其先祖之銘也非有仁恩君不使與之也知足以利之利己名得比於先祖故衛孔悝之鼎

銘曰。六月丁亥。公假于大廟。孔悝衛大夫也公衛莊公蒯聵也得孔悝

之立已依禮褒之以靜國人自固也假至也至於大廟謂以夏之孟夏禘祭公曰。叔舅乃祖莊

叔。左右成公。成公乃命莊叔。隨難于漢陽。

即宮于宗周。奔走無射。公曰叔舅者公為策書尊呼孔悝而命之也乃

猶女也莊叔悝七世之祖衛大夫孔達也隨難者謂成公為晉文公所伐出奔楚命莊叔從焉漢楚之川也即宮於宗周後反得國

辭朱子作君
以其君之
勤大命
而施之
彝鼎也

坐殺弟叔武晉人執而歸之於京師寘之深室也射厭也言射
叔常奔走至勞苦而不厭倦也周既去鎬京猶名王城為宗周
也
啓右獻公獻公乃命成叔纂乃祖服衛侯

衍成公曾孫也亦失國得反言莊叔之功流於後世啓右獻公
使得反國也成叔莊叔之孫成子烝組也右助也纂繼也服事
也獻公反國命成子繼女祖
莊叔之事欲其忠如孔達也乃考文叔興舊嗜欲

作率慶士躬恤衛國其勤公家夙夜不解

民咸曰休哉文叔者成叔之曾孫文子圉即惲父也作起也率循也慶善也上言事也言文叔

能興行先祖之舊德起而循其善事公曰叔舅子女銘若纂乃考服

若乃猶女也公命惲子女先祖以銘以尊顯之女繼女父之事
欲其忠如文子也成公獻公莊公皆失國得反言孔氏世有功

焉寵惲拜稽首曰對揚以辟之對揚君命以明我先祖

之德勤大命施于烝彝鼎施猶著也言我將行君之命又刻著於烝彝之彝尊

小三百子
禮記古
二十八
吳本

也周禮大約此衛孔悝之鼎銘也

言銘之類衆多也略取此一以言之

古之君子論譔其先祖之美而明著之後

世者也。以比其身以重其國家如此

如莊公命孔悝

之爲也莊公孔悝雖無令德以終其事於禮是行之非

子孫之守宗廟社稷

者其先祖無美而稱之是誣也。有善而弗

知不明也。知而弗傳不仁也。此三者君子

之所恥也。昔者周公且有勲勞於天下。周

公既沒。成王、康王追念周公之所以勲勞

者而欲尊魯。故賜之以重祭。外祭則郊社

是也。內祭則大嘗禘是也。

言此者王室所銘若周公之功

夫大

嘗禘升歌清廟下而管象朱干玉戚以舞
大武八佾以舞大夏此天子之樂也康周
公故以賜魯也清廟頌文王之詩也管象吹管而舞武
象之樂也朱干赤盾戚斧也此武象之
舞所執也佾猶列也八夏禹樂文舞也執羽籥文武之舞
皆八列互言之耳康猶褒大也易晉卦曰康侯用錫馬子
孫纂之至于今不廢所以明周公之德而又
以重其國也不廢不廢其此禮
樂也重猶尊也

禮記卷第十四

經七千四百六十字
注五千五百二十三字

禮記卷第十五

經解第二十六

鄭氏注

孔子曰入其國其教可知也觀其風俗則知其所以教其為

人也溫柔敦厚詩教也疏通知遠書教也

廣博易良樂教也絜靜精微易教也恭儉

莊敬禮教也屬辭比事春秋教也屬猶合也春秋多記

諸侯朝聘會同有相接之辭罪辯之事故詩之失愚書之失誣樂之

失奢易之失賊禮之失煩春秋之失亂失謂不能

節其教者也詩敦厚近愚書知遠近誣易精微愛惡相攻其遠近相取則不能容人近於傷害春秋習戰爭之事近亂

為人也溫柔敦厚而不愚則深於詩者也

秀岩李氏曰此篇多荀子札論及大戴禮察篇之文

刑錄屬通論起二句夫子語其下學者之所發明

習俗之失

習俗之正

疏通知遠而不誣則深於書者也廣博易
良而不奢則深於樂者也絜靜精微而不
賊則深於易者也恭儉莊敬而不煩則深於
禮者也屬辭比事而不亂則深於春秋者
也

言深者既能以教又防其失

天子者與天地參故德配

天地兼利萬物與日月並明明照四海而
不遺微小其在朝廷則道仁聖禮義之序
燕處則聽雅頌之音行步則有環佩之聲
升車則有鸞和之音居處有禮進退有度
百官得其宜萬事得其序詩云淑人君子

治化之用

禮

其儀不忒其儀不忒正是四國此之謂也

道猶言也環佩環佩王也所以為行節也玉藻曰進則揖之退則揚之然後玉鉶鳴也環取其無窮止玉則比德焉孔子佩

象環五寸人君之環其制未聞也鸞和皆鈴也所以為車行節也韓詩內傳曰鸞在衡和在軾前升車則馬動馬動則鸞鳴鸞

鳴則和應居處朝廷與燕也進退行步與升車也發号出令而民詭謂之

和上下相親謂之仁民不求其所欲而得

之謂之信除去天地之害謂之義義與信

和與仁霸王之器也有治民之意而無其

器則不成器謂所操以作事者也義信和仁皆存乎禮禮之於正國也

猶衡之於輕重也繩墨之於曲直也規矩

之於方園也故衡誠縣不可欺以輕重繩

禮意

又引夫子語
結上生下

禮之教

墨誠陳不可欺以曲直規矩誠設不可欺

以方園君子審禮不可誣以姦詐

衡稱也縣謂錘也陳設謂

彈畫也誠猶審也或作成

是故隆禮由禮謂之有方之士

不隆禮不由禮謂之無方之民敬讓之道也

故以奉宗廟則敬以入朝廷則貴賤有位

以處室家則父子親兄弟和以處鄉里則

長幼有序孔子曰安上治民莫善於禮此

之謂也

隆禮謂盛行禮也方猶道也春秋傳曰教之以義方

故朝覲之禮所

以明君臣之義也聘問之禮所以使諸侯

相尊敬也喪祭之禮所以明臣子之恩也

禮之廢

曰姻自亦由也

故昏姻之禮廢則夫婦之道苦而淫

用而去之者必有亂患

春見曰朝小聘曰問其篇今亡昏姻謂嫁取也壻曰昏妻

鄉飲酒之禮所以明長幼之序也昏姻之禮所以明男女之別也夫禮禁亂之所由生猶坊止水之所自來也故以舊坊為無所用而壞之者必有水敗以舊禮為無所用而去之者必有亂患

辟之罪多矣鄉飲酒之禮廢則長幼之序失而爭鬪之獄繁矣喪祭之禮廢則君子之恩薄而倍死忘生者衆矣聘覲之禮廢則君臣之位失諸侯之行惡而倍畔侵

禮之為防甚微而治大失之雖微而亂則大故引易語以結之易今無此語崔駰史記註謂易緯有之按此三句出易緯河洛篇劉氏別錄屬通論此篇亦後人得夫子之言而附會成書夫子對君之言不若楚繁而援此非盡夫子之言也李氏曰此篇即大戴禮記裏公問孔子篇

陵之敗起矣

苦謂不至不答之屬

故禮之教化也微其

止邪也於未形使人日徙善遠罪而不自

知也是以先王隆之也易曰君子慎始差

若豪釐繆以千里此之謂也

隆謂尊盛之也始謂其微時也

哀公問第二十七

鄭氏注

哀公問於孔子曰大禮何如君子之言禮

何其尊也孔子曰丘也小人不足以知禮

謙不答也

君曰否吾子言之也孔子曰丘聞之民

之所由生禮為大非禮無以節事天地之

神也非禮無以辨君臣上下長幼之位也

非禮無以別男女父子兄弟之親昏姻疏

數之交也君子以此之爲尊敬然

言君子以此故尊敬禮

然後以其所能教百姓不廢其會節

君子以其所能

於禮教百姓使其不廢此上事之期節有成事然後治其雕鏤文章

黼黻以嗣

上事行於民有成功乃後續以治文飾以爲尊卑之差

其順之然後

言其喪筭備其鼎俎設其豕腊脩其宗廟

歲時以敬祭祀以序宗族即安其居節醜

其衣服卑其宮室車不雕幾器不刻鏤食

不貳味以與民同利昔之君子之行禮者

如此

言語也筭數也即就也醜類也幾附纏之也言君子既尊禮民以爲順乃後語以喪祭之禮就安其居處正其

衣服教之節儉與之同利者上下俱足也公曰今之君子胡莫之行也

孔子曰今之君子好實無厭淫德不倦荒

怠敖慢固民是盡午其衆以伐有道求得

當欲不以其所昔之用民者由前今之用

民者由後今之君子莫爲禮也實猶富也淫放也固猶故也午

其衆逆其族類也當猶稱也所猶道也孔子侍坐於哀公

哀公曰敢問人道誰爲大孔子愀然作色

而對曰君之及此言也百姓之德也固臣

敢無辭而對人道政爲大愀然變動貌也作猶變也德猶福也辭讓也

公曰敢問何謂爲政孔子對曰政者正也

君臣嚴一節於當時事体尤切
哀公不能詳問夫婦別父子親亦是其本原
自大昏為大問答附會繁緩殊不簡切然哀公之病亦或有

君為正則百姓從政矣君之所為百姓之所從也君所不為百姓何從言君當務於政公曰敢問為政如之何孔子對曰夫婦別父子親君臣嚴三者正則庶物從之矣庶物猶衆事也公曰寡人雖無似也願聞所以行三言之道可得聞乎無似猶言不肖孔子對曰古之為政愛人為大所以治愛人禮為大所以治禮敬為大敬之至矣大昏為大大昏至矣大昏既至冕而親迎親之也親之也者親之也是故君子與敬為親舍敬是遺親也弗愛不親

弗敬不正愛與敬其政之本與

大昏國君取禮也至矣言至大

也興敬為親言相敬則親

公曰寡人願有言然見而親迎不

已重乎

已猶大也惟親迎乃服祭服

孔子愀然作色而對曰

合二姓之好以繼先聖之後以為天地宗

廟社稷之主君何謂已重乎

先聖周公也

公曰寡

人固不固焉得聞此言也寡人欲問不得

其辭請少進

固不固言吾由鄙固故也請少進欲其為言以曉已

孔子曰天

地不合萬物不生大昏萬世之嗣也君何

謂已重焉孔子遂言曰內以治宗廟之禮

人以配天地之神明出以治直言之禮是

以立上下之敬物恥足以振之國恥足以興

之爲政先禮禮其政之本與

宗廟之禮祭宗廟也夫婦配天地有

日月之象焉禮器曰君在阼夫人在房大明生於東月生於西此陰陽之分夫婦之位也直猶正也正言謂出政教也政教有夫婦之禮焉昏義曰天子聽外治后聽內職教順成俗外內和順國家理治此之謂盛德物猶事也事恥臣恥也振猶救也國恥君恥也君臣之行有可恥者禮足以救之足以興復之孔子遂言曰昔三代

明王之政必敬其妻子也有道妻也者親

之主也敢不敬與子也者親之後也敢不

敬與君子無不敬也敬身爲大身也者親

之枝也敢不敬與不能敬其身是傷其親

傷其親是傷其本傷其本枝從而亡三者

百姓之象也身以及身子以及子妃以及

妃君行此三者則慄乎天下矣大王之道

也如此國家順矣

慄猶至也大王居幽為狄所伐乃曰土地所以養人也君子不以其所養

害所養乃去之岐是言百姓之身猶吾身也百姓之妻子猶吾妻子也不忍以土地之故而害之去之岐而王迹興焉

公

曰敢問何謂敬身孔子對曰君子過言則

民作辭過動則民作則君子言不過辭動

不過則百姓不命而敬恭如是則能敬其

身能敬其身則能成其親矣

則法也民者化君者也君之言雖過民猶

稱其辭君之行雖過民猶以為法

公曰敢問何謂成親孔子對曰

君子也者人之成名也百姓歸之名謂之

君子之子是使其親爲君子也是爲成其親之名也已孔子遂言曰古之爲政愛人爲大不能愛人不能有其身不能有其身不能安土不能樂天不能樂天不能成其身

有猶保也不能保身者言人將害之也不能安土動移失業也不能樂天不知已過

而怨夫也

公曰敢問何謂成身孔子對曰不過乎

物物猶事物也

公曰敢問君子何貴乎天道也孔子

對曰貴其不已如日月東西相從而不已

也是天道也不閉其久是天道也無爲而

物成是天道也已成而明是天道也

已猶止也是天

不過乎物此義甚大惜乎哀公不能詳問

孔子再引起哀公訖不能問

道也者言人君法之當如是也日月相從君臣相朝會也不閉其久通其政教不可以倦無為而成使民不可以煩也已成而明觀察

公曰寡人蠢愚冥煩子志之心也

志讀為識

識知也冥煩者言不能明理此事子之心所知也欲其要言使易行

孔子蹴然辟席而對

曰仁人不過乎物孝子不過乎物是故仁

人之事親也如事天事天如事親是故孝

子成身

蹴然敬貌物猶事也事親事天孝敬同也孝經曰事父孝故事天明舉無過事以孝事親是所以成

身公曰寡人既聞此言也無如後罪何

既聞此言也者

欲勤行之也無奈後日過於事之罪何為謙辭

孔子對曰君之及此言

也是臣之福也

善哀公及此言此言善言也

仲尼燕居第二十八

鄭氏注

仲尼燕居子貢言游侍縱言至於禮

言游言偃子游也縱言汎說事

子曰居女三人者吾語女禮使

女以禮周流無不徧也

居女三人者女三人且坐也使之坐凡與尊者言更

起端則

子貢越席而對曰敢問何如也對應子曰

敬而不中禮謂之野恭而不中禮謂之給勇

而不中禮謂之逆子曰給奪慈仁

奪猶亂也巧言足恭之人

似慈仁實鮮仁特言是者感子貢也子貢辯近於給

子曰師爾過而商也不及

子產猶衆人之母也能食之不能教也

過與不及

言敏鈍不同俱違禮也衆人之母言子產慈仁多不矜莊又與子張相反子產嘗以其乘車濟冬涉者而車梁不成是慈仁亦

違禮子貢越席而對曰敢問將何以爲此中

鄭氏曰仁猶存也

凡稱此者所以全

善之道也○孔

氏曰仁謂仁恩

相存念也○馬

氏曰郊社嘗禘

饋奠之禮所以

全好於其死者

也射鄉食饗之

禮所以全好於其

生者也仁者有

推恩而及之義

郊社外之文祭

也所以仁鬼神嘗

禘外之祭也所以

仁昭穆嘗禘

可以言鬼神而

郊社不可以言

釋事天地主於

敬故於郊社

禮言十五

者也子曰禮乎禮夫禮所以制中也禮乎禮唯禮

也子貢退言游進曰敢問禮也者領惡而

全好者與子曰然領猶治也然則何如子曰郊

社之義所以仁鬼神也嘗禘之禮所以仁

昭穆也饋奠之禮所以仁死喪也射鄉之禮

所以仁鄉黨也食饗之禮所以仁賓客也

仁猶存也凡存此者所以全善之道也郊社嘗禘饋奠存死之善者也射鄉食饗存生之善者也郊有右稷社有句龍子曰

曰明乎郊社之義嘗禘之禮治國其如指

諸掌而已乎是故以之居處有禮故長幼

辨也以之閨門之內有禮故三族和也以

鄭氏又曰

郊社嘗

禘饋

存死之義

射鄉食饗

存生之義

孔氏又曰

註稱后

稷句龍

辨社郊

社仁鬼神

之義

廟主於愛故於
禘嘗言昭穆
饋奠之禮始死
之奠也始死而
致祭之則不仁
此饋奠所以仁
死喪也習射尚
功所以使之爭
習鄉齒齒所以
使之讓有所爭
則壯者有以勵
有所讓則頽白者
不負戴而車徒避
老者此鄉射之禮
所以待鄉黨者
盡矣故曰射鄉
所以仁鄉黨食
以示其愛養食以示
其敬食饗所以待
賓客者盡矣然

之朝廷有禮故官爵序也以之田獵有禮
故戎事閑也以之軍旅有禮故武功成也
是故宮室得其度量鼎得其象味得其時
樂得其節車得其式鬼神得其饗喪紀得
其哀辨說得其黨官得其體政事得其施
加於身而錯於前凡衆之動得其宜治國指諸掌言
易知也郊社嘗禘尊卑之事有治國之象焉辨別也三族父子孫也凡言得者得法於禮也量豆區斗斛也味酸苦之屬也四時有所多及獻所宜也式謂載也所載有尊卑辨禮之說謂禮樂之官教學者黨類也體尊卑異而合同
子曰禮者何也即事之治也君子有其事必有其治
治國而無禮辭猶瞽之無相與俇俇乎其

礼始於冠本於昏
 重於喪祭尊於
 朝聘和於射鄉
 此不及冠昏者蓋
 冠昏在我之事在
 我則不可推恩及
 之是以不言
 嚴陳方氏曰居
 其暫處田以所處
 之利言獵以所獲
 之物言之室有與
 隙席有上下所謂
 居處有禮也故長
 幼辨父子之兄
 弟夫婦之婦謂
 閨門有禮也故族
 和說官分職列
 爵分土所謂報
 施有禮也故官爵
 序於禮義實而
 序於禮義實而

何之辭如終夜有求於幽室之中非燭何
 見若無禮則手足無所錯耳目無所加進
 退揖讓無所制是故以之居處長幼失其
 別閨門三族失其和朝廷官爵失其序田
 獵戎事失其策軍旅武功失其制宮室失
 其度量鼎失其象味失其時樂失其節車
 失其式鬼神失其饗喪紀失其哀辨說失其
 黨官失其體政事失其施加於身而錯於前
 凡衆之動失其宜如此則無以祖洽於衆也
 凡失者無禮故也策謀也祖始也洽合也
 言失禮無以爲衆倡始無以合和衆
 子曰慎聽之安三人

鄭氏曰三
 族父族
 也○孔氏
 曰三族
 屬也

猶冬將時謂國
有禮也故戎事
進退有度左君
省局所謂軍旅
有禮也故武功
成我以器言武
以道言三族父
子兄弟夫婦

者吾語女禮猶有九焉大饗有四焉苟知此
矣雖在畎畝之中事之聖人已兩君相見揖
讓而入門入門而縣興揖讓而升堂升堂而
樂闋下管象武夏籥序興陳其薦俎序其
禮樂備其百官如此而后君子知仁焉行中
規還中矩和鸞中采齊客出以雍撤以振羽
是故君子無物而不在禮矣入門而金作示
情也升歌清廟示德也下而管象示事也是
故古之君子不亦親相與言也以禮樂相示
而已

猶有九焉吾所欲語女餘有九也但大饗有四大饗謂饗諸侯來朝者也四者謂金再作升歌清廟下管象也事之謂立

置於位也聖人已者是聖人也縣興金作也金再作者獻主君又作也下謂堂下也象武舞也夏籥文舞也序更也堂下吹管舞文武之樂更起也知仁焉知禮樂所存也采齊雍振羽皆樂章也振羽振鷺及雍金作示情也賓主人各以情相示也金性內明象人情也示德也相示以德也清廟頌文王之德示事也相示以事也武象武王之大事也

子曰禮也者理

也樂也者節也君子無理不動無節不作

不能詩於禮繆不能樂於禮素薄於德於

禮虛繆誤也素猶質也歌詩所以通禮意也作樂所以同成禮文也崇德所以實禮行也王制曰樂正崇四術立四

教順先王詩書禮樂以造士春秋教以禮樂冬夏教以詩書王大子王子羣后之大子卿大夫元士之適子國之俊選皆造焉

則古之人皆知諸侯之禮樂子曰制度在禮文為在禮行之

其在人乎文為文章所為子貢越席而對曰敢問夔

其窮與見其不達於禮子曰古之人與古之人也達

舜典命伯夷典
禮而伯稷首讓
於夔龍則夔受命
不達於禮者此亦
後世流傳之譌夫
子亦因其言戒學
者耳

於禮而不達於樂謂之素達於樂而不達於禮謂之偏夫夔達於樂而不達於禮是以傳於此名也古之人也

素與偏具不備耳夔達於樂傳世至此賢人也非不

能非所謂窮

子張問政子曰師乎前吾語女乎君

子明於禮樂舉而錯之而已

言禮樂足以爲政也錯猶施行也

子

張復問子曰師爾以爲必鋪几筵升降酌

獻酬酢然後謂之禮乎爾以爲必行綴兆

興羽籥作鐘鼓然後謂之樂乎言而履之

禮也行而樂之樂也君子力此二者以南

面而立夫是以天下大平也諸侯朝萬物

服體而百官莫敢不承事矣。禮之所興，眾之所治也。禮之所廢，眾之所亂也。目巧之室，則有奧、阼、席，則有上下。車，則有左右行。則有隨。立，則有序。古之義也。室而無奧、阼，則亂於堂。室也。席而無上下，則亂於席。上也。車而無左右，則亂於車也。行而無隨，則亂於塗也。立而無序，則亂於位也。昔聖帝明王，諸侯辨貴賤，長幼遠近，男女外內，莫敢相踰越，皆由此塗出也。

服體體服也。謂萬物之符，長皆來為瑞應也。眾之所治，眾之所以治也。眾之所亂，眾之所以亂也。目巧，謂但用巧目，善意作室，不由法度，猶有奧、阼、賓主之處也。自目巧以下，古今。

此篇亦後人附會成書

常事不可廢改也三子者既得聞此言也於夫子昭

然若發矇矣

乃曉禮樂不可廢改之意也

孔子閒居第二十九

鄭氏注

孔子閒居子夏侍子夏曰敢問詩云凱弟君子民之父母何如斯可謂民之父母矣

凱弟樂易也

孔子曰夫民之父母乎必達於禮樂

之原以致五至而衍三無以橫於天下四

方有敗必先知之此之謂民之父母矣

原猶本也

橫充也敗謂禍災也

子夏曰民之父母既得而聞之矣

敢問何謂五至孔子曰志之所至詩亦至

焉詩之所至禮亦至焉禮之所至樂亦至
焉樂之所至哀亦至焉哀樂相生是故正
明目而視之不可得而見也傾耳而聽之
不可得而聞也志氣塞乎天地此之謂五

至

凡言至者至於民也志謂恩意也言君恩意至於民則其詩亦至也詩謂好惡之情也自此以下皆謂民之父母者

善推其所有以與民共之人耳不能聞目不能見行之在胷中也塞滿也

子夏曰五至既得

而聞之矣敢問何謂三無孔子曰無聲之

樂無體之禮無服之喪此之謂三無子夏

曰三無既得略而聞之矣敢問何詩近之

於意未察求其類於詩詩長人情

孔子曰夙夜其命宥密無聲

之樂也威儀逮逮不可選也無體之禮

凡民有喪匍匐救之無服之喪也

詩讀其為聲之誤也基

謀也密靜也言君夙夜謀為政教以安民則民樂之此非有鐘鼓之聲也逮逮安和之貌也言君之威儀安和逮逮然則民倣之此非有升降揖讓之禮也救之謂恤之言君於民有喪有以賙恤之則民倣之此非有衰經之服子夏曰言

則大矣美矣盛矣言盡於此而已乎孔

子曰何為其然也君子之服之也猶有五

起焉

言盡於此乎意以為說未盡也服猶習也君子習讀此詩起此之義其說有五也

子夏曰

何如孔子曰無聲之樂氣志不違無體之

禮威儀遲遲無服之喪內恕孔悲無聲之

樂氣志既得無體之禮威儀翼翼無服之

喪施及四國無聲之樂氣志既從無體之
禮上下和同無服之喪以畜萬邦無聲之
樂日聞四方無體之禮日就月將無服之
喪純德孔明無聲之樂氣志既起無體之
禮施及四海無服之喪施于孫子

不違者民不違君之

氣志也孔甚也施易也從順也畜孝也使萬邦之民競為孝也就成也將大也使民之儆禮日有所成至月則大矣起猶行也

子夏曰三王之德參於天地敢問何如斯
可謂參天地矣孔子曰奉三無私以勞天

下

三王謂禹湯文王也參天地者其德與天地為三也勞勞來

子夏曰敢問何謂

三無私孔子曰天無私覆地無私載日月

此章語意却
有自來

文公曰嗜欲將至
有開必先家語
作有物將至其兆

無私照奉斯三者以勞天下此之謂三無
私其在詩曰帝命不違至于湯齊湯降不
遲聖敬日齊昭假遲遲上帝是祗帝命式
于九國是湯之德也

帝天帝也詩讀湯齊為湯躋躋升也降下也齊莊也昭明也假

至也祗敬也式用也九國九州之界也此詩云殷之先君其為政不違天之命至於湯升為君又下天之政教甚疾其聖敬日莊嚴其明道至於民遲遲然安和天是用敬之命之用事於九州謂使王也是湯之德者是湯奉天無私之德也

天

有四時春秋冬夏風雨霜露無非教也地

載神氣神氣風霆風霆流形庶物露生無

非教也

言天之施化收殺地之載生萬物此非有所私也無非教者皆人君所當奉行以為政教

清

明在躬氣志如神嗜欲將至有開必先天

必先却是若說
嗜欲則又成不
好底意

注三十三

禮記十五

十四

降時雨山川出雲其在詩曰嵩高惟嶽峻

極于天惟嶽降神生甫及申惟申及甫惟

周之翰四國于蕃四方于宣此文武之德

也清明在躬氣志如神謂聖人也嗜欲將至謂其王天下之期將至也神有以開之必先爲之生賢知之輔佐若天將

降時雨山川爲之先出雲矣峻高大也翰幹也言周道將興五嶽爲之生賢輔佐仲山甫及申伯爲周之幹臣天下之蕃衛宣

德於四方以成其王功此文武之德也是文王武王奉天地無私之德也此宣王詩也文武之時其德如此而詩無以言之取

類以三代之王也必先其令聞詩云明明天

子令聞不已三代之德也令善也言以名德善聞天乃命之王也不已不

倦止弛其文德協此四國大王之德也弛施也協和也

大王文王之祖周子夏蹶然而起負牆而立曰

秀岩李氏曰
坊記表記文
字體製絕與
緇衣篇同疑亦
公孫尼子所作

富貴之坊

弟子敢不承乎

承奉承不失墜也起負
牆者所問竟辟後來者

坊記第三十

鄭氏注

子言之君子之道辟則坊與坊民之所不

足者也

民所不足謂仁義之道
也失道則放辟邪侈也

大爲之坊民猶踰

之

言嚴其禁尚不
能止況不禁乎

故君子禮以坊德刑以坊淫

命以坊欲

命謂
教令

子云小人貧斯約富斯驕約

斯盜驕斯亂

約猶
窮也

禮者因人之情而爲之節

文以爲民坊者也故聖人之制富貴也使

民富不足以驕貧不至於約貴不嫌於上

故亂益亡

此節文者謂農有田里之差士有爵命
之級也嫌恨不滿之貌也嫌或爲嫌

子云

貧而好樂富而好禮衆而以寧者天下其

幾矣

言如此者寡也寧安也大族衆家恒多為亂

詩云民之貪亂寧為

荼毒

言民之貪為亂者安其荼毒之行惡之也

故制國不過千乘都城

不過百雉家富不過百乘以此坊民諸侯

猶有畔者

古者方十里其中六十四井出兵車一乘此兵賦之法也成國之賦千乘雉度名也高一丈長

三丈為雉百雉為長三百丈方五百步子男之城方五里百雉者此謂大都三國之一子云夫禮者

所以章疑別微以為民坊者也故貴賤有

等衣服有別朝廷有位則民有所讓

位朝子讓位也

去天無二日土無二王家無二主尊無二

上示民有君臣之別也春秋不稱楚越之

王喪禮君不稱天大夫不稱君恐民之惑

也

楚越之君僭號稱王不稱其喪謂不書葬也春秋傳曰吳楚之君不書葬辟其僭號也目者天君稱天子為天王稱

諸侯不言天公辟王也大夫有臣者稱之曰主不言君辟諸侯也此者皆為使民疑惑不知孰者尊也周禮曰主友之讎視從

父昆弟

詩云相彼盍旦尚猶患之

盍旦夜鳴求旦之鳥也求不可得也人猶

惡其欲反晝夜而亂晦明況於臣之僭君求不可得之類亂上下惑眾也

子玄君不與同姓

同車與異姓同車不同服示民不嫌也以

此坊民猶得同姓以弑其君

同姓者謂先王先公子孫有繼及之

道者也其非此則無嫌也僕右恒朝服君則各以時事唯在軍同服爾

子玄君子辭貴不

辭賤辭富不辭貧則亂益亡

亡無也

故君子與

其使食浮於人也寧使人浮於食

食謂祿也在上

曰浮祿勝己則近貪己勝祿則近廉子玄觴酒豆肉讓而受惡民猶

犯齒柱席之上讓而坐下民猶犯貴朝廷

之位讓而就賤民猶犯君犯猶僭也齒年也禮六十以上遵豆有加貴秩異者

詩云民之無良相怨一方受爵不讓至于

已斯亡良善也言無善之人善遙相怨子玄君子貴

人而賤己先人而後己則民作讓故稱人

之君曰君自稱其君曰寡君寡君猶言少德之君言之謙子

玄利祿先死者而後生者則民不僭先亡

者而後存者則民可以託言不偷於死亡則於生存信詩云

先君之思以畜寡人此衛夫人定姜之詩也定姜無子立庶子衎是為獻公畜孝也

獻公無禮於定姜定姜作詩言獻以此坊民民猶僭死

而號無告死者見借其家之老弱號子去有國家

者貴人而賤祿則民興讓尚技而賤車則

民興藝言人君貴尚賢者能者而不吝於班祿賜車服則讓道與賢者能者人所服也技猶藝也故

君子約言小人先言言人尚德不尚言也約與先互言爾君子約則小人多矣小人

先則君子後矣易曰君子以多識前言往行以畜其德子去上酌民言則下天

上施上不酌民言則犯也下不天上施則亂

也酌猶取也取衆民之言以為政教則得民心故君子

信讓以涖百姓則民之報禮重報臨也報禮重者猶言能死其難

詩云先民有言詢于芻蕘先民謂上古之君也詢謀也芻蕘下民之事也

言古之人君將有政教必謀之於庶民乃施之子去善則稱人過則稱己

則民不爭善則稱人過則稱己則怨益亡

詩云爾卜爾筮履無咎言爾女也履禮也言女鄉卜筮然後與我為禮則

無咎惡之言矣言惡在已彼過淺子去善則稱人過則稱己則

民讓善詩云考卜惟王度是錡京惟龜正

之武王成之度謀也錡京錡宮也言武王卜而謀居此錡邑龜則出吉兆正之武王築成之此目歸美

於子去善則稱君過則稱己則民作忠君

陳曰爾有嘉謀嘉猷入告爾君于内女乃

順之于外曰此謀此猷惟我君之德於乎

是惟良顯哉君陳蓋周公之子伯禽弟也名篇在尚書今士嘉善也猷道也於乎是惟良顯哉美

君之德子去善則稱親過則稱己則民作孝

誓曰子克紂非子武惟朕文考無罪紂克

予非朕文考有罪惟予小子無良大誓尚書篇名也克

勝也非子武非我武功也文考文王也無罪則言有德也無良無功善也此武王誓衆以伐紂之辭也今天誓無此章則其篇

散子去君子弛其親之過而敬其美弛猶弃忘也孝

子不藏識父母之過論語曰三年無改於父之道可謂

孝矣不以己善駁親之過高宗去三年其惟不言言乃謹

高宗殷王武丁也名篇在尚書三年不言有父小乙喪之時也謹當為歡聲之誤也其既言天下皆歡喜樂其政教也子

去從命不忿微諫不倦勞而不怨可謂孝

矣微諫不倦者子於父母尚和順不用鄂鄂論語曰事父母幾諫見志不從又敬不違內則曰父母有過下氣怡色柔

聲以諫諫若不入起敬起孝說則復諫此所謂不倦詩云孝子不匱匱乏也孝子無乏止之時

子云睦於父母之黨可謂孝矣睦厚也黨猶親也故

君子因睦以合族合族謂與族人燕與族人食詩云此令兄

弟綽綽有裕不令兄弟交相為瘡令善也綽綽寬容貌

也交猶更也瘡病也子云於父之執可以乘其車不可以

衣其衣君子以廣孝也父之執與父執志同者也可

今與已位等子云小人皆能養其親君子不敬何

以辨辨別也子云父子不同位以厚敬也同位尊卑等為

其相書云厥辟不辟忝厥祖厥其也辟君也忝辱也為君不君與目子相襲

則辱先祖矣君父之道宜尊嚴子云父母在不稱老言孝不言

慈閨門之內戲而不歎

孝上施言慈則嫌下流也

年五十而不失其孺子之心歎謂有憂戚之聲也

君子以此坊民民猶有薄

於孝而厚於慈子去長民者朝廷敬老則

民作孝

長民謂天子諸侯也

子去祭祀之有尸也宗廟

之有主也示民有事也脩宗廟敬祀事教

民追孝也

有事有所尊事

以此坊民民猶忘其親子

去敬則用祭器

祭器籩豆簋鉶之屬也有敬事於賓客則用之謂饗食也盤盂之屬為燕器

故君子不以菲廢禮不以美沒禮

言不可以其薄不及禮而

不行禮亦不可以其美過禮而去禮禮主敬廢滅之是不敬

故食禮主人親饋則

客祭主人不親饋則客不祭故君子苟無

禮雖美不食焉易曰東鄰殺牛不如西鄰

之禴祭寔受其福

東鄰謂紂國中也西鄰謂文王國中也此辭在既濟既濟離下坎上

離為牛坎為豕西鄰禴祭則用豕與言殺牛而凶不如殺豕受福喻奢而慢不如儉而敬也春秋傳曰黍稷非馨明德惟馨信

矣詩云既醉以酒既飽以德

言君子饗燕非專為酒肴亦以觀威儀講德美

以此示民民猶爭利而忘義子去七日戒

三日齊承一人焉以為尸過之者趨走以

教敬也

戒謂散齊也承猶事也

醴酒在室醕酒在堂澄

酒在下示民不淫也

淫猶貪也澄酒清酒也三酒尚質不尚味

尸飲三

衆賓飲一示民有上下也

上下猶尊卑也主人主婦上賓獻尸乃後主人

降洗爵獻賓

因其酒肉聚其宗族以教民睦也

言祭有酒

喪禮之坊

爭奪之坊

兩羣昭羣穆皆至而故堂上觀乎室堂下觀乎上

謂終時肅敬詩云禮儀卒度笑語卒獲卒盡也

言在廟中者不失其禮子去賓禮每進以讓喪禮

每加以遠浴於中霑飯於牖下小斂於戶

內大斂於阼殯於客位祖於庭葬於墓所

以示遠也遠之所以崇敬般人弔於壙周人弔

於家示民不備也既葬哀而哭子去死民之卒

事也吾從周周於送死尤備以此坊民諸侯猶有薨

而不葬者子去并自客階受弔於賓位教

民追孝也謂反哭時也既葬矣猶不未沒喪不稱君

示民不爭也故魯春秋記晉喪曰殺其君

之子奚齊及其君卓

沒終也春秋傳曰諸侯於其封內三年稱子至其日子踰年則

謂之君矣奚齊與卓子皆獻公之子也以此坊民子猶

有弑其父者

弑父不子之甚

子去孝以事君弟以事長

示民不貳也故君子有君不謀仕唯卜之日

稱二君

不貳不自貳於尊者也自貳謂若鄭叔段者也君子有君謂君之子父在者也不謀仕嫌遲為

政也卜之日謂君有故而為之卜也二當為貳唯卜之時辭得曰君之貳某爾晉惠公獲於秦命其大夫歸擇立君曰其卜貳

也

喪父三年喪君三年示民不疑也

不疑於君之尊

也君無骨肉之親不重其服至尊不明

父母在不敢有其身不敢私

其財示民有上下也

身及財皆當統於父母也有猶尊也

故天子四

海之內無客禮莫敢為主焉故君適其臣

升自阼階即位於堂示民不敢有其室也

呂亦統於君父母在饋獻不及車馬示民不敢專

也車馬家物之重者以此坊民民猶忘其親而貳其君

子云禮之先幣帛也欲民之先事而後祿

也此禮謂所執之摯以見者也既相見乃奉幣帛以脩好也或云禮之先辭而後幣帛先財而

後禮則民利財幣帛也利猶貪也無辭而行情則民爭

辭辭讓也情主利欲也故君子於有饋者弗能見則不視

其饋饋遺也不能見謂有疾也不視猶不內也易曰不耕穫不菑畲

凶言必先種之乃得穫若先菑乃得畲也安有無事而取利者乎田一歲曰菑二歲曰畲三歲曰新田以此坊

民民猶貴祿而賤行行猶事也言務得其祿不務其事子云君

子不盡利以遺民不與民爭利也詩云彼有遺秉此

有不斂穧伊寡婦之利言穫者之遺餘故君子

仕則不稼田則不漁食時不力珍大夫不

坐羊士不坐犬食時謂食四時之膳也力猶務也天子諸侯有秩膳古者殺牲食其肉坐其皮

不坐犬羊是不無故殺之詩云采芣采芣無以下體德音莫

違及爾同死芣蔓菁也陳宋之閒謂之芣菲蒿類也下體謂其根也采芣菲之菜者采其菜而可

食無以其根美則并取之苦則弃之并取之是盡利也此詩故

親今疏者言人之交當如采芣采菲取一善而已君子不求備

於一人能如此則德美之音不離令名我願與女同死矣論語曰故舊無大故則不弃也以此坊民民猶忘義而爭利以亡其身子云夫禮坊民

所淫章民之別使民無嫌以為民紀者也

淫猶貪也章明也嫌嫌疑也故男女無媒不交無幣不相見

恐男女之無別也重男女之會所以遠別之於禽獸也有幣者必有媒有媒者不必有幣仲

春之月會男女之時不必待幣以此坊民民猶有自獻其身猶獻

進也詩云伐柯如之何匪斧不克取妻如之何

匪媒不得藝麻如之何橫從其畝取妻如

之何必告父母伐柯伐木以為柯也克能也藝猶樹也橫從橫行治其田也言取妻之法必有媒如

伐柯之必湏斧也取妻之道必告父母如樹麻當先易治其田子云取妻不取同姓

以厚別也厚猶遠也故買妾不知其姓則卜之買妾言

以其賤同之於眾物也士庶之妾恒多凡庸有不知其姓者以此坊民魯春秋猶去

夫人之姓曰吳其死曰孟子卒

足大伯之後魯同姓也昭公取

焉去姬曰吳而已至其死亦略云孟子卒不書夫人某氏薨孟子蓋其且字

子云禮非祭男

女不交爵

交爵謂相獻酢

以此坊民陽侯猶殺繆侯而

竊其夫人

同姓也以貪夫人之色至殺君而立其國未聞

故大饗廢夫人之

禮

大饗饗諸侯來朝者也夫人之禮使人攝

子云寡婦之子未有見焉

則弗友也君子以辟遠也

有見謂睹其才藝也同志為友

故朋

友之交主人不在不有大故則不入其門

大故喪疾

以此坊民民猶以色厚於德子云好德

如好色

此句似不足論語曰未見好德如好色疾時人厚於色之甚而薄於德也

諸侯不下

漁色

謂不內取於國中也內取國中為下漁色昏禮始納采謂采擇其可者也國君而內取象捕魚然中網取之是無所擇

故君子遠色以爲民紀故男女授受不親

不親者不以手相與也內則曰非祭非喪不相授器其相授則女受以筐其無筐則皆坐奠之而後取之御婦人

則進左手御者在右前左手則身微偕之姑姊妹女子子已嫁

而反男子不與同席而坐女子十年而不出也嫁及成人可以出矣猶不與男

子共席而坐遠別寡婦不夜哭嫌思人道婦人疾問之不問

其疾嫌媚略之也以此坊民民猶淫佚而亂於

族亂族犯非妃匹也子云昏禮壻親迎見於舅姑舅

姑承子以授壻恐事之違也舅姑妻之父母也妻之父爲外舅妻

之母爲外姑父戒女曰夙夜母違命母戒女曰母違宮事以此坊民婦猶有不至

者不至不親夫以孝舅姑也春秋成公九年春二月伯姬歸於宋夏五月季孫行父如宋致女是時宋共公不親迎恐

其有違而
致之也

禮記卷第十五

經五千五百八十三字
注四千七百五十四字

禮記卷第十六

中庸第三十一

鄭氏注

天命之謂性率性之謂道脩道之謂教

天命

謂天所命生人者是謂性命木神則仁金神則義火神則禮水神則信土神則知孝經說曰性者生之質命人所稟受度也

也可離非道也

道猶道路也出入動作由之離之惡乎從也

是故君子

戒慎乎其所不睹恐懼乎其所不聞

小人間居為不

善無所不至也君子則不然雖視之無人聽之無聲猶戒慎恐懼自脩正是其不須更離道

莫見乎隱

莫顯乎微故君子慎其獨也

慎獨者慎其間居之所為小人於隱者動

作言語自以為不見睹不見聞則必肆盡其情也若有佔聽之者是為顯見甚於衆人之中為之

喜怒哀樂

之未發謂之中發而皆中節謂之和中也

者天下之大本也和也者天下之達道也

中為大本者以其含喜怒哀樂禮之所由生政教自此出也致中和天地位焉萬

物育焉致行之至也位猶正也育生也長也仲尼曰君子中庸小

人反中庸君子之中庸也君子而時中小

人之中庸也小人而無忌憚也庸常也用中為常道也反中庸

者所行非中庸然亦自以為中庸也君子而時中者其容貌君子而又時節其中也小人而無忌憚其容貌小人又以無畏難

為常行是其反中庸也子曰中庸其至矣乎民鮮能久矣

鮮罕也言中庸為道至美顧人罕能久行子曰道之不行也我知之矣

知者過之愚者不及也道之不明也我知

之矣賢者過之不肖者不及也人莫不飲

食也鮮能知味也

罕知其味謂愚者所以不及也過與不及使道不行唯禮能為之中

子曰道其不行矣夫

閔無明君教之

子曰舜其大知

也與舜好問而好察邇言隱惡而揚善執

其兩端用其中於民其斯以為舜乎

邇近也近言而

善易以進人察而行之也兩端過與不及也用其中於民賢與不肖皆能行之也斯此也其德如此乃號為舜舜之言充也

子曰人皆曰予知驅而納諸罟獲陷阱之

中而莫之知辟也人皆曰予知擇乎中庸

而不能期月守也

予我也言凡人自謂有知人使之入罟不知辟也自謂擇中庸而為

之亦不能久行言其實愚又無恒

子曰回之為人也擇乎中庸

得一善則拳拳服膺而弗失之矣拳拳奉持之貌子

曰天下國家可均也爵祿可辭也白刃可

蹈也中庸不可能也言中庸難為之難子路問強強勇

也子曰南方之強與北方之強與抑而強

與言三者所以為強者異也抑辭也而之言女也謂中國也寬柔以教不報無

道南方之強也君子居之南方以舒緩為強不報無道謂犯而不校也

衽金革死而不厭北方之強也而強者居

之衽猶席也北方以剛猛為強故君子和而不流強哉矯中立

而不倚強哉矯國有道不變塞焉強哉矯

國無道至死不變強哉矯此抑女之強也流猶移也塞猶實也國有道不

變以趨時國無道不變以辟害有
道無道一也矯強貌塞或為色
子曰素隱行怪後

世有述焉吾弗為之矣
素讀如攻城攻其所係之
係係猶鄉也言方鄉辟害

隱身而行倦謫以作後世
名也弗為之矣取之也君子遵道而行半途而

廢吾弗能已矣
廢猶罷止也弗能已矣汲
汲行道不為時人之隱行君子依

乎中庸邈世不見知而不悔唯聖者能之

言隱者當如此也
唯舜為能如此君子之道費而隱
言可隱之節也
費猶危也道不

仕費則夫婦之愚可以與知焉及其至也雖聖

人亦有所不知焉夫婦之不肖可以能行

焉及其至也雖聖人亦有所不能焉
與讀為
贊者皆

與之與言匹夫匹婦愚耳亦可以其與有所知可以其能有所
行者以其知行之極也聖人有不能如此舜好察邇言由此故

數天地之大也人猶有所憾憾恨也天地至大無

焉況於聖人能盡備之乎故君子語大天下莫能載焉語

小天下莫能破焉語猶說也所說大事謂先王之道也所說小事謂若愚不肖夫婦之知行也聖

人盡兼行詩云鳶飛戾天魚躍于淵言其上下

察也察猶著也言聖人之德至於天則鳶飛戾天至於地則魚躍於淵是其著明於天地也君子

之道造端乎夫婦及其至也察乎天地夫婦謂匹

夫匹婦之所知所行子曰道不遠人人之為道而遠人

不可以為道言道即不遠於人不能行也詩云伐柯伐柯其

則不遠執柯以伐柯睨而視之猶以為遠

則法也言持柯以伐木將以為柯近以柯為尺寸之法此法不遠人尚遠之明為道不可以遠故君子以

人治人改而止

言人有罪過君子以人道治之其人改則止赦之不責以人所不能

忠懇

違道不遠施諸已而不願亦勿施於人

違猶去也

君子之道四丘未能一焉所求乎子以事

父未能也所求乎臣以事君未能也所求

乎弟以事兄未能也所求乎朋友先施之

未能也

聖人而曰我未能明人當勉之無已

庸德之行庸言之謹

有所不足不敢不勉有餘不敢盡言顧行

行顧言

庸猶常也言德常行也言常謹也聖人之行實過於人有餘不敢盡常為人法從禮也

君

子胡不慥慥爾

君子謂眾賢也慥慥守實言行相應之貌

君子素其位

而行不願乎其外素富貴行乎富貴素貧

賤行乎貧賤素夷狄行乎夷狄素患難行

乎患難君子無入而不自得焉

素讀皆為係不願乎其外謂思

不出其位也自得謂所鄉不失其道

在上位不陵下在下位不援

上

援謂牽持之也

正己而不求於人則無怨上不怨

天下不尤人

無怨人無怨之者也論語曰君子求諸己小人求諸人

故君子居

易以俟命小人行險以徼幸

易猶平安也俟命聽天任命也險謂傾危

之道

子曰射有似乎君子失諸正鵠反求諸

其身

反求於其身不以怨人畫曰正棲皮曰鵠

君子之道譬如行遠

必自邇譬如登高必自卑

自從也邇近也行之以近者卑者始以漸致之

高遠詩曰妻子好合如鼓琴琴兄弟既翕和

樂且耽宜爾室家樂爾妻帑

瑟琴聲相應和也
翕合也耽亦樂也

古者謂子孫曰帑此詩言
和室家之道自近者始

子曰父母其順矣乎

謂其教
令行侯

室家

子曰鬼神之為德其盛矣乎視之而弗

見聽之而弗聞體物而不可遺

體猶生也可猶
所也無有所遺

言萬物無不以
鬼神之氣生也

使天下之人齊明盛服以承祭

祀洋洋乎如在其上如在其左右

明猶絜也
洋洋人想

思其傍
優之貌

詩曰神之格思不可度思矧可射思

格來也矧況也射厭也思皆聲之助言神之來其
形象不可億度而知事之盡敬而已況可厭倦乎

夫微之顯

誠之不可揜如此夫

言神無形而
著不言而誠

子曰舜其大

孝也與德為聖人尊為天子富有四海之

內宗廟饗之子孫保之

保安也

故大德必得其位

必得其祿必得其名必得其壽

名令聞也

故天之生

物必因其材而篤焉

材謂其質性也篤厚也言善者天厚其福惡者天厚其毒皆由其本

而為

故栽者培之傾者覆之

栽讀如文王初載之載我猶殖也培益也今時

人名草木之殖曰栽築牆立板亦曰栽栽或為滋覆敗也

詩曰嘉樂君子憲憲令

德宜民宜人受祿于天保佑命之自天申

之故大德者必受命

憲憲興盛之貌保安也佑助也

子曰無憂

者其唯文王乎以王季為父以武王為子

父作之子述之

聖人以立法度為大事子能述成之則何憂乎堯舜之父子則有凶頑禹湯之

父子則寡令聞父子相成唯有文王

武王纘大王王季文王之緒

壹戎衣而有天下身不失天下之顯名尊

為天子富有四海之內宗廟饗之子孫保

之

續繼也緒業也戎兵也衣讀如殷聲之誤也齊人言殷聲如衣虞夏商周氏者多矣今姓有衣者殷之賢與壹戎殷

者壹用兵伐殷也

武王末受命周公成文武之德追

王大王王季上祀先公以天子之禮斯禮

也達乎諸侯大夫及士庶人父為大夫子

為士葬以大夫祭以士父為士子為大夫

葬以士祭以大夫期之喪達乎大夫三年

之喪達乎天子父母之喪無貴賤一也

末猶老也

追王大王王季者以王迹起焉先公組紃以上至后稷也斯禮達於諸侯大夫士庶人者謂葬之從死者之爵祭之用生者之

祿也言大夫葬以大夫士葬以士則追王者改葬之矣期之喪達於大夫者謂旁親所降在大功者其正統之期天子諸侯猶不降也大夫所降天子諸侯絕之不爲服所不臣乃服之也承葬祭說期三年之喪者明子事父以孝不用其尊卑變

子

曰武王周公其達孝矣乎夫孝者善繼人

之志善述人之事者也春秋脩其祖廟陳

其宗器設其裳衣薦其時食

脩謂埽糞也宗器祭器也裳衣先祖

之遺衣服也設之當以授尸也時食四時祭也

宗廟之禮所以序昭穆也

序爵所以辨貴賤也序事所以辨賢也旅

酬下爲上所以逮賤也燕毛所以序齒也

序猶次也爵謂公卿大夫士也事謂薦羞也以辨賢者以其事別所能也若司徒羞牛宗伯共雞牲矣文王世子曰宗廟之中以爵爲位崇德也宗人授事以官尊賢也旅酬下爲上者謂若特牲饋食之禮賓弟子兄弟之子各舉觶於其長也逮賤者宗

廟之中以有事為榮也燕謂既祭而燕也燕以髮色為坐祭時尊尊也至燕親親也齒亦年也踐其位行其

禮奏其樂敬其所尊愛其所親事死如事

生事亡如事存孝之至也踐猶升也其者其先祖也踐或為績郊

社之禮所以事上帝也宗廟之禮所以祀

乎其先也社祭地神不言后土者省文明乎郊社之禮審

之義治國其如示諸掌乎示讀如真諸河干之真真置也物而在掌中易

為知力者也序爵辨賢尊尊親親治國之要哀公問政子曰文武之政

布在方策其人存則其政舉其人亡則其

政息方版也策簡也息猶滅也人道敏政地道敏樹敏猶勉也樹謂

殖草木也人之無政若地無草木矣敏或為謀夫政也者蒲盧也蒲盧螺贏謂土蜂也

詩曰螟蛉有子蜾蠃負之螟蛉桑蟲也蒲盧取桑蟲之子去而變化之以成爲己子政之於百姓若蒲盧之於桑蟲然故

爲政在人在於得賢人也取人以身脩身以道脩道

以仁取人以身言明君乃能得人仁者人也親親爲大義者

宜也尊賢爲大親親之殺尊賢之等禮所

生也人也讀如相人偶之人以人意相存問之言在下位不獲乎上民

不可得而治矣此句其屬在下著脫誤重在此故君子不可以不

脩身思脩身不可以不事親思事親不可

以不知人思知人不可以不知天言脩身乃知孝知孝乃知

人知人乃知賢不肖知賢不肖乃知天命所保佑天下之達道五所以行

之者三曰君臣也父子也夫婦也昆弟也

朋友之交也五者天下之達道也知仁勇

三者天下之達德也所以行之者一也達者常行

百王所不變也或生而知之或學而知之或困而知

之及其知之一也困而知之謂長而見禮義之事已臨之而有不足乃始學而知之此達道

也或安而行之或利而行之或勉強而行

之及其成功一也利謂貪榮名也勉強恥不若人子曰好學近乎

知力行近乎仁知恥近乎勇知斯三者則

知所以脩身知所以脩身則知所以治人

知所以治人則知所以治天下國家矣言有

知有仁有勇乃知脩身則脩身以此三者為基凡為天下國家有九經曰

脩身也尊賢也親親也敬大目也體羣臣

也子庶民也來百工也柔遠人也懷諸侯

也

體猶接納也子猶愛也遠人蕃國之諸侯也

脩身則道立尊賢則不

惑親親則諸父昆弟不怨敬大目則不眩

體羣臣則士之報禮重子庶民則百姓勸

來百工則財用足柔遠人則四方歸之懷

諸侯則天下畏之

不惑謀者良也不眩所任明也

齊明盛服非

禮不動所以脩身也去讒遠色賤貨而貴

德所以勸賢也尊其位重其祿同其好惡

所以勸親親也官盛任使所以勸大目也

忠信重祿所以勸士也時使薄斂所以勸
百姓也日省月試既廩稱事所以勸百工
也送往迎來嘉善而矜不能所以柔遠人
也繼絕世舉廢國治亂持危朝聘以時厚
往而薄來所以懷諸侯也

同其好惡不特有所好惡於同姓雖恩不同義

必同也尊重其祿位所以貴之不必授以官守夫官不可私也官盛任使大臣皆有屬官所任使不親小事也忠信重祿有忠信者重其祿也時使使之以時日省月試考校其成功也既讀爲餘餘廩稍食也橐人職曰乘其事考其弓弩以下上其食

凡爲天下國家有九經所以行之者一也
凡事豫則立不豫則廢言前定則不跲事前
定則不困行前定則不疚道前定則不

窮

一謂當豫也。踰躓也。疾病也。人不能病之。

在下位不獲乎上民不可

得而治矣

獲得也。言臣不得於君。則不得居位治民。

獲乎上有道不信

乎朋友不獲乎上矣信乎朋友有道不順

乎親不信乎朋友矣順乎親有道反諸身

不誠不順乎親矣誠身有道不明乎善不

誠乎身矣

言知善之爲善。乃能行誠。

誠者天之道也誠之

者人之道也誠者不勉而中不思而得從

容中道聖人也誠之者擇善而固執之者

也

言誠者天性也。誠之者學而誠之者也。因誠身說有大至誠。

博學之審問之

慎思之明辨之篤行之有弗學學之弗能

弗措也有弗問問之弗知弗措也有弗思
思之弗得弗措也有弗辨辨之弗明弗措
也有弗行行之弗篤弗措也人一能之已
百之人十能之已千之果能此道矣雖愚
必明雖柔必強

此勸人學誠其身也果猶決也

自誠明謂之性

自明誠謂之教誠則明矣明則誠矣

自由也

而有明德是聖人之性者也由明德而有至誠是賢人之性者也

學以成之也有至誠則必有明德有明德則必有至誠

唯天下至誠爲能盡其性能盡其性則能盡人
之性能盡人之性則能盡物之性能盡物
之性則可以贊天地之化育可以贊天地

之化育則可以與天地參矣

盡性者謂順理之使不失其所也賛助也

育生也助天地之化生謂聖人受命在王位致太平

其次致曲曲能有誠誠則

形形則著著則明明則動動則變變則化

唯天下至誠為能化

其次謂自明誠者也致至也曲猶小小之事也不能盡性而有

至誠於有義焉而已形謂人見其功也盡性之誠人不能見也著形之大者也明著之顯者也動動人心也變改惡為善

也變之久則化而性善也

至誠之道可以前知國家將興必

有禎祥國家將亡必有妖孽見乎蓍龜動

乎四體禍福將至善必先知之不善必先

知之故至誠如神

可以前知者言天不欺至誠者也前亦先也禎祥妖孽蓍龜之占雖

其時有小人愚主皆為至誠能知者出也四體謂龜之四足春占後左夏占前左秋占前右冬占後右

誠者

自成也而道自道也

言人能至誠所以自成也
有道藝所以自道達

誠者物

之終始不誠無物

物萬物也亦事也大人無誠萬物不生小人無誠則事不成

是

故君子誠之為貴

言貴至誠

誠者非自成已而

已也所以成物也成已仁也成物知也性

之德也合外內之道也

以至誠成已則仁道立以至誠成物則知彌博此五性之

所以為德也外內所須而合也外內猶上下

故時措之宜也

時措言得其時而用也

故

至誠無息不息則久久則徯徯則悠遠悠

遠則博厚博厚則高明

徯猶效驗也此言至誠之德既著於四方其高厚日

以廣大也徯或為徹

博厚所以載物也高明所以覆物

也悠久所以成物也博厚配地高明配天

悠久無疆

後言悠久者言至誠之德既至博厚高明配乎天地又欲其長久行之

如此

者不見而章不動而變無爲而成天地之道

可壹言而盡也

言其德化與天地相似可一言而盡要在至誠

其爲物不

貳則其生物不測

言至誠無貳乃能生萬物多無數也

天地之道

博也厚也高也明也悠也久也

此言其著見成功也

今

夫天斯昭昭之多及其無窮也日月星辰

繫焉萬物覆焉今夫地一撮土之多及其

廣厚載華嶽而不重振河海而不洩萬物

載焉今夫山一卷石之多及其廣大草木生

之禽獸居之寶貝藏興焉今夫水一勺之多

及其不測龜鼉蛟龍魚鼈生焉貨財殖

焉

此言天之高明本生昭昭地之博厚本由撮土山之廣大本起卷石水之不測本從一勺皆合少成多自小致大為

至誠者亦如此乎昭昭猶耿耿詩曰惟天之命於穆

不已蓋曰天之所以為天也於乎不顯文

王之德之純蓋曰文王之所以為文也純

亦不已

天所以為天文王所以為文皆由行之無已為之不止如天地山川之云也易曰君子以順德積小以高

大是與

大哉聖人之道洋洋乎發育萬物峻極

于天

育生也峻高大也

優優大哉禮儀三百威儀三

千待其人然後行故曰苟不至德至道不

凝焉

言為政在人政由禮也凝猶成也

故君子尊德性而道問學

致廣大而盡精微極高明而道中庸溫故

而知新敦厚以崇禮

德性謂性至誠者道猶由也問學學誠者也廣大猶博厚也溫

讀如燭溫之溫謂故學之孰矣後時習之謂之溫

是故居上不驕為下不

倍國有道其言足以興國無道其默足以

容

興謂起在位也

詩曰既明且哲以保其身其此之

謂與

保安也

子曰愚而好自用賤而好自專生

乎今之世反古之道如此者裁及其身者

也

反古之道謂曉一孔之人不知今王之新政可從

非天子不議禮不制

度不考文

此天下所共行天子乃能一之也禮謂人所服行也度國家宮室及車輿也文書名也

今

天下車同軌書同文行同倫

今孔子雖有其謂其時

位苟無其德不敢作禮樂焉雖有其德苟

無其位亦不敢作禮樂焉言作禮樂者必聖人在天子之位子

曰吾說夏禮杞不足徵也吾學殷禮有宋

存焉吾學周禮今用之吾從周徵猶明也吾能說夏禮顧杞之

君不足與明之也王天下有三重焉其寡過矣

乎三重三王之禮上焉者雖善無徵無徵不信不信

民弗從下焉者雖善不尊不尊不信不信

民弗從上謂君也君雖善善無明徵則其善不信也下謂目也目雖善善而不尊君則其善亦不信也徵或

登為故君子之道本諸身徵諸庶民考諸三

王而不繆建諸天地而不悖質諸鬼神而

無疑百世以俟聖人而不惑質諸鬼神而

無疑知天也百世以俟聖人而不惑知人

也知天知人謂知其道也鬼神從天地者也易曰故知鬼神之情狀與天地相似聖人則之百世同道嚮或為登是

故君子動而世為天下道行而世為天下

法言而世為天下則遠之則有望近之則

不厭用其法度想思若其將來也詩曰在彼無惡在此無射

庶幾夙夜以永終譽君子未有不如此而

蚤有譽於天下者也射厭也永長也仲尼祖述堯舜

憲章文武上律天時下襲水土此以春秋之義說孔子之德孔子曰

吾志在春秋行在孝經二經固足以明之孔子祖述堯舜之道而制春秋而斷以文王武王之法度春秋傳曰君子曷為為春

秋撥亂世反諸正則莫近諸春秋其諸君子樂道堯舜之道與
末不亦樂乎堯舜之知君子也又曰是子也繼文王之體守文
王之法度文王之法無求而求故譏之也又曰王者孰謂謂文
王也此孔子兼包堯舜文武之盛德而著之春秋以俟後聖者
也律述也述天時謂編年四時具也襲
因也因水土謂記諸夏之事山川之異

辟如天地之無

不持載無不覆幬辟如四時之錯行如日

月之代明萬物並育而不相害道並行而

不相悖小德川流大德敦化此天地之所

以爲大也

聖人制作其德配天地如此唯五始可以當焉
幬亦覆也小德川流浸潤萌芽喻諸侯也大德

敦化厚生萬物喻
天子也幬或作燾

唯天下至聖爲能聰明叡知

足以有臨也寬裕溫柔足以有容也發強

剛毅足以有執也齊莊中正足以有敬也

文理密察足以有別也

言德不如此不可以君天下也蓋傷孔子有其德而

無其命溥博淵泉而時出之

言其臨下普徧思慮深重非得其時不出政教

溥博如天淵泉如淵見而民莫不敬言而

民莫不信行而民莫不說是以聲名洋溢

乎中國施及蠻貊舟車所至人力所通天

之所覆地之所載日月所照霜露所墜凡

有血氣者莫不尊親故曰配天

如天取其運照不已也如淵取其清

深不測也尊親尊而親之

唯天下至誠為能經綸天下之大

經立天下之大本知天地之化育

至誠性至誠謂孔子也大

經謂六藝而指春秋也大本孝經也

夫焉有所倚肫肫其仁淵淵

其淵浩浩其天

安有所倚言無所偏倚也人人自以德尤厚似偏頗者

怵懇誠貌也怵或為純純

苟不固聰明聖知達天德者其

孰能知之

言唯聖人乃能知聖人也春秋傳曰末不亦樂乎堯舜之知君子明凡人不知

詩曰

衣錦尚絅惡其文之著也故君子之道闇

然而日章小人之道的然而日亡

言君子深遠難知小人淺

近易知人所以不知孔子以其深遠禪為絅錦衣之美而君子以絅表之為其文章露見似小人也

君子之

道淡而不厭簡而文溫而理知遠之近知

風之自知微之顯可與入德矣

淡其味似薄也簡而文溫而理

猶簡而辨直而溫也自謂所從來也三知者皆言其睹末察本探端知緒也入德入聖人之德詩云潛雖

伏矣亦孔之昭故君子內省不疚無惡於

志孔甚也昭明也言聖人雖隱遁其德亦甚明矣疾病也君子自省身無愆病雖不遇世亦無損害於己志君子

所不可及者其唯人之所不見乎詩云相

在爾室尚不愧于屋漏言君子雖隱居不失其君子之容德也相視也室西北隅

謂之屋漏視女在室獨居耳猶不愧於屋漏屋漏非有人也況有人乎故君子不動而敬不

言而信詩曰奏假無言時靡有爭假大也此頌也言奏大樂於宗

廟之中人皆肅敬金聲玉色無有言者以時大平和合無所爭也是故君子不賞而民勸

不怒而民威於鈇鉞詩曰不顯惟德百辟

其刑之不顯言顯也辟君也此顯也言不顯乎文王之德百君盡刑之謂諸侯法之也是故君子

篤恭而天下平詩云予懷明德不大聲以

色予我也懷歸也言我歸有明德者以其不大聲為嚴厲之色以威我也子曰聲色之於以

化民末也詩曰德輶如毛

輶輕也言化民當以德德之易舉而用其輕如毛耳

毛猶有倫上天之載無聲無臭至矣

倫猶比也載讀曰裁謂生物也

言毛雖輕尚有所比有所比則有重上天之造生萬物人無聞其聲音者無知其臭氣者化民之德清明如神淵淵浩浩然後善

禮記卷第十六

經三千五百九十三字
注三千七百三十一字

[illegible]





莊威信

禮記卷第十七



表記第三十二

鄭氏注



子言之歸乎君子隱而顯不矜而莊不厲

而威不言而信

此孔子行應聘諸侯莫能用己心厭倦之辭也矜謂自尊大也厲謂嚴顏色

子

曰君子不失足於人不失色於人不失口

於人是故君子貌足畏也色足憚也言足

信也

失謂失其容止之節也玉藻曰足容重色容莊口容止

甫刑曰敬忌而

罔有擇言在躬

甫刑尚書篇名忌之言戒也言已外敬而心戒慎則無有可擇之言加於身也

子曰楊襲之不相因也欲民之母相瀆也

不相因者以其或以楊為敬或以襲為敬禮盛者以襲為敬執玉龜之屬也禮不盛者以楊為敬受享是也

子曰



伊川先生甚愛此論

君子不可一日使其心變然難使如不可度日蓋不肯一日墮於非正也

祭極敬不繼之以樂朝極辨不繼之以倦

極猶盡也辨分別政事也祭義曰祭之日樂與哀半饗之必樂已至必哀子曰君子慎以

辟禍篤以不揜恭以遠恥篤厚也揜猶困迫也子曰君子

莊敬曰強安肆曰偷肆猶放恣也偷苟且也肆或為褻君子不以

一日使其躬僂焉如不終日僂焉可輕賤之貌也如不終日言人而無禮死

無子曰齊戒以事鬼神擇日月以見君恐

民之不敬也擇日月以見君謂臣在邑竟者子曰狎侮死焉而

不畏也快於無敬心也子曰無辭不相接也無禮不相

見也欲民之母相褻也辭所以通情也禮謂摯也春秋傳曰古者諸侯有朝

聘之事號辭必稱先君以相接也易曰初筮告再三瀆瀆則不

告讀之言子言之仁者天下之表也義者夫

下之制也報者天下之利也報謂禮也子曰以

德報德則民有所勸以怨報怨則民有所

懲懲謂詩曰無言不讎無德不報讎猶大甲曰民

非后無能胥以寧后非民無以辟四方大甲湯

以名篇胥相也民子曰以德報怨則寬身之仁

也寬猶愛也愛身以息以怨報德則刑戮之民也怨非禮之正也仁亦

當言民子曰無欲而好仁者無畏而惡不仁

者天下一人而已矣是故君子議道自己

而置法以民一人而已喻少也自子曰仁有三與仁

同功而異情

三謂安仁也利仁也強仁也利仁強仁功雖與安仁者同本情則異

與仁同

功其仁未可知也與仁同過然後其仁可

知也仁者安仁知者利仁畏罪者強仁

功者人所

貪也過者人所辟也在過之中非其本情者或有悔者焉

仁者右也道者左也

仁者人也道者義也

右也左也言相須而成也人也謂施以人恩也義也謂斷

以事宜也春秋傳曰執未有言舍之者此其言舍之何人也

厚於仁者薄於義

親而不尊厚於義者薄於仁尊而不親

言仁

義並行者也仁多則人親之義多則人尊之

道有至義有考至道以王

義道以霸考道以爲無失

此讀當言道有至有義有考字脫一有耳有至

謂兼仁義者有義則無仁矣有考考成也

子言之仁有

仁

仁義

數義有長短小大中心懽懽愛人之仁也率

法而強之資仁者也

資取也數與長短小大互言之耳性仁義者其數長大取仁義

者其數短小

詩云豐水有芑武王豈不仕詒厥孫

謀以燕翼子武王烝哉數世之仁也

芑枸櫞也仕之言事

也詒遺也燕安也烝君也言武王豈不念天下之事乎如豐水之有芑矣乃遺其後世之子孫以善謀以安翼其子也君

哉武王美之也

國風曰我今不閱皇恤我後終身之

仁也

閱猶容也皇暇也恤憂也言我今尚恐不能自容何暇憂我後之人乎

子曰仁之為

器重其為道遠舉者莫能勝也行者莫能

致也取數多者仁也夫勉於仁者不亦難

乎

取數多者言計天下之道仁居其多

是故君子以義度人則難

爲人。以人望人。則賢者可知已矣。

言以先王成法儼度

人則難中也。當以時人相比方耳。

子曰：中心安仁者，天下一人而已。

矣。大雅曰：德輶如毛。民鮮克舉之。我儀圖

之。惟仲山甫舉之。愛莫助之。

輶輕也。鮮罕也。儀匹也。圖謀也。

愛猶惜也。言德之輕如毛耳。人皆以爲重。罕能舉行之者。作此詩者。周宣王之大臣也。言我之匹謀之。仲山甫則能舉行之。

之美之也。惜乎。時人無能助之者。言賢者少。

小雅曰：高山仰止。景行行

止。

仰高勤行者。仁之次也。景明也。有明行者。謂古賢聖也。

子曰：詩之好仁如此。

鄉道而行。中道而廢。忘身之老也。不知年

數之不足也。俛焉日有孳孳。斃而后已。

廢

力極罷頓不能復行。則止也。俛焉。勤勞之貌。斃。仆也。

子曰：仁之難成久矣。人人失

其所好

言仁道不成人所由不得其志

故仁者之過易辭也

辭猶

解說也仁者恭儉雖有過不甚矣唯聖人無過

子曰恭近禮儉近仁信近

情敬讓以行此雖有過其不甚矣夫恭寡

過情可信儉易容也以此失之者不亦鮮乎

言罕以此失之

詩云溫溫恭人惟德之基子曰仁之

言能成仁道者少也

難成久矣唯君子能之

不以其所能者病人不以其所不能者

愧人

病愧謂罪咎之

是故聖人之制行也不制以

已使民有所勸勉愧恥以行其言

以中人為制則賢者勸勉

禮以節之信以結之容貌以文之

不及者愧恥聖人之言乃行也

禮以節之信以結之容貌以文之

服
恭信之事

衣服以移之朋友以極之欲民之有壹也

移讀如禾汜移之移移猶廣小雅曰不愧于人

于天言人有所行當慙怖於天人也是故君子服其服則文

以君子之容有其容則文以君子之辭遂

其辭則實以君子之德遂猶成也是故君子恥服

其服而無其容恥有其容而無其辭恥有

其辭而無其德恥有其德而無其行無其行謂

不行其德是故君子裘經則有哀色端冕則

有敬色甲冑則有不可辱之色言色稱詩其服也

云惟鵜在梁不濡其翼彼記之子不稱

君臣之義

其服鵜鵜胡污澤也污澤善居泥水之中在魚梁以子言

之君子之所謂義者貴賤皆有事於天下

天子親耕染盛拒鬯以事上帝故諸侯勤

以輔事於天子言無事而居位食祿是不義而富且貴子曰下之事

上也雖有庇民之大德不敢有君民之心仁之

厚也庇覆也無君民之心是思不出其位是故君子恭儉以求役仁

信讓以求役禮不自尚其事不自尊其身

儉於位而寡於欲讓於賢卑己而尊人小

心而畏義求以事君役之言為也求以事君者欲成其忠臣之名也得之

自是不得自是以聽天命言不易道詩云莫莫

大二百四十二 禮記十七 五 余文

葛藟施于條枚凱弟君子求福不回凱樂也弟易也言樂

易之君子其求福脩德以俟之不為回邪之行以要之如葛藟之延蔓於條枚是其性也其舜禹文王周

公之謂與有君民之大德有事君之小心言此德當

不回詩云惟此文王小心翼翼昭事上帝聿

懷多福厥德不回以受方國昭明也上帝天也聿述也懷至也言述行上帝

之德以至於多福也方四方也受四方之國謂王天下子曰先王謚以尊名節

以壹惠取名之浮於行也謚者行之迹也名者謂聲譽也言先王論行以

為謚以尊名者使聲譽可得而尊言也壹讀為一惠猶善也言聲譽雖有衆多者節以其行一大善者為謚耳在上曰浮君子

勤行成功聲譽踰行是所取是故君子不自大其事不自尚

其功以求處情過行弗率以求處厚章人

父母之義

之善而美人之功以求下賢

率循也過行不復循行猶不貳過

是故君子雖自卑而民敬尊之

言謙者所以成行立德

子

曰后稷天下之為烈也豈一手一足哉

烈業也言后稷

造稼穡天下世以為業豈一手一足喻用之者多無數也

唯欲行之浮於名也故

自謂使人

亦言其謙也辟仁聖之名云吾便習於此事之人耳

子言之君子

之所謂仁者其難乎詩云凱弟君子民

之父母凱以強教之弟以詒安之樂而母

荒有禮而親威莊而安孝慈而敬使民有

父之尊有母之親如此而后可以為民父母

矣非至德其孰能如此乎

有父之尊有母之親謂其尊親已如父母

三代政俗

今父之親子也。親賢而下無能。母之親子也。賢則親之。無能則憐之。母親而不尊。父尊而不親。土之於民也。親而不尊。天尊而不親。命之於民也。親而不尊。鬼尊而不親。或見尊或見親以其嚴與恩所尚異也。命謂四時政令所以教民勤事也。鬼謂四時祭祀所以訓民事君也。子曰夏道尊命。事鬼敬神而遠之。近人而忠焉。先祿而後威。先賞而後罰。親而不尊。遠鬼神近人謂外宗廟內朝廷其民之敝。蠢而愚。喬而野。朴而不文。以本不困於刑罰少詐護也。敝謂政教衰失之時也。殷人尊神。率民以事神。先鬼而後

禮先罰而後賞尊而不親

先鬼後禮謂內宗廟外朝廷也禮者君臣朝會

凡以摯交接相施予

其民之敝蕩而不靜勝而無恥

以本快於

鬼神虛無之事令其心放蕩無所定困於刑罰苟勝免而無恥也月令曰無作淫巧以蕩上心

周人尊禮

尚施事鬼敬神而遠之近人而忠焉其賞

罰用爵列親而不尊

賞罰用爵列以尊卑為差

其民之敝

利而巧文而不慙賊而蔽

以本數交接以言辭尊卑多微訟

子

曰夏道未瀆辭不求備不大望於民民未

厭其親殷人未瀆禮而求備於民周人強

民未瀆神而賞爵刑罰窮矣

未瀆辭者謂時王不尚辭民不褻為

也不求備不大望言其政寬貢稅輕也強民言承殷難變之敝也賞爵刑罰窮矣言其繁文備設

子曰虞夏

此二句亦非孔子之言

虞

孔氏曰生無私言
序辭必以德子
民如父母愛子
也愛民之志悽
愴惻怛有忠恕
利益之教君子
謂虞朝之臣
君聖臣由舜而
得然也○呂氏又
曰節於物義也
周於物仁也尊而
有教義也親而
有愛仁也此君子
所以尊仁畏義
也所謂君子貴者
也賢者也有道
之世惟賢者得
在高位富而有礼
故不費恐用之
不以道也愚而
能散故輕實

之道寡怨於民殷周之道不勝其敝勝猶任也言殷

周極文民無恥而巧利後世之政難復子曰虞夏之質殷周之文至

矣言後有王者其作質文不能易之虞夏之文不勝其質殷周

之質不勝其文言王者相變質文各有所多子言之曰後世

雖有作者虞帝弗可及也已矣君天下生

無私死不厚其子子民如父母有憐怛之

愛有忠利之教親而尊安而敬威而愛富

而有禮惠而能散其君子尊仁畏義恥費

輕實忠而不犯義而順文而靜寬而有辨

死不厚其子言既不傳位又無以豐饒於諸臣也取費不為辭費出空言也實謂財貨也辨別也猶寬而栗也靜或為情

蓋不必藏於己也實之為言財化質之謂也實則其財而已愛之至則必忠不至于犯則不敬至則有義一以義斷或入于不順則不愛敬主於別則文之慎則不靜愛主於恩則寬寬而踰則無辨故忠而不犯義而順文而靜寬而有辨皆尊仁畏義親而尊之道也

甫刑曰德威惟威德明惟明非虞帝其孰能

如此乎德所威則人皆畏之言服罪也德子言之事

君先資其言拜自獻其身以成其信資謀也獻猶進

也言臣事君必先謀定其言乃後親進為君言也是故君有責於其臣臣

有死於其言故其受祿不誣其受罪益寡

死其言者竭力於其所言之事死而不負於事不信曰誣子曰事君大言入則望

大利小言入則望小利大言可以立大事也小言可以立小事也入謂君受之利

祿賞也入或為人故君子不以小言受大祿不以大言

受小祿言臣受祿各用其德能也易曰不家食吉此大畜彖辭也彖曰不家

食吉養賢也言君有大畜積不與家食之而已必以祿賢者賢有大小小祿有多少子曰事君不下

大畜十五 禮記十七 八 具切

達不尚辭非其人弗自

不下達不以私事自通於君也弗自不

也弗自不身與相親

小雅曰靖共爾位正直是與神之聽

之式穀以女

靖治也爾女也式用也穀祿也言敬治女位之職事正直之人乃與為倫友神聽女之所

為用祿與女

子曰事君遠而諫則調也近而不諫

則尸利也

尸謂不知人事無辭讓也

子曰邇臣守和宰正百

官大臣慮四方

邇近也和謂調和君事者也齊景公曰唯據與我和宰象宰也象宰主治百官

子曰事君欲諫不欲陳

陳謂言其過於外也

詩云心乎愛

矣瑕不謂矣中心藏之何日忘之

瑕之言胡也謂猶告也

子曰事君難進而易退則位有序易進而

難退則亂也

亂謂賢否不別

故君子三揖而進三辭

而退以遠亂也

進難者為主人之擇已也退速者為君子之倦也

子曰事

君三違而不出竟則利祿也人雖曰不要

吾弗信也

違猶去也利祿言為貪祿留也臣以道去君至於三而不遂去是貪祿必以其強與

君要也

子曰事君慎始而敬終

輕交易絕君子所恥

子曰事

君可貴可賤可富可貧可生可殺而不可

使為亂

亂謂違廢事君之禮

子曰事君軍旅不辟難朝

廷不辭賤

言尚忠且謙也

處其位而不履其事則亂

也

履猶行也

故君使其臣得志則慎慮而從之否

則孰慮而從之終事而退臣之厚也

使謂使之聘問

師役之屬也慎慮而從之者此已志也欲其必有成也否謂非已志也孰慮而從之又計於已利害也終事而退非已志者事

成則去也言臣致仕易曰不事王侯高尚其事而去不復

事君也君猶高尚其所為言臣致仕子曰唯天子受命于天

士受命于君言皆有所受不敢專也故君命順則

臣有順命君命逆則臣有逆命言臣受順則行

如其所受於君則為君不易矣詩曰鵲之姜姜鵲之賁賁人之

無良我以為君姜姜賁賁爭鬪惡貌也良善也言我以

小鳥賁賁子曰君子不以辭盡人不見人之言語則以

賁於下故天下有道則行有枝葉天下無道則辭

有枝葉行有枝葉所以益德也言有枝葉是衆是故

君子於有喪者之側不能賻焉則不問其

所費於有病者之側不能饋焉則不問其

所欲有客不能館則不問其所舍

皆辟有言而無其實故

君子之接如水小人之接如醴君子淡以

成小人甘以壞

水相得合而已酒醴相得則敗淡無醖酢少味也接或為交

小雅

曰盜言孔甘亂是用餒

盜賊也孔甚也餒進也

子曰君子

不以口譽人則民作忠

譽繩也

故君子問人之

寒則衣之問人之飢則食之稱人之美則爵

之

皆為有言不可以無實

國風曰心之憂矣於我歸說

欲歸其所說

子曰口惠而實不至怨菑及其身

善言而無信人所惡也是故君子與其有諾責也寧有已

三百五十一

色

卜筮登祀

怨已謂不許也言諾而不與其怨失於不許國風曰言笑晏晏信誓

旦旦不思其反反是不思亦已焉哉此皆相為昏禮而不

終也言始合會言笑和說要誓甚信今不思其本思之反覆反覆之不思亦已焉哉無如此人何怨之深也子曰

君子不以色親人情疏而貌親在小人則

穿窬之盜也與子曰情欲信辭欲巧巧謂順而

說也子言之昔三代明王皆事天地之神明

無非卜筮之用不敢以其私褻事上帝言動

任卜筮也神是故不犯日月不違卜筮日月謂冬夏至正月

明謂羣神也及四時也所不違卜筮不相襲也襲因也大事則大事

有時日大事有事於大神小事無時日有筮有事於小神無

常時常日有筮臨有事筮之外事用剛日內事用柔日順陰陽也陽為

外陰為內事之外內別乎四郊不違龜筮子曰牲牷禮樂齊盛

是以無害乎鬼神無怨乎百姓牲牷猶結也子曰后

稷之祀易富也其辭恭其欲儉其祿及子

孫富之言備也以傳世之祿共儉者之祭易備也詩曰后稷非祀庶無罪悔

以迄于今非四郊之祭處也迄至也言祀后稷於郊以配天庶幾其無罪悔乎福祿傳世乃至於今子

曰大人之器威敬言其用之尊嚴天子無筮謂征伐出師若巡守

也天子至尊大事皆用卜也春秋傳曰先王卜征五年歲襲其祥諸侯有守筮守筮守國

之筮國有事則用之天子道以筮始將出卜之道諸侯非其

國不以筮卜宅寢室入他國則不筮不敢問吉凶於人之國也諸侯受封乎天子因

小二百八十一

國而國唯宮室欲天子未卜處大廟卜可建國之

改易者得卜之耳知吉可天子未卜處大廟天子未卜處大廟卜可建國之

以不廢日月不違龜筮以敬事其君長用龜筮問

所貢獻也是以上不瀆於民下不褻於上言上之於下應之以正

不褻慢也

緇衣第三十三

鄭氏注

子言之曰為上易事也為下易知也則刑

不煩矣言君不苛虐臣無姦心則刑可以措子曰好賢如緇衣

惡惡如巷伯則爵不瀆而民作愿刑不

試而民咸服緇衣巷伯皆詩篇名也緇衣首章曰緇衣之宜兮敝予又改為兮適子之節兮還予

好惡

秀岩李氏曰劉瓛曰此篇公尼仲子所作

授子之案兮言此緇衣者賢者也宜長為國君其衣敝我願改制授之以新衣是其好賢欲其貴之甚也巷伯六章曰取彼讒人投畀豺虎豺虎不食投畀有北有北不受投畀有昊此其惡惡欲其死亡之甚也爵不瀆者不輕爵人也試用也咸皆也

大雅曰儀刑文王萬國作孚

刑法也孚信也儀法文王之德而行

之則天下無不為信者也文王為政克明德慎罰

子曰夫民教之以德齊

之以禮則民有格心教之以政齊之以刑

則民有遯心

格來也遯逃也

故君民者子以愛之則民

親之信以結之則民不倍恭以涖之則民有

孫心

粒臨也孫順也

甫刑曰苗民匪用命制以刑惟作

五虐之刑曰法是以民有惡德而遂絕其

世也

甫刑尚書篇名匪非也命謂政令也高辛氏之末諸侯有三苗者作亂其治民不用政令專制御之以嚴刑乃

作五虐蚩尤之刑以是為法於是民皆為惡
起倍畔也三苗由此見滅無後世由不任德
子曰下之事

上也不從其所令從其所行言民化行上好是

物下必有甚者矣甚者甚於君也故上之所好惡不

可不慎也是民之表也言民之從君如影逐表子曰禹立

三年百姓以仁遂焉豈必盡仁言百姓效禹為仁非本性能仁也遂

猶達也詩云赫赫師尹民具爾瞻甫刑曰一人

有慶兆民賴之大雅曰成王之孚下土之式

皆言化君也孚信也式法也子曰上好仁則下之為仁爭先人

故長民者章志貞身教尊仁以子愛百姓民

致行己以說其上矣章明也貞正也民致行己者民之行皆盡己心詩云

言行

有楷德行四國順之楷大也直也子曰王言如絲

其出如綸王言如綸其出如綽言言出彌大也綽今有秩嗇夫

所佩也綽引棺索也故大人不倡游言游猶浮也不可用之言也不可言也不

可行君子弗言也可行也不可言君子弗行

也則民言不危行而行不危言矣危猶高也言不高於

行行不高於言言行相應也詩云淑慎爾止不僾于儀淑善也僾

過也言善慎女之容止不可過於禮之威儀也子曰君子道人以言而禁

人以行禁猶謹也故言必慮其所終而行必稽其

所敝則民謹於言而慎於行稽猶考也詩云慎

爾出話敬爾威儀話善言也大雅曰穆穆文王於

大三百五

緝熙敬止

緝熙皆明也言於明明乎敬其容止

子曰長民者衣服不

貳從容有常以齊其民則民德壹二不詩一也

云彼都人士狐裘黃黃其容不改出言有

章行歸于周萬民所望

黃衣則狐裘大蜡之服也詩人見而說焉章文章也

忠信為周此詩毛氏有之三家則亡

子曰為上可望而知也為下可

述而志也則君不疑於其臣而臣不惑於

其君矣

志猶知也

尹吉曰惟尹躬及湯咸有壹德

自當為告告古文誥字之誤也尹告伊尹之誥也書序以為咸有壹德今亡咸皆也君臣皆有壹德不貳則無疑惑

也詩云淑人君子其儀不忒子曰有國者章

義瘡惡以示民厚則民情不貳

章明也瘡病也

詩云

靖共爾位好是正直子曰上人疑則百姓惑

下難知則君長勞

難知有姦心也

故君民者章好以

示民俗慎惡以御民之淫則民不惑矣

淫貪侈也

孝經曰示之以好惡而民知禁

臣儀行不重辭不援其所不及

不煩其所不知則君不勞矣

儀當為義聲之誤也言臣義事則行也重

猶尚也援猶引也引君所不及謂必使其君所行如堯舜也不煩以其所不知謂必使其知慮如聖人也凡告喻人當隨其才以誘

之詩云上帝板板下民卒瘡

上帝喻君也板板辟也卒盡也瘡病

也此君使民惑之詩

小雅曰匪其止共惟王之邛

匪非也邛勞也言臣

不止於恭敬其職惟使王之勞此臣使君勞之詩也

子曰政之不行也教之不

成也爵祿不足勸也刑罰不足恥也故上

不可以褻刑而輕爵

言政教所以明賞罰

康誥曰敬明

乃罰甫刑曰播刑之不迪

康康叔也作誥尚書篇名也播猶施也不衍字

耳迪道也言施刑之道

子曰大臣不親百姓不寧則忠敬不

足而富貴已過也大臣不治而邇臣比矣

忠敬不足謂臣不忠於君君不敬其臣邇近也言近以見遠言大以見小互言之比私相親也故大臣不

可不敬也是民之表也邇臣不可不慎也

是民之道也

民之道言民循從也

君母以小謀大母以

遠言近母以內圖外

圖亦謀也言凡謀之當各於其黨於其黨知其過審也大

臣柄權於外小臣執命於內或時交爭轉相陷害

則大臣不怨邇臣不疾而

遠臣不蔽矣

疾猶非也

葉公之顧命曰母以小謀

敗大作母以嬖御人疾莊后母以嬖御士

疾莊士大夫卿士

葉公楚縣公葉公子高也臨死遺書曰顧命小謀小臣之謀也大作

大臣之所為也嬖御人愛妾也疾亦非也莊右適夫人齊莊得禮者嬖御士愛臣也莊士亦謂士之齊莊得禮者今為大夫卿

士子曰大人不親其所賢而信其所賤民是

以親失而教是以煩

親失失其所當親也教煩由信賤也賤者無壹德也

詩

云彼求我則如不我得執我仇仇亦不我

力

言君始求我如恐不得我既得我持我仇仇然不堅固亦不力用我是不親信我也

君陳曰未見

聖若已弗克見既見聖亦不克由聖

克能也由用也

子曰小人溺於水君子溺於口大人溺於民

皆在其所褻也

言人不溺於所敬者溺謂覆沒不能自理出也

夫水近

於人而溺人德易狎而難親也易以溺

人言水人所沐浴自潔清者至於深淵洪波所當畏慎也由近人之故或泳之游之褻慢而無戒心以取溺焉有德者亦如

水矣初時學其迹者小者以從人事自以為可則侮狎之至於先王大道性與天命則遂扞格不入迷惑無聞如溺於大水矣

難親親之當肅敬如臨深淵口費而煩易出難悔易以溺人

費猶惠也言口多空言且煩數也過言一出駟馬不能及不可得悔也口舌所覆亦如溺矣費或為噤或為悖夫民

閉於人而有鄙心可敬不可慢易以溺人言民不通

於人道而心鄙詐難卒告喻人君敬慎以臨之則可若陵虐而慢之分崩怨畔君無所尊亦如溺矣故君子不

可以不慎也慎所可褻太甲曰毋越厥命以自

覆也若虞機張往省括于厥度則釋越之言

其也覆敗也言無自顛蹙女之政教以自毀敗虞主田獵之地者也機弩牙也度謂所擬射也虞人之射禽弩已張從機間視

括與所射參相得乃後釋弦發矢為政亦允命曰惟口

起羞惟甲冑起兵惟衣裳在笥惟干戈省

厥躬

允當為說謂躬高宗之臣傳說也作書以命高宗尚書篇名也羞猶辱也衣裳朝祭之服也惟口起辱當

慎言語也惟甲冑起兵當慎軍旅之事也惟衣裳在笥當服以為禮也惟干戈省厥躬當恕己不尚害人也太甲

曰天作孽可違也自作孽不可以逭

違猶辟也逭逃也

尹吉曰惟尹躬天見于西邑夏自周有終

相亦惟終

尹吉亦尹誥也天當為先字之誤忠信為周相助也謂臣也伊尹言尹之先祖見夏之先

君臣皆忠信以自終今天絕桀者以其自作孽伊尹始仕子於夏此時就湯矣夏之邑在亳西見或為敗邑或為子

曰民以君為心君以民為體心莊則體舒心

肅則容敬心好之身必安之君好之民必

欲之心以體全亦以體傷君以民存亦以

民亡莊齊莊也詩云昔吾有先正其言明且清國

家以寧都邑以成庶民以生誰能秉國成

不自為正卒勞百姓先正先君長也誰能秉國成傷今無此人也成邦之

八成也誰能秉行之不自以所為者正盡勞來百姓憂念之者與疾時大臣專功爭美君雅曰夏

日暑雨小民惟曰怨資冬祁寒小民亦惟

曰怨雅書序作牙假借字也君雅周穆王司徒作尚書篇名也資當為至齊魯之語聲之誤也祁之言是

也齊西偏之語也夏日暑雨小民怨天至冬是寒小民又怨天言民恒多怨為其君難子曰下之

事上也身不正言不信則義不壹行無

類也類謂比式子曰言有物而行有格也是以生

則不可奪志死則不可奪名物謂事驗也格舊法也故君

子多聞質而守之多志質而親之精知略

而行之質猶少也多志謂博交汎愛人也精知孰慮於衆也精或爲清君陳曰出入

自爾師虞庶言同自由也師庶皆衆也虞度也言出內政教當由女衆之所謀度

衆言同乃行之政教當由壹也詩云淑人君子其儀一也子曰唯

君子能好其正如字小人毒其正正當爲匹字之誤故也匹謂知識朋友故

君子之朋友有鄉其惡有方鄉方喻輩類也小人微利其友無常也

是故邇者不惑而遠者不疑也言其可望而知邇近也詩

云君子好仇仇匹也子曰輕絕貧賤而重絕富

貴則好賢不堅而惡惡不著也人雖曰不

利吾不信也

言此近

詩云朋友攸攝攝以威

儀

攸所也言朋友以禮義相攝正不以貧富貴賤之利也

子曰私惠不歸德君

子不自留焉

私惠謂不以公禮相慶賀時以小物相問遺也言其物不可以為德則君子不以身留此

人也相惠以褻瀆邪辟之物是為不歸於德歸或為懷

詩云人之好我示我

周行

行道也言示我以忠信之道

子曰苟有車必見其軾苟有

衣必見其敝人苟或言之必聞其聲苟或行

之必見其成

言凡人舉事必有後驗也見其軾謂載也敝敗衣也衣或在內新時不見

葛覃

曰服之無射

射厭也言己願采葛以為君子之衣令君子服之無厭言不虛也

子曰言

從而行之則言不可飾也行從而言之則行

不可飾也

從猶隨也

故君子寡言而行以成其信

則民不得大其美而小其惡

以行為驗虛言無益於善也寡當為顧聲

之誤也

詩云白圭之玷尚可磨也斯言之玷不可

為也

玷缺也言圭之缺尚可磨而平之言之缺無如之何

小雅曰允也君子展

也大成

允信也展誠也

君奭曰昔在上帝周田觀文王

之德其集大命于厥躬

奭召公名也作尚書篇名也古文周田觀文王之德

為割申勸寧王之德今博士讀為厥亂勸寧王德三者皆異古文似近之割之言蓋也言文王有誠信之德天蓋申勸之集大

命於其身謂命之使王天下也

子曰南人有言曰人而無怙不

可以為卜筮古之遺言與龜筮猶不能知

也而況於人乎

恒常也不可為卜筮言卦非不能見其情定其吉凶也

詩云我

龜既厭不我告猶

猶道也言褻而用之龜厭之不告以吉凶之道也

允命

曰爵無及惡德民立而正事純而祭祀是

為不敬事煩則亂事神則難惡德無恒之德純猶皆也言君祭祀

賜諸臣爵無與惡德之人也民將立以為正言放傲之疾事皆如是而以祭祀是不敬鬼神也惡德之人使事煩事煩則亂使

事鬼神又難以得福也純或為煩易曰不恒其德或承之羞恒其

德偵婦人吉夫子凶羞猶辱也偵問也問正為偵婦人從人者也以問正為常德則

吉男子當專行幹事而以問正為常德是亦無恒之人也

禮記卷第十七

經四千一百一十六字
注四千六百一十一字

秀岩李氏曰賈氏謂此逸西礼之正篇漢傳家為記

奔喪 聞喪

至家

禮記卷第十八

奔喪第三十四

鄭氏注

奔喪之禮始聞親喪以哭荅使者盡哀問

故又哭盡哀

親父母也以哭荅使者驚怛之哀無辭也問故問親喪所由也雖非父母聞喪而哭

其禮亦然也

遂行日行百里不以夜行

雖有哀戚猶辟害也晝夜之分

別於昏明哭則唯父母之喪見星而行見星而

舍

侵晨冒昏彌益促也言唯著異也

若未得行則成服而后行

謂以君命有為者也成喪服得行則行

過國至竟哭盡哀而止

感此念親哭

辟市朝

為驚眾也

望其國竟哭

斬衰者也自是哭且遂行

至於家

入門左升自西階殯東西面坐哭盡哀括

髮袒

括髮袒者去飾也未成服者素委貌深衣已成服者固自喪服矣

降堂東即位

西鄉哭成踊

已殯者位在下

襲經于序東絞帶反位

拜賓成踊

襲服衣也不於又哭乃經者發喪已踰日節於是可也其未小斂而至與在家同耳不散帶者

不見尸極几拜賓者就其位既拜反位哭踊

送賓反位有先後至者則

拜之成踊送賓皆如初衆主人兄弟皆出

門出門哭止闔門相者告就次

次倚廬也

於又哭

括髮袒成踊於三哭猶括髮袒成踊

又哭至明日朝也三

哭又其明日朝也皆升堂括髮袒如始至必又哭三哭者象小斂大斂時也雜記曰士三踊其夕哭從朝夕哭不括髮不袒不

踊不以爲數

三日成服拜賓送賓皆如初

三日三哭之明日也

既哭成其喪服杖於序東

奔喪者非主人則主人爲之拜賓

非主人
齊衰以下

送賓奔喪者自齊衰以下入門左中庭北

面哭盡哀免麻于序東即位袒與主人哭

成踊

不升堂哭者非父母之喪統於主人也麻亦經帶也於此言麻者明所奔喪雖有輕者不至喪所無改服也凡

袒者於位襲於序東袒襲不相因位此麻乃袒變於為父母也

於又哭三哭皆免袒

有賓則主人拜賓送賓

又哭三哭亦入門左中庭北面如始至時也

丈夫婦人之待之也皆如朝夕哭位無變

也

待奔喪者無變嫌賓客之也於賓客以哀變為敬此骨肉哀則自哀矣於此乃言待之明奔喪者至三哭猶不以序

入也奔母之喪西面哭盡哀括髮袒降堂東

即位西鄉哭成踊襲免經于序東拜賓送

賓皆如奔父之禮於又哭不括髮

為母於又哭而免輕於父

婦人奔喪

奔喪不及殯

也其他則同

婦人奔喪升自東階殯東西面坐哭

盡哀東墜即位與主人拾踊

婦人謂姑姊妹女子子也東階東面

階也婦人入者由闥門東墜墜於東序不墜於房變於在室者也去纚大紒曰墜拾更也主人與之更踊賓客之

奔

喪者不及殯先之墓北面坐哭盡哀主人之

待之也即位於墓左婦人墓右成踊盡哀

括髮東即主人位經絞帶哭成踊拜賓反

位成踊相者告事畢

主人之待之謂在家者也哭於墓為父母則袒告事畢者於此

後無事也

遂冠歸入門左北面哭盡哀括髮袒成

踊東即位拜賓成踊賓出主人拜送有賓

後至者則拜之成踊送賓如初衆主人兄

齊衰以下不
及殯

弟皆出門出門哭止相者告就次於又哭

括髮成踊於三哭猶括髮成踊三日成服

於五哭相者告事畢

又哭三哭不袒者哀戚已久殺之也逸奔喪禮說不及殯日於

又哭猶括髮即位不袒告事畢者五哭而不復哭也成服之朝為四哭此謂既期乃後歸至者也其末期猶朝夕哭不止於五哭

為母所以異於父者壹括髮其餘免以終

事他如奔父之禮

壹括髮謂歸入門哭時也於此乃言為母異於父者明及殯不及殯

其異者同齊衰以下不及殯先之墓西面哭盡哀

不北面者亦統於主人免麻于東方即位與主人哭成踊

襲有賓則主人拜賓送賓賓有後至者拜

之如初相者告事畢

不言袒言襲者容齊衰親者或袒可遂冠歸

不得奔喪

入門左北面哭盡哀免袒成踊東即位拜
賓成踊賓出主人拜送於又哭免袒成踊
於三哭猶免袒成踊三日成服於五哭相
者告事畢

為父於又哭括髮而不袒此又哭三哭皆言袒袒行字也

聞喪不得奔

喪哭盡哀問故又哭盡哀乃為位括髮袒

成踊襲絰絞帶即位

聞父母喪而不得奔謂以君命有事不然者不得為位位有節

列之處如於家朝夕哭位矣不於又哭乃經者喪至此踰日節於是可也

拜賓反位成踊賓

出主人拜送于門外反位若有賓後主者
拜之成踊送賓如初於又哭括髮袒成踊
於三哭猶括髮袒成踊三日成服於五哭

除喪後歸

為位

拜賓送賓如初

不言就次者當從其事不可以喪服廢公職也其在官亦告就次言五哭者以

迫公事五日哀殺亦可以止

若除喪而后歸則之墓哭成踊

東括髮袒經拜賓成踊送賓反位又哭盡

哀遂除於家不哭

東東即主人位如不及殯者也遂除除於墓而歸

主人之待

之也無變於服與之哭不踊

無變於服自若時服也亦即位于墓左婦人墓

右自齊衰以下所以異者免麻凡為位非親

喪齊衰以下皆即位哭盡哀而東免經即

位袒成踊

謂無君事又無故可得奔喪而以己私未奔者也唯父母之喪則不為位其哭之不離聞喪之

處齊衰以下更為位而哭皆可行乃行

襲拜賓反位哭成踊送賓反

位相者告就次三日五哭卒主人出送賓

衆主人兄弟皆出門哭止相者告事畢成

服拜賓

卒猶止也三日五哭者始聞喪訖夕爲位乃出就次一哭也與明日又明日之朝夕而五哭不五朝

哭而數朝夕備五哭而止亦爲急奔喪已私事當畢亦明日乃成服凡云五哭者其後有賓亦與之哭而拜之若所

爲位家遠則成服而往

謂所當奔者外喪也外喪緩而道遠成服乃行容待

奔喪親疏哭節

爲位之節

也齊衰望鄉而哭大功望門而哭小功至

門而哭總麻卽位而哭

奔喪哭親疏遠近之差也

哭父之

黨於廟母妻之黨於寢師於廟門外朋友

於寢門外所識於野張帷

此因五服聞喪而哭列人恩諸所當哭者也黨

謂族類無服者也逸奔喪禮曰哭父族與母黨於廟妻之黨於寢朋友於寢門外壹哭而已不踊言壹哭而已則不爲位矣

凡爲位不奠

以其精神不存乎是

哭天子九諸侯七卿

臣聞君喪未奔爲位日數

在異國

所識

喪主

既除間喪

大夫五士三

此臣聞君喪而未奔為位而哭尊卑日數之差也士亦有屬吏賤不得君臣之名

大

夫哭諸侯不敢拜賓

謂哭其舊君不敢拜賓辟為主

諸臣在他

國為位而哭不敢拜賓

謂大夫士使於列國

與諸侯為

兄弟亦為位而哭

族親昏姻在異國者

凡為位者壹祖

謂於禮正可為位而哭也始聞喪哭而祖其明日則否父母之喪自若三祖也

所識者弔先哭

于家而後之墓皆為之成踊從主人北面

而踊

從主人而踊拾踊也北面自外來便也主人墓左西面

凡喪父在父為主

與賓客為禮宜使尊者

父沒兄弟同居各主其喪

各為其妻

主也拊則

親同長者主之

父母沒如昆弟之喪宗子主之

不同親

者主之

從父昆弟之喪

聞遠兄弟之喪既除喪而後

無服為位

士大夫至

始死

聞喪免袒成踊拜賓則尚左手

小功緦麻不稅者也雖不服猶

免袒尚左手吉拜也逸奔喪禮曰凡拜吉喪皆尚左手

無服而為位者唯嫂叔

及婦人降而無服者麻

雖無服猶吊服加麻袒免為位哭也正言嫂叔尊嫂也兄

公於弟之妻則不能也婦人降而無服族姑姊妹嫁者也逸奔喪禮曰無服袒免為位者唯嫂與叔凡為其男子服其婦人降而無服者麻凡奔喪有大夫至袒拜之成踊而后

襲於士襲而后拜之

主人袒降哭而大夫至因拜之不敢成己禮乃禮尊者或曰大

夫後至者袒拜之為之成踊

問喪第三十五

鄭氏注

親始死雞斯徒跣扱上衽交手哭惻怛之心痛疾之意傷腎乾肝焦肺水漿不入口

歛

葬

三日不舉火故鄰里爲之糜粥以飲食之

親父母也。雞斯當爲筭。繩聲之誤也。親始死去冠二日乃去筭。繩括髮也。今時始喪者邪巾。貂頭。筭繩之存象也。徒猶空也。上枉深衣之裳。前五藏者。腎在下。肝在中。肺在上。舉三者之焦傷而心脾在其中矣。五家爲鄰。五鄰爲里。夫悲哀

在中故形變於外也。痛疾在心故口不甘

味身不安美也。

言人情之中外相應。

三日而斂。在牀曰尸

在棺曰柩。動尸舉柩哭踊無數。惻怛之心

痛疾之意悲哀志懣氣盛故袒而踊之所

以動體安心下氣也。婦人不宜袒故發冑

擊心爵踊。躬躬田田如壞牆然。悲哀痛疾

之至也。故曰辟踊哭泣哀以送之。送形而

反哭

拊

往迎精而反也

故祖而踊之言聖人制法故使之然也爵踊足不絕地辟拊心也哀以送之謂

葬時也迎其精神而反謂反哭及日中而虞也

其往送也望望然汲汲然如

有追而弗及也其反哭也皇皇然若有求

而弗得也故其往送也如慕其反也如疑

望望瞻望之貌也慕者以其親之在前疑者不知神之來否

求而無所得之也入

門而弗見也上堂又弗見也入室又弗見

也亡矣喪矣不可復見已矣故哭泣辟踊

盡哀而止矣

說反哭之義也

心悵焉愴焉惓焉

心絕志悲而已矣祭之宗廟以鬼饗之徼

幸復反也

說虞之義

成壙而歸不敢入處室居於

三年

歛葬

倚廬哀親之在外也寢苦枕塊哀親之在

土也

言親在外在土孝子不忍反室自安也入處室或爲入宮

故哭泣無時服勤

三年思慕之心孝子之志也人情之實也

勤謂憂勞

或問曰死三日而后斂者何也

怪其遲也

曰孝

子親死悲哀志滿故匍匐而哭之若將復

生然安可得奪而斂之也故曰三日而后

斂者以俟其生也三日而不生亦不生矣

孝子之心亦益衰矣家室之計衣服之具

亦可以成矣親戚之遠者亦可以至矣是

故聖人爲之斷決以三日爲之禮制也

匍匐猶顛

或作或作或問曰冠者不肉袒何也怪冠衣之相為也曰

冠至尊也不居肉袒之體也故為之免以

代之也言身無飾者不敢冠冠為褻尊服肉袒則著免免狀如冠而廣一寸然則禿者

不免偃者不袒跛者不踊非不悲也身有

錮疾不可以備禮也故曰喪禮唯哀為主

矣女子哭泣悲哀擊曾傷心男子哭泣悲

哀稽顙觸地無容哀之至也將踊先祖將袒先免此三疾俱不踊

不袒不免顧其所以否者各為一耳擊曾傷心稽顙觸地不踊者若此而可或曰男女哭踊或問曰免者

以何為也怪本所為施也曰不冠者之所服也禮曰

童子不總唯當室總總者其免也當室則

杖義

免而杖矣

不冠者猶未冠也當室謂無父兄而主家者也童子不杖者不免當室則杖而免免冠之

細以次成人也總者其免也言免乃有總服也

或問曰杖者何也

怪其義各異曰

竹桐一也故為父苴杖苴杖竹也為母削

杖削杖桐也

言所以杖者義一也顧所用異耳

或問曰杖者以何

為也

怪所為施

曰孝子喪親哭泣無數服勤三年

身病體羸以杖扶病也

言得杖乃能起也數或為時

則父在

不敢杖矣尊者在故也堂上不杖辟尊者

之處也堂上不趨示不遽也此孝子之志

也人情之實也禮義之經也非從天降也

非從地出也人情而已矣

父在不杖謂為母喪也尊者在不在杖尊者之處

不杖有事不趨皆為其感動使之憂戚也

從服

服問第三十六

鄭氏注

傳曰有從輕而重公子之妻為其皇姑皇君也諸

侯妾子之妻為其君姑齊衰與為小君同舅不厭婦也有從重而輕為妻之父

母妻齊衰而夫從總麻不降一等言非服差有從無服而有服公子之

妻為公子之外兄弟謂為公子之外祖母從母總麻有從有服

而無服公子為其妻之父母凡公子厭於君降其私親女君之子不降

也傳曰母出則為繼母之黨服母死則為

其母之黨服為其母之黨服則不為繼母

之黨服雖外親亦無二統三年之喪既練矣有期之喪

重有喪

既葬矣則帶其故葛帶經期之經服其功

衰

帶其故葛帶者三年既練期既葬差相似也經期之葛經三年既練首經除矣為父既練衰七升母既葬衰八升凡

齊衰既葬衰或八升或九升服其功衰服麤衰

有大功之喪亦如之

大功之麻變三

年之練葛期既葬之葛帶小於練之葛帶又當有經亦反服其故葛帶經期之經差之宜也此雖變麻服葛大小同耳亦服其

功衰凡三年之喪既練始遭齊衰大功之喪經帶皆麻

小功無變也

無所變於大功齊斬之服不用

輕累重也

麻之有本者變三年之葛

有本謂大功以上也小功以下

澡麻斷本

既練遇麻斷本者於免經之既免去

經每可以經必經既經則去之

雖無變緣練無首經於有事則

免經如其倫免無不經經有不免其無事則自若練服也

小功不易喪之練冠

如免則經其總小功之經因其初葛帶總

之麻不變小功之葛小功之麻不變大功

之葛以有本為稅

稅亦變易也小功以下之麻雖與上葛同猶不變也此要其麻有本

者乃變上耳雜記曰有三年之練冠則以大功之麻易之唯杖屨不易也

殤長中變三年

之葛終殤之月筭而反三年之葛是非重

麻為其無卒哭之稅下殤則否

謂大功之親為殤在總小功者

也可以變三年之葛正親親也三年之葛大功變既練齊衰變既虞卒哭凡喪卒哭受麻以葛殤以麻終喪之月數非重之而不變為殤未成人文不縵耳下殤則否言賤也男子為君為大功之殤中從上服小功婦人為之中從下服總麻

天子三年夫人如外宗之為君也

外宗君外親之婦也其夫與諸

侯為兄弟服斬妻從服期諸侯為天子服斬夫人亦從服期喪大記曰外宗房中南面

世子不為天

子服

遠嫌也不服與畿外之民同也

君所主夫人妻太子適婦

同僚相為服

言妻見大夫以下亦為此三人為喪主也大夫之適子為君夫人犬子如

士服

大夫不世子不嫌也士為國君斬小君期大子君服斬臣從服期

君之母非夫人

則羣臣無服唯近臣及僕驂乘從服唯君

所服服也

妾先君所不服也禮庶子為後為其母總言唯君所服伸君也春秋之義有以小君服之者時

若小君在則益不可公為卿大夫錫衰以居出亦如之當

事則弁經大夫相為亦然為其妻往則服

之出則否

弁經如爵弁而素加經也不當事則皮弁出謂以他事不至喪所

凡見人無

免經雖朝於君無免經唯公門有稅齊衰

傳曰君子不奪人之喪亦不可奪喪也

見人

謂行求見人也無免經經重也稅猶免也古者說或作稅有傳免齊衰謂不杖齊衰也於公門有免齊衰則大功有免經也傳

曰罪多而刑五喪多而服五上附下附列

也列等比也

閒傳第三十七 鄭氏注

斬衰何以服苴苴惡貌也所以首其內而見諸外也斬衰貌若苴齊衰貌若枲大功貌若止小功總麻容貌可也此哀之發於容體者也有大憂者面必深黑止謂不動於喜樂之事枲或為似斬衰之哭若

往而不反齊衰之哭若往而反大功之哭

三曲而偯於立小功總麻哀容可也此哀之發

於聲音者也三曲一舉聲而三折也偯聲餘從容也斬衰唯而不對

飲食

再出父母之喪禮
飲食之漸

齊衰對而不言大功言而不議小功總麻

議而不及樂此哀之發於言語者也

議謂陳說非時

事斬衰三日不食齊衰二日不食大功三

不食小功總麻再不食士與斂焉則壹不

食故父母之喪既殯食粥朝一溢米莫一

溢米齊衰之喪䟽食水飲不食菜果大功

之喪不食醯醬小功總麻不飲醴酒此哀

之發於飲食者也父母之喪既虞卒哭䟽

食水飲不食菜果期而小祥食菜果又期

而大祥有醯醬中月而禫禫而飲醴酒始

居處

再出父母喪禮
居處之次

衣服

飲酒者先飲醴酒始食肉者先食乾肉飲先

醴酒食乾肉者不忍發御厚味

父母之喪居倚廬寢苦枕塊不

說經帶齊衰之喪居堊室芻剪不納大功

之喪寢有席小功總麻牀可也此哀之發

於居處者也父母之喪既虞卒哭主擯剪

屏芻剪不納期而小祥居堊室寢有席又

期而大祥居復寢中月而禫禫而牀芻今之蒲草也

斬衰三升齊衰四升五升六升大功七升

八升九升小功十升十一升十二升總麻

十五升去其半有事其縗無事其布白總

受服

漸除

此哀之發於衣服者也

此齊衰多二等大功小功多一等服主於受是極列衣服

之差也

斬衰三升既虞卒哭受以成布六升冠

七升為母疏衰四升受以成布七升冠八

升去麻服葛葛帶三重期而小祥練冠練

緣要經不除男子除乎首婦人除乎帶男

子何為除乎首也婦人何為除乎帶也男

子重首婦人重帶除服者先重者易服者

易輕者又期而大祥素縞麻衣中月而禫

禫而織無所不佩

葛帶三重謂男子也五分去一而四糾之帶輕既變因為飾也婦人葛經

不葛帶舊說云三糾之練而帶去一股去一股則小於小功之經似非也易服謂為後喪所變也婦人重帶帶在下體之上婦人重

重有喪

之辟男子也其為帶猶五分經去一耳喪服小記曰除成喪者其祭也朝服縞冠此素縞者玉藻所云縞冠素紕既祥之冠麻衣十五升布深衣也謂之麻者純用布無采飾也大祥除衰杖黑經白緯曰織舊說織冠者采纓也無所不佩紛悅之屬如平常也織易服者何為易輕者也因上說斬衰之

喪既虞卒哭遭齊衰之喪輕者包重者

特

說所以易輕者之義也既虞卒哭謂齊衰可易斬服之節也輕者可施於卑服齊衰之麻以包斬衰之葛謂男子帶

婦人經也重者宜主於尊謂男子之經婦人之帶特其葛不變之也此言包特者明於卑可以兩施而尊者不可貳既

練遭大功之喪麻葛重

此言大功可易斬服之節也斬衰已練男子除經而

帶獨存婦人除帶而經獨存謂之單單獨也遭大功之喪男子有麻經婦人有麻帶又皆易其輕者以麻謂之重麻既虞卒哭

男子帶其故葛帶經期之葛經婦人

齊衰之喪既虞

卒哭遭大功之喪麻葛兼服之

此言大功可易齊衰期服之節

也兼猶兩也不言包特而兩言者包特著其義兼者明有經有帶耳不言重者三年之喪既練或無經或無帶言重者以明今皆有期以下固皆有矣兩者有麻有葛耳葛者亦特其重麻者亦包其輕斬衰之葛與齊衰之麻同齊衰之葛與大功之麻同大功之葛與小功之麻同小功之葛與總之麻同麻同則兼服之此竟言有上服既虞卒哭遭下服之差也唯大功有變三年既練之服小功以下則於上皆無易焉此言大功之葛與小功之麻同兼服之小功之葛與總之麻同主為大功之殤長中言之服重者則易輕者也服重者謂特之也則者則男子與婦人也凡下服虞卒哭男子反其故葛帶婦人反其故葛經其上服除則固自受以下服之受矣

三年問第三十八

鄭氏注

三年之喪何也曰稱情而立文因以飾羣

荀子作無適
不易道

荀作齊裏居

廬席薪

中制

服荀作礼

物理

必有荀作

莫不有

荀作是大

鳥喪作亡

別親疏貴賤之節而弗可損益也故曰無

易之道也

稱情而立文稱人之情輕重而制其禮也羣謂親之黨也無易猶不易也

創鉅者

其日久痛甚者其愈遲三年者稱情而立

文所以為至痛極也斬衰苴杖居倚廬食

粥寢苦枕塊所以為至痛飾也

飾情之章表也

三年

之喪二十五月而畢哀痛未盡思慕未忘

然而服以是斷之者豈不送死有已復生

有節也哉

復生除喪反生者之事也

凡生天地之間者有血

氣之屬必有知有知之屬莫不知愛其類

今是大鳥獸則失喪其羣匹越月踰時焉

此作鉉翰
回作徘徊去
之下並有
也字

不肖之不及
患作患陋
從作縱
夫鳥能作彼
焉能
不亂作無亂
賢者之過

則必反巡過其故鄉翔回焉鳴號焉蹢躅
焉蹢躅焉然後乃能去之小者至於燕雀
猶有啁噍之頃焉然後乃能去之故有血
氣之屬者莫知於人故人於其親也至死
不窮匹偶也言燕雀之恩不如大鳥獸大鳥獸不如人含血
氣之類最有知而恩深也於其五服之親念之至死無
已將由夫患邪淫之人與則彼朝死而夕忘
之然而從之則是曾鳥獸之不若也夫焉
能相與羣居而不亂乎言惡人薄於恩死則忘之
其相與聚處必失禮也
將由夫脩飾之君子與則三年之喪二十
五月而畢若駟之過隙然而遂之則是無

釋則舍

自期而隆殺
作至則何以

分之

變作編

天地之中作字

中者莫不更

始也故先王按

以此象之也無

是也字

按使倍之

按使弗及也

窮也駟之過隙喻疾也故先王焉為之立中制

節壹使足以成文理則釋之矣立中制節謂服

除也然則何以至期也言三年之義如此則何以有降

在為曰至親以期斷言服之正雖至是何也問服

期之曰天地則已易矣四時則已變矣其在

天地之中者莫不更始焉以是象之也法此

可以然則何以三年也言法此變易可以曰加隆焉

爾也焉使倍之故再期也言於父母加隆其恩由

九月以下何也曰焉使弗及也言使其恩故

三年以為隆總小功以為殺期九月以為

無之理字

為止所壹也

別錄屬制度
慈溪黃氏曰深衣者古上衣裳此衣裳相連而為

間上取象於天，下取法於地，中取則於人。

人之所以羣居和壹之理盡矣。

取象於天地謂法其變易也自

三年以至總皆歲時之數也言既象天地又足以盡人聚居純厚之恩也

故三年之喪人道

之至文者也。夫是之謂至隆。

言三年之喪喪禮之最盛也

是

百王之所同，古今之所壹也。未有知其所

由來者也。

不知其所從來喻此三年之喪前世行之久矣

孔子曰：子生三

年，然後免於父母之懷。夫三年之喪，天下

之達喪也。

達謂自天子至於庶人

深衣第三十九

鄭氏注

古者深衣蓋有制度，以應規、矩、繩、權、衡。聖

言

体深遠故謂之深衣規圓矩方繩直權衡平袷在前應規袷在中應矩縫在後應繩齊在下應權衡也短毋見眉長毋被土与身長短適相稱也非借本入

大二十五

禮記

人制事必短毋見膚衣取蔽形長毋被土為汙辱也續衽鉤

邊續猶屬也衽在裳旁者也屬連之不殊裳前後也鉤讀如鳥喙必鉤之鉤鉤邊若今曲裾也續或為裕要

縫半下三分要中減一以益下袷之高下可以運肘

肘不能不出入袷袷當腋之縫也袂之長短反詘之及肘袂屬幅於衣詘而至

肘當臂中為節臂骨上下各尺二寸則袂肘以前尺二寸肘或為腕帶下毋厭髀上毋

厭脅當無骨者當骨緩急難為中也制十有二幅以應

十有二月裳六幅幅分之袂圓以應規謂胡下也曲袷

如矩以應方袷交領也古者方領如小兒衣領負繩及踝以應直

繩謂袷與後幅相當之縫也踝跟也下齊如權衡以應平齊故規

者行舉手以為容行舉手謂揖讓負繩抱方者以

直其政方其義也故易曰坤六二之動直

以方也言深衣之直方應易之文也政或為正下齊如權衡者以安

志而平心也心平志安行乃正或低若仰則心有異志者與五法已施故

聖人服之言非法不服也故規矩取其無私繩取其直

權衡取其平故先王貴之貴此衣也故可以為文

可以為武可以擯相可以治軍旅字且弗

費善衣之次也字且弗費言可苦衣而易有也深衣者用十五升布鍛濯灰治純之以采善衣

朝祭之服也自士以上深衣為之次庶人吉服深衣而已具父母大父母衣純以續

具父母衣純以青如孤子衣純以素尊者存

為孝續畫文也三十已下無父稱孤純袂緣純邊廣各寸半純謂緣之也緣

袂謂其口也緣緡也緣邊衣裳之側廣
各寸半則表裏共三寸矣唯袷廣二寸

禮記卷第十八

經三千六百三十八字
注三千四百八十八字

投壺
主人請
賓辭

禮記卷第十九

投壺第四十

鄭氏注

投壺之禮主人奉矢司射奉中使人執壺

矢所以投者也中士則鹿中也射人奉之者投壺射之類也其奉之西階上北面主人請曰某有

枉矢哨壺請以樂賓賓曰子有言酒嘉肴

某既賜矣又重以樂敢辭燕飲酒既脫屨升坐主人乃請投壺也否則或

射所謂燕射也枉哨不正貌為謙辭主人曰枉矢哨壺不足辭也敢

固以請賓曰某既賜矣又重以樂敢固辭

固之言如故也言如故辭者重辭也主人曰枉矢哨壺不足辭也敢

固以請賓曰某固辭不得命敢不敬從不得命不

賓矢

小百五十九

禮記卷十九

五

以命賓再拜受主人般還曰辟賓再拜受拜受見許

進授矢兩楹之閒也主人阼階上拜送賓般還曰辟拜送

也辟亦於其階上已拜受矢進即兩楹閒退反位揖賓

就筵主人既拜送矢又自受矢進即兩楹閒者言將有事於此也退乃揖賓即席欲與偕進明為偶也賓席主

人席皆南鄉閒司射進度壺閒以二矢半反位相去如射物

設中東面執八筭興度壺度其所設之處也壺去坐二矢半則堂上去賓席主人席

邪行各七尺也反位西階上位也設中東面既設中亦請賓實八筭於中橫委其餘於中西執筭而立以請賓俟投請賓

曰順投為入比投不釋勝飲不勝者正爵

既行請為勝者立馬一馬從二馬三馬既

立請慶多馬請主人亦如之請猶告也順投矢本入也比投不拾也勝

司射請投

樂

中箒

請數

告勝

飲不勝言以能養不能也正爵所以正禮之爵也或以罰或以慶馬勝箒也謂之馬者若云技藝如此任為將帥乘馬也射投壺皆所以

習武因命弦者曰請奏狸首閒若一大師曰諾弦鼓瑟者

也狸首詩篇名也今逸射義所云詩曰曾孫侯氏是也閒若一者投壺當以為志取節焉左右告矢具請

拾投有入者則司射坐而釋一箒焉賓黨於右

主黨於左拾更也告矢具請更投者司射也司射東面立釋箒則坐以南為右北為左也已投者退各反其位

卒投司射執箒曰左右卒投請數二箒為純一純

以取一箒為奇遂以奇箒告曰某賢於某若干

純奇則曰奇鈞則曰左右鈞卒已也賓主之黨畢已投司射又請數其所釋

左右箒如數射箒一純以取實於左手十純則縮而委之每委異之有餘則橫諸純下一箒為奇奇則縮諸純下兼斂左箒實於左手一純以

委十則異之其他如右獲畢則司射執奇箒以告於賓與主人也若告云某賢於某者未斤主黨勝與賓黨勝與以勝為賢尚技藝

行觴不勝者

慶馬勝者

禮半

筭

筭

也鈞猶等也等則左右手各執一筭以告命酌曰請行醕酌者曰諾司射

又請於賓與主人以行正爵酌者勝黨之弟子當飲者皆跪奉醕曰賜灌

勝者跪曰敬養酌者亦酌奠於豐上不勝者坐取乃退而跪飲之灌猶飲也言賜灌者服而為

尊敬辭也周禮曰以灌賓客賜灌敬養各與其偶於西階上如飲射爵正爵既行請立馬

馬各直其筭一馬從二馬以慶慶禮曰三

馬既備請慶多馬賓主皆曰諾飲不勝者畢司射又請為勝者

立馬當其所釋筭之前三立馬者投壺如射亦三而止也三者一黨不必三勝其一勝者并其馬於再勝者以慶之明一勝不得

慶也飲慶爵者偶親酌不使弟子無豐正爵既行請徹馬投壺禮畢可

也既徹馬無筭乃行筭多少視其坐筭用當視坐投壺者之

四矢亦人四筭筭室中五扶堂上七扶庭中九扶筭

毒

矢 命辭

也鋪四指曰挾一指案寸春秋傳曰膚寸而合投壺者或於室或於堂或於庭其禮褻隨晏早之宜無常處一筭長

尺二寸其節三扶可也或曰筭長尺有握握素也壺頸脩七寸腹脩

五寸口徑二寸半容斗五升壺中實小豆

焉為其矢之躍而出也壺去席二矢半脩長

也腹容斗五升三分益一則為二斗得圜困之象積三百二十

四寸也以腹脩五寸約之所得求其圜周圜周二尺七寸有奇

是為腹徑九寸有餘也矢以柘若棘母去其皮取實以小豆取其滑且堅魯令弟子辭曰母憮母教

母堅且重也舊說云矢大七分或言去其皮節母其借立母踰言借立踰言有常爵薛令弟

子辭曰母憮母教母借立母踰言若是者

浮弟子賓黨主黨年釋者也為其立堂下相褻慢司射戒令之記魯薛者禮褻乖異不知孰是也憮教慢也借立不正

鼓

鄉前也踰言遠談語也常爵常所以罰人之爵也浮亦謂是也晏子春秋曰酌者奉觴而進曰君令浮晏子時以罰梁丘據浮或作匏或作符踰或為遙

鼓

○□○○□□○○□○○□半○○□

○○○○□□○○□○○**魯鼓**○○□○○○□

□○○□○○□○○○○○○○○○○半○○□

○○○○□□○○**薛鼓**此魯薛擊鼓之節也國者擊鼙方者擊鼓古者舉事鼓各有節

聞其節則知其事矣**取半以下為投壺禮盡用之為射**

禮投壺之鼓半射節者投壺射之細也射謂燕射**司射庭長及冠士立者**

皆屬賓黨樂人及使者童子皆屬主黨庭長

司正也使者主人所使薦羞者樂人國子能為樂者此皆與於投壺

此篇非夫子之書
戰國儒者所作
本程子

魯鼓 ○ □ ○ ○ ○ □ ○ ○ ○ ○ 半 ○ □ ○ ○ ○

○ ○ ○ □ ○ ○ □ ○ 薛鼓 ○ □ ○ ○ ○ ○ ○ □

○ □ ○ ○ ○ □ ○ ○ □ ○ ○ ○ 半 ○

□ ○ □ ○ ○ ○ ○ □ ○
此二者記兩家之異故兼列之

儒行第四十一

鄭氏注

魯哀公問於孔子曰夫子之服其儒服與

哀公館孔子見其服與士大夫異又與庶人不同疑為儒服而問之孔子對曰丘少居

魯衣逢掖之衣長居宋冠章甫之冠丘聞

之也君子之學也博其服也鄉丘不知儒

服
逢猶大也大袂之衣大袂禪衣也此君子有道藝者所衣也孔子生魯長而之宋而冠焉宋其祖所出也衣少所居之服

席上之珍孔氏謂儒能鋪陳上古堯舜美善之道以待君上聘召也謂以經論儒者自學脩飾立身之事不應直云席上之珍可重故鄭不從

冠長所居之冠是之謂鄉言不知儒服非哀公意不在於儒乃今問其服庶人禪衣袂二尺二寸袪尺二寸

曰敢問儒行孔子對曰遽數之不能終其

物悉數之乃留更僕未可終也遽猶卒也物猶事也留久也僕

大僕也君燕朝則正位掌擯相更之者為久將倦使之相代哀公命席為孔子布席於堂與之坐也君

適其臣升自阼階所在如主孔子侍曰儒有席上之珍以待

聘夙夜強學以待問懷忠信以待舉力行

以待取其自立有如此者席猶鋪陳也鋪陳往古堯舜之善道以待見問

也大問曰聘舉見舉用也取進取位也儒有衣冠中動作慎其大讓

如慢小讓如偽大則如威小則如愧其難

進而易退也粥粥若無能也其容貌有如

此者

中中間謂不嚴厲也如慢如僞言之不悞怛也如威如愧如有所畏

儒有居處齊

難其坐起恭敬言必先信行必中正道塗

不爭險易之利冬夏不爭陰陽之和愛其

死以有待也養其身以有爲也其備豫有

如此者

齊難齊莊可畏難也行不爭道止不選處所以遠闕訟

儒有不寶金玉

而忠信以爲寶不祈土地立義以爲土地

不祈多積多文以爲富難得而易祿也易

祿而難畜也非時不見不亦難得乎非義

不合不亦難畜乎先勞而後祿不亦易祿

乎其近人有如此者

祈猶求也立義以爲土地以義自居也難畜難以非義久留也

勞猶事也積或爲貨儒有委之以貨財淹之以樂好見

利不虧其義劫之以衆沮之以兵見死不

更其守執驚蟲攫搏不程勇者引重鼎不程

其力往者不悔來者不豫過言不再流言

不極不斷其威不習其謀其特立有如此

者淹謂浸漬之劫劫脅也沮謂恐怖之也驚蟲猛鳥猛獸也字從鳥執驚省聲也程猶量也重鼎大鼎也搏猛引重不量

勇力堪之與否當之則往也雖有負者後不悔也其所未見亦不豫備平行自若也不再猶不更也不極不問所從出也不斷

其威常可畏也不習其謀口及則儒有可親而不可

劫也可近而不可迫也可殺而不可辱也

其居處不淫其飲食不溽其過失可微辨

而不可面數也其剛毅有如此者

淫謂傾邪也恣滋味為滯

滯之言

儒有忠信以為甲冑禮義以為干櫓

戴仁而行抱義而處雖有暴政不更其所

其自立有如此者

甲鎧冑兜鍪也干櫓小盾大盾也

儒有一畝

之宮環堵之室簞門圭窬蓬戶甕牖易衣

而出并日而食上荅之不敢以疑上不荅

不敢以諂其仕有如此者

言貧窮屈道仕為小官也宮謂牆垣也環堵面

一堵也五版為堵五堵為雉簞門荊竹織門也圭窬門旁窬也穿牆為之如圭矣并日而食二日用一日食也上荅之謂君應

言儒有今人與居古人與稽今世行之後

世以為楷適弗逢世上弗援下弗推讒諂

之民有比黨而危之者身可危也而志不

可奪也雖危起居竟信其志猶將不忘百

姓之病也其憂思有如此者稽猶合也古人與合則不合於今人也援

猶引也取也推猶進也舉也危欲毀害之也起居猶舉事動作信讀如屈伸之伸假借字也猶圖也信或爲身儒有

博學而不窮篤行而不倦幽居而不淫上

通而不困禮之以和爲貴忠信之美優游

之法慕賢而容衆毀方而瓦合其寬裕有

如此者不窮不止也幽居謂獨處時也上通謂仕道達於君也既仕則不困於道德不足也忠信之美美忠信者

也優游之法法和柔者也毀方而瓦合去已之大圭角下與衆人小合也必瓦合者亦君子爲道不遠人儒有內

稱不辟親外舉不辟怨程功積事推賢而

進達之不望其報君得其志苟利國家不

求富貴其舉賢援能有如此者

君得其志者君所欲為賢臣成

之儒有聞善以相告也見善以相示也爵位

相先也患難相死也久相待也遠相致也

其任舉有如此者

相先猶相讓也久相待謂其友久在下位不外已則待之乃進也遠相致

者謂已得明君而仕友在小國不得志則相致達也

儒有澡身而浴德陳言而

伏靜而正之上弗知也麤而翹之又

不為也不臨深而為高不加少而為多世治

不輕世亂不沮同弗與異弗非也其特立

獨行有如此者

麤猶疏也微也君不知已有善言正行則觀色緣事而微翹發其意使知之又

必舒而脫脫焉己爲之疾則君納之速君納之速怪妬所由生也
不臨深而爲高臨衆不以己位尊自振貴也不加少而爲多
謀事不以己小勝自矜大也世治不輕不以賢者並
衆不自重愛也世亂不沮不以道衰廢壞己志也
儒有上

不臣天子下不事諸侯慎靜而寬強毅以

與人博學以知服近文章砥厲廉隅雖分

國如錙銖不臣不仕其規爲有如此者

強毅以與

人彼來辨言行而不正不苟屈以順之也博學以知服不用己之知勝於先世賢知之所言也雖分國如錙銖言君分國以祿之視之輕如錙銖矣八兩曰錙
儒有合志同方營道同術並立

則樂相下不厭久不相見聞流言不信其

行本方立義向而進不同而退其交友有

如此者

同方同術等志行也聞流言不信其友所行如毀謗也

溫良者仁之本

也敬慎者仁之地也寬裕者仁之作也孫
接者仁之能也禮節者仁之貌也言談者
仁之文也歌樂者仁之和也分散者仁之
施也儒皆兼此而有之猶且不敢言仁也
其尊讓有如此者

此兼上十五儒蓋聖人之儒行也
孔子嫌若片已假仁以為說仁聖

之次儒有不隕穫於貧賤不充詘於富貴不

恩君王不累長上不閔有司故曰儒

隕穫困
迫失志

之貌也充詘喜失節之貌恩猶辱也累猶係也閔病也言不為
天子諸侯卿大夫羣吏所困迫而違道孔子自謂也充或為統

閔或今衆人之命儒也妄常以儒相詬病

妄

言無也言今世名儒無有常人遭人名為儒而以儒
虧故相戲此哀公輕儒之所由也詬病猶恥辱也孔子至

舍哀公館之聞此言也言加信行加義終

沒吾世不敢以儒爲戲

儒行之作蓋孔子自衛初反魯時也孔子歸至其舍

哀公就而以禮館之問儒服而遂問儒行乃始覺焉言沒世不敢以儒爲戲當時服

大學第四十二

鄭氏注

大學之道在明明德在親民在止於至善

知止而后有定定而后能靜靜而后能安

安而后能慮慮而后能得物有本末事有

終始知所先後則近道矣

明明德謂顯明其至德也止猶自處也得謂得

事之宜也

古之欲明明德於天下者先治其國欲

治其國者先齊其家欲齊其家者先脩其

身欲脩其身者先正其心欲正其心者先

誠其意欲誠其意者先致其知知謂知善惡吉凶之所終始也

致知在格物格來也物猶事也其知於善深則來善物其知於惡深則來惡物言事緣人所好來也此

致或為至物格而后知至知至而后意誠意誠而

后心正心正而后身脩身脩而后家齊家

齊而后國治國治而后天下平自天子以

至於庶人壹是皆以脩身為本其本亂而

末治者否矣其所厚者薄而其所薄者厚

未之有也此謂知本此謂知之至也壹是專行是也

所謂誠其意者毋自欺也如惡惡臭如好

好色此之謂自謙故君子必慎其獨也小

人閒居為不善無所不至見君子而后厭

然揜其不善而著其善人之視己如見其

肺肝然則何益矣此謂誠於中形於外故

君子必慎其獨也

謙讀為慊慊之言厭也厭讀為壓壓閉藏貌也

曾子曰

十目所視十手所指其嚴乎富潤屋德潤

身心廣體胖故君子必誠其意

嚴乎言可畏敬也胖猶大也三

者言有實於內顯見於外

詩云瞻彼淇澳菉竹猗猗有斐君

子如切如磋如琢如磨瑟兮僊兮赫兮喧

兮有斐君子終不可諠兮如切如磋者道

學也如琢如磨者自脩也瑟兮僩兮者恂

慄也赫兮喧兮者威儀也有斐君子終不

可諠兮者道盛德至善民之不能忘也

此心廣體

胖之詩也澳隈崖也葉竹猗猗喻美盛斐有文章貌也諠忘也道猶言也恂字或作峻讀如嚴峻之峻言其容貌嚴栗也民不能忘以其意誠而德著也詩云於戲前王不忘君子賢其賢

而親其親小人樂其樂而利其利此以沒

世不忘也

聖人既有親賢之德其政又有樂利於民君子小人各有以思之

康誥曰

克明德大甲曰顧諟天之明命帝典曰克

明峻德皆自明也

皆自明明德也克能也顧念也諟猶止也帝典堯典亦尚書篇名也峻大

也諟或為題湯之盤銘曰苟日新日日新又日新

大三百四十五 禮記一

康誥曰作新民詩曰周雖舊邦其命惟新

是故君子無所不用其極盤銘刻戒於盤也極猶盡也君子日新其德常有餘也

盡心力不詩云邦畿千里惟民所止詩云緡蠻

黃鳥止于丘隅子曰於止知其所止可以

人而不如鳥乎於止於鳥之所止也就而觀之知其所止知鳥擇岑蔚安閒而止處之耳言人

亦當擇禮義樂土而自止處也論語曰里仁為美擇不處仁焉得知詩云穆穆文王於

緡熙敬止為人君止於仁為人臣止於敬

為人子止於孝為人父止於慈與國人交

止於信緡熙光明也此美文王之德光明敬其所以自止處子曰聽訟吾猶人

也必也使無訟乎無情者不得盡其辭大

畏民志

情猶實也無實者多虛誕之辭聖人之聽訟與人同耳必使民無實者不敢盡其辭大畏其心志使

誠其意不敢訟

此謂知本

本謂誠其意也

所謂脩身在正其心

者身有所忿懣則不得其正有所恐懼則不得其正有所好樂則不得其正有所憂患則不得其正心不在焉視而不見聽而不聞食而不知其味此謂脩身在正其心

懷怒貌也或作憤或爲震

所謂齊其家在脩其身者人之其

所親愛而辟焉之其所賤惡而辟焉之其所畏敬而辟焉之其所哀矜而辟焉之其所敖惰而辟焉故好而知其惡惡而知其

美者天下鮮矣故諺有之曰人莫知其子之惡莫知其苗之碩此謂身不脩不可以

齊其家

之適也辭猶喻也言適彼而以心度之曰吾何以親愛此人非以其有德美與吾何以教情此人非

以其志行薄與反以喻已則身脩與否可自知也所謂治國

必先齊其家者其家不可教而能教人者

無之故君子不出家而成教於國孝者所

以事君也弟者所以事長也慈者所以使

衆也康誥曰如保赤子心誠求之雖不中

不遠矣未有學養子而后嫁者也

養子者推心爲之而

中於赤子之嗜欲也

一家仁一國興仁一家讓一國興讓

一人貪戾一國作亂其機如此此謂一言

僨事一人定國

一家一人謂人君也戾之言利也機發動所由也僨猶覆敗也春秋傳曰登戾

之又曰鄭伯之車僨於濟戾或為吝僨或為犇

堯舜率天下以仁而民從

之桀紂率天下以暴而民從之其所令反

其所好而民不從

言民化君行也君若好貨而禁民淫於財利不能止也

是故

君子有諸己而后求諸人無諸己而后非

諸人所藏乎身不恕而能喻諸人者未之

有也故治國在齊其家

有於己謂有仁讓也詩云無於己謂無貪戾也

挑之天天其葉蓁蓁之子于歸宜其家人

宜其家人而后可以教國人詩云宜兄宜

弟宜兄宜弟而后可以教國人詩云其儀不忒正是四國其爲父子兄弟足法而后民法之也此謂治國在齊其家

天大綦綦美盛貌之子者是子

也所謂平天下在治其國者上老老而民

興孝上長長而民興弟上恤孤而民不倍

是以君子有絜矩之道也

老老長長謂尊老敬長也恤憂也民不倍不相

倍弃也絜猶結也摯也矩法也君子有摯法之道謂常執而行之動作不失之倍或作偕矩或作巨

所惡於

上母以使下所惡於下母以事上所惡於

前母以先後所惡於後母以從前所惡於

右母以交於左所惡於左母以交於右此

之謂絜矩之道

絜矩之道善持其所有以恕於人耳治國之要盡於此

詩云樂

只君子民之父母民之所好好之民之所

惡惡之此之謂民之父母

言治民之道無他取於己而已

詩云

節彼南山惟石巖巖赫赫師尹民具爾瞻

有國者不可以不愼辟則爲天下僂矣

巖巖

喻師尹之高嚴也師尹天子之大臣爲政者也言民皆視其所行而則之可不愼其德乎邪辟失道則有大刑

詩云

殷之未喪師克配上帝儀監于殷峻命不

易道得衆則得國失衆則失國是故君子

先愼乎德有德此有人有人此有土有土

此有財有財此有用德者本也財者末也

外本內末爭民施奪是故財聚則民散財

散則民聚是故言悖而出者亦悖而入貨

悖而入者亦悖而出

師衆也克能也峻大也言殷王帝乙以上未失其民之時德亦

有能配天者謂天享其祭祀也及紂爲惡而民怨神怒以失天下監視殷時之事天之大命持之誠不易也道猶言也用謂國

用也施奪施其劫奪之情也悖猶逆也言君有逆命則民有逆辭也上貪於利則下人侵畔老子曰多藏必厚亡

康

誥曰惟命不于常道善則得之不善則失

之矣

于於也天命不於常言不專祐一家也

楚書曰楚國無以爲寶

惟善以爲寶

楚書楚昭王時書也言以善人爲寶時謂觀射父昭奚恤也

舅犯曰

亡人無以爲寶仁親以爲寶

舅犯晉文公之舅狐偃也亡人謂文

公也時辟驪姬之讒亡在翟而獻公薨秦穆公使子顯弔因勸之復國舅犯爲之對此辭也仁親猶言親愛仁道也明不因喪

規利也

秦誓曰若有一介臣斷斷兮無他技其

心休休焉其如有容焉人之有技若已有

之人之彥聖其心好之不啻若自其口出

寔能容之以能保我子孫黎民尚亦有利

哉人之有技媚疾以惡之人之彥聖而違

之俾不通寔不能容以不能保我子孫黎

民亦曰殆哉

秦誓尚書篇名也秦穆公伐鄭為晉所敗於穀還誓其羣臣而作此篇也斷斷誠一

之貌也他技異端之技也有技才藝之技也若己有之不啻若自其口出皆樂人有善之甚也美士為彥黎衆也尚庶幾也媚妬也違猶戾也俾使也佛戾賢人所為使功不通於君也殆危也彥或作盤唯仁人放流之

迸諸四夷不與同中國此謂唯仁人為能

愛人能惡人

放去惡人媚嫉之類者獨仁人能之如舜放四罪而天下咸服

見賢而

不能舉舉而不能先命也見不善而不能

退退而不能遠過也

命讀為慢聲之誤也舉賢而不能使君以先己是輕慢於舉人

也好人之所惡惡人之所好是謂拂人之性

菑必逮夫身

拂猶俛也逮及也

是故君子有大道必

忠信以得之驕泰以失之

道行所由生財有大道

生之者衆食之者寡爲之者疾用之者舒

則財恒足矣

是不務祿不肖而勉民以農也

仁者以財發身不

仁者以身發財

發起也言仁人有財則務於施與以起身成其令名不仁之人有身貪於聚斂

以起財務成富

未有上好仁而下不好義者也未有

好義其事不終者也未有府庫財非其財

者也

言君行仁道則其臣必義以義舉事無不
成者其為誠然如已府庫之財為已有也

孟獻子

曰畜馬乘不察於雞豚伐冰之家不畜牛

羊百乘之家不畜聚斂之臣與其有聚斂

之臣寧有盜臣此謂國不以利為利以義

為利也

孟獻子魯大夫仲孫蔑也畜馬乘謂以士初試為
大夫也伐冰之家卿大夫以上喪祭用冰百乘之

家有采地者也雞豚牛羊民之所畜養以為財利者也國家利
義不利財盜臣損財耳聚斂之臣乃損義論語曰季氏富於周

公而求也為之聚斂非吾徒
也小子鳴鼓而攻之可也

長國家而務財用者必

自小人矣

言務聚財為己用者必
忘義是小人所為也

彼為善之小人

之使為國家菑害並至雖有善者亦無如

之何矣

彼君也君將欲以仁義善其政而使小人治其國家之事患難猥至雖云有善不能救之以其惡之

已著也

此謂國不以利為利以義為利也

禮記卷第十九

經三千四百三十二注三千五百一十三

儀礼有冠
礼冠義乃
其傳也
別錄屬吉
事

禮記卷第二十

冠義第四十三

鄭氏注

凡人之所以爲人者禮義也禮義之始在
於正容體齊顏色順辭令言人爲禮以此三者爲始容體正
顏色齊辭令順而后禮義備以正君臣親
父子言三始既備乃和長幼言三始既備乃君臣正父子親長幼

和而后禮義立立猶成也故冠而后服備服備而

后容體正顏色齊辭令順言服未備者未可求以三始也童子之服采衣

紒故曰冠者禮之始也是故古者聖王重

冠古者冠禮筮日筮賓所以敬冠事敬冠

事所以重禮重禮所以為國本也國以禮為本故

冠於阼以著代也醺於客位三加彌尊加

有成也阼謂主人之北也適子冠於阼若不醺則醺用酒於客位敬而成之也戶西為客位庶子冠於房戶外又因醺

焉不代父也冠者初加緇布冠次加皮弁次加爵弁每加益尊所以益成也已冠而字之成

人之道也字所以相尊也見於母母拜之見於兄弟

兄弟拜之成人而與為禮也玄冠玄端奠

摯於君遂以摯見於鄉大夫鄉先生以成

人見也鄉先生同鄉老而致仕者服玄冠玄端異於朝也成人之者將責成

人禮焉也責成人禮焉者將責為人子為

人弟為人臣為人少者之禮行焉將責四

儀礼有昏
礼昏義乃其
傳

者之行於人其禮可不重與

言其人以大禮者已接之不可以苟

故

孝弟忠順之行立而后可以爲人

人而后可以治人也故聖王重禮故曰冠

者禮之始也嘉事之重者也是故古者重

冠重冠故行之於廟行之於廟者所以尊

重事尊重事而不敢擅重事不敢擅重事

所以自卑而尊先祖也

嘉事嘉禮也宗伯掌五禮有吉禮有凶禮有賓禮有

軍禮有嘉禮而冠屬嘉禮周禮曰以昏冠之禮親成男女也

昏義第四十四

鄭氏注

昏禮者將合二姓之好上以事宗廟而下

以繼後世也。故君子重之。是以昏禮納采
問名。納吉。納徵。請期。皆主人筵几於廟而
拜迎於門外。入揖讓而升。聽命於廟。所以
敬慎重。正昏禮也。聽命謂主人聽使者所傳婿家之命父親醯子
而命之迎。男先於女也。子承命以迎。主人
筵几於廟。而拜迎于門外。婿執鴈入。揖讓
升堂。再拜。奠鴈。蓋親受之於父母也。降出
御婦車。而婿授綏。御輪三周。先俟于門外。
婦至。婿揖婦以入。共牢而食。合謹醢而酌醢。酌而無酬酢曰醢醢之禮如冠醢與其異者於

寢耳壻御婦車輪三周御者代之壻自乘其車
先道之歸也共牢而食合鬯而醕成婦之義敬慎重正

而后親之禮之大體而所以成男女之別

而立夫婦之義也男女有別而后夫婦有

義夫婦有義而后父子有親父子有親而

后君臣有正故曰昏禮者禮之本也言子受氣性純

則孝孝則忠也夫禮始於冠本於昏重於喪祭尊於

朝聘和於射鄉此禮之大體也始猶根也本猶幹也鄉飲酒

夙興婦沐浴以俟見質明贊見婦於舅姑

婦執筭棗栗段脩以見贊醴婦婦祭脯醢

祭醴成婦禮也成其為婦之禮也贊醴婦當作禮聲之誤也舅姑入室

婦見舅姑

婦以特豚饋明婦順也以饋明婦順者供養之禮主於孝順厥明舅

姑共饗婦以一獻之禮奠酬舅姑先降自

西階婦降自阼階以著代也言既獻之而授之以室事也降者各還其

燕寢婦見及饋饗於適寢昏禮不言厥明此言之者容大夫以上禮多或異日成婦禮明婦順

又申之以著代所以重責婦順焉也婦順

者順於舅姑和於室人而后當於夫以成

絲麻布帛之事以審守委積蓋藏室人謂女姁女叔諸

婦也當猶稱也後言稱夫者不順舅姑不和室人雖有善者猶不為稱夫也是故婦順備而

后内和理内和理而后家可長久也故聖

王重之順備者行和當事成審也是以古者婦人先嫁三月

推廣

天子
王后

祖廟未毀教于公宮祖廟既毀教于宗室
教以婦德婦言婦容婦功教成祭之牲用
魚芼之以蘋藻所以成婦順也

謂與天子諸侯同姓者也嫁女

者必就尊者教成之教之者女師也祖廟女所出之祖也公君也宗室宗子之家也婦德貞順也婦言辭令也婦容婉婉也婦功絲麻也祭之祭其所出之祖也魚蘋藻皆水物陰類也魚爲俎實蘋藻爲羹菜祭無牲牢告事耳非正祭也其齊盛用黍云君使有司告之宗子之家若其祖廟已毀則爲壇而告焉舌者天子后立六宮三

夫人九嬪二十七世婦八十一御妻以聽
天下之內治以明章婦順故天下內和而
家理天子立六官三公九卿二十七大夫
八十一元士以聽天下之外治以明章天

下之男教故外和而國治故曰天子聽男

教后聽女順天子理陽道后治陰德天子

聽外治后聽內職教順成俗外內和順國

家理治此之謂盛德

天子六寢而六宮在後六宮在前所以承副施外內之政也三

夫人以下百二十人周制也三公以下百二十人似夏時也合而言之取其相應有象天數也內治婦學之法也陰德謂主陰

事陰令也

是故男教不脩陽事不得適見於天日

爲之食婦順不脩陰事不得適見於天月

爲之食是故日食則天子素服而脩六官

之職蕩天下之陽事月食則后素服而脩

六宮之職蕩天下之陰事故天子之與后

猶日之與月陰之與陽相須而后成者也

適之言責也食者見道有虧傷也蕩蕩滌去穢惡也天子脩男教父道也后

脩女順母道也故曰天子之與后猶父之

與母也故為天王服斬衰服父之義也為

后服資衰服母之義也其父母者施教令於婦子者也故其服同資當為齊聲之誤也

鄉飲酒義第四十五 鄭氏注

鄉飲酒之義主人拜迎賓于庠門之外入

三揖而后至階三讓而后升所以致尊讓

也庠鄉學也盥洗揚觶所以致絜也揚舉也今拜

至拜洗拜受拜送拜既所以致敬也禮皆作騰拜拜至謂始升時

儀礼有鄉飲酒礼礼記有鄉飲酒義儀礼尚賢礼記尚齒儀礼是興賢之飲酒此鄉大夫所謂以礼賓者也礼記是序齒

之飲酒此堂
正所謂以礼
屬民而飲酒
于序以正齒
者也
鄉飲酒刑錄
屬吉事

拜拜尊讓絜敬也者君子之所以相接也君

子尊讓則不爭絜敬則不慢不慢不爭則

遠於鬪辨矣不鬪辨則無暴亂之禍矣斯

君子之所以免於人禍也故聖人制之以

道道謂此禮鄉人士君子尊於房戶之間賓主

共之也尊有玄酒貴其質也鄉人鄉大夫也士州長黨正也君子

謂卿大夫也卿大夫士飲國中賢者亦用此禮也共尊者人臣卑不敢專大惠羞出自東房主

人共之也羞燕私可以自專也洗當東榮主人之所以

自絜而以事賓也絜猶清也賓主象天地也介

俎象陰陽也三賓象三光也讓之三也象

大公曰三日成魄不成文理或云當作月三日而所明方是

月之三日而成魄也四面之坐象四時也

陰陽助天地養成萬物之氣也三賓象天三光者繫於天也古文禮儀皆作遵

天地嚴凝之氣

始於西南而盛於西北此天地之尊嚴氣

也此天地之義氣也天地溫厚之氣始於

東北而盛於東南此天地之盛德氣也此

天地之仁氣也

疑猶成也

主人者尊賓故坐賓於

西北而坐介於西南以輔賓賓者接人以

義者也故坐於西北

賓者接人以義言賓來以成主人之德

主人者

接人以仁以德厚者也故坐於東南而坐

僎於東北以輔主人也

以僎輔主人以其仕在官也

仁義接賓

主有事俎豆有數曰聖聖立而將之以敬

曰禮禮以體長幼曰德聖通也所以通賓主之意也將猶奉也德也

者得於身也故曰古之學術道者將以得

身也是故聖人務焉術猶藝也得身者謂成己令名免於刑罰也言學術道則此說

賓賢能之禮祭薦祭酒敬禮也齊肺嘗禮也啐

酒成禮也於席末言是席之正非專為飲

食也為行禮也此所以貴禮而賤財也卒

觶致實於西階上言是席之上非專為飲

食也此先禮而後財之義也先禮而後財

則民作敬讓而不爭矣非專為飲食言主於相敬以禮也致實謂盡酒也酒

為觴實祭薦祭酒齊肺於席中唯啐酒於席末也

鄉飲酒之禮六十者坐五

十者立侍以聽政役所以明尊長也六十

者三豆七十者四豆八十者五豆九十者

六豆所以明養老也民知尊長養老而后

乃能入孝弟民入孝弟出尊長養老而后

成教成教而后國可安也君子之所謂孝

者非家至而日見之也合諸鄉射教之鄉

飲酒之禮而孝弟之行立矣

此說鄉飲酒謂黨正國索鬼神而祭祀則

以禮屬民而飲酒于序以正齒位之禮也其鄉射則州長春秋以禮會民而射于州序之禮也謂之鄉者州黨鄉之屬也或則

鄉之所居州黨鄉大夫親為主人焉如今郡國下令長於鄉射飲酒從大守相臨之禮也

孔子曰吾觀

於鄉而知王道之易易也

鄉鄉飲酒也易易謂教化之本尊賢尚齒而已

主人親速賓及介而衆賓自從之至于門

外主人拜賓及介而衆賓自入貴賤之義

別矣

速謂即家召之別猶明也

三揖至于階三讓以賓升拜

至獻酬辭讓之節繁及介省矣至于衆賓

升受坐祭立飲不酢而降隆殺之義辨矣

繁猶盛也小減曰省辨猶別也尊者禮隆卑者禮殺尊卑別也

工入升歌三終主人獻

之笙入三終主人獻之間歌三終合樂三

終工告樂備遂出一人揚觶乃立司正焉

知其能和樂而不流也

工謂樂正也樂正既告備而降言遂出者自此至去不復

外也流猶失禮也立司正以正禮則禮不失可知一人或爲二人

賓酬主人主人酬介

介酬衆賓少長以齒終於沃洗者焉知其

能弟長而無遺矣

遺猶脫也忘也

降詔履升坐脩爵

無數飲酒之節朝不廢朝莫不廢夕賓出

主人拜送節文終遂焉知其能安燕而不

亂也

朝夕朝莫聽事也不廢之者既朝乃飲先夕則罷其正也終遂猶充備也

貴賤明隆殺

辨和樂而不流弟長而無遺安燕而不亂

此五行者足以正身安國矣彼國安而天

下安故曰吾觀於鄉而知王道之易易也

鄉飲酒之義立賓以象天立主以象地設

介僕以象日月立三賓以象三光古之制

禮也經之以天地紀之以日月參之以三

光政教之本也日出於東僕所在也月生於西介所在也三光三大辰也天之政教出於大辰

焉亨狗於東方祖陽氣之發於東方也祖

法也狗所以養賓陽氣主養萬物洗之在阼其水在洗東祖天

地之左海也海水之委也尊有玄酒教民不忘本

也大古無酒用水而已賓必南鄉東方者春春之爲言

春也產萬物者聖也南方者夏夏之爲言

假也養之長之假之仁也西方者秋秋之

爲言愁也愁之以時察守義者也北方者

冬冬之為言中也中者藏也是以天子之

立也左聖鄉仁右義偕藏也春猶蠢也蠢動生之貌也聖之言生

也假大也愁讀為摯摯斂也察猶察察嚴殺之貌也南鄉鄉仁貴長大萬物也察或為殺介必東鄉介

賓主也獻酬之禮主人將西賓將南介覲其間也主人必居東方東方

者春春之為言蠢也產萬物者也主人者

造之產萬物者也言禮之所共由主人出也月者三日則成

魄三月則成時是以禮有三讓建國必立

三卿三賓者政教之本禮之大參也言禮者陰也大

數取法於月也

射義第四十六

鄭氏注

別錄屬吉事射禮之傳

古者諸侯之射也。必先行燕禮。卿大夫士之射也。必先行鄉飲酒之禮。故燕禮者。所以明君臣之義也。鄉飲酒之禮者。所以明

長幼之序也。

言別尊卑老釋乃後射以觀德行也。

故射者。進退周還。

必中禮。內志正。外體直。然後持弓矢審固。持弓矢審固。然後可以言中。此可以觀德。

行矣。

內正外直。習於禮樂有德行者也。正鵠之名。出自此也。

其節。天子以騶虞。

爲節。諸侯以貍首爲節。卿大夫以采蘋爲節。士以采繁爲節。騶虞者。樂官備也。貍首者。樂會時也。采蘋者。樂循法也。采繁者。樂

不失職也。是故天子以備官爲節，諸侯以時會，天子爲節，卿大夫以循法爲節，士以不失職爲節，故明乎其節之志，以不失其事，則功成而德行立，德行立則無暴亂之禍矣。功成則國安，故曰射者所以觀盛德

也。

騶虞采蘋采繁今詩篇名。經首逸下云曾孫侯氏是也。樂官備者謂騶虞曰壹發五豝，喻得賢者多也。于嗟乎騶虞

嘆仁人也。樂會時者謂狸首曰小大莫處，御于君所，樂循法者謂采蘋曰于以采蘋，南澗之濱，循澗以采蘋，喻循法度以成君事也。樂不失職者謂采繁。是故古者天子以射選

曰被之童童，風夜在公。

諸侯，卿大夫士射者，男子之事也。因而飾之以禮樂也。故事之盡禮樂而可數爲以

立德行者莫若射故聖王務焉

選士者先考德行乃後決之於

射男子生而有射事長學禮樂以飾之

是故古者天子之制諸侯歲

獻貢士於天子天子試之於射宮其容體

比於禮其節比於樂而中多者得與於祭

其容體不比於禮其節不比於樂而中少

者不得與於祭數與於祭而君有慶數不

與於祭而君有讓數有慶而益地數有讓

而削地故曰射者射爲諸侯也

歲獻獻國事之書及計借物也

三歲而貢士舊說云大國三人次國二人小國一人

是以諸侯君臣盡志於

射以習禮樂夫君臣習禮樂而以流亡者

未之有也

流猶放也書曰流共工于幽州

故詩曰曾孫侯氏四

正具舉大夫君子凡以庶士小大莫處御

于君所以燕以射則燕則譽言君臣相與

盡志於射以習禮樂則安則譽也是以天

子制之而諸侯務焉此天子之所以養諸

侯而兵不用諸侯自為正之具也

此曾孫之詩諸侯之射節

也四正正爵四行也四行者獻賓獻公獻卿獻大夫乃後樂作而射也莫處無安居其官次者也御猶侍也以燕以射先行燕

禮乃射也則燕則譽言國安則有名譽譽或為與

孔子射於矍相之圃蓋

觀者如堵牆

矍相地名也樹菜蔬曰圃

射至於司馬使子路

執弓矢出延射曰賁軍之將亡國之大夫

家語此段
無不字止
云在此位也
文公曰呂氏
昇作豈不
在此位也是
後看家語
乃無不字當
從之

與為人後者不入其餘皆入蓋去者半入

者半

先行飲酒禮將射乃以司正為司馬子路執弓矢出延射則為司射也延進也出進觀者欲射者也賁讀為償

償猶覆敗也亡國亡君之國者也與猶奇也後人者一人而已既有為者而往奇之是貪財也子路陳此三者而觀者畏其義則或去也延或為誓又使公罔之裘序點揚解而語公

罔之裘揚解而語曰幼壯孝弟耆老好禮

不從流俗脩身以俟死者不在此位也蓋

去者半處者半序點又揚解而語曰好學

不倦好禮不變旄期稱道不亂者不在此

位也蓋勵有存者

之發聲也射畢又使此二人舉解者古者於旅也語語謂說義理也

三十曰壯者耆皆老也流俗失俗也處猶留也八十九十曰旄百年曰期頤稱猶言也行也者不言有此行不可以在此賓位

也序點或為徐點壯或為將庭
期或為旌勤今禮揚皆作騰
射之為言者繹也或

曰舍也繹者各繹己之志也故心平體正

持弓矢審固持弓矢審固則射中矣故曰

為人父者以為父鵠為人子者以為子鵠

為人君者以為君鵠為人臣者以為臣鵠

故射者各射己之鵠故天子之大射謂之射

侯射侯者射為諸侯也射中則得為諸侯

射不中則不得為諸侯
大射射祭擇士之射也以為某鵠者將射還視侯中之時

意曰此鵠乃為某之鵠吾中之則成人不中之則不成人也得為諸侯謂有慶也不得為諸侯謂有讓也天子將

祭必先習射於澤澤者所以擇士也已射

文公曰射中則得為諸侯不中則不得為諸侯此等語皆難信書謂燕頤護說侯以明之然中則若青翠之能又如何分別

大意略以射
審莊事以
此去取也

於澤而后射於射宮射中者得與於祭不

中者不得與於祭不得與於祭者有讓削

以地得與於祭者有慶益以地進爵絀地

是也

澤宮名也士謂諸侯朝者諸臣及所貢士也皆先令習射於澤已乃射於射宮課中否也諸侯有慶者先進爵

有讓者先削地

故男子生桑弧蓬矢六以射天地四

方天地四方者男子之所有事也故必先

有志於其所有事然後敢用穀也飯食之

謂也

男子生則設弧於門左三日負之人為之射乃卜食子也

射者仁之道也射

求正諸己已正而后發發而不中則不怨

勝己者求反諸己而已矣

諸猶於也

孔子曰君子

無所爭必也射乎揖讓而升下而飲其爭

也君子

必也射乎言君子至於射則有爭也下降也飲射爵者亦揖讓而升降勝者袒決遂執張弓不勝者襲說

決拾卻左手右加弛弓於其上而升飲君子恥之是以射則爭中

孔子曰射者何以

射何以聽循聲而發發而不失正鵠者其

唯賢者乎若夫不肖之人則彼將安能以

中

何以言其難也聲謂樂節也畫曰正棲皮曰鵠正之言正也鵠之言楷也楷直也言人正直乃能中也發或爲射

詩

云發彼有的以祈爾爵祈求也求中以辭

爵也酒者所以養老也所以養病也求中

以辭爵者辭養也

發猶射也的謂所射之識也言射的必欲中之者以求不飲女爵也

辭養讓見養也爾或爲有

儀禮有燕禮
燕義其傳也
別錄屬吉事

燕義第四十七

鄭氏注

古者周天子之官有庶子官庶子官職諸
侯卿大夫士之庶子之卒掌其戒令與其

教治別其等正其位

職主也庶子猶諸子也周禮諸子之官司馬之屬也卒讀皆為

倅諸子副代父者也戒令致於大子之事教治脩德學道位朝位也

國有大事則率國

子而致於大子唯所用之若有甲兵之事

則授之以車甲合其卒伍置其有司以軍

法治之司馬弗正

國子諸子也軍法百人為卒五人為伍弗不也國子屬大子司馬雖有軍

事不賦也

凡國之政事國子存游卒使之脩德學

道春合諸學秋合諸射以考其藝而進退

燕禮始此

之游卒未仕者也學大學也射射宮也燕禮有庶子官是以義載此以為說諸侯燕禮之義

君立阼階之東南南鄉爾卿大夫皆少進

定位也君席阼階之上居主位也君獨升

立席上西面特立莫敢適敬之義也定位者為其始入蹶蹶揖

而安定也設賓主飲酒之禮也使宰夫為獻主臣

莫敢與君亢禮也不以公卿為賓而以大

夫為賓為疑也明嫌之義也賓入中庭君

降一等而揖之禮之也設賓主者飲酒致歡也宰夫主膳食之官也天子使膳宰

為主人公孤也疑自下上至之辭也公卿尊矣復以為賓則尊與君大相近君舉旅於賓及

君所賜爵皆降再拜稽首外成拜明臣禮

爾與
迺同

也。君荅拜之禮，無不荅。明君上之禮也。臣下竭力盡能以立功於國，君必報之以爵祿。故臣下皆務竭力盡能以立功，是以國安而君寧。禮無不荅，言上之虛取於下也。上必明正道以道民，民道之而有功，然後取其什一。故上用足而下不匱也。是以上下和親而不相怨也。和寧禮之用也。此君臣上下之大義也。故曰燕禮者，所以明君臣之義也。

言聖人制禮因事以託政，臣再拜稽首是其竭力也。君荅拜之，是其報以祿惠也。

席小卿次上卿大夫次小卿士庶子以次

儀禮有聘禮
聘義其傳也
別錄屬吉事
秀岩李氏曰
聘義其首則
大戴禮朝事
篇之文其尾
則荀子法行
篇中語也

就位於下獻君君舉旅行酬而后獻卿卿

舉旅行酬而后獻大夫大夫舉旅行酬而

后獻士士舉旅行酬而后獻庶子俎豆牲

體薦羞皆有等差所以明貴賤也

牲體俎實也薦謂脯

醢也羞庶羞也

聘義第四十八

鄭氏注

聘禮上公七介侯伯五介子男三介所以

明貴賤也

此皆使卿出聘之介數也大行人職曰凡諸侯之卿其禮各下其君二等

介紹而

傳命君子於其所尊弗敢質敬之至也

質謂正自

相三讓而后傳命三讓而后入廟門三揖

而后至階三讓而后升所以致尊讓也

此揖讓主

謂賓也三讓而後傳命賓至廟門主人請事時也賓見主人陳擯以大客禮當已則三讓之不得命乃傳其君之聘命也三讓而後入廟門讓主人廟受也小行人職曰凡四方之使者大客則擯小客則受其幣聽其辭君使士迎于

竟大夫郊勞君親拜迎于大門之內而廟

受北面拜既拜君命之辱所以致敬也

也賜也賓

致命公當相再拜拜聘君之恩惠辱命來聘者也

敬讓也者君子之所以

相接也故諸侯相接以敬讓則不相侵陵

君子之相接賓讓而主人敬也

卿為上擯大夫為承擯士為紹

擯君親禮賓賓私面私覲致饗餼還圭璋

賄贈饗食燕所以明賓客君臣之義也

設大禮則

賓客之也或不親而使百則為君臣也

故天子制諸侯比年小聘三

年大聘相厲以禮使者聘而誤主君弗親

饗食也所以愧厲之也諸侯相厲以禮則

外不相侵內不相陵此天子之所以養諸

侯兵不用而諸侯自為正之具也

比年小聘所謂歲相問也

三年大聘所謂殷相聘也

以圭璋聘重禮也已聘而還圭璋

此輕財而重禮之義也諸侯相厲以輕財

重禮則民作讓矣

圭璋也尊圭璋之類也用之還之皆為重禮禮必親之不可以已之有過

復之也財謂辭琮享幣也受之為輕財者財可遙復重賄反幣是也

主國待客出入三

積餼客於舍五牢之具陳於內米三十車

禾三十車芻薪倍禾皆陳於外乘禽日五

雙羣介皆有饌牢壹食再饗燕與時賜無

數所以厚重禮也此聘禮也古之用財者不

能均如此然而用財如此其厚者言盡之

於禮也盡之於禮則內君臣不相陵而外

不相侵故天子制之而諸侯務焉爾不能均如此言

無則從其實也言盡之於禮欲令富者不得過也聘射之禮至大禮也質

明而始行事日幾中而后禮成非強有力

者弗能行也故強有力者將以行禮也禮成禮畢

也或曰酒清人渴而不敢飲也肉乾人飢而

行成

不敢食也。日莫人倦，齊莊正齊而不敢解
情以成禮節，以正君臣，以親父子，以和長
幼，此衆人之所難，而君子行之，故謂之有
行。有行之謂有義，有義之謂勇敢，故所貴
於勇敢者，貴其能以立義也。所貴於立義
者，貴其有行也。所貴於有行者，貴其行禮
也。故所貴於勇敢者，貴其敢行禮義也。故
勇敢強有力者，天下無事則用之於禮義，
天下有事則用之於戰勝，用之於戰勝則
無敵，用之於禮義則順治。外無敵，內順治。

荀子亦引此章微不同

此之謂盛德故聖王之貴勇敢強有力如此也勇敢強有力而不用之於禮義戰勝而用之於爭鬪則謂之亂人刑罰行於國所誅者亂人也如此則民順治而國安也

勝克敵也或為陳

子貢問於孔子曰敢問君子貴玉而

賤珉者何也為玉之寡而珉之多與

或作致也

孔子曰非為珉之多故賤之也玉之寡故

貴之也夫昔者君子比德於玉焉溫潤而

澤仁也

色柔溫潤似仁也潤或為濡

縝密以栗知也

縝緻也栗堅貌

廉

而不劓義也

劓傷也義者不苟傷人也

垂之如墜禮也

禮尚謙卑

此下首無

別錄投毒篇
及冠義以下至
聘義皆屬古事

李氏別錄無此
篇鄭氏曰舊說

屬喪也服患
以此篇大半皆

叩之其聲清越以長其終訕然樂也

樂作則有聲止

則無也越猶揚也訕絕止貌也樂記曰止如橐木

瑕不揜瑜瑜不揜瑕忠也

瑕王之病也瑜其中間美者玉之性善惡不相揜似忠也

孚尹旁達信也

孚讀為浮尹讀如竹

箭之筠浮筠謂玉采色也采色旁達不有隱翳似信也乎或作婁或為扶

氣如白虹天也精

神見于山川地也

精神亦謂精氣也虹天氣也山川地所以通氣也

圭璋特

達德也

特達謂以朝聘也璧琮則有幣惟有德者無所不達不有須而成也

天下莫不

貴者道也

道者人無不由之

詩云言念君子溫其如

玉故君子貴之也

言我也貴玉者以其似君子也

喪服四制第四十九

鄭氏注

凡禮之大體體天地法四時則陰陽順人

恩制

義制

情故謂之禮。譬之者，是不知禮之所由生

也。

禮之言體也。故謂之禮言大。有法則而生也。口毀曰譬。

夫禮吉凶異道，不得

相干，取之陰陽也。

吉禮凶禮異道，謂衣服容貌及器物也。

喪有四制，

變而從宜，取之四時也。有恩有理，有節有

權，取之人情也。恩者，仁也；理者，義也；節者，

禮也；權者，知也；仁、義、禮，知人道具矣。

取之四時，謂其

數也。取之人情，謂其制也。

其恩厚者，其服重，故為父斬衰三

年，以恩制者也。

服莫重也。

門內之治，恩揜義，門

外之治，義斷恩。資於事父以事君而敬同，

貴貴尊尊，義之大者也。故為君亦斬衰三

節制

八者權制

一父在為母二

童子婦人三言

而後事行者

四身自執事

者五无者

六偃者七數

者八老病者

權制

年以義制者也

資猶操也貴貴謂為大夫君也尊尊謂為天子諸侯也

三日而

食三月而沐期而練毀不滅性不以死傷

生也喪不過三年苴衰不補墳墓不培祥

之日鼓素琴告民有終也以節制者也資

於事父以事母而愛同天無二日土無二

王國無二君家無二尊以一治之也故父

在為母齊衰期者見無二尊也

食食粥也沐謂將虞祭時也補

培猶治也鼓素琴始存樂也三年不為樂樂必崩

杖者何也爵也三日授子

杖五日授大夫杖七日授士杖或曰擔主

或曰輔病婦人童子不杖不能病也百官

三年之喪

備百物具不言而事行者扶而起言而后
事行者杖而起身自執事而后行者面垢
而已禿者不髹偃者不袒跛者不踊老病
不止酒肉凡此八者以權制者也

五日七日授杖謂為君喪

也扶而起謂天子諸侯也杖而起謂大夫士也面垢而

已謂庶民也髹婦人也男子免而婦人髹髹或為免

三日不怠三月不解期悲哀三年憂恩之

殺也聖人因殺以制節

不怠哭不絕聲也不解不解衣而居不倦息也

此喪

之所以三年賢者不得過不肖者不得不
及此喪之中庸也王者之所常行也書曰
高宗諒闇三年不言善之也

諒古作梁楣謂之梁闇讀如鶉鷃之鷃闇

謂廬也廬有梁者所謂柱楣也

王者莫不行此禮何以獨善之

也曰高宗者武丁武丁者殷之賢王也繼世即位而慈良於喪當此之時殷衰而復興禮廢而復起故善之善之故載之書中而高之故謂之高宗三年之喪君不言書云高宗諒闇三年不言此之謂也然而曰言不文者謂臣下也

言不文者謂喪事辨不所當共也孝經說曰言不文者指小民也

禮斬衰之喪唯而不對齊衰之喪對而不

言大功之喪言而不議緦小功之喪議而

不及樂

此謂與賓客也唯而不對情者為之應耳言謂先發口也

父母之喪衰冠

繩纓菅屨三日而食粥三月而沐期十三
月而練冠三年而祥比終茲三節者仁者
可以觀其愛焉知者可以觀其理焉強者
可以觀其志焉禮以治之義以正之孝子
弟弟貞婦皆可得而察焉

仁有恩者也理
義也察猶知也

禮記卷第二十終

經五千三百三十二字
注二千九百八十一字

凡二十萬一千九百九十二字

經九萬七千七百五十九字
注一十萬四千二百三十三字



此撫州公使庫刻本禮記是
南宋淳熙四年官書於今日
為最古矣末有名銜一紙裝
匠誤分入釋文首不知者輒
認以為舊監本非也

嘉慶丙寅顧廣圻題



近張古餘太尊開工重刊
行世嘉惠學子惠成先德
兄收藏此書之志良可感
也若古香齋輟原本獨絕
我小讀書堆中其永寶
之哉 同頻并記



